



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


Az. 197.



UNIVERSITEITSBIBLIOTHEEK GENT



00000030252







THEOLOGIA

MORALIS

S. ALPHONSI DE LIGORIO.







SALPHONSI MARINE DE LIGORIC.

THEOLOGIA

MORALIS

S. Alphonsi De Ligorio,

FUNDATORIS CONGREGATIONIS SS. REDEMPTORIS AC OLIM EPISCOPI S. AGATHÆ COTHORUM.

ACCEDUNT :

1. Dissertatio P. Zachariæ in S. Alphonsi theol. mor.
2. Praxis confessarii ad benè excipiendas confessiones.
3. Examen Ordinandorum.
4. Epitome doctrinæ moralis et canonicæ ex operibus Benedicti XIV.
5. Decreta Romanorum Pontificum et Propositiones damnatæ.
6. Appendix I. De privilegiis, scilicet Episcoporum, Ecclesiasticorum et Religiosorum.
7. Appendix II. De prohibitione Librorum nocivorum.
8. Elenchus quæstionum reformatarum ab Auctore.
9. Index I. Auctorum, qui hoc in Opere citantur.
10. Index II. Capitulum et dubiorum.
11. Index III. Rerum notabilium, quæ in toto Opere continentur.

EDITIO NOVISSIMA, OMNIUM ACCURATIO, COLLATA CUM EDITIONIBUS VENETIS, ROMANIS ET BASSANENSIBUS AC CONTINENS QUIDQUID AUCTOR IN CÆTERIS ADDIDIT, REFORMAVIT VEL EXPLICAVIT.

Plurima in aliis Editionibus omissa restituenda, citationes innumeras corrigendas, permulta impressione corrupta castiganda et annotationes necessarias addendas

CURAVIT

P. MICH. HEILIG,

CONGR. SS. REDEMPT. PRESBYTER ET PROFESSOR THEOL. MOR.

TOMUS PRIMUS,


CONTINENS TRACTATUS DE CONSCIENTIA ET DE LEGIBUS.

A LIB. 1. NUM. 1. AD NUM. 208. INCLUS.

MECHLINIÆ.

P. J. HANICQ, SUMMI PONTIFICIS S. CONGREGATIONIS DE PROPAGANDA FIDE
ET ARCHIEP. MECHL. TYPOGRAPHUS.

M. D. CCC. XLV.



MONITUM

EDITORIS.

LECTORI BENEVOLO.

TANDEM aliquando in publicum prodit, quæ à multo tempore nova ex typis Mechliniensibus expectabatur Editio Theologiæ Moralis S. Alphonsi de Ligorio. Opus, quod innumeras post editiones et haud exiguos labores denno editur, non solum doctissimi et peritissimi prudentissimique auctoris, ast Sancti doctrina est, ipso Ecclesiæ catholicæ judicio probata. Quam itaque commendare aut contra ejus criminatores defendere utpote quæ ipso Ecclesiæ oraculo com-

miendata defensioneque est, supersedendum esse judicamus, sed nobis verbum faciendum est primò de vita scriptoris, pòst de vi apostolicæ approbationis Operis ac denique de ratione hujusce recentissimæ Editionis. Quamquam vix ullum vita eruditissimi sanctissimique viri, nostro ævo ferè æqualis, latere queat, non incongruè agere morique editorum obsecundare videmur, laudatissimi operis doctrinam ipsâ scriptoris vitâ auspicantes. Quæ cum sit tradenda, eam ex ipsa canonizationis bulla proferemus, licèt longiùs excurrat.

« Alphonsus (sunt verba Sum. Pontif. Gregorii XVI.) Neapoli V. Calendas Octobris anno 1696. claro genere ortus ac miram mentis alacritatem nactus, ut primùm excessit à pueris, ad humanitatis studia, tum ad severiores doctrinæ, deinde ad juris etiam disciplinam appulit animum; tanta porro in discendo felicitate ingenii usus est, ut decimum sextum ætatis annum vix ingressus, periclitata doctrina, juris utriusque lauream egregia cum laude sit adeptus. Patris voluntati obsecutus ad causas in foro dicendas, studium suum curasque convertit; quo in munere castè, integrèque versatus, illud tamen deserendum duxit, quod plenum turbarum, plenum periculi comperisset, inque Ecclesiæ castra divertit. Spretis itaque honestissimis nuptiis, avitisque fortune, quæ sibi, ut erat natu major, pertinebant, in fratrem ultro, libenterque delatis, rerum humanarum curam prorsùs abiecit.

• Tum sacris ordinibus initiatus, ac sacerdotii honore insignitus ad Dei gloriam quaqua versus amplificandam, ad inserenda in animis hominum virtutum semina, stirpesque vitiorum evellendas totus incubuit. Persuasum cum haberet, neminem planè ex apostolicis laboribus, uberem fructum esse percepturum, nisi et doceat, et faciat illud in primis, urgendum sibi proposuit, ut omnigenæ virtutis exercitio, seipsum exhiberet tamquam ministrum Dei, et dispensatorem Mysteriorum ejus. Castitatis nimirum quam dudum voverat Deo, custos semper fuit retinentissimus, id assiduè mente, actuque corporis contendens unicè, ut eam ab omni planè labe integram servaret; quod ut certo assequeretur Genitricis Dei præsidio illam fidenter commisit. Tam vehementi amoris impetu in Deum ferebatur, mentis ut aciem in eum perpetuò intenderit, ac nihil aliud habere in deliciis visus fuerit, quàm de illo cogitare ac loqui. Cum tanto divini amoris æstu incenderetur, facilè quisque intelligit, quàm ardenti in proximum charitate flagraverit. Quam obrem nihil laboris, nihil molestiarum recusavit umquam, ut vitis ac aculeis impholitos homines, in Dei sinum, complexumque reduceret. Hinc valedudinaria adibat spissimè, agris ut assideret,

• etsque in extreme præsertim vitæ periculo laborantibus præsto
 • esset; hinc admissa scelera confluentes patientissimè audiebat,
 • etque in munere integros ferè dies, atque etiam ad multam
 • noctem vigilabat; hinc ad conferiam populi multitudinem verba
 • plerumque futebat è suggestu tanto dicendi ardore, ut perditorum
 • perversionem expugnaret ac frangeret, scelerumque quibus obcal-
 • luerant, turpitudinem patefaciens, tanto doloris sensu animos
 • auditorum commovebat, ut eos ad lacrymas concitaret, fletuque
 • atque ejulatibus sacræ identidem ædes obsiderent. Quapropter
 • cùm neque diurnum tempus, neque nocturnum intermitteret, quin ad
 • proximorum salutem procurandam, omnes animi vires corporisque
 • conferret, assidua laborum contentione debilitatus ac fractus lethar-
 • lem in morbum incidit, ex quo ut primum ope divinâ relevatus est,
 • alacriori statim animo charitatis munia iterùm obire suscepit.

• Scilicet ubi primum ex supremi consilio Numinis ad novam se
 • religiosam societatem instituendam vocari cognovisset, ut ne in
 • tanta messis ubertate deficerent industrii cultores, nulla mole-
 • stiarum mole deterritus est, quia ejus operis, quod in maximum
 • Ecclesiæ commodum cederet, perfectionem urgeret. Itaque divino
 • auxilio subnixus, rem aggressus est, consiliaque et artes inferni
 • hostis molitionem novi operis pervertere conantis feliciter elusit.
 • Adscitis duodecim pietatis laude præstantibus viris fundamenta
 • jecit religiosæ sodalitatis, cui à SS.^{ss} Redemptore prænomen indi-
 • tum est; atque in eo potissimum erigendum proposuit, ut quâ
 • verbo, quâ exemplis agrestium præsertim hominum, qui per agros
 • vagarentur, profligatos mores ac perditos ad honestatem revocaret.
 • Illam brevi tempore per Italiæ urbes ac provincias, mirum in mo-
 • dum propagatam à Benedicto XIV Prædecessore nostro apostolicâ
 • confirmandam auctoritate curavit; eique ab eodem Pontifice sum-
 • mus moderator institutus, profectò ut ad omnium virtutum exer-
 • citationem sodales inflammaret exemplo suo.

• Humilitatis virtute quàm maximè præstitit; tametsi mira pro-
 • sùs de illius sanctitatis præstantiâ omnium animis insedisset
 • opinio, et illustrium dignitate virorum observantia honestaretur,
 • demissè tamen perpetuò de se sènsit, omnique se honore et
 • cultu indignum existimavit.

• Deiparam Virginem ut Filius Matrem singulari prorsùs pietate
 • prosequeretur, vehementique amoris ac venerationis sensu erga
 • Sacratissimum Eucharistiæ Sacramentum ferebatur, in quoque ado-
 • rando quamplures continentes horas mira animi dulcedine per-

• fusus traduxit. Corpus, ut in spiritûs servitutem ad Apostoli exemplum redigeret, domesticum tamquam hostem assidue coërcuit, atque omni tormentorum genere excruciauit. Tantum cibi, ac positionis eidem impertivit, quantum ad reficiendas vires, vitamque sustendendam satis vix esse videretur, imo villissimas, quas adhibuit, escas, ut omnem voluptatis sensum prorsûs extingueret, amarissimis aspergere succis consuevit. Præterea asperrimis ciliis ex equorum setis contextis latus subcingere, et ferreas membris catenulas admoveere numquam destitit; aculeatis verò flagris ita in suos artus sævire solitus fuit, ut affatim ex dilaniatâ carne micans sanguis solum parietesque perfunderet, quas porro cruentas maculas, ne illatæ sibi cædis indicium extaret, delere satagebat.

• Illud verò omnino mirandum, quòd licèt in apostolici functione muneris perpetuis occupationibus distineretur, atque adeo omni cruciatuum asperitate sua membra torqueret, ac debilitaret, tanta nihilominus mentis alacritate in rerum sacrarum studiis versari, ac tantum insumere tempus potuerit, ut doctis æque ac laboriosis operibus in lucem editis rem christianam mirificè juverit. Eaim verò ut se suasque vitæ rationes omnes divino cultui devoveret, maximè arduum, ac novi penè generis votum emisit, ut ne tantillum quidem temporis otiosè, verùm perpetua in actione traduceret. Plurimos sanè conscripsit libros, sive ad morum doctrinam tuendam, sive ad plenam sacri ordinis institutionem, sive ad confirmandam catholicæ religionis veritatem, sive ad asserenda hujus S. Sedis Apostolicæ jura, sive ad pietatis sensum in christianorum animis excitandum. In iis porro inusitatam vim, copiam varietatemque doctrinæ, singularia ecclesiasticæ sollicitudinis documenta, exquisitum religionis studium demirari licet. Illud verò imprimis notatu dignum est, quòd licèt copiosissimè scripserit, ejusdem tamen opera inoffenso prorsûs pede percurri à fidelibus posse, post diligens institutum examen perspectum fuerit.

• Hac tanta sanctimonix, atque eruditionis laude cùm floreret, Alphonsus Clementis XIII auctoritate ad Episcopalem sedem S. Agathæ Gothorum evectus est. Reformidavit vir sanctissimus impositi oneris gravitatem, quòd ut à se deprecaretur, rationes omnes adhibuit; verùm cùm ex Pontificis mente ipsam Dei voluntatem perspexisset, acquiescendum sibi, ac munus illud, cui ferendo imparem se præ humilitate sentiret, divino præsidio confidens, alacri erectoque animo suscipiendum judicavit.

» Jam verò difficile dictu est, quanta cura, ac studio, omnes
 » pastorales officii partes explere contenderit; gregi suo, quem
 » sibi commissum intelligebat, assiduus advigilavit, omnemque ad-
 » hibuit operam, ut ne una quidem ex concreditis sibi ovibus per-
 » ditum iret. Neque verò de severissima vivendi ratione ex illa
 » accessione dignitatis remisit quidquam, omnem in victu, cultu-
 » que corporis lautitiam devitavit; nihil in ejus ædibus, nihil in
 » domestica suppellectili superfluum ac splendidum. Pauperes mirâ
 » charitate complexus est, quibus alimenta, vestes stîpemque pro-
 » lixè erogabat, imò auream crucem, atque annulum episcopalem
 » vendere quandoque non dubitavit, ad eorum egestatem suble-
 » vandam. Puellis ut nuptui darentur, dotem de suo præbere,
 » adolescentes clericos, qui humili genere nati rerum inopia affli-
 » ctarentur, in bonarum artium disciplina suis alere impensis
 » consuevit. Sacris virginibus claustra, fœminis, quæ in periculo
 » amittendæ castitatis versarentur, ædes aperuit tamquam pudoris
 » perfugium. In diœcesi lustranda nullis neque viarum, neque
 » temporum asperitatibus retardatus affixa montium jugis oppidula,
 » dispersas per agros gentes sedulus invisibat, ac verbis ardore
 » plenissimis, ad virtutis amorem inflammabat, à scelerum tur-
 » pitudine deterrebat. Sacerdotum verò atque adolescentium, qui
 » ecclesiasticæ militiæ tyrocinium posuissent, curam gessit peculia-
 » rem. Sanè quam intenta cura allaboravit, ut in ipso ætatis flore
 » pietati succrescerent, et sacris præsertim disciplinis ritè imbueren-
 » tur, ut tandem ad sacrorum, christianæque plebis procurationem
 » pares evaderent. Maximè verò ad acuendos illorum animos va-
 » luisse dicenda est egregii Antistitis vita, siquidem in ejus mo-
 » ribus insipientes proposita oculis habebant illustria exempla con-
 » tinentiæ, religionis, pietatis, denique virtutum omnium, quibus
 » ornari atque instrui sacerdos oportet, si quidquam in communem
 » Ecclesiæ utilitatem conferre velit.

» Cùm tredecim annorum spatio ecclesiam sibi demandatam omni
 » pastoralî studio ac vigilantia in exemplum gubernasset, tan-
 » dem devexa jam ætate senex atque affecta etiam valetudine à
 » Pio VI Prædecessore Nostro venia pluries impetrata, ac demum
 » obtenta, gravissimum illud munus dimisit. Episcopatus itaque
 » negotiis expeditus ad suos sodales cùm se recepisset reliquum
 » vitæ non ad honestam quietem, verùm ad alias curas laboresque
 » vel in summa senectute contulit. Ita semper aliquid scriptiõni
 » mandavit, quod in fidelium utilitatem vertere intelligeret; ita

• numquam à concionibus abstinuit, ut hominum mores corrigeret, et eos quoad posset amore virtutis incenderet.

• Tandem cùm nonagesimum primum ætatis annum attigisset, propter ætatis jam ad metam ætatis pondere pressus, et gravi correptus morbo decubuit. Incredibili patientia toleratis, quæ acerrimè discrucietur morbi doloribus, et religiosæ Societatis, cujus auctor fuerat, sodales ad omnem virtutis laudem vehementissimè cohortatus, sanctissimæ Eucharistiæ viatico refectus est, ac sancta Olei unctione munitus. Quibus Ecclesiæ sacramentis religiosissimè susceptis, spiritus lætus atque alacer cui nil fuit antiquius, quàm ut à carcere corporis solutus, esset cum Christo, in Dei sinum placidissimè evolavit.

• Ut primùm de Alphonsi obitu fama percrebuit, ingens ad ejus feretrum concursus hominum factus est viri desiderio mœrentium, atque aliquid, quod in usum viventi fuisset, obsequii, et venerationis causa surripere decertantium. Nec fama defuit prodigiorum, quibus insignem Antistitis sanctitatem Deus Opt. Max. palam omnibus declaravit. Iis verò longè latèque pervulgatis, quæ jampridem invaluerat ipsius virtutum opinio mirum in modum aucta est, pluresque Principes viri, aliique dignitate conspicui, Regulares insuper ordines oppido multi enixis precibus apud Pium VI Pontificem Maximum contenderant, ut de Alphonsi vita sanctissimè traducta juridica acta conficerentur. His de more absolutis, severissimèque expensis, nec non diligentissimè perlustratis atque excussis, quæ in vulgus ediderat, operibus, ex sententia Congregationis sacris Ecclesiæ ritibus tuendis præpositæ Pius VII Decessor noster nonis maii anno 1807 decretum emisit, quo constare asserebatur de Ven. Alphonsi Mariæ de Ligorio virtutibus Theologalibus et Cardinalibus eorumque adnexis in gradu heroico.

• Tum in eodem sacro Consilio ad ea miracula perscrutanda ventum est, quæ Ven. Alphonsi gratia ab Omnipotenti Deo patrata esse affirmabantur.... Demum XII. kal. jan. 1815 Pontificias dedit litteras de beatorum honoribus Ven. Alphonso Mariæ de Ligorio quandoque cumque tribuendis: quod solemnî pompâ, ac splendidissima in Basilica Vaticana XVI kal. septembris 1816 perfectum est.

• Atqui post publici cultus honores Ven. Alphonso tributos alii plures in præsentî discrimine ejus opem experti sunt, planè ut perspicuum esset, quo plus operæ ac laboris ad amplificandam divini Nominis gloriam piissimus Antistes impenderat, eo majore

» in terris honore fidelium suae Domus dispensatorem cumulare Deum
 » pro sua benignitate voluisse. Quorum sane miraculorum celebritate
 » excitati cum Ferdinandus I utriusque Siciliae rex pietissimus,
 » alique Principes viri tum plerique ex S. E. R. Cardinalibus,
 » Archiepiscopis, Episcopis, ac Religiosi Ordines, imprimisque
 » Sodalitas à SS.^{mo} Redemptore nuncupata, quae Alphonso auctore
 » jure gloriatur, etiam atque etiam Plum VII obsecrarunt, ut de
 » beate Alphonso sanctorum fastis adscribendo in sacro Consilio
 » Ecclesiae ritibus tuendis quam primum referretur. Annuit humanis-
 » simè eorum precibus idem Decessor Noster, et de recentium
 » miraculorum veritate accuratissimè inquiri coeptum est.....

» Admirandis planè morborum curationibus juridicè probatis,
 » Pius VIII. Decessor Noster de illarum veritate decretum edidit III
 » Non. Decembris anno 1829. Postea cum in S. Consilio Ecclesiae
 » ritibus cognoscendis propositum de more fuisset, an tutò procedi
 » posset ad solemnem B. Alphonsi Canonizationem, atque omnia
 » praesto essent, quae juxta praxim Apostolicae Sedis necessariò
 » requirerentur, idem Pius VIII Pont. Max. Dominica quinta à Pascha-
 » libus solemniis, postquam in aede quirinali sacrum peregisset, XVII
 » Kal. Jun. 1830 sententiam suam declaravit, ad eandem Canoniza-
 » tionem tutò procedi posse. Jam verò Decretum illud nos exequi
 » cupientes, votisque libenter annuentes Sodaliitii à SS.^{mo} Redem-
 » ptore nuncupati, primum cum universo Collegio Venerabilium
 » Fratrum nostrorum S. E. R. Cardinalium rem communicavimus
 » in Consistorio secreto habito IV Id. Decembris 1838, qui in eam-
 » dem sententiam de sanctorum honoribus B. Alphonso Mariae de
 » Ligorio deferendis conspirarunt.

» Mox complures Venerabiles Fratres Archiepiscopos, Episcopos
 » in tantae rei consultationem adscivimus, actorumque omnium
 » seriem quae virtutes, et prodigia B. Alphonsi complecterentur,
 » illorum judicio subjecimus, tum oretenus in Consistorio publico,
 » in quo Dilectus Filius Antonius Maria Cagiano de Azevedo Aulæ
 » Nostrae Consistorialis Advocatus ipsius Beati causam peroravit,
 » tum etiam in scriptis, tradita nimirum accurata actorum relatione
 » ex authenticis ejus S. Consilii monumentis desumpta. Quibus præ-
 » missis, in semipublico Consistorio octavo Idus Maii coram Nobis
 » coacto, ad quod nedum Ven. Fratres Nostros S. E. R. Cardinales,
 » sed et Ven. Fratres Patriarchas, Archiepiscopos, Episcopos in
 » urbe praesentes accersivimus, eorumque sententiam rogavimus
 » super B. Alphonso sanctorum fastis adscribendo. Porro cum ad

• unum omnes affirmativam sententiam dixissent, et verò etiam
 • hoc honore B. Alphonsum augendi studiosissimos sese declarassent,
 • Nos à Dilectis Filiis Apostolicæ Sedis Notariis publica confici instrumenta mandavimus, et Venerabilium Fratrum suffragia Litteris
 • commissa, ac singulorum manu subscripta in Ecclesiæ Romanæ
 • Tabulario custodiri jussimus. Verumtamen à proferenda in re tanti
 • momenti peremptoria sententia abstinendum duximus, usque dum
 • indictis in urbe solemniurn jejuniorum diebus, atque Ecclesiis
 • etiam ad supplicandum Deo designatis, à cœlesti Patre luminum
 • sapientiæ suæ radios copiosius impetraremus.

• Præstituta tandem die VII Kalendas Junii, ad prædictam Canonizationem B. Alphonsi..... solemni ritu celebrandam in Vaticanam Basilicam festa pompa progressi sumus cum universi Cleri
 • Sæc. ac Regul. Ord. cum Romanæ Curiae et Aulæ Nostræ Proceribus
 • et Officialibus, denique cum prædictis Ven. Fratribus S. E. R. Cardinalibus, Patriarchis, Archiepiscopis et Episcopis. Antequam
 • sacris operaturi ad aram accederemus, Dilectus Filius Noster
 • Aloysius Tituli S. Callisti S. E. R. Presbyter Cardinalis Lambruschini per Consistorialis Aulæ Nostræ Advocatum iterum preces
 • humillimè exhibuit Christianorum Principum, Sacrorum Antistitum, ac populorum, ipsum B. Alphonsum in sanctorum ordinem
 • referri postulantium, ac nos in genua provoluti Angelorum Choros, Cœlitesque omnes deprecati sumus, Nobis ut propitii adessent,
 • dein ad iteratas instantias Spiritum Paracletum enixis precibus
 • obsecravimus, ut mentem nostram definitivam sententiam jamjam
 • prolaturam virtute suâ confirmaret. Postremò ad instantissimas
 • preces Causæ Postulatoris, atque adeo ad universæ Ecclesiæ vota,
 • atque ad accuratissimas, quæ de tanto negotio institutæ essent,
 • quæstiones, et Sacrorum Antistitum suffragia, quæ Deo adjuvante,
 • tulissent, animum advertentes, auctoritate Apostolicâ, quam
 • B. Petri Apostolorum Principis in suprema Ecclesiæ procuratio
 • licet immerito Successores obtinemus, in honorem Sanctæ et
 • Individuæ Trinitatis, in Catholicæ Fidei, et Religionis splendorem
 • et decus, solemnem ac decretoriam sententiam Nostram proferentes, B. Alphonsum Mariam de Ligorio christianarum virtutum
 • luce coruscantem, ac prodigiorum fama celeberrimum Sanctorum
 • Confessorum Pontificum numero adscripsimus, ejusque memoriam IV Nonas Augusti ab Ecclesia universa colendam statuimus. •

Hæc sunt, quæ de vita Auctoris dicenda esse putavimus. Cui, jam quæso, scriptori rerum moralium ab ipsa universa Ecclesia catholica tantis honoribus tantisque laudibus cumulari extollique

contigit? Quis unquam auctor theologiæ moralis tantam tamque scriptorum insignem meritis nactusque est approbationem? nonne talis universis rei moralis scriptoribus jure præferendus? Opus itaque edimus, in quo nihil, opinio nulla nullumque principium censuræ dignum ex ipso judicio Romanæ Ecclesiæ repertum est, cujus rei fidem mox laudandum Decretum super Revisione Operum S. Alphonsi plenissimam facit. Quænam verò sit apostolicæ approbationis vis mensque Ecclesiæ circa approbationem scriptorum servorum Dei ad effectum canonizationis patet ex doctrina Benedicti XIV de canonizatione Sanctorum lib. 2. Nostra jam tempestate omnia scripta Servi Dei inter beatos referendi examini vel maximè rigido juxta decreta Urbani VIII et laudatam doctrinam Bened. XIV subiciantur oportet. Finis autem judicii revisionis hujusmodi est, ut videatur an doctrina servi Dei sit ab omni theologica censura immunis. Censuræ verò theologicæ, cujus ipsemet Benedictus XIV varias species recenset, subjacet propositio hæretica, erronea, errori proxima, hæresim aut errorem sapiens, de errore suspecta, temeraria, scandalum præbens, piarum aurium offensiva, malè sonans, simplicium seductrix, schismatica, injuriosa, impia, blasphema. Revisores advertere debent, an operibus insit error contra fidem vel bonos mores aut doctrina nova et à sensu Ecclesiæ aliena. Quod ad novitatis notam spectat, nova doctrina erit, non quæ aliquid noviter, sed quæ verè nova, vana et inutilia scripturisve et Patribus adversantia exhibet. Revisoribus igitur incumbit unamquamque propositionem propria censura notare et judicium ferre de qualitate propositionum, ut in se sunt et independenter ab intentione proferentis, ita ut ad ulteriora procedi non possit, quamprimum constat, servum Dei aliquid scripsisse contra fidem, bonos mores et Ecclesiæ sensum, etiamsi bonâ intentione scripserit. Cùm jam instituto hujuscemodi examine ad effectum Canonizationis S. Alphonsi de Liguorio, Ecclesia declaraverit in ipsius operibus nihil censuræ dignum repertum fuisse, consequens erat, ut quilibet quas in sua Theologia Morali S. Alphonsus opiniones profitetur, tutò sequi possit et profiteri ac minimè inquietandus sit etiamsi rationes, quibus variæ nituntur opiniones, hæc expenderit. Libenter fatemur quidem, verba : *nihil censuræ dignum*, non positivam seu dogmaticam secum ferre approbationem, quâ doctrina immunis declaretur ab omni prorsus errore, tum ex iis, quos nunc Ecclesiæ constat esse errores, tum ex iis, quos in posterum per novas definitiones errores esse constare potest, cùm Sedes pontificia sententias auctoris non unicè veras et licitas omnibusque tenendas probavit, contra neutiquam reprehendendos esse

consent qui opiniones ab aliis probatis auctoribus traditas sequantur.
 • Videtur, inquit Bened. XIV. l. c. de canoniz. Sanctorum, num-
 • quam dici posse, à sancta Sede approbatam servi Dei doctrinam,
 • sed ad summum dici posse non reprobata, si revisores retule-
 • rant, aut in ejus operibus reperiri, quod adversetur decretis
 • Urbani VIII et judicium revisorum fuit à S. Congregatione appro-
 • batum, et à S. Pontifice confirmatum; prædictam ideo doctrinam
 • debita cum reverentia posse citra ullam temeritatis notam impu-
 • gnari, si modesta impugnatio bonis rationibus iuncta sit, etiam
 • postquam Dei servus, qui scripsit, inter beatos aut sanctos fuerit
 • relatus. » Ast quamvis scripta S. Alphonsi non positivè approbata
 perhibeantur, asserendum tamen verba Bened. XIV *ad summum*
dici posse non reprobata, non rectè ita intelligi, quasi S. Al-
 phonsi scripta duntaxat tolerata aut merè negativè approbata essent,
 ita ut nec constet, in his esse errorem, nec constet non esse, sed
 approbationem de qua queritur, veram esse approbationem, quam
 permissivam, aut permissionem approbativam vocare licet, quæ sc.
 constât, universam sancti nostri auctoris doctrinam immunem esse ab
 omni prorsus errore, quem jam nunc Ecclesiæ patet esse errorem.
 Summo itaque operta S. Alphonsi et singulari privilegio gaudent,
 quo ceteri non canonizati scriptores morales carent, cum non ex
 tam solempni judicio Ecclesiæ constet, nullum in ipsorum scriptis
 esse errorem, nullum principium erroneum, nullam erroneam opinio-
 nem. Nobis verò jam certissimum est ex judicio infallibili Ecclesiæ ca-
 tholicæ, in operibus, in integra Theologia Morali S. Alphonsi nullum
 principium reprobatum, nullam inesse opinionem contra fidem aut
 bonos mores, novam, alienam à sensu Ecclesiæ, hæreticam, erro-
 neam, errori proximam, hæresim aut errorem sapientem, de errore
 suspectam, temerariam, scandalum præbentem, plarum aurium of-
 fensivam, malè sonantem, simplicium seductricem, schismaticam,
 injuriosam, impiam, blasphemam. Quæ cum ita sint, quis non fate-
 bitur, in re morali, tam gravi, tam difficili, tot dubiis et questionibus
 obveluta, hujusmodi approbatione mirè tranquillari animos, quæ si
 non formaliter positiva dicatur, huic tamen practicè æquiparatur?

Quod ad rationem hujus recentissimæ editionis attinet, anim-
 advertendum maximopere hic solam et totam, qualis judicio Ecclesiæ
 probata nullaque censurâ digna fuerat declarata, in lucem præferri
 theologiam, ita ut quæ in catalogo operum impressorum et proba-
 torum servi Dei Theologia Moralis, editio nona Bassani 1783, inscri-
 bitur, hic tota quanta exhibeatur, quorundam duntaxat tractatum
 ordine diverso. Ast cum aliud opus, quod *Homo apostolicus* audit,

haud secus atque hæc magna Moralis, à qua procul dubio secundum est, ab omni censura immune declaratum sit, quæstiones aliquot morales inde deprompsimus atque huicce editioni inseruimus, ut universam doctrinam moralem S. Alphonsi, quantacumque sit, jam nunc lector habeat. Sunt imo in hac majoris molis Theologia loca quædam obscura et interpretatu difficilia, quæ tum ex laudato opere *Homo apostolicus*, tum ex prioribus editionibus, præsertim Romanis et Venetis explanare allaboravimus. Ipsum textum summæ habentes religioni, nihil omnino, quo sensus turbari potuisset, in eo immutavimus, sed si quid deerat, pro viribus restitimus. Dicere haud dubitamus, in editionibus prioribus vel optimis mancum tradi sæpenumero textum, quem jam nunc integrum afferimus. Tractatui de conscientia seu probabilismo multum præcipuè accessit perfectionis, numeris plurimis qui penitus omissi fuerant, restitutis. Neque illud silentio prætereundum, quod animus noster valde in hoc intendebatur, ut quæstiones, quas ipse auctor reformaverat, ubique textui insertæ aut subjectæ summa cum fide exhiberentur. Quæ S. Alphonsus idiomate suo, i. e. italico scripsit, in latinum vertimus, ne quid sit, quod à lectore linguæ italicæ ignaro non intelligatur. Quædam adjecimus, quæ nova à morte auctoris Sedis pontificiæ decreta prodire; ast quæcumque addita vel annotata fuerunt, semper in ima pagina subjecimus, de re monentes lectorem. Cùm verò hæc Theologia corpori legum civilium romanarum in decidendis quæstionibus juris innitur, lectori sub lege gallica constituto pergratum fore existimavimus si ad controversias justitiæ dirimendas præcipui Codicis civilis gallici articuli laudarentur. Accedit quoque dissertatio ad moralem prolegomena doctissimi P. Zachariæ, quæ ab ipso venerabili auctore *expetita*, insignis est in ipsius Moralem Introductio. Sunt etiam quædam alia, quæ in gratiam operis præmittenda esse censuimus quæque in primo volumine et summa in pagina numeris romanis indicantur ac continentur. Nemo nescit, S. Alphonsum frequentissimè in citandis scriptoribus nomina curta tantùm dimidiaque laudare; pergratum itaque lectori erit, in fine operis horum omnium indicem alphabeticum reperire, in quo nomina integrè scripta et ad numerum 800 excurrentia conspiciuntur. Quoad correctionem numerorum ex 800 auctoribus millies citatorum, multis non penitus satisfecisse videbimur, cùm non eosdem libros ac ejusdem editionis quos ipse S. Alph. ad manus habuit, habere potuimus. Curavimus tamen, ut cùm in aliis tum præsertim in citandis doctoribus Salmaticensibus, Tournely, Collet, Benedicto XIV et S. Thoma, necnon locis S. Scripturæ, juris canonici et conciliorum omnia quam accu-

ratissima essent. Ad rerum ordinem summopere animum attendentes in titulis et indicibus capitum plurima emendavimus, textum S. Auctoris sæpissime confusum jam nunc rectè à textu Busembai ubique distinximus, necnon quatuor libros priores loco movimus, hac præcipua ratione ducti, ut tractatus *de Conscientia, de Legibus et de Actibus hum. et Peccatis*, sibi proximè succederent, quemadmodum rerum ratio atque usus scholarum communis ferunt. Ne tamen hujusmodi mutationibus correctionibusve studiosus confunderetur lector, ipsum de omnibus opportuno loco monitum voluimus. Faxit itaque Deus, ut quæ à nobis pluribus aliis curis distentis elaborata et accurata in hac novissima exhibentur editione, ea sint, quæ superis hominibusque placeant!

MONITUM AUCTORIS

AD LECTOREM,

QUI ROGATUR LEGERE HANC PRÆFATIONEM PRO INTELLIGENTIA
TOTIUS OPERIS.

CUM præcipuum sit intentum nostræ minimæ Congregationis SS. Redemptoris Missionibus vacare, cumque Missionariorum exercitio necessariò annexum sit munus conscientias hominum instructionibus, et confessionibus dirigere : ideo plurimis abhinc annis excogitavi Juventuti Sodalitatis nostræ librum de re morali tractantem tradere, qui mediam inter alios aut nimis rigidos, aut nimis benignos viam teneret. Opus absolvi, sed quia nimis festinanter fuit illud typis demandatum, ut aliis satisfacerem, mihi non satisfeci; plura enim in eo vel non bene excusa exciderunt, vel confuso ordine fuerunt exposita. Idcirco, cum ea diligentiore examine, necnon clariore methodo indigere animadvertissem, animum ad secundam editionem applicui, in qua ad meliorem ordinem omnia redigere curavi, et utilissimis doctrinis librum copiosorem reddere. Nonnullas etiam opiniones (temporis decursu rebus ad utiliore trutinam revocatis), hominem me agnoscens, reformavi. Neque in hoc erubui, cum D. Augustinus non erubuerit in pluribus se retractare; sicut etiam D. Thomam fecisse testantur Cajetanus, Catharinus, et Capreolus, ac ipse Doctor Angelicus (3. p. quæst. 9. art. 4.) sic fassus est : quamvis alibi aliter scripserim. Ut enim Tullius dixit : Sapientis est mutare consilium. Et alibi : Numquam laudata fuit in una sententia permansio.

Tom. I.

b

Nemini autem superfluum videatur post tot libros scientiam moralem pertractantes hunc me suscepisse laborem, quasi actum agerem; cum etenim plurimos legerim Auctores, alios inveni, qui plus æquo indulgentes iis qui (ut ait Isaias cap. 30.) dicunt: Nolite aspicere nobis ea quæ recta sunt, loquimini nobis placentia, consuunt pulvillos sub eorum capite, ut in peccatis miserè conquiescant: haud enim dubitandum multum detrimenti Dei Ecclesiam sentire ex istorum Auctorum sectoribus, cum major hominum laxioris vitæ pars ad illos concurrat. Contrà verò reperi alios, qui qd reprobanda assueti quæcumque extremam rigiditatem non sapiunt, consilia cum præceptis confundunt, novisque mandatis conscientias aggravant, humanam imbecillitatem nihil pensi habentes, nihilque memores illius sacri canonis (cap. ult. de Transact.) qui admonet: In his verò, in quibus jus non invenitur expressum, procedas æquitate servata, semper in humaniorem partem declinando, secundum quòd personas et causas, loca et tempora videris postulare. Et hoc modo jugum Christi Domini, quod est suave, intolerabile reddunt, viamque salutis sic pluribus præcludunt, juxta illud S. Ambrosii: Sunt etiam in nobis qui timorem Domini habent, sed non secundum scientiam, statuentes duriora præcepta, quæ non possit humana conditio sustinere. In psalm. 118. Serm. 5. Utraque sanè extremitas maximè periculosa, nam prima spatiosam viam relaxatione ad perditionem aperit; altera (ut ait perdoctus Cabassutius in Theor. jur. Præf. ad Lect.) duplici tramite urget animas in ruinam, erronea scilicet conscientia et desperatione; cum plurimi, auditâ hæc rigidiorè doctrinâ, in mortalia labuntur vel credentes inesse lethale peccatum ubi non est, vel nimia difficultate deterriti, impossibile putantes eo modo posse salvâ salutis suæ curam penitus abjiciunt.

Propterea in lucem edere deliberavi hoc novum opus, quod inter opiniones nimis benignas et nimis severas medium locum teneret, quodque non tam diffusum esset, ut non facile legeretur, nec tam breve, ut in multis deficeret. Concinnatas in hoc reperies omnes quæstiones, et res morales, quæ magis ad praxim deserviunt. Ut verò sententias veritati conformiores seligerem in quacumque quæstione non parum laboris impendi; per plures enim annos quamplurima Auctorum

classicorum volumina evolvi tam rigide quam benigne sententiæ, quæ ullimò (ut arbitror) in publicam proliierunt. Præsertim autem sedulam operam navavi in annotandis doctrinis D. Thomæ, quas in suis fontibus observare curavi. Insuper in controversiis intricatioribus etiam doctos juniores consului.

Præterea hic invenies in suis propriis locis diligenti studio annotatos textus tum canonicos tum civiles ad rem pertinentes. Item propositiones damnatas, et (quod utilius) Decreta recentiora Summorum Pontificum; et præcipue Bullas, Sanctionesque nuper editas à SS. D. N. Papa Benedicto XIV. Necnon plurima hic exposui, quæ magis Missionum et Confessionum exercitio, quam librorum lectione didici. Ut autem iusta methodus servaretur, Medullam Hermannii Busembaum præmittendam censi, non jam ut omnes ipsius Auctoris opiniones approbarem, sed tantum ut ejusdem methodum sequeretur, quæ inter aliorum Auctorum methodos ad res morales exponendas valde accommodata mihi visæ fuit; deinde ut Tironibus nostræ Congregationis, juxta finem mihi principaliter propositum, magis prodessem, ad modum captu faciliorem meas Appendices studui exarare: in hoc enim maximè incubui, ut potius in claritate, quam in sermonis elegantia abundarem.

In delectu autem sententiarum ingens cura mihi fuit semper rationem auctoritati præponere; et priusquam meum ferrem judicium, in eo (ni fallor) totus fui, ut in singulis questionibus me indifferenter haberem, et ab omni passionis fuligine exspoliarem: quod satis, benevole Lector, ex eo cognoscere poteris, quòd ego non paucas sententias, quas in prioribus hujus Operis editionibus tenueram, in hac postrema mutare non dubitavi. Cæterum satégi ut plurimum meam exponere sententiam, justum pondus tribuendo majoris, vel æqualis, vel minoris probabilitatis cuique sententiæ, prout meæ imbecillitati visum fuit, ne ancipitem relinquerem Lectorem, more aliquorum, qui sententias aliorum tantum referentes, non parùm exosos legentibus se præbent. Ubi verò non inveni rationem pro una parte convincentem, non sum ausus oppositam damnare, more aliorum, qui nimis facile r. probant opiniones, quas plures et graves Auctores tuentur, quorum doctrinas prælaudatus N. SS. P. Benedictus (longè

ab illis alienus qui eas liberius parvipendunt) in suis elaboratis Operibus, et omnigena eruditione refertis, non sine æstimatione commemorat, et sæpe eis utitur; quin etiam ipsorum opinionibus non parùm defert, iisque innixus in multis Christi Fideles instruit, ut videre est in suo Bullario.

Cæterùm, benigne Lector, te admonitum volo, ne existimes me opiniones illas approbare, ex eo quòd non reprobem; eas enim quandoque fideliter exponam cum suis rationibus, et Patronis, ut alii pro sua prudentia, cujus ponderis sint, adjudicent. Deinde advertas, quòd cùm aliquam opinionem veriore voco, tunc contrariam non habeo ut probabilem, etsi non expressè ut improbabilem damnam. Insuper quando unum ex sententiis probabiliorem appello, nullo judicio dato de probabilitate alterius, aut utor hoc verbo, non audeo damnare, non propterea intelligo eam probabilem dicere, sed judicio prudentiorum remittere. Si autem observare vis quodnam systema tenendum ipse censeam circa moralium opinionum electionem, vide lib. 1. de Conscientia probabili num. 55. et seq. Vale.



BEATISSIMO AC SANCTISSIMO

PATRI

BENEDICTO XIV

PONTIFICI MAXIMO

ALPHONSUS DE LIGORIO.

TUÆ Dignitatis Majestas, Beatissime Pater, doctrinæ, atque eruditionis tuæ fastigium, ne tibi hoc meum Opus Morale simpliciori, ac prorsus humili stylo conscriptum exhiberem, aut suadere me omnino, aut dubitantem deterrere magno-perè debuissent: summa verò Sanctitatis Tuæ benignitas, ac ferventissimus zelus, qui in Te semper enituit, prius ut optimi Præsulis singularum Ecclesiarum partes absolveres, et deinde ut Summi universalis Ecclesiæ Pastoris muneri vigilantissimè satisfaceres, me impulerunt, ut hos tenues labores meos, quos nonnisi pro animarum salute suscipere, et in publicam

b..

edere lucem constitui , Tibi libentissimè dedicarem. Cùm enim fuisset Dei beneficio vocatus ad Missionum ministerium pro adjuvandis populis per rura dispersis , iisque potissimùm , qui spiritualibus magis destituuntur auxiliis , visa mihi ad hoc fuit necessaria scientia plus quàm mediocris Rerum Moraliū , quæ tum ad instruendas , tum ad regendas animas esset accommodata. Qua de re tam pro mea , quàm pro Juvenum nostræ Sodalitatis intelligentia , opportunum duxi opiniones probabiliore , utilioresque ad animarum salutem seligere. Cùmque plurimis per plures annos relectis Auctoribus tam benignæ , quàm rigidæ sententiæ , alios nimium benignitati indulgentes , alios nimium austeritati addictos comperissem , operæ pretium me facturum credidi , si librum ederem qui mediam viam tenens , sententias magis veritati consonas , magisque scitu necessarias ad conscientias dirigendas exponeret ; atque , hac arreptâ opportunitate , multa in eo ad praxim pertinentia , quæ Sacrarum Missionum exercitio didiceram , Fratribus meis committerem. Opus Deo juvante cœpi , et absolvi , et absolutum typis demandavi : quod cùm universè fuerit acceptum , rursusque debuerit publici juris fieri , in meliorem ordinem redegi , diligentius quibusdam doctrinis enucleatis , compluribus aliis adjectis , additisque insuper aliquibus Dissertationibus de infallibilitate Definitionum Pontificiarum , et de earumdem supra Concilia superioritate.

At quia libri omnes , qui ex Theologiæ principiis Fidei , ac morum controversias pertractant , Tibi soli debentur , qui et summus es Theologiæ Princeps , unusque Ecclesiæ Moderator , Divinæ Veritatis conservator , et vindex , unusque controversiarum Judex , ab ipso Deo singulari providentiâ ad hoc constitutus , prout dixit *Maximianus* Episcopus Constantinopolitanus (Epist. ad Orientales). « Omnes fines terræ , » omnesque veram Fidem profitentes in Romanorum Pontificum potentiam tamquam in Solem respicere , quem de » cæteris mortalibus ex terrarum Orbe Conditor Orbis elegit , cui Cathedram magisterii principaliter possidendam

» tenere perpetuo privilegii jure concessit , ut quisquis divi-
 » num aliquod , sive profundum nosse desiderat , ad hujus
 » præceptionis oraculum , doctrinamque recurrat. »

Hinc justè hoc Opus Tibi dicandum existimavi , eoque magis , quòd una ex præcipuis causis , quæ me ad illud edendum induxerunt , fuit , ut cognitas omnes haberent saluberrimas Bullas , Epistolasque Encyclicas tuas , quæ tantoperè profuerunt , et proderunt usque ad seculorum consummationem , universali morum reformationi cunctorum fidelium ; quandoquidem in eisdem S. T. summa prudentia neque ad nimium rigorem , neque ad nimiam benignitatem declinans , sed temporum defectui condescendens , mirà suavitate disposuit id quod cum ingenti animi fortitudine sibi proposuerat.

Fuit præterea mihi consilium plurimas in medium doctrinas proferre , quas ex aureis tuis Operibus sum edoctus , quibusque S. T. non pauca immortalī recordatione digna atque ediscenda universæ Reipublicæ Litterariæ tradidit. Hæc enim tua grandis doctrinæ eminentia non minùs , quàm reliquæ quæ in Te elucent virtutes , nempe morum integritas , admiranda à propinquis alienatio , prudentia singularis , incomparabilis salutis animarum zelus , et summo Sacerdotio apprimè necessarius , Te supremo Pontificatu dignissimum reddiderunt.

Demùm si Librorum dedicationes solent testes esse grati animi , ac non immemoris acceptorum ab aliquo magno Principe beneficiorum , cùm unus ipse sim ex Fratribus Congregationis SS. Redemptoris , cui Tu nuper Apostolicam Auctoritatem benignissimè accommodasti , oportebat jure merito , ut Tibi uni hoc Opus sisteretur , ac præterea nemini.

Tu igitur , Beatissime Pater , per illam , qua genus humanum complecteris , charitatem , per curam illam quam Christianis omnibus enixè et debes , et præstas , per illum ipsum cujus in terris vices fungeris Jesum Christum , excipe pietate qua soles hoc quaecumque munusculum , quod Tibi sacro , et præsentò , ut modereris , corrigas , deleas quidquid in eo

veritati absonum visum fuerit ; et si quid boni est , faveas , et tuearis , paternaque , ac Apostolica Benedictione tua prosequi non dedigneris tum Opus ipsum ut animarum prosit saluti , tum me , Sodalesque meos , ut in nostro ministerio divinæ gloriæ coöperantes , uberrimum in vinea Domini fructum reportare valeamus.

Nostrum autem erit jugiter Deo fundere preces , ut universo Christiano Orbi Sanctitatem Tuam diu servet incolummam , diuque in terris relinquat , quo tandem aliquando non sine omnipotentis Dei præsidio catholicæ Religionis hostes , omnesque à vera Fide aberrantes ad ovile , fideliumque cœtum , ad unicum salutis portum felicissimè deducantur.



COPIA DELLA LETTERA

VERSIO EPISTOLE

DEL SOMMO PONTEFICE

SUMMI PONTIFICIS

BENEDETTO XIV.

BENEDICTI XIV.

In commendazione dell' opera.

In commendationem hujus operis.

Dilecto Filio ALFONSO DE LIGONIO Presbytero
Congregationis SS. RedemptorisDilecto Filio ALFONSO DE LIGONIO Presbytero
Congregationis SS. Redemptoris

BENEDICTUS XIV.

BENEDICTUS XIV.

DILECTE FILI, SALUTEM ET APOSTOLICAM
BENEDICTIONEM.DILECTE FILI, SALUTEM ET APOSTOLICAM
BENEDICTIONEM.

ABBIANO ricevuta uano sua lettera degli otto di Giugno, unitamente col secondo Tomo della sua Morale, ed altri pure suoi Libri di minor mole; ma di gran profitto per la salute delle Anime. Noi la ringraziamo del regalo, ed avendo data una scorsa al libro della sua Morale (ch'è dedicato a Noi, del che rendiamo particolari grazie), l'abbiamo ritrovato pieno di buone notizie, ed ella può restar sicura del gradimento universale, e della pubblica utilità. Tratto tratto l'anderemo leggendo, e speriamo, che quanto leggeremo, corrisponderà a quanto abbiamo letto. Terminiamo col darle l'Apostolica Benedizione.

ACCEPINUS tuas litteras octavo Junii datas, simul cum secundo volumine tuæ Moralis, et cum aliis pluribus libris, qui, licet minoris molis sint, salutis tamen animarum maximæ erunt utilitati. Pro hoc dono gratias agimus, potissimum quod nobis tuum Opus morale dedicaveris; hoc cum cursim pervolvissemus, exquisitissimum esse atque integræ hominum societati certè approbatissimum utilissimumque fore judicavimus. Sedatè illud revolvemus, et legenda lectis digna fore speramus. Ut finem faciamus, apostolicam benedictionem tibi impertimur.

*Datum Romæ apud S. Mariam Majori
die 13 Julii 1755. Pontificatus
nostri anno decimo quinto.*

DECRETUM

SUPÉR REVISIONE, ET APPROBATIONE OPERUM MORALIUM, ASCETICORUM,
ET DOGMATICORUM, AC MSS. VEN. SERVI DEI

ALPHONSI MARIE DE LIGORIO

Fundatoris Congregationis SS. Redemptoris ac olim Episcopi St. Agathæ Gothorum,

A. S. RITUM CONGREGATIONIS EDITUM

ET A SS. D. NOSTRO PIO VII. PONT. MAXIMO

CONFIRMATUM.

Cum præter opera typis impressa Ven. Servi Dei Alphonsi Mariæ de Ligorio quamplurima scripta ejus manu exarata huc illuc dispersa haberentur, hinc commissa à Sac. Rituum Congregatione diligenti eorum perquisitione pluribus in diœcesibus, in quibus eadem scripta extabant, atque executioni mandata juxta instructionem R. P. D. Promotoris Fidei, et particulares litteras ad Ordinarios

singularum diœcesium datas, exhibitisque Sac. Rituum Congregationi processiculis diligentiarum in iisdem diœcesibus peractarum unà cum scriptis repertis, omnia, tam opera impressa, quàm scripta revisioni, ac censuræ ex praxi ejusdem Sacræ Congregationis subjecta fuère. Hæc autem sunt, etc.

Facta autem ad Congregationem ordinariam infrascripto die habitam per Em. et Rev. Dominum Cardinalem Saluzzo loco Em. et Rev. Domini Cardinalis Caracciolo Ponentis, plena relatione tam præfatorum operum impressorum, quàm aliorum MSS. omnium, *cùm nihil in iis censura dignum repertum fuerit*, sacra eadem Congregatio rescribendum censuit *procedi posse ad ulterius*, si SS. Domino nostro Pio VII. Popt. Max. placuerit. Die 14 maii 1803.

Quibus à me infrascripto secretario eidem SS. Domino nostro relatis, Sanctitas sua benignè annuit. Die 18 maii 1803.

JULIUS MARIA CARD. DE SOMALIA, S. R. C. PRÆFECTUS.

Loco † Sigilli

J. DE CARPINEO, S. R. C. SECRETARIUS.

CONSULTATIO.

EMINENTISSIMO AC REVERENDISSIMO DD. CARDINALI
POENITENTIARIO MAJORI.

EMINENTISSIME !

LUDOVICUS-FRANCISCUS-AUGUSTUS , Cardinalis de
Rohan - Chabot , Archiepiscopus Vesontionensis
doctrinæ sapientiam et unitatem fovere nititur

apud omnes diœcesis suæ qui curam gerunt animarum, quorum nonnullis impugnantibus ac prohibentibus Theologiam Moralem beati Alphonsi Mariæ à Ligorio, tanquam laxam nimis, periculosam saluti, et sanæ Morali contrariam, Sacræ Pœnitentiariæ oraculum requirit, ac ipsi unius Theologiæ Professoris sequentia dubia proponit solvenda :

1^o Utrùm sacræ Theologiæ Professor opiniones, quas in suâ Theologiâ Morali profitetur beatus Alphonsus à Ligorio, sequi tutò possit ac profiteri?

2^o An sit inquietandus Confessarius qui omnes beati Alphonsi à Ligorio sequitur opiniones in praxi Sacri Pœnitentiæ Tribunalis, hâc solâ ratione quòd à sanctâ Sede Apostolicâ *nihil in operibus Illius censurâ dignum repertum fuerit?* Confessarius de quo in dubio non legit opera beati Doctoris nisi ad cognoscendum accuratè ejus doctrinam, non perpendens momenta rationesve quibus variæ nituntur opiniones; sed existimat se tutò agere eo ipso quòd doctrinam quæ *nihil censurâ dignum* continet, prudenter judicare queat sanam esse, tutam, nec ullatenùs sanctitati Evangelicæ contrariam.

DECISIO.

Sacra Pœnitentiaria, perpensis expositis, Reverendissimo in Christo Patri S. R. E. Cardinali Archiepiscopo Vesontionensi respondendum censuit :

Ad primum quæsitum : Affirmativè, quin tamen indè reprehendendi censeantur, qui opiniones ab aliis probatis auctoribus traditas sequuntur.

Ad secundum quæsitum : Negativè, habitâ ratione mentis sanctæ Sedis circa approbationem scriptorum servorum Dei ad effectum Canonizationis.

Datum Romæ, in sacrâ Pœnitentiariâ, die 5 julii 1851.

A. F. DE RETZ, S. P. REGENS.

F. FRICCA, S. P. SECRETARIUS.

FRANCISCI ANTONII ZACHARIÆ,

**MUTINENSII DUCIS BIBLIOTHECARI AC OLIM SOCIETATIS
JESU THEOLOGI,**

DISSERTATIO

AD ALPHONSI DE LIGORIO

MORALEM THEOLOGIAM PROLEGOMENA

DE CASUISTICÆ THEOLOGIE ORIGINIBUS, LOCIS ATQUE PRÆSTANTIA.



ALPHONSO DE LIGORIO

VIRO DOCTISSIMO

FRANCISCUS ANTONIUS ZACHARIAS

S. P. D.

MIRATUS equidem sum, Vir clarissime, de rebus tuis tam humiliter demisseque sentire Te, ut Theologiam tuam ipsi Romanorum Pontificum doctissimo Benedicto XIV maxime pro-

batam , è Remondiniano Typographio tertium prodire nolueris quin exstaret in Operis fronte Dissertatio quæpiam à me elucubrata. Sed quoniam tuæ voluntati obtemperandum fuit , ne benevolentia erga me tuæ ingratus , honorisque , qui inde in me derivabatur , minus æquus æstimator viderer , non alteri certe , quam tibi qualiscumque hæc Dissertatio debuit inscribi. Eam igitur veluti tuam libens excipe. Vide tamen , ne celeberrimi Operis tui inornata hæc , indigestaque tractatio existimationi palam officiat. Quidquid de illa statueris , erit mihi pergratum , nam etsi indignam illam judicabis , quæ cum Opere tuo prodeat , satis mihi erit , probasse me tibi meam in te voluntatem. Vale.

Mutinæ ex serenissimi Mutinensium
Ducis bibliotheca.

DISSERTATIO

PROLEGOMENA. (1)

PARS I. HISTORICA.



CAPUT I.

Quinam libri prioribus sex Ecclesiæ seculis usui essent in re morali.

Poenitentiae administratio ab ipso nascentis Ecclesiæ exordio eo loco habita fuit, quem tanti Sacramenti dignitas postulabat. Quamobrem non Sacerdotum arbitrio relicta fuit; sed certis adstricta regulis, quæ in librum conferebantur ejus ministris usui futurum. Romanorum cum primis Pontificum Decretales Epistolæ, Siricli,

(1) Licet hæc dissertatio in Editione nona Bassanensi anni 1785 trutinæ sanctæ Sedis subjecta, non contineatur, attamen omnibus gratum fore duximus si illam integram referamus, cum sit valde excellens et Auctor ipse eam desideraverit, ac more scholarum etiam in præsentem Theologiam moralem introductio quæpiam præmittenda esse videatur.

Edit.

C..

Innocentii, Cœlestini, Leonis etc. in eo libro continebantur. Episcopi enim, et fideles ipsi sæpe de rebus ad pœnitentiæ disciplinam pertinentibus Romanos Pontifices consulebant. Quin reges ipsos minime puduit Pontificibus litteras dare, ut ab illis pœnitentiæ suorum scelerum subeundæ rationem acciperent. Exstat hanc in rem illustre Theodeberti Francorum Regis exemplum. Interrogavit ille Vigilium Papam, qua pœnitentia plectendus is esset, qui fratris sui uxorem duxerat. Ac Vigilius quidem quæstioni satisfacit, data ad Cæsarium Arelatensem Episcopum epistola, quæ Tomo I. Conciliorum Galliæ legitur ad ann. 538. pag. 246. Hujusmodi ergo Romanorum Pontificum responsa, epistolæque in codicem referebantur, atque ad eas pœnitentiæ administrandæ ratio exigebatur.

II. Accessere Patrum sententiæ, canonesque pœnitentiæ ab illis editi quum interrogati ab aliis fuissent, quid de tota hac re sentirent. Celeberrima in his est S. Petri Alexandrini Martyris canonica Epistola scripta, ut fertur, anno 306. Cum Jo. Zonaræ, et Theodori Balsamonis scholiis Parisiis primum à Cl. Frontone Ducæo nostro edita fuit; deinde Oxoniæ à Gulielmo Beveregio T. 2. *magni Synodici*. Sequuntur deinde, quæ sæpius cum Canonicis epistolis, et inter cetera auctorum suorum opera recusæ sunt, S. Athanasii ad Rufinianum, S. Basilii ad Amphiloichium, et S. Gregorii Nysseni ad Letoium in Episcopatu Melitines Cappadociæ Otreii successorem epistolæ.

III. In Conciliis quoque pœnitentiæ ratio universa non semel constituta fuit. Fortunatus alique Episcopi ad S. Cyprianum dedere litteras, quibus eum rogabant, ut in Episcoporum Synodo constitueret, num post pœnitentiæ triennium ad *communicationem* essent admittendi, qui vi tormentorum subacti *de gradu gloriæ, ad quam plena fidei virtute tendebant, diutinis cruciatibus exciderant?* Respondet autem Cyprianus *epist. Baluz. edition. 53.* videri sibi non esse illis *veniæ locum claudendum*: addit tamen: *quoniam tamen scripsistis, ut cum pluribus collegis de hoc ipso plenissime tractem, et res tanta exigat majus, et impensius de multorum collatione consilium..... tractabo cum singulis plenius, ut de eo, quod consuluistis, figatur apud nos, et rescribatur vobis firma sententia multorum Sacerdotum consilio ponderata.* Caldonius quoque Cyprianum consuluit *ep. 18,* quid illis faciendum, qui postea quam *sacrificaverunt, iterato tentati extorres sunt facti, et reliquerunt possessiones, quas nunc fiscus tenet.* Pacem enim petebant, antequam fidei causa ad exilii locum properarent. Quid vero Caldonius? *Quamvis, inquit, mihi videantur debere pacem accipere, tamen ad consilium vestrum eos dimisi, ne videar aliquid temere præsumere. Si quid ergo ex communi consilio placuerit, scribite mihi.* Porro Cyprianus *ep. 19.* Caldonio rescribit, recte illum sensisse circa impertiendam fratribus pacem, laudat tamen illum, quod *exercitatus, et in Scripturis Domini peritus caute omnia, et consulte gerat.*

IV. Multo id luculentius in caussa Libellaticorum eluxit. Hæc ad Clerum Carthaginensem scribebat ep. 13. idem Cyprianus : *Desiderastis in hac re formam à me vobis dari : satis plene scripsisse me ad hanc rem proximis litteris ad vos factis credo , ut qui libellum à Martyribus acceperunt , et auxilio eorum adjuvari apud Dominum in delictis suis possunt , si premi infirmitate aliqua et periculo cæperint , exomologesi facta , et manu eis à vobis in pœnitentiam imposita , cum pace à Martyribus sibi promissa ad Dominum remittantur . Ceteri vero , qui nullo libello à Martyribus accepto invidiam faciunt.... expectent de Domini protectione Ecclesiæ ipsius publicam pacem . Hoc enim et verecundiæ et disciplinæ et vitæ ipsi omnium nostrum convenit , ut præpositi cum Clero convenientes , præsentem etiam stantium plebē , quibus et ipsis pro fide , et timore suo honor habendus est , disponere omnia consilii communis religione possimus .* Cypriani consilium exspectandæ publicæ pacis , ut deinde sic collatione consiliorum cum Episcopis , Presbyteris , Diaconis , confessoribus pariter ac stantibus laicis facta lapsorum tractaretur ratio , probatum fuit Clero Romano epistola inter Cyprianicas XXXI. Quid autem factum sit persecutione sopita , docet ipse Cyprianus LII. ad Antonianam epistola . Cum data , inquit , esset facultas in unum conveniendi , copiosus Episcoporum numerus... in unum convenimus , et Scripturis divinis ex utraque parte prolatis , temperamentum salubri moderatione liberavimus , ut nec in totum spes communicationis , et pacis lapsis denegaretur , ne plus desperatione deficerent , et eo quod sibi Ecclesia clauderetur , secuti sæculum gentiliter viverent , nec tamen rursus censura evangelica solveretur , ut ad communicationem temere proziliarent , sed traheretur diu pœnitentia , et rogaretur dolenter paternalis clementia , et examinarentur causæ , et voluntates , et necessitates singulorum , secundum quod LIBELLO continetur , quem ad te pervenisse confido , ubi singula placitorum capita conscripta sunt .

V. Vides hic à Conciliis de pœnitentia ac reconciliatione leges latas ; vides præterea in libellum coniecta placitorum capita . Libelli porro huiusmodi regulæ instar erant in statuenda , definiendaque pœnitentia . Quamquam conjecturis opus non est , ut à Conciliis de pœnitentia editos canones intelligamus . Exstant hodieque Canones Hyberitani , Ancyрани , et Nicæni primi Concilii , quorum multi ad pœnitentiam spectant . Horum summam uti et eorum , quos SS. Petrus Alexandrinus , Basiliius , et Gregorius uterque Nyssenûs , et Thaumaturgus suis in canonicis epistolis tulerunt , exhibet clariss. Francolinus de pœnitentiæ disciplina . l. 1. c. 4. et 5. Nos ex eo illam sequentibus capitibus dabimus .

CAPUT II.

Græcorum aliquot Patrum, nempe S. Petri Alexandrini, S. Gregorii Thaumaturgi, S. Basilii, et S. Gregorii Nysseni Canones Pœnitentiales.

§. I.

Canonum S. Petri Alexandrini summa.

Primo Canone jubet, eos, qui post multa tormenta ex imbecillitate cesserant hostibus fidei, et sacrificaverunt, jamque trium annorum pœnitentiam peregerant, aliis quoque quadraginta diebus manere in pœnitentia, et sic admitti.

Can. 2. Eos qui solo carceris squalore afflicti lapsi erant post triennium pœnitentiæ jam peractæ, alterius quoque anni pœna puniri jubet.

Can. 3. Triennali pœnitentia castigat eos qui nihil tale passi, solo metu victi fuerant.

Can. 4. Eos qui post lapsum non recurrerant ad remedia pœnitentiæ, execrabiles esse dicit tamquam eam ficulneam infructuosam, cui Christus in Evangelio maledixit.

Can. 5. Semestri pœnitentia castigat eos, qui simularant accedere ad aras, vel scribere, quod fidem negabant, non nude autem, et aperte hoc fecerant, sed arte aliqua eos qui vim afferebant, deluserant.

Can. 6. Servos, qui dominorum jussu, ac minis compulsi sacrificarant, anno punit.

Can. 7. Dominis, qui servos sacrificare coegerant, et ipsi sacrificare simularant, triennii pœnam injungit.

Can. 8. Mandat, ut recipiantur illi, qui lapsi in quæstione fidei; sed postea pœnitentia ducti, fortiter se Christianos esse professi erant, et in carcerem traditi tormenta quoque sustinuerant.

Can. 9. Recipi similiter mandat eos qui temere tyrannis seu tortoribus obtulerant se, ignorantes, non licere his se periculis objicere, et hostes fidei in se, et in alios fideles irritare.

Can. 10. Arcet à sacro ministerio eos Clericos qui sponte, ac temere fidei certamen ingressi, postea tormentis victi, lapsi erant, quamvis nova fidei confessione lapsum emendassent; quia videlicet non debebant se periculo exponere, et sibi commissam populi docendi curam deserere. Admitti tamen eosdem vult ad communionem cum fidelibus, ne si hac quoque priventur, alii qui lapsi sunt, resurgere negligant.

Can. 11. Vult preces et alia pia opera Deo offerri pro iis, qui

sponte certamen ingressi, et postea lapsi in tormentis, poenitentiam egerant; nec vult, eos fidelium communione privari.

Can. 12. Docet non esse reprehendendos eos qui se ipsos, datis pecuniis, tortura liberarant; maluerantque suæ pecuniæ quam suæ animæ jacturam facere.

Can. 13. Negat similiter, esse culpandos eos, qui, relictis suis facultatibus, recesserant, timentes, ne vi tormentorum abnegare fidem cogerentur, etiamsi alii detenti essent et puniti propter ipsos. Subintellige, *servatis servandis*.

Can. 14. Docet, posse manere in sacro ministerio, et collocari inter Confessores eos, qui profano sacrificio adesse, et ex idolothytis carnes comedere, et vinum bibere coacti fuerant, ore videlicet violenter aperto, ingessoque cibo, et potu sacrilego; cum interea sibi manus uri, aliisque modis torqueri se sinnerent, nec ullo modo ministrorum improbitati annuere se, significarent.

Can. 15. Et ultimo dicit, citra omnem reprehensionem servari in ea Ecclesia traditionem, et præceptum jejunii quartæ, et sextæ feriæ.

Hi Petri Alexandrini Canones sunt, nec ut vides, sunt admodum severi. Severiores condidit Gregorius Thaumaturgus in vindictam, et curationem eorum scelerum, quæ ut supra dicebam commissa à quibusdam fidelibus per summam impietatem fuerant, occasione barbaricæ incursionis.

§. II.

Canones S. Gregorii Thaumaturgi.

Primo Canone dicit, non esse laborandum de iis, qui idolothyta sibi à suis dominis apposita comederant; cum præsertim constans fama esset, barbaros in ea incursione idolis non sacrificasse, nec similiter damnandas eas captivas mulieres, quibus per vim barbari erant abusi, nisi jam antea et aliunde prava fuisset ipsarum vita.

Can. 2. Abdicat, id est ejicit ab Ecclesia eos, qui impia quadam avaritia rapuerant ea, quæ ex barbarica deprædatione relicta fuerant, veluti consummantes impietatem barbarorum, putantesque, esse sibi lucri tempus quod erat exitii communis.

Can. 3. Idem delictum ab impiis his furibus commissum exaggerat, docetque, esse habendum tamquam Deo dedicatum quidquid reperitur à nobis, quod nostrum non est, sed alienum.

Can. 4. Pergit expendere prædicti furti gravitatem.

Can. 5. Damnat eos, qui aliena, quæ repererant, retinebant, loco rerum propriarum, quas in ea calamitate amiserant.

Can. 6. Mandat inquiri, an verum esset quod audierat, nempe aliquos ejus regionis Christianos ausos vi detinere captivos, qui ex barbaris fugiebant, quod dicit esse factum impium, et incredibile.

Can. 7. Dicit nec esse admittendos ad divinarum laudum auditionem eos Christianos, qui postquam captivi facti sunt, barbaris consenserant, et cum eis veluti barbari effecti sui generis Christianos interfecerant, vel vias barbaris ignotas, et ad Christianos ducentes ostenderant.

Can. 8. Incipit magis determinate poenas taxare, eos proinde qui alienas domos invadere ausi fuerant, si accusati convincerentur, nec auditione dignos esse pronunciat. Sin autem se ipsos enunciascent, referri debere in numerum poenitentium secundae classis, nempe audientium.

Can. 9. Mahdat, ut qui in campo, vel in aedibus aliquid à barbaris relictum invenerant, si accusati convicti fuissent, referrentur in ordinem poenitentium tertiae classis, nempe substratorum.

Can. 10. Docet, debere eos qui res alienas invenerant, eas reddeere sine lucro, nec aliquid exigere veluti pretium inventionis, vel custodiae.

Can. 11. Et ultimo statuit locum poenitentium secundum diversos illos quatuor poenitendi gradus; hoc modo : *Fletus, seu luctus est extra portam templi, ubi peccatorem stantem oportet fideles ingredientibus orare, ut pro se precantur. Audilio est intra portam in porticu, ubi oportet, cum qui peccavit, stare usque ad catechumenos, et illinc egredi. Audiens enim Scripturas, et doctrinam ejiciatur, et precatione indignus censeatur. Subjectio autem, seu substratio est, ut intra templi portam stans cum catechumenis non egrediatur. Congregatio, seu consistentia, ut cum fidelibus consistat, et cum catechumenis non egrediatur. Postremo est participatio Sacramentorum.*

§. III.

Canones S. Basilii.

S. Basilius Archiepiscopus Caesaræ Cappadociæ ad Amphiloctum, Iconii Episcopum, à quo consultus fuerat, rescribens, quæstionibus de moribus, et de punitione delinquentium ab eo propositis per Canones octoginta quinque respondet. Sunt autem qui sequuntur, omisso primo, quo agitur de aliquibus Hæreticorum sectis, eorumque legitimo, aut illegitimo Baptismo, et de Schismaticis, et celebrantibus illegitimos conventus, et de ratione agendi cum utrisque.

Can. 2. Quæ de industria fœtus corrumpit, abortum faciens, cædis poenas luit, etc. Oportet autem non usque ad obitum eorum confessionem extendere, sed decem quidem annorum mensuram admittere : definire autem non tempore, sed modo poenitentis medicinam oportet. Scilicet hoc tempus decenni contrahendum,

ant protrahendum est pro mensura doloris, et humilitatis, quam pœnitens ostendit.

Can. 3. Diaconus post Diaconatum fornicatus à Diaconatu quidem ejiciatur, in laicorum autem locum extrusus à communione non arcebitur etc. In fine monet scire Episcopum debere quæ sunt summi juris, et quæ sunt consuetudinis, ut videlicet pœnas summo jure statutas temperare sciat ex consuetudine, si præsertim qui deliquit, sit emendatus; nam, inquit, *verior est medicina recessus à peccato.*

Cap. 4. Trigamorum, et polygamorum eundem Canonem designamus etc. Oportet autem non eos omnino arcere ab Ecclesia, sed dignari auditione duobus, vel tribus annis, et postea permitti quidem consistere, seu in fidelium esse congregatione, à boni tamen (id est Eucharistiæ) communione abstinere, et sic postquam aliquem pœnitentiæ fructum ostenderint, communionis loco restituere.

Cap. 5. Hæreticos, qui in excessu à vila pœnitentiam agunt, recipere oportet; recipere autem non sine judicio, sed examinautes, an veram pœnitentiam ostendant, et si fructus habent, qui salutis studium testificentur.

Can. 6. Canonicorum fornicatio pro matrimonio non reputetur etc. Canonicos dicit (inquit Balsamon) Clericos, Monachos, Monachas, et quæ virginitatem professæ sunt.

Can. 7. Masculorum, et animalium initores, et homicidæ, et venefici, et adulteri, et idololatras eadem condemnatione digni habentur etc.

Can. 8. Qui securi in ira adversus uxorem suam usus est, est homicida etc. Hic fuse disserit de homicidio voluntario, et involuntario.

Can. 9. Domini dictum secundum sententiæ consequentiam ex æquo, et viris, et mulieribus convenit, quod non licet à matrimonio discedere præterquam propter fornicationem etc. Hic disserit de divortio.

Can. 10. Qui jurant, se Ordinationem non admittere, ejurantes ne cogantur pejerare etc. Id est non cogantur Ordinationem suscipere, et solvere vinculum quod sibi injecerunt. Monet autem esse expendenda verba jurisjurandi, an sit verum juramentum; et alia subdit quæ ad vindictam peccatorum, aut pœnitentiam non pertinent.

Can. 11. Qui involuntariam cædem fecit in undecim annis abunde judicio satisfecit. Hic definit quis censendus sit mortuus ex accepto vulnere, quis ex alia infirmitate.

Can. 12. Bigamos Canon omnino à ministerio exclusit.

Can. 13. Cædes in bellis factas Patres pro cædibus non reputare, ut mihi videtur; ignoscentes iis, qui pro pudicitia, et pietate decertant. Recte autem forte habet consulere, ut qui sunt

manibus non puris sola trium annorum communionem abstineant. Ille hortatur fere omnes milites ad triennalem poenitentiam.

Can. 14. Qui usuras accipit, si injustum lucrum in pauperes consumere voluerit, et ab avaritiæ morbo deinceps liberari, est ad Sacerdotium admittendus.

*Can. 15. et 16. solam continent explicationem quorundam verborum Scripturæ, circa quæ questionem injecerat in sua epistola Amphilo-
chius.*

Can. 17. Interrogasti nos de Biano Presbytero, an propter jusjurandum sit in Clerum suscipiendus etc. Is propter infidelis cujusdam minas nefarium jusjurandum cum aliis Sacerdotibus Antiochiæ jurarat. Respondet autem, posse hunc privatim obire Presbyterorum munera, non autem in publicis conventibus, idque fuisse Antiochiæ decretum dicit.

Can. 18. De lapsis virginibus etc. Patres quidem clementer, et leniter in eorum qui labuntur infirmitatem se gerentes esse admittendas sanxerunt post annum poenitiæ. Ipse verb vult eas puniri tanquam adulteras. Monet autem non esse habendam ratam; et firmam ejus virginis professionem; quæ non sit sedecim, vel septendecim annos nata; diuque probata, subditque: Multas enim parentes, et fratres; aut cognati offerunt ante aetatem, non ex seipsis ad coelibatum incitatas; sed sæculare quippiam procurantes; quas non facile admittere oportet, donec aperte propriam eam sententiam percrevit fuerimus. Reddit autem eam rationem, propter quam Virgines prædictæ sunt majori poena afflicte, quam fuerat antea decretum, quod Dei gratia Ecclesiæ fortior fieret; ut et videbatur, et ordo Virginum augeretur.

Can. 19. Virorum quoque professiones non novimus, præterquam si qui se ipsos Monachorum ordini adjudicarint, qui facile videntur coelibatum admittere, sed illis quoque illud existimo præcedere oportere, ut ipsi interrogentur, et evidens ipsorum accipiaturs professio, ut postquam se ad libidinosam, et voluptuariam vitam converterint, eorum qui fornicantur punitioni subjiciantur. Quæ autem sit poena fornicationis, et adulterii docet postea.

Can. 20. Quæcumque mulieres, cum essent hæreticæ, virginitalitatem professæ sunt, deinde postea matrimonium maluerunt, non existimo, eas oportere condemnari. Quæcumque enim dicit lex, iis dicit, qui sunt in lege. Quæcumque autem jugum Christi nondum subierunt, eas nec Domini leges norunt, etc.

Can. 21. Qui obscurior est, dicit consuetudinem intellectu difficilem invaluisse, ut vir dimittat uxorem adulteram, ipse vero, si aliam fœminam solutam cognoverit, non dimittatur tamquam adulter; hunc tamen puniri docet non ut reum simplicis fornicationis, sed poena majori.

Can. 22. Eos qui ex rapto habent mulieres, si aliis quidem desponsas abripuerint, non prius oportet admittere, quam ab eis

ablata sint, et sit in eorum potestate, quibus desponsa fuerant, an eas velint accipere, an desistere. Si quis autem vacantem (id est desponsatam) acceperit, auferre quidem oportet, et suis restituere, illorum autem sententiæ permittere, sive sint parentes, sive fratres, sive quicumque alii virgini præsent, et si ei quidem tradere voluerint, Matrimonium constituere, sin autem renuerint, non cogi. Ei autem qui mulierem vel vi, vel clam à se vitiatam habet, necesse est fornicationis pœnas imponere. Est autem in quatuor annis præfinitum fornicatoribus supplicium. Oportet autem eos anno primo à precibus expelli, et ipsos deslere ad fores Ecclesiæ, secundo autem ad auditionem admitti, quarto ad congregationem cum populo, abstinentes ab oblatione, deinde eis permitti boni communionem.

Can. 23. De his autem qui duas sorores uxores ducunt, vel eis, quæ duobus fratribus nubunt, à nobis edita est epistola, cujus exemplum tuæ pietati misimus; qui autem sui fratris uxorem accepit, non prius admittetur, quam ab ea recesserit. Epistola, cujus exemplum à se missum dicit, est ad Diodorum in qua sic habet. Si quis affectu immunditiæ correptus ad illicitam duarum uxorum communicationem exorbitaverit, id neque conjugium esse censendum, neque talem ad ecclesiasticum cœlum admittendum, priusquam à se invicem dirimantur.

Can. 24. Viduam, quæ in viduarum numerum relata est, hoc est, quæ ab Ecclesia in Diaconatum suscepta est, censuit Apostolus nubentem esse despiciendam (hoc est ab Ecclesia expellendam, ut interpretatur Balsamon): viro autem viduo nulla est res imposita; sed sufficit ei digamorum pœna (quæ erat ad unum annum segregatio). Porro vidua sexaginta annos nata, si rursus cum viro habitare voluerit, boni communionis non dignabitur, donec quod impuritatis perturbatione cessaverit. Sed si ante sexaginta annos eam in numerum retulerimus, nostra est, non mulieris culpa, si hæc post ordinationem nubat.

Can. 25. Qui à se stupratam mulierem detinet, stupri quidem pœnam subibit, ei autem mulierem habere permittetur.

Can. 26. Fornicatio non est matrimonium, sed nec initium matrimonii. Quare, si fieri possit, ut qui per fornicationem junguntur, separentur, id est melius. Sin autem eis omnino placeat consortium, fornicationis quidem pœnam agnoscant; ne separentur autem, ne quid deterius accadat.

Can. 27. De Presbytero, qui per ignorantiam nefariis nuptiis implicitus est (eam ducendo quam ducere non poterat) definitur quæ oporteat, esse scilicet cathedræ participem (ut scilicet sedeat cum Presbyteris), à reliquis autem actionibus abstinere; ei enim sufficit, ut veniam consequatur. Ut is autem aliis benedicat qui sua debet vulnera curare, non est consentaneum. Benedicto enim est sanctificationis communicatio: qui autem eam non habet propter ignorantiam lapsum, quomodo aliis communicabit? Nec

ergo publice, nec privatim benedicat, nec Christi corpus aliis impertiat, nec aliquid aliud sacrum ministerium obeat, sed quod præsideat contentus aliis, et Christo deseat, ut sibi ignorantis peccatum condonetur.

Can. 28. Illud quidem mihi visum est ridiculum vovere aliquem à carnibus suillis abstinere. Quamobrem dignare eos docere, ut ab ineptis votis, et promissis abstineant; usum quidem esse indifferentem permitte. Nulla enim Dei creatura est rejicienda, quæ cum gratiarum actione accipitur. Quare votum est ridiculum, non abstinencia necessaria.

Can. 29. Id quoque quod est, jurare principes, quod subjectis male facturi sint, magna medicina opus habet (id est magna curatione). Medela autem eorum est duplex; una quidem, ut ipsi doceantur non facile jurare. Altera, ne in malis judiciis persistant etc. id est ne faciant quod malum est, et male jurarunt se facturos, ut si quis jurarit, se fratris oculos effossurum, ut infra dicit, id certe facere non debet.

Can. 30. De his qui rapiunt, canonem antiquum non habemus, sed propriam sententiam proferimus, ut ipsi, et qui cum eis rapiunt, tribus annis sint extra orationes. Quod autem violenter non fit, nulli est pænæ obnoxium, quando nec stuprum, nec furtum rem præcesserit, est autem vidua sui juris, et in ejus est potestate sequi. Id est (inquit Balsamon) si mulier se ipsam sua sponte tradiderit, cum nec stuprum, nec furtum, hoc est clandestinus concubitus præcesserit, nulli est crimini obnoxius, qui eam accepit; similiter nulli quoque pænæ est subjectus, qui viduam hoc modo recipit.

Can. 31. Quæ, cum vir secessit, et non apparet, antequam de ejus morte certior facta sit, cum alio cohabitavit, mœchatur.

Can. 32. Qui peccatum ad mortem peccant Clerici, de gradu quidem deficiuntur; à laicorum autem communione non arcantur. Non enim vindicabis his in idipsum. Peccatum ad mortem vocat S. Pater, ut interpretatur Balsamon, omne peccatum, quod capitale inducit supplicium.

Can. 33. Mulier quæ in via peperit, et sui fœtus curam non gessit, cœdis crimine teneatur.

Can. 34. Adulterio pollutas mulieres, et consentes ob pietatem (id est sponte, ut explicat idem interpres), vel quomodoecumque convictas, publicare quidem Patres nostri prohibuerunt, ne convictis mortem præbeamus. Eas autem stare sine communione jusserunt, donec impleretur tempus pœnitentiæ. Adulteri stare debebant quatuor annis cum desentibus, quinque cum audientibus, quatuor cum supplicibus, seu substratis, et duobus cum iis, qui consistunt absque communione. Noluerunt autem Patres occulto adulterio pollutas ad isthæc quatuor loca amandari, ne inde pateret earum crimen, et à maritis occiderentur.

Can. 35. In marito, qui ad uxore relictus est, considerare oportet causam derelictionis, et si præter rationem eam recessisse apparuerit, est maritus quidem dignus venia, illa vero pœna. Ei autem venia, ut Ecclesiæ communicet, dabitur.

Can. 36. Militum uxores, qui cum mariti ipsarum non appareant, nupserant, eidem rationi subjiuntur, cui et quæ propter maritorum peregrinationem, ac absentiam, reditu non expectato, nupserint. Sed res nonnullam hic veniam admittit, quod major sit mortis suspicio. Et propter hoc is Canon differt à Can. 31. ibi enim non agitur de viro milite, de quo hic agitur.

Can. 37. Qui postquam aliena ei ablata fuerit, uxorem duxit, in prima quidem adulterii accusabitur, in secunda vero reus non agetur. Id est punietur tanquam adulter propter primam quam duxit, et deserere coactus fuit, quia erat aliena, nempe alteri juncta; non autem propter secundam, quam duxit in uxorem. Id autem dixit propter eos, qui adulteris in pœnam commissi adulterii nuptias interdicebant.

Can. 38. Puellis, quæ præter patris sententiam fornicatores seculæ sunt, reconciliatis parentibus, videtur res remedium concedere, sed non protinus ad communionem restituantur, sed triennio puniuntur.

Can. 39. Quæ vivit cum adultero, est omni modo adultera. Agit de muliere quæ non est uxor ejus, qui adulterium commisit; nam uxor utique cohabitare potest cum conjugæ adultero.

Can. 40. Quæ præter Domini sententiam se viro tradidit, fornicata est; quæ autem postea libero matrimonio usu est, nupsit. (Id est si postea Dominus consensit, vel liberam contrahendi facultatem dedit, tunc matrimonium consistit) Quare illud fornicatio, hoc matrimonium. Eorum enim qui in alterius potestate, pacta conventa firmi nihil habent.

Can. 41. Quæ in viduitate habet sui potestatem, et viro cohabitât, ab omni accusatione est libera, si nemo est qui conjugium divellat; cum dicat Apostolus, si mortuus sit maritus, libera est, ut nubat cui velit, tantum in Domino.

Can. 42. Quæ sine iis, qui habent potestatem, sunt matrimonia, sunt fornicationes. Nec ergo vivente patre, nec domino, ii qui conveniunt, sunt ab accusatione liberi, donec conjugio domini annuerint; tunc enim accipit firmitatem conjugium.

Can. 43. Qui mortis ictum dedit proximo, est homicida, sive prior percussit, sive ultus est, ac proinde homicidii pœna puniendus.

Can. 44. Diaconissa quæ una cum Græco (id est cum homine fidei, et baptizato) fornicata est, non est ad communionem admittenda; ad oblationem autem septimo anno admittetur, scilicet si in castitate vitam agat: Græcus autem qui post fidem rursus ad sacrilegium accedit, ad vomitum revertitur. Non vero Diaconissæ corpus, ut consecratum, esse in usu carnali non d.

amplius permittitur, et ideo prædictum Græcum, qui post Baptismum rediit ad vomitum, et ad mores Ethnicorum; audetque contra cum Diaconissa Deo consecrata, ut ream sacrilegii punit.

Can. 45. Si quis accepto nomine Christianismi, Christum contumelia afficit (vivendo more Ethnicorum), nulla est illi appellationis utilitas.

Can. 46. Quæ per ignorantiam nupsit ei, qui ab uxore ad tempus derelictus est, deinde demissa est, ut prior (uxor) ad ipsum revertatur, fornicata quidem est, sed per ignorantiam. A matrimonio ergo non prohibebitur, sed melius est, si sic manserit.

Can. 47. Dicit esse rebaptizandos quosdam Hæreticos, quamvis dicerent se esse baptizatos in Patrem, et Filium, et Spiritum sanctum. Sed in fine hujus rei decisionem ad Synodum Episcoporum remittit. Hujus canonis afferendi locus, et occasio forte erit infra lib. 3. cap. 10.

Can. 48. Quæ à marito dimissa est, mea quidem sententia manere debet. Si enim Dominus dixit: Si quis reliquit uxorem præterquam ratione fornicationis, facit eam adulterari, ex eo quod eam adulteram nominet, exclusit eam à societate cum alio etc.

Can. 49. Stupra quæ per vim inferuntur, non sint accusationi obnoxia. Quare, si ancilla vis allata fuerit à proprio domino, ea à culpa est libera. Et ideo ipsa non accusetur, nec puniatur, bene autem dominos.

Can. 50. Trigamiæ lex non est. Quare lege tertium matrimonium non approbatur. Vcrumtamen ea ut Ecclesiæ inquinamenta videmus, sed publicis condemnationibus non subjicimus, ut quæ soluta, ac profusa fornicatione sunt magis expelenda. Hæc circa digamos, ac trigamos docet S. Pater in his Epistolis, ex disciplina ejus Ecclesiæ, vel temporis. Lege Card. Baron. ad ann. 314. n. 91.

Can. 51. Quod adversus Clericos statutum est; Canones indefinite ediderunt, unum in iis, qui lapsi sunt, supplicium decerni jubentes, à ministerio scilicet motionem sive sint in gradu, sive etiam in ministerio, quod non impositis manibus datur, perseverent. Id est sive habeant Ordines majores, sive minores, ut idem Balsam.

Can. 52. Quæ foetus in via nati curam non gessit, si cum posset quidem servare, neglexerit, vel se ideo peccatum celare existimans, vel etiam omnino belluina, et inhumana cogitatione impulsæ (id est si id fecerit, vel ex negligentia, vel ad factum celandum, vel ex quadam feritate), tamquam propter homicidium judicatur. Sin autem eum concinnare, et componere non potuit, et propter solitudinem, rerumque necessariarum inopiam foetus interit, matri innocendum est. De hac eadem re agitur Can. 53. Sed hic fusius, addito casu ejus matris, cui foetus perit inculpate,

Can. 53. Vidua ancilla forte non multum lapsa est, quæ sub raptus simulatione, secundum matrimonium eligit. Quamobrem eam de illo accusare non oportet: neque enim simulatio iudicatur, sed voluntas (id est non debet institui iudicium de simulatione ipsa, quæ non est ingens culpa, sed de voluntate. Voluntas autem ipsius alia non fuit, ut credi debet, quam contrahendi hæc matrimonium, quod, quia contrahere impediabatur forte à primi conjugii cognatis, inquit hic Balsamon, recurrit ad eam simulationem). Clarum est autem quod illam manet pœna digamiæ, si videlicet contrahere matrimonium aliunde non poterat.

Can. 54. De involuntariis cædibus scio me ante hoc tempus scripsisse pro viribus (scilicet Can. 8. desumpto ex ejus Ep. 1. ad Amphilochem, nam reliqui Canones post Can. 16. usque ad 50. sunt in Ep. 2.) et nihil ultra illa possum docere. Est autem tuæ prudentiæ pro circumstantiæ proprietate pœnas intendere, vel remittere.

Can. 55. Qui se latronibus adversus obijciunt (eos vel invadendo, vel ut noxios ob communio rem utilitatem interficiendo) si sint quidem extra Ecclesiam, à boni communionem arcentur: si sint autem Clerici, à gradu deponuntur. Quicumque enim, inquit, gladium accepit, gladio peribit.

Can. 56. Qui sua sponte interfecit, et postea pœnitentia ductus est, viginti annis Sacramento non communicabit. Viginti autem anni sic in eo dispensabuntur. Debet quatuor annis deslere stans extra fores templi, et fideles ingredientiæ rogans, ut pro eo precantur, suam iniquitatem pronuncians, id est faciens publicam sui delicti confessionem. Post quatuor autem annos auditores recipietur, et quinque annis cum ipsis egredietur (id est templo exibat, dum illi abire voce Diaconi jubentur). Septem autem annis cum iis, qui in substratione orant, egredietur (id est, cum Catechumenis competentes ab eodem exire jubentur, ipsi etiam exibunt). In quatuor annis solum stabit cum fidelibus, sed non erit oblationis particeps: iis autem expletis erit Sacramentorum particeps.

Can. 57. Qui non voluntaria interfecit, undecim annis Sacramentis non communicabit. Undecim autem anni sic in eo dispensabuntur. Duos quidem annos deslebit: tres autem annos inter auditores perseverabit, in quatuor substratus, et anno solum consistet, et deinceps ad sacra admittetur.

Can. 58. Qui adulteravit, in quindecim annis Sacramentis non communicabit. In his autem quindecim annis sic quoque dispensabitur. Quatuor annis erit deslens, quinque audiens, quatuor substratus, in duobus consistens sine communionem.

*Can. 59. Fornicator septem annis sanctis non communicabit, duobus deslens, et duobus audiens, et duobus substratus, uno solo consistens, octavo autem ad communionem admittetur. Hic Balsamon (quod monui in Cler. Rom.) ita subdit: Etiam si quæ
d..*

præsentibus duobus Canonibus decreta sunt, quod ad dictionem attinet, clarissima, sed tamen quod ad praxim attinet, sum omnino difficillima. Nemo enim ea, quæ illis continentur, ratione curatur, et nisi esset inenarrabilis clementis Dei misericordia, omnis caro periisset. Quod si adulteria, et fornicationes non curabantur pœnitentia canonica, putasne fuisse reliqua canonica tot annorum pœnitentia curata?

Can. 60. Quæ virginitatem professæ à voto suo, ac professione lapsa est, peccati adulterii tempus in suæ vitæ dispensatione complebit (id est tamdiu, et eodem modo punietur ut adultera). Idem, et in iis, qui vitam Monasticam profitentur, et labuntur.

Can. 61. Qui furatus est, si ex se quidem pœnitentia motus seipsum accusaverit, anno à sola Sacramentorum communione arcebitur. Sin autem convictus fuerit, duobus annis tempus illi ad substrationem, et consistentiam dividetur, et tunc communionem dignus habeatur. Hic ita subdit Balsamon. Tu autem (o lector) opta ne præsens Canon secundum furis definitionem intelligatur, quæ dicit, Fur est qui præter Domini voluntatem aliena contrectat, sciens eum molestia afficere. Nullus enim fere eorum, qui in vita versantur Sacramentis, ut mihi videtur, communicabit, si hoc datum fuerit (nimirum omnes erant in ordinem pœnitentium redigendi). Nam monasteriorum quoque ministri etiam si sint religiosissimi, præter suorum Præfectorum sententiam aliquid sibi modicum ad vitam sustentandam privatim accipiunt, et ad alios transferunt (quæ modica simul juncta quid magnum faciunt) et filii à parentibus subripiunt. Milto servorum nequitias, et clandestinas subreptiones eorum, quæ ad dominos suos pertinent. Igitur nec hujus Canonis observantia vigeat, nec eam unquam viguisse dicit, aut innuit idem interpres, qui id malum non refert in vitium sui temporis.

Can. 62. Qui suam in maribus turpitudinem ostendit, ei tempus dispensabitur illius, qui adulterii scelus admisit, id est masculorum concubitores puniantur, ut adulteri, quindecim annorum pœnitentia.

Can. 63. Qui in brutorum concubitu suam impietatem profitentur, eandem rationem confitens observat, id est eadem pœna plectetur, postquam (inquit Balsamon) à malo defecerit, et confessus fuerit. Sed verior interpretatio collecta ex Canon. 36. et aliis videtur hæc esse, debere hunc subire prædictam pœnitentiam in locis præscriptis, et faciendo publicam confessionem, qua vel confiteretur delictum in specie, vel saltem diceret, se foedissime peccasse, vel esse hominum nequissimum, quæ confessio facienda erat tempore fletus, ut dicitur eo Canon. 36. et innuitur Can. sequ. quo eadem pœna infligitur. Et Can. 73.

Can. 64. Perjurus undecim annis non erit communionis particeps, duobus annis deflens, tribus audiens, quatuor sub-

stratus, anno solum consistens, et tunc communionis dignus habebitur.

Can. 65. Qui prastigias, vel veneficium satetur, is homicidæ tempore confitebitur, ita dispensatis ut qui in unoquoque peccato se ipsum convicit; id est homicidæ pœna plectetur, ac proinde tantum desinebit extra fores templi confitens peccatum suum, audiet, substernetur, et consistet, quamdiu debet homicida, nec majori pœna punietur, quia se ipsum convincit sponte confitens unumquodque peccatum, seu alterutrum ex his duobus peccatis.

Can. 66. Qui sepulcra effodit, undecim annis carebit communionem, duobus deslens, tribus audiens, quatuor substratus, uno consistens, et tunc admittendus.

Can. 67. Cum sorore coitus homicidæ tempore punietur.

Can. 68. Prohibitæ cognationis in matrimonio conjunctio; si deprehensa fuerit, ut quæ in hominum peccatis facta est, subibit adulterorum pœnas. Id est matrimonia inita contra leges inter cognatos, utpote contracta cum peccato, puniantur tamquam adulteria.

Can. 69. Lector si cum sua sponsa ante matrimonium commercium habuerit, postquam anno cessaverit, ad legendum recipietur, manens, non ulterius promovendus (id est punietur annua suspensione à suo officio, neque provehetur postea ad altiorem ordinem); quod si absque desponsatione furtim coierit, cessabit à ministerio. Idem et minister. Id est si vero coierit cum ea, quæ non est sibi desponsata, cessabit à suo officio in perpetuum, ac proinde deponetur. Eadem pœna punietur, si id fecerit minister, id est, inquit Balsamon, Hypodiaconus: Non enim permittitur Hypodiacono, sicut et Lectori, post ordinationem desponsatam habere mulierem; et matrimonium contrahere. Hypodiaconus autem est is quem dicimus Subdiaconum.

Can. 70. Diaconus qui pollutus est in labris (foeda oscula corpori fœmineo imprimens), et se eo usque peccasse confessus est, à ministerio prohibebitur (non tamen in perpetuum, sed ad tempus): ut autem sit Sacramentorum cum Diaconis particeps, dignus habebitur; id ipsum autem Presbyter quoque. Si quid autem amplius peccasse quis deprehensus fuerit, in quocunque sit gradu, deponetur. Id est si usque ad coitum progressus fuerit, cessabit in perpetuum à suo ministerio.

Can. 71. Qui uniuscujusque prædictorum peccatorum fuit conscius, et non confessus, sed convictus est tanto tempore, quanto malorum effector punitus est, ipse quoque punietur. Consciis autem alicujus peccati, dicit Balsamon, esse hic eum qui opem, et auxilium tulit, vel dolose consuluit, vel eum qui scit, et potest prohibere, nec prohibuit.

Can. 72. Qui se valibus, vel hujusmodi aliis tradit, ipse quoque homicidarum tempore punietur. Vult hic puniri, ut homicidas, eos qui, ut futura sciant, consulunt vates; nempe, ut

interpretatur Balsamon, eos, qui non simplices incantationes faciunt, sed ut futura scire, et renunciare possint, invocant dæmones, ac Deum negant.

Can. 75. *Qui Christum negavit, et salutis mysterium transgressus est, eum tota vitæ suæ tempore deflere, et confiteri convenit in tempore quo à vita excipit, Sacramentum dignum habitum, propter fidem divinæ clementiæ. Ut hunc canonem cum antiquioribus conciliet Balsamon in ejus interpretatione hæc habet: Cum autem Ancyrana Synodus, et sacrosanctus Martyr Petrus extremo excommunicationis supplicio (nempe usque ad mortem) neminem subjiciant, et præsentì canonì veluti adversentur, dic, quod Patres statuerunt pœnas suis temporibus convenientes. Postea dicit dehisce tempore persecutionum mitius puniri apostatas, quam tempore Basilii, quo illæ desierant.*

Can. 74. *Sin autem unusquisque eorum, qui in prædictis peccatis fuere, confessus bonus evaserit, et is, cui à Dei benignitate ligandi, et solvendi credita est potestas, fiat clementior, videns summam ejus qui peccavit confessionem, ad diminuendum pœnarum tempus non erit dignus damnatione, cum historia scripturarum significet, quod qui cum majori labore confitentur, Dei misericordiam celeriter apprehendebant. Dicit hic Balsamon, isto Canone tribui potestatem regionis Pontifici temperandi pœnas canonicas pro contritione pœnitentis. Notatque discrimen, quod est inter judices, qui pronunciant corporales punitiones adversus eos qui sunt criminibus obnoxii, et Episcopos qui decernunt pœnas ecclesiasticas adversus eos, qui animæ peccata confitentur. Illi enim (inquit) pœnas à lege constitutas, nec possunt augere, nec minuire sine jussu Imperatoris. Hi vero nostrorum peccatorum opera suscipientes, tanquam Deo pro nobis rationem reddituri pro suo arbitratu pœnas et augent, et minuunt, et ideo in eorum est potestate non solum pœnarum tempora minuire, sed etiam pœnas commutare, etc. Ut autem intelligeremus, hanc pœnæ diminutionem, vel mutationem debere fieri prudenter, refert, uti, cum quidam miles in voluntariæ cædis crimen incidisset, et à quodam Antistite post valde modicum tempus datis scriptis absolutus esset, id ægre tulit Imperator, voluitque rem expendi Synodaliiter: Synodus autem, minime admittens excusationem Episcopi, qui pro se hunc Basilii canonem, aliosque similes afferebat, militem quidem canonicarum pœnarum rursus compedibus subjecit: Antistitem autem ad aliquantum temporis ab officii, ac ministerii suspensione punivit, dicens, quod Antistitibus quidem licet pœnas canonicas augere, et diminuere: araneorum autem filis ligare quæ debent tribus rudentibus alligari, non concessum est. Dicitur autem quod propter illius militis causam edidit potens, et sanctus noster Imperator de voluntariis homicidiis Novellam, quam etiam lege retro silam; nempe in explicatione Can. 8. ubi eam recitat. Ad intelligenda autem, et confirmanda*

quæ dicam lib. 2. non utile tantum; sed necessarium est, ut eam audias, aut saltem ejus partes aliquas. Igitur in loco citato sit prædictus Interpres.

Quia autem de voluntariis homicidiis, mense Aprili indict. 14. à potentissimo, et sancto Imperatore nostro Domino Emanuele Comneno Novella edita est, eam manda memoria; quæ sic habet post præmium sic tractans. Jubet ergo omnibus qui sunt in regionibus, Judiciis, et militaribus, quæ sunt in eis copiis, et earum ducibus, ubi fuerit cædes voluntaria, et tale quidpiam ausus fuerit aliquis, ut omnes statim excitentur ad apprehendendum homicidam, et eum vinctum mittant ad Imperialiam circumspeditionem etc. ut ipse in custodiam publicam introducatur. et am in corpore, quam in bonis secundum legem, et Novellarum constitutionum potestatem puniatur, et alia supplicia subeat: scientibus in his omnibus quod si probatum fuerit, potuisse quempiam homicidam apprehendere et non fecerit, eum non secus condemnandum, quam si Imperio insidialis fuerit. Sin autem latuerit fortasse quispiam, et ad sanctissimam Dei magnam Ecclesiam confugerit; postquam pœnæ ecclesiasticæ adversus eum processerint, ex legali observatione, eo quidem præsentem quæ Reginæ urbium Imperium oblinet, ab eo mittetur in regionem, quam censuerit, ut totum vitæ suæ tempus illic transigat etc. Sin autem non solum voluntarie, sed etiam præmeditato; captoque consilio cædem perpetraverit, non cogetur ex prædicta regia constitutione tonderi. Si enim eum, qui sua sponte ad tonsuram accedit, non eo ipso statim admittit canonica subtilitas, sed ei sufficiente tempore attributo, ejusque mente examinata etc. quomodo non fuerit à ratione alienum, et à legibus spiritualibus dissidens aliquem necessario tondere, eumque homicidam, quem Deus eo usque reliquit, ut etiam manus fraterno sanguine pollueret? Timendum est enim, ne invitus vitam Angelicam ingressus, eaque vix, suscepto venerando habitu in ludibrium utatur etc. Loco ergo tonsuræ statuit mea Imperialis majestas, ut qui voluntariam cædem capto consilio perpetraverit, in custodia toto vitæ suæ tempore degat etc. Quia autem plures homicidæ, qui cædem meditato, et consilio capto perpetrant, ad sanctissimam Dei Ecclesiam postea accedentes, non ut facta est à se, sed ut ad suam facit utilitatem, cædem confitentur, jubet mea Imperialis sublimitas; ut Sanctissimus hujus temporis Patriarcha ad regionis Antistitem, et qui ei subest clerum, quin etiam ad regionis judicem cum pœna scribat, et quemadmodum factam esse cædem ex illius rescripto intellexerit, ita eam quoque persequatur, et non eum qui capto consilio cædem facit, propter falsam suam confessionem ad easdem pœnas, et eadem supplicia admittat, ad quæ qui fortuito, et improvise in tale aliquod crimen incidit etc. Omnino autem curæ erit iis, qui sunt in sanctissima magna Ecclesia

florum iudiciis, ut cum conveniente canonica severitate crimina cædis puniant, et tempora non temere contrahant, ne plusquam par sit, in iis quæ non decet, se lenes, et clementes præstent. Imperialis autem meæ constitutionis exempla ab iis, qui præsumt iudiciis, descripta, missa ad Ecclesias, quæ sunt in regione, ibi reponentur, ut eorum, quæ sunt constituta; omnes scientiam habeant, ut faciant, quemadmodum eis comprehenditur. Quod si is qui capto consilio cædem fecit, tonsuram sua sponte elegerit, non absque probatione inter monachos coöplabitur, sed sufficienti tempore accuratissime, et diligentissime, ex canonicis constitutionibus examinatus, et probatus in monasterio, vel invitus toto tempore manere cogetur, nec ei unquam exire permittetur. Monasterium autem erit omnino in illa provincia, et non in ea terra, quæ mortui sanguinem dehiscens male suscepit.

Ex hac constitutione habes, uti olim homicidæ, qui recurrebant ad Ecclesiam, et acceptum ab Episcopo scriptum absolutionis testimonium proferebant, fori sæcularis pœnas declinabant, et ideo prædictum militem fuisse *datis scriptis* ab Episcopo absolutum.

Habes secundo, ex justissima causa non debuisse huiusmodi pœnitentes facile absolvi, et brevi pœnitentia, gravissimis sæcularis fori pœnis liberari, ac proinde non abs re fuisse prædicti Antistitis nimium clementis iudicium damnatum, et reformatum. Habes tandem, id exemplum non recte afferri ad comprobandam fori interni, et arcani severitatem, in quo pœnitentes absoluti non evadunt onera, et pœnas iudicii secularis. Huiusmodi autem sunt fere omnia quæ modo ab aliquibus afferuntur in suæ forte non satis probatæ, aut probandæ severitatis patrociniū. Sed prosequamur magni Basilii Canones.

Can. 73. Qui cum pròpinqua ex patre, vel matre, vel sorore pollutus est, in domum orationis ne permittatur accedere, donec ab iniqua, vel nefaria actione desistat. Postquam autem in horrendi peccati sensum, et animadversionem venerit, triennio deflens stans prope fores domus oratoriæ, et rogans populum ingredientem ad orationem, ut unusquisque pro ipso misericorditer ad Dominum intensas fundat preces. Postea autem alio triennio ad solam auditionem admittatur, et scripturam, ac doctrinam audiens ejiciatur, et nec oratione dignus habeatur. Deinde si quidem illam cum lacrymis exquisivit, et Domino cum cordis contritione, et valida humiliatione supplex procedit, detur ei substratio in aliis tribus annis, et sic postquam pœnitentiæ fructus dignos ostenderit, decimo anno in fidelium oratione suscipiatur sine oblatione, et cum duobus annis una cum fidelibus ad orationem subsisterit, sic deinceps dignus habeatur boni communionē.

Can. 76. Idem est decretum in eos quoque qui suas nurus accipiunt. Hic notat Interpres, quod iis qui desistunt, non iis qui

perseverant in peccato, dantur pœnitentia canonica, quod ego monui cap. 1. n. 7.

Can. 77. Qui mulierem quidem sibi legitime copulatam dimittit, secundum Domini sententiam adulterii judicio subijcitur, et à patribus nostris canonice statutum est, ut ii anno defleant, biennio audiant, triennio substernantur, septimo cum fidelibus consistent, et ita oblatione digni habeantur, si cum lacrymis pœnitentiam egerint. Hic Interpretes non abs re hæret. Nam *canone 58.* punit adulterum pœnitentia quindecim annorum, hic autem cum qui legitimam dimisit uxorem, et aliam ducit, sola septennii pœnitentia castigat. Qua enim ista ratione cohærent? Solvit quæstionem dicens. Primum canonem esse S. Patris, secundum autem asserri ab eodem ut canonem Patrum priorum, ut eum sciamus, non autem ut sequamur, ac proinde manere firmum quod ipse eo *Canone 58.* statuit.

Similis quæstio agitari potest circa *Canonem 38 et 39.* nam in primo fornicatoribus quadriennium pœnitentiæ imponitur, in altero vero iisdem imponitur septennis pœnitentia, quam quidem eodem modo, quo præcedentem, solvit Balsamon dicens, in uno Basilium ipsum taxare pœnitentiam, in altero vero recitare taxatam à Patribus. Sed hæc interpretatio difficultate non caret, ut legenti utrosque hos canones, eosque simul conferenti constabit, utque expendi in *Cler. Rom. lib. 1. disp. 9. num. 17.* Ea forte melior responsio sit, tempora pœnitentiæ posse aliter, et aliter determinari, ut non solum diverse, sed eodem tempore fuisse à diversis Ecclesiis determinata: nisi dicendum sit incuria amanuensium aliquid esse in scribendo, et rescribendo hos canones omissum, quo omnis eorum discordia tolleretur.

Can. 78. Eadem autem forma observetur et in iis, qui duas sorores in matrimonio accipiunt, etsi diversis temporibus, ac proinde etiam hi septenni pœnitentiæ curentur.

Can. 79. Ii autem, qui in suas novercas insaniunt, sunt eidem canoni obnoxii cui et ii qui in duas sorores insaniunt.

Can. 80. Patres polygiam silentio prætermisere; ut belluina, et penitus ab hominum genere alienam. Nobis autem probatur eam majus esse fornicatione peccatum, et ideo consentaneum est, ut ii canonibus subijciantur, ut scilicet, postquam anno fleverint, et tribus substrati fuerint, sic suscipiantur. Hic iterum nodus: nam si majus est fornicatione peccatum, cur solis quatuor annis castigatur, fornicatio autem septem annis? Id auget suspicionem erroris in numero annorum ab exscribentibus commissi.

Can. 81. Qui in barbarorum incursione fidem in Christum violarunt, facili Sacramentis gentilibus, et quibusdam nefariis, quæ idolis magicis oblata sunt, ab eis gustatis, ii secundum leges à Patribus jam editas, et Canones dispensentur. Qui enim gravem necessitatem ex tormentis sustinuerunt, et non ferentes labores

ad negationem tracti sunt, tribus annis sint non recipiendi (fidentes extra Ecclesiam), et in duobus audiant, et cum tribus annis substrati fuerint, sic ad communionem admittantur. Qui autem sine magna necessitate fidem in Christum prodiderunt, et demoniorum mensam attigerunt, et Græca Sacramenta iuraverunt, tribus quidem annis ejiciantur (id est non admittantur intra Ecclesiam), duobus audiant: postquam autem in substratione tribus annis oraverint, et in aliis tribus fidelibus ad orationem se substraxerint, sic admittantur ad boni communionem. Is Canon videtur contrarius Canon 73. in quo eos qui Christum negant, ad perpetuam pœnitentiam, et sœtium S. Pater damnavit. Sed forte ibi loquitur de iis qui expresse negarunt Christum, inque sua apostasia, effecti tamquam Ethnici, perstiterunt; hic autem de iis qui barbaris eas regiones incurrentibus, actum aliquem paganicum, et superstitiosum ex aliquo metu exercuerunt, et postea statim resipuerunt.

Can. 82. De iis etiam qui pejerarunt, si vi quidem, et necessitate juramenta transgressi sunt, levioribus pœnis subjiciuntur, ut post sex annos possint suscipi. Qui autem sine necessitate suam fidem prodiderunt, cum duobus annis defleverint, et duobus annis audiverint, et in quinto in substratione fuerint, et in duobus aliis sine oblatione in orationis communionem suscepti extiterint, ita tandem, condigna scilicet pœnitentia ostensa, in corporis Christi communionem recipiuntur. At perjuros solum post decimum pœnitentiæ annum ad boni communionem admitti voluit Can. 64. cur ergo mitius hic eosdem punit? Forte hic agit de perjuris qui sponte confitentur, ibi vero de iis qui ex aliorum accusatione fuere perjurii condemnati, ut interpretatur Balsamon.

Can. 83. Qui vaticinantur, et gentium consuetudinem sequuntur, et aliquos in ædes suas introducunt ad veneficiorum inventionem, et eorum expurgationem, cadant in Canonem sexennii, et postquam anno defleverint, et anno auferint, in tribus annis substrati, et anno cum fidelibus consistentes sic admittantur. At severior in præstigiatores, veneficos, eosque qui vates consulunt, est censura Canonis 65. et Canonis 72. quibus tamquam homicidæ puniuntur pœna videlicet annorum viginti. Interpres putat eo duplici Canone puniri eos, qui ita illa faciunt, ut fidem negent; hic autem, qui ex errore aliquo, non abnegata fide, vaticiniis, et veneficiis dant operam. At cur id nec innuit quidem S. Pater, immo innuit oppositum, cum in hoc posteriori canone agat de profitentibus hanc artem, aliosque in errorem inducentibus, in illis autem prioribus de iis qui tantum confitentur se præstigias, et veneficium fecisse, aut tradidisse se vatibus, ut futura prædiscerent; quod certe minus est, quam illud primum. Cur demum S. Pater hos canones sic in speciem contrarios, sic indistinctos misit ad Amphilochium? Forte questio ipsa, ac dubium, quod Amphilochius proposuerat, decla-

rebat responsionem ipsam, quam Basilus Canone tradebat. Nescio an probabilis sit ea suspicio, non omnes Canones esse Basili, sed Basilianis additos non Basilianos.

Can. 84. Hæc autem omnia scribimus, et pœnitentiæ eorum, qui deliquere, fructus probetur. Non enim hoc omnino tempore iudicamus, sed modum pœnitentiæ attendimus (Id est non satis est nobis quod qui ad nos curandi veniunt, statuto tempore maneant in locis pœnitentium, sed inspicimus, an præbeant signa veræ pœnitentiæ). Quod si aliqui à propriis moribus non facile avellantur, et carnis voluptatibus potius, quam Deo servire voluerint, vitamque ex Evangelio institutam non admittant, nulla est nobis cum illis communis ratio. Nos enim in inobediente, et contradicente populo audire docti sumus, servans servam animam tuam: Id est ex Sacra Scriptura, qua redarguitur populus Hebræus inobediens, et contradicens, audimus, et docemur, ut servemus animas nostras, nec eam, conniventes aliorum peccatis, amittamus.

Can. 85. Et ult. Ne itaque cum eis perire eligamus, sed grave iudicium formidantes, et terribilem Dei retributionis diem præ oculis habentes, ne velimus una cum alienis peccatis perire etc. Sed et noctu, et interdium, et publice, et privatim ipsis testificari debemus, cum eorum autem improbitatibus abire notumus, eos quidem lucrifacere optantes, et à mali laqueo eripere. Sin autem hoc non possumus, studeamus nostras animas ab æterna condemnatione servare.

Hi sunt Canones pœnitentiales attributi magno Basilio; quorum tamen aliqui, ut audisti, non continent pœnitentias, quibus delicta curentur, sed admonitionem aliquam ad id pertinentem, vel doctrinam morum, qualem forte nulli alii antiqui Canones magis distincte exhibent. Nunc afferam Gregorii Nysseni Canones.

§. V.

Canones S. Gregorii Nysseni.

CONTINENTUR hi in ea, quam S. Antistes scripsit ad Letojum Melitinæ Episcopum, epistola, à qua proinde eos excerpam, et numeris distinguam.

Can. 1. Si quis fidem in Christum negavit, vel ad Iudaismum, vel idolorum cultum, Manichæismum, vel aliquod aliud impietatis genus descivisse visus sit, qui voluntarie quidem ad id malum se contulit, deinde seipsum condemnavit, totum tempus vitæ suæ habet pœnitentiæ tempus. Numquam enim, si mystica peragatur oratio, Deum una cum populo adorare dignus censebitur, sed eorum precabitur; à Sacramentorum autem commu-

nione omnino erit alienus, in hora autem cui è vita excessus Sacramenti communionis erit particeps. Sin autem contigerit, ut is præter spem convalescat, et vivat, in eodem rursus vivet iudicio, mysticorum Sacramentorum usque ad vitæ exitum expers.

Can. 2. Qui autem tormentis, et gravibus suppliciis excruciali (lapsi sunt), ii præstituto tempore punientur, sanctis Patribus sic in eos clementia usis, tamquam non lapsa sit anima, sed corporalis imbecillitas tormentis non restiterit. Quare mensura eorum, qui fornicatione peccarunt, et transgressio extorta vi, doloreque, in conversione eodem spatio dimensa est. Id est prædicti, qui vi tormentorum vici transgressi sunt, punientur, ut puniuntur fornicarii, nempe pœnitentia novem annorum, ut infra dicetur.

Can. 3. Qui autem ad præstigiatores, vel vates abierunt, vel eos, qui per demones se piacula quædam, et aversiones (nempe expulsiones malorum) operaturos pollicentur, ii exacte interrogantur, et examinantur, utrum in fide in Christum permanentes, à necessitate aliqua ad illud peccatum impulsii sint, cum afflictio aliqua, vel intolerabilis jactura hunc illi animum indidisset, an omnino neglecto quod à nobis creditum est testimonio (Fidei), ad dæmonum societatem se contulerunt. Si enim ad fidem infirmam, et quod Deum esse non crederent, qui à Christianis creditur, et adoratur, illud fecerunt, erunt scilicet transgressorum iudicio obnoxii; nempe curandi ut ii, de quibus Can. 1.

Can. 4. Sin autem intolerabilis necessitas aliqua, pusillo, et abjecto eorum animo superato, eo deduxit falsa aliqua spe deceptos, similiter erit et in ipsos clementia, instar eorum qui tormentis in tempore confessionis resistere non poluerunt.

Can. 5. Postquam fuse disseruit de malitia fornicationis, docuitque in ea contineri etiam injuriam aliquam late sumptam, quia tamen in ea non est injuria stricte talis, ut in adulterio, nec tanta inordinatio, ut in aliis nefariis actibus luxuriæ, ita subdit: Sed quia eorum, qui in fornicatione polluti sunt, injuria aliqua (nempe propria et stricta) cum hoc peccato non est commissa, propterea duplum conversionis tempus iis præscriptum est, qui in adulterio inquinati sunt, et in aliis item vetitis malis, animalium initu, et rabie in masculos: in iis enim peccatum duplicatur. Unum quidem in illicita, et nefaria voluptate. Alterum autem, quod in injuria, quæ fit alteri, consistit.

Can. 6. Est autem quædam differentia in ratione pœnitentiæ in iis, qui in hujusmodi voluptatibus peccarunt. Qui enim ex se ipso ad sua manifestanda peccata impulsus est, eo quod sua sponte occultorum accusator esse voluerit, ut qui jam morbo medicinam adhibere cœperit, et signum mutationis in id, quod est melius, ostenderit, in mitioribus pœnis versatur. Qui autem

in malo deprehensus est, vel propter aliquam suspicionem, vel accusationem non spontaneam convictus est, longius illi conversionis tempus datur, ut ipse perfecte purgatus sic ad Sacramentorum communionem admittatur.

Can. 7. Qui in fornicatione polluti sunt, in tribus quidem annis ab oratione (et ab Ecclesia) omnino expellantur: in tribus autem solius orationis particeps: in tribus autem aliis cum iis, qui in conversione substernuntur, precentur, et tunc sint Sacramentorum particeps.

Can. 8. In iis autem qui diligentia in conversione usi fuerint, et vita ostenderit, se esse emendatos, potest, is qui præest pro ecclesiasticæ æconomix utilitate tempus auditionis contrahere, et celerius ad conversionem deducere; et rursus hoc quoque tempus contrahere, et celerius communionem reddere, prout sua probatione ejus, qui curatur, statum esse judicabit. Quemadmodum enim porcis margaritas projicere est vetitum; ita et pretiosa margarita privare eum, qui jam per alienationem à vitio, et purgationem homo factus est, absurdum est.

Can. 9. Quæ autem in adulterio, et in reliquis immunditiæ generibus (nempe bestialitate, et sodomia, de quibus supra) fit iniquitas, ut dictum est, eodem judicio punietur, quo fornicationis scelus, sed tempore duplicabitur. In eo autem, qui curatur, affectio, et status considerabitur, ut dictum est de fornicario, ut vel citius, vel tardius sit boni particeps.

Inde descendit ad peccata quæ sunt ex ira, et docet, quod quamvis scriptura non solum vulnera et cædes prohibeat, sed etiam omne convicium, vel maledictum, tamen Patres solis cædibus poenas statuerunt, quas affert post divisionem homicidii voluntarii, et involuntarii.

Can. 10. Igitur in curatione voluntarii homicidii ter novem sunt anni, novenario annorum numero in unoquoque gradu præfinito (nam quartum gradum in distributione temporis is S. Pater omittit) ut in perfecta quidem segregatione novem annorum tempore versetur pœnitens ab Ecclesia prohibitus (en primus gradus fletus), totidem autem annos in auditione permaneat, sola doctorum, et scripturarum auditione dignus habitus (en secundus gradus auditionis), in tertio autem novenario cum substratis in conversione orans (en tertius gradus substrationis) ut perveniat ad communionem Sacramenti.

Can. 11. In eodem erit idem observandum ab eo qui Ecclesiam administrat, et pro ratione conversionis illi quoque pœnæ tempus minuatur, ut pro novem annis in unoquoque gradu, vel sex vel septem anni solum fiant, si pœnitentiæ magnitudo tempus vincat, et superet correctionis studio eos, qui in longo tempore præstituta susceptas à se maculas segniter eluunt. Igitur ex hoc S. Doctore homicidia voluntaria viginti septem annorum pœnitentia castigari debuerunt, aut annorum circiter viginti, si magnus esset fervor

pœnitentis. Homicidia autem voluntaria non solum ea esse dicit supra, quæ sunt ex meditatione animi, sed etiam ea, quæ committuntur in rixa. Post hæc descendit ad curationem homicidii involuntarii, quod dicit illud esse, quod casu committitur ab eo qui alicui alteri rei studium applicat.

Can. 12. Involuntarium autem ventis quidem dignum, sed non laudabile iudicatum est. Hoc autem dixi, ut constet, quod etiamsi quis involuntarie fuerit in scelere homicidii, eum tanquam jam in profanum piaculum redditum à Sacerdotali gratia ejiciendum pronuntiavit Canon. Hæc est poena homicidii etiam involuntarii nempe irregularitas, pœnitentia autem est eadem, ac fornicarii, nempe novem annorum; sic enim subdit:

Can. 13. Quantum autem est expiationis tempus ob simplicem fornicationem, tantum etiam recte habere existimatum est in iis, qui eandem involuntariam fecissent, scilicet in iis quoque pœnitentis voluntate examinata, ut sit fide quidem digna conversio, non servetur annorum numerus, sed temporis prolixitate rescata ad Ecclesiæ restitutionem, et boni participationem compendius deducatur.

Can. 14. Si quis autem tempore non expleto à Canonibus præstitulo vita excedat, jubet Patrum clementia, ut effectus Sacramentorum participes fiat, nec vialico vacuus ad extremam illam, et longam peregrinationem mittatur. Sin autem postquam Sacramenti participes factus fuerit rursus ad vitam reversus sit (id est periculum evadat, et convalescat), statutum tempus expectet in illo gradu existens, in quo erat ante communionem illi ex necessitate datam.

Postea descendit ad curanda peccata avaritiæ; quibus medendis nullum pœnitentialem canonem conditum à Patribus fuisse, miratur, cum ea sit ex Apostolo ad Ephes. 5. quædam idololatria. Ipse autem ex pœnitentia aliorum delictorum, et ex Scriptura docet, qua sint hæc peccata ratione curanda.

Can. 15. Dividitur furtum in latrocinium, seu deprædationem, et in murorum (et sepulchrorum ut antea dicit) effossionem. Idem autem utriusque est institutum, videlicet aliena auferre: in animo autem ipsorum magna est inter se differentia. Latro enim etiam homicidium, ad id quod studet assequi, assumit, ad id paratus, et armis et copiis et opportunitate loci; ideoque is homicidarum judicio subjiçitur, si per pœnitentiam ad Dei Ecclesiam reversus fuerit. Igitur hujusmodi latronibus paratis committere homicidium voluit is sanctus Pater viginti septem annorum pœnitentiam in eos tres gradus, fletus, auditionis, et substationis divisam imponi.

Can. 16. Qui autem latenti ablatione sibi alienum usurpat, deinde per enunciationem peccatum suum Sacerdoti aperuerit, vitii studio in contrarium mutato, ægritudine curabit, videlicet

largiendo quæ habet, pauperibus, ut dum quæ habet profundit; se ab avaritiæ morbo liberum aperte ostendat.

Can. 17. Sin autem nihil aliud præterquam solum corpus habeat, jubet Apostolus per laborem corporalem ei morbo mederi, sic dicens: qui furatur non amplius furetur, sed potius laboret bonum operans, ut possit ei largiri, qui indiget.

Can. 18. Sepulchrorum effossio ipsa quoque dividitur in id quod veniam meretur, et id quod non meretur. Si enim mortuorum parcens religioni, et tectum corpus intactum relinquens; ut nec soli ostendatur turpitudine corporis, lapidibus aliquot ex iis, qui ante sepulchrum projecti sunt, ad aliquod opus construendum usus est, ne hoc quidem est laudabile, sed ut esse dignum venia, effecit consuetudo, quando ad aliquid melius, et Reipublicæ utilius materia traducta sit; sed carnis in terram redactæ pulverem perscrutari, et ossa movere spe lucrandi aliquem ex defossis ornatum, id eodem judicio condemnatum est, quo simplex fornicatio; quemadmodum supra dictum est, considerante scilicet æconomo, seu dispensatore, et æstimante ex ipsa vita ejus qui curandus est, quæ medicina sit adhibenda, ut spatium à Canni us præstitutum possit contrahere.

Can. 19. Sacrilegium autem (quo auferitur quod Deo sacratum est) in antiqua quidem Scriptura veteris Testamenti, ne cædis quidem condemnatione visum est tolerabilius. Similiter enim, et qui cædis convictus erat, et qui res Deo dicatas abstulerat, lapidationis supplicium subibat (id est sacra Scriptura æque punit homicidam, ut eum qui auferit rem Deo sacram, ut patet in Achaz, qui ex spoliis Jericho, quæ erant Deo sacrata, aurum, vestesque abstulit). In ecclesiastica autem consuetudine de pœnæ gravitate nescio quomodo aliquid detractum, et eo lenitatis descensum est, ut illius morbi existimaretur tolerabilius piaculum. In minori enim tempore quam adulterium, à patrum traditione pœnam susceperunt. Id est non solum non punitur, ut homicidium, pœnitentia annorum 20. sed neque, ut adulterium, pœnitentia annorum 18. sed pœna minori.

Can. 20. Et ult. Utique autem hoc in supplicii genere ante omnia videndum est, qualis sit ejus, qui curatur, affectio, et non æstimare, tempus ad curatiquem, et remedium sufficere (quæ enim fuerit ex tempore medicina)? sed ejus qui convertitur, et curatur, animum, et institutum; nempe in foro pœnitentiæ, in quo non intenditur sola vindicta delicti, sed delinquentis emendatio, et sanitas, non sufficit, quod qui deliquit, tanto tempore puniatur: nam tempus, et duratio pœnæ non sanat, sed est attendenda pœnitentis dispositio, ut eo modo curetur, ea pœnitentia aspera, vel mihi, longa, vel brevè exerceatur, quæ illi utilior erit ad emendationem; qui, ut non semel dixi, et millies dicam, est Canon pœnitentialis verissimus, et certissimus, ex quo ea pœnitentia injungatur pœnitenti, quæ vulnus nec exasperet, nec dissimulet, et vulneratum

sanet; idque solum intenderunt Patres per hos Canones pœnitentiales, et ideo tam sæpe monuerunt, debere Præsidentem hujus fori uno velut oculo leges *aspicere*, altero *pœnitentem*, et earum *rigorem temperare*, cum is *sanatus appareat*.

CAPUT III.

Canones Pœnitentiales aliquorum Conciliorum.

§. I.

Canones Pœnitentiales Concilii Illiberitani.

De hoc Concilio magnum inter Scriptores dissidium, cum aliqui uno tempore, alii alio celebratum illud asserant; aliqui unum numerum canonum, alii majorem ei attribuant; aliqui uno modo, alio interpretentur alii; aliqui ejus auctoritatem elevent, alii attollant, alii nutantem firment, ut plerique recentiores, et præsertim Card. de Aguirre in sua *Collect. maxima tom. 1. pag. 268. edit. Rom.* De tempore prima controversia est; nobis autem pro re præsentis satis est hoc scire quod est satis certum, celebratum ab Hispanis Patribus hoc fuisse sub initium sæculi quarti aliquot annis ante Nicænum, et ut videtur, paulo ante Arelatense 1.

Circa canones eos afferam tantum, qui pœnas seu pœnitentias statuunt, quique citra controversiam huic Concilio attribuuntur. Non est autem is locus agendi de ejus auctoritate, cum hic constituerim docere tantum, qui fuerint, non vero quanti habiti fuerint horum temporum Canones pœnitentiales. Hujus autem Concilii doctrina non in canones, sed in capita, quæ tamen Canones sunt, fuit digesta.

Cap. 1. Placuit, ut quicumque post fidem Baptismi salutaris adulta ætate ad templum idoli idolatraturus accesserit, et fecerit quod est crimen capitale (nempe principale, quale est sacrificium idolo factum) *nec in fine eum ad communionem suscipere.* Hic magna controversia est, an Patres prohibentes hunc suscipi, vel in fine vitæ, ad communionem, eum solo Eucharistiæ viatico fraudari voluerint, an etiam absolutione sacramentali. Communiter in his Conciliis *suscipere ad communionem*, est idem, ac *non negare*, seu *reddere alicui societatem fidelium*, et *non suscipere* est idem, ac *negare hanc societatem*, ac proinde omnem usum Sacramentorum. Igitur utrumque Sacramentum hic negant Patres, si his vocibus usi sunt, ut communiter usurpari solebant. Quia vero hæc verba possunt etiam suscipere mitiorem interpretationem, ita ut sola negetur communicatio Eucharistiæ; et Patres, cum possunt, sic explicari debent, ut sensum faciant magis consonum communi Ecclesiæ doctrinæ, dicendum est, in hoc et in aliis, quos infra afferam, canonibus solam

ab eis negari Eucharistice communionem. Imo quia hoc ipsum receptum non fuit ab Ecclesia, quæ, ut infra dicam, et ostendi in Cler. Rom. lib. 1. disput. 4. utrumque Sacramentum moribundis vere pœnitentibus conferri semper voluit, forte per prædicta verba fuit illis apostatis ea sola communio denegata, quæ erat plena communio, plena pax cum Ecclesia, quæ magnis peccatoribus utcumque utroque Sacramento reffectis negabatur etiam in morte, quatenus, si convalescent ab infirmitate sua, ingredi debebant stadium pœnitentiæ, et gerere se tanquam ejectos, et ab usu Sacramentorum exclusos.

Cap. 2. Flamines qui post fidem lavacri, et regenerationis sacrificaverint, eo quod geminaverint scelera, accedente homicidio, vel triplicaverint facinus cohærente mœchia, placuit, eos nec in fine accipere communionem. Hic erudiiti Interpretes dicunt, agi de iis Gentilium Sacerdotibus, qui flamines vocabantur, qui post conversionem, et Baptismum ad vomitum redierant, et ad suum munus, quod erat diis immolare initio ludorum, et publicis ludis præesse, in quibus homicidia, et adulteria, aliaque huiusmodi obscœna committebantur, quorum proinde reatus ad eos redundabat: vel agi de iis Sacerdotibus qui pariter post sanctum lavacrum, quo erant expiati, redierant ad sua sacrificia, in quibus carnes humanæ offerebantur idolis, et virgines, antequam mactarentur, ab ipsis Sacerdotibus constuprabantur non sine culpa mœchiæ, cum Sacerdotes uxorati essent. Nisi forte hæc vox mœchia sumenda sit in lata significatione pro quovis illicito concubitu, quomodo usurpari eam posse docet August. lib. 2. super Exod. cap. 71. Igitur hi Sacerdotes ex his tribus criminibus, vel ex singulis, ut alii interpretantur, cum parva aliqua mutatione verborum huius capitis, tota vita, inque ipsa morte privantur communionem prædicta.

Cap. 3. Item flamines qui non immolaverint, sed munus tantum dederint, eo quod se funestis abstinerint sacrificiis, placuit in fine præstari eis communionem: facta tamen legitima pœnitentia. Item ipsi, si post pœnitentiam fuerint mœchati, placuit, ulterius, eis non esse dandam communionem, ne lusisse de Dominica communionem videantur. Hic nomine muneris intelligunt aliqui pecuniam, vel tale aliquid datum persecutoribus ad redimendam corporis, et vitæ vexationem. Hoc autem dare ad hunc finem culpa vacat, et supra definit Petrus Alexandrinus Can. 12. non igitur puniendum erat, nisi forte causa aliqua nobis incomperta id eo tempore illicitum fecit. Aliqui ea voce intelligunt munus aliquod datum idolo, vel ethnico Sacerdoti ad sumptus sacrificiorum, quod certe erat illicitum, et puniendum. Alii demum, nomine muneris significari dicunt ludos publicos, quos hi flamines exhibuerant, sed sine sacrificio, et ideo minus puniuntur.

Cap. 4. Item flamines, si fuerint catechumeni, et se à sacrificiis abstinerint, post triennii tempora placuit ad baptismum admitti debere. Potarunt Patres, flamines quos experti fuerant parum constantes, esse diutius probandos, nempe toto triennio,

cum reliqui post biennii catechumenatum baptizarentur. ~~Igitur~~ si flamines intra triennium ad sua impia sacrificia relapsi fuissent, nec eo elapso poterant baptizari, quamvis eos sui delicti pœniteret.

Cap. 5. Si qua domina furore zeli accensa (nempe zelotypiæ stimulis percita) flagellis verberaverit ancillam suam, ita, ut intra tertium diem animam cum cruciatu effundat, eo quod incertum sit, voluntate, an casu occiderit: si voluntate, post septem annos; si casu, post quinquennii tempora, acta legitima pœnitentia, ad communionem placuit admitti. Quod si intra tempora constituta fuerit infirmata, accipiat communionem. Quæ diceretur pœnitentia legitima, nempe peragenda secundum canones toto eo tempore, quod dicebatur tempus pœnitentiæ, constat ex Burch. lib. 19 et dicitur infra.

Cap. 6. Si quis vero maleficio interficiat alterum, eo quod sine idololatria perficere scelus non potuit, nec in fine impertiendam esse communionem. Nempe illam plenam pacem et reconciliationem cum Ecclesia, de qua dictum cap. 4. hujus Synodi. Maleficium autem, quod puniuntur, erat opus artis magicæ continens adorationem idolo exhibitam.

Cap. 7. Si quis forte fidelis post lapsum mœchiæ, acta per tempora constituta legitima pœnitentia, denuo fuerit fornicatus, placuit eum nec in fine habere communionem. Ostendi autem in Cler. Rom. lib. 1. dis. 5. numquam potuisse relapsis negari in morte Sacramentalem absolutionem. Qui ergo hos Patres errasse negabit, infligi hîc ab eis dicet solam pœnam negatæ Eucharisticæ communionis; imo solam pœnam negatæ ecclesiasticæ, et plenariæ reconciliationis, ut supra dictum est.

Cap. 8. Item fœminæ, quæ nulla præcedente causa reliquerint viros suos, et alteris se copulaverint, nec in fine accipiant communionem, si videlicet (ut addit Burchardus lib. 9. cap. 62.) in hoc permanere voluerint.

Cap. 9. Item fidelis fœmina, quæ adulterum maritum reliquerit fidelem, et alterum duxit, prohibeamus, ne ducat: si autem duxerit, non prius accipiat communionem, quam is, quem reliquerit, de sæculo exierit, nisi necessitas infirmitatis dare compulerit.

Conceditur ei communio post mortem relictæ conjugis, quia tunc illa poterat alteri nubere, et contrahere verum matrimonium.

Cap. 10. Si ea, quam catechumenus reliquit, duxerit maritum, potest ad fontem lavacri admitti prædictus catechumenus. Hoc et circa fœminas catechumenas erit observandum. Quod si fuerit fidelis, quæ ducitur ab eo qui uxorem inculpatam reliquit, et scierit, eum habere uxorem, quam sine causa relinquit, placuit huic nec in fine dari communionem. In prima parte canonis agitur de eo qui uxorem alteri junctam repetere non potest, aut ex causa, si qua est, non debet, et is admittitur ad Bapti-

smum. In secunda parte agitur de ea, quæ nupsit illegitime, et hæc rejicitur.

Cap. 12. Mater vel pater, vel quilibet fidelis, si lenocinium exercuerit, eo quod alienum vendiderit corpus, vel potius suum, placuit eam nec in fine accipere communionem. Dicit suum, quia corpus filii est veluti corpus parentum.

Cap. 13. Virgines quæ se Deo dedicaverunt, si pacta prodiderint virginitatis, atque eidem libidini inservierint, non intelligentes quid amiserint, placuit nec in fine dandam eis esse communionem. Quod si semetipsas pœnituerint, quod infirmitati corporis lapsæ fuerint, et toto tempore vitæ suæ egerint pœnitentiam, et abstinerint se à coitu, eo quod lapsæ potius videantur, placuit eas in fine communionem accipere debere. In prima parte Canonis agitur de illis, quæ lapsæ non resipuerint statim, sed diu vel etiam usque ad mortem in peccato suo, et mala vita perstiterint; in secunda vero de illis quæ ex fragilitate lapsæ statim surrexerunt, et perpetuam post pœnitentiam peregunt.

Cap. 14. Virgines quæ virginitatem suam non custodierint, si eosdem, qui eas violaverant, acceperint, et invenerint maritos, eo quod solas nuptias violaverint, post unius anni pœnitentiam reconciliari debent; vel si alios cognoverint viros eo quod mæchatae sint, placuit per quinquennii tempora, acta legitima pœnitentia, admitti eas ad communionem. In prima parte Canonis agitur de puellis, quæ à soluto violari se permiserant non violantes jus alterius, sed solum dehonestantes se ipsas, et suas futuras nuptias; in secunda vero parte agitur de illis, quæ cognoverant alienum virum, nempe junctum matrimonio, ac proinde sunt in mæchiam lapsæ.

Cap. 15. Propter copiam puellarum, gentilibus minime in matrimonium dandæ sunt virgines Christianæ, ne ætas in floribus in adulterio resolvatur animæ. Id est, copia puellarum non debet efficere, ut earum cum ethnicis matrimonia permittantur.

Cap. 16. Hæreticis qui errant ab Ecclesia Catholica, nec ipsis Catholicas dandas puellas; sed neque Judæis, neque Hæreticis (alii legunt Schismaticis, nam de Hæreticis dicitur initio capituli) dari placuit, eo quod nulla possit esse societas fidelis cum infideli. Si contra interdictum fecerint parentes, abstinere per quinquennium placet, nempe manere per quinquennium excommunicatos. Forta eadem pœna castigandi erant, qui præcedentem Canonem 13. violassent, quamvis ibi de pœna nihil dicatur.

Cap. 17. Si qui forte Sacerdotibus idolorum filias suas junxerint, placuit nec in fine eis dandam esse communionem. Siquidem puellæ his nuptæ in ingens periculum deserendi veram religionem conjiciebantur.

Cap. 18. Episcopi, Presbyteri, Diaconi, si in ministerio positi delecti fuerint, quod sint mæchati, placuit, et propter scanda-

lum, et propter nefandum crimen, nec in fine eos communionem accipere debere. Hic nomine mœchiæ significari ab his Patribus copulam quamlibet illicitam, dicunt aliqui, nec sine fundamento, ut supra innui.

Cap. 20. Si quis Clericorum detectus fuerit usuras accipere, placuit degradari, et abstinere. Si quis etiam laicus accepisse probatur usuras, et promiserit correptus jam cessaturum, nec ulterius exacturum, placet ei veniam tribui; si vero in ea iniquitate duraverit, ab Ecclesia sciat se esse projiciendum.

Cap. 21. Si quis in civitate positus tres Dominicas ad Ecclesiam non accesserit, tanto tempore abstineat, ut correptus esse videatur. Id est, ut constet ejus culpam non dissimulari, sed corrigi. In eos autem qui ruri habitabant, non animadverterunt Patres, quia cum tempore persecutionum paucissimæ in agris, aut pagis essent Ecclesiæ, non potuerant hi facile adire.

Cap. 22. Si quis de catholica Ecclesia ad hæresim transitum fecerit, rursusque ad Ecclesiam recurrerit, placuit huic pœnitentiam non esse denegandam, eo quod cognoverit peccatum suum: qui etiam decem annis agat pœnitentiam, cui post decem annos præstari communicatio debet. Si vero infantes fuerint transducti, quod non suo vitio peccaverint, incunctanter recipi debent.

Cap. 30. Subdiaconum eum ordinari non debere, qui in adolescentia sua fuerit mœchatus, eo quod postmodum per subreptionem ad altiorem gradum non sit promovendus (qui enim non confessus mœchiam ordinabatur, nec illam confitebatur postea, et sic illegitime ad Diaconatum ascendebat. V, cap. 76.), si autem aliqui in præteritum ordinati, amoveantur.

Cap. 31. Adolescentes, qui post fidem lavacri Salvatoris fuerint mœchati, cum duxerint uxores, acta legitima pœnitentia, placuit ad communionem eos debere admitti; id est si resiliens à vaga, et nefaria libidine castum connubium contraxerint, ne si soluti maneant, relabantur, post legitimam pœnitentiam, admittantur. Quamvis enim pœnites debent abstinere conjugio, contrahere tamen mittebantur, cum continere se non poterant.

Cap. 32. Si quis gravi lapsu in ruinam mortis inciderit (id est in mortis articulum, seu periculum) placuit agere pœnitentiam non debere sine Episcopi consultu, sed potius apud Episcopum agat. Cogente tamen infirmitate non est Presbyterorum, aut Diaconorum communionem talibus præstare debere, nisi eis jussit Episcopus. Hinc sumitur argumentum, nomine communionis in hac Synodo significari, aut actionem tradendi Eucharistiam, aut absolvendi ab ecclesiasticis censuris, vel pœnis, et reconciliandi cum Ecclesia, quam etiam Diaconi præstare poterant, et præstabant aliquando moribundis.

Cap. 33. Placuit in totum prohibere Episcopis, Presbyteris, Diaconibus, et Subdiaconibus positis in ministerio, abstinere se

à conjugibus suis, et non generare filios: quicumque vero fecerit, ab honore clericatus exterminetur.

Cap. 37. Eos qui à spiritibus immundis vexantur, si in fine mortis fuerint constituti, baptizari placet; si vero fideles fuerint, dandam eis esse communionem. Prohibendum etiam, ne lucernas hi publice accendant; si facere contra interdictum voluerint, abstineant à communione. In prima parte canonis agitur de catechumenis energumenis, eosque debere in morte baptizari, dicitur. In secunda parte agitur de energumenis baptizatis, quos in morte Sacramento refici debere, dicitur. In tertia agitur de Clericis energumenis, quibus sub pœna excommunicationis prohibetur accendere templi luminaria.

Cap. 40. Placuit prohiberi, ut cum rationes suas accipiunt possessores, quicquid ad idolum datum fuerit, acceptum non ferant; si vero post interdictum fecerint, per quinquennii spatia temporis à communione esse arcendos. Sumptus in honorem idoli factos ab œconomis, non esse acceptos ferendos à dominis, hoc Canone decernitur, ne aliquem honorem diis falsis tribuisse viderentur.

Cap. 43. Admoneri placuit fideles, ut quantum possint, prohibeant, ne idola in domibus suis habeant: si vero vim metuunt servorum, vel seipsos puros conservent (nec ea colentes, nec eorum cultum ullo signo approbantes). Si non fecerint, alieni ab Ecclesia habeantur.

Cap. 44. Quæ fuerit aliquando meretrix, et postea habuerit maritum, si postmodum ad credulitatem (scilicet ad fidem) venerit, incunctanter placuit esse recipiendam.

Cap. 45. Qui aliquando fuerit catechumenus per infinita tempora (nempe multo tempore, seu incerto, ut aliqui exponunt) et unquam ad Ecclesiam accesserit (scilicet postea ut baptizaretur) si eum de clero quisquam agnoverit, voluisse esse christianum, aut testes aliqui extiterint fideles, placuit ei baptismum non negari, eo quod in veteri homine deliquisse videatur; quia videlicet per hanc suam negligentiam, vel inconstantiam peccavit ante baptismum: peccata autem ante baptismum commissa facile remittebantur.

Cap. 48. Si quis fidelis aspostata per infinita tempora ad Ecclesiam non accesserit, si tamen aliquando fuerit reversus, nec fuerit idololatra (id est recesserit quidem à Religione christiana, sed postea manserit nec christianus, nec idololatra) post decem annos placuit eum communionem accipere.

Cap. 47. Si quis fidelis habens uxorem, non semel, sed saepe fuerit mœchatus, in fine mortis est conveniendus. Quod si se promiserit cessaturum, detur ei communio. Si resuscitatus, id est morbo mortali liberatus rursus fuerit mœchatus, placuit ulterius eum non ludere de communionem pacis, seu ut habet Burchar. lib. 9. cap. 67. hunc canonem afferens, placuit ulterius non illudere alios

de communicata pace. Quibus ultimis duobus verbis confirmatur quod initio dicti, hoc Concilio nomine communis significari plenam cum Ecclesia reconciliationem, et restitutionem pacis cum ea.

Cap. 49. Admoneri placuit possessores, ut non putentur fructus suos, quas à Deo percipiunt cum gratiarum actione; à Judaeis beneficii, ne nostram irritam, et infirmam faciant benedictionem: Si quis post interdictum facere usurpavit, penitus ab Ecclesia abjiciatur.

Cap. 50. Si vero quis, Clericus fuerit sive fidelis, qui cum Judaeis cibum sumpserit, placuit, eum à communione abstinere, ut debeat emendari.

Cap. 51. Ex omni hæresi qui ad nos fidelis venerit, minime est ad Clerum promovendus, vel, si qui sunt in præteritum ordinati, sine dubio deponantur.

Cap. 52. Si qui inventi fuerint libellos famosos in Ecclesia ponere, anathematizentur.

Cap. 54. Si qui parentes fidem fregerint sponsaliorum, triennio tempore abstineant se à communione (Sponsalia olim sine parentum consensu non celebrabantur, ut Paulus docet lib. 33. ad edictum in lib. 7. de Sponsal.). Si tamen idem sponsus, vel aponsa in illo gravi crimine fuerint deprehensi, excusati erunt parentes: Si vero in eodem fuerint vitio, et poluerint se consentiendo, superior sententia servetur. Id est si iidem parentes filius sponsalia iurfragentibus consenserint, triennio maneat excommunicati.

*Cap. 55. Sacerdotes qui tantum sacrificantium coronam portant, nec sacrificant, nec de suis sumptibus aliquid idolis præstant, placuit, post biennium accipere communionem. Aliquot fideles, ut hic notat Gonzalez, post baptismum Sacerdotia Gentiliam obibant, vel ambitione, vel necessitate, unde eos vocat idem Concilium cap. 2. et 3. *Flamines*. Non omnes autem Sacerdotes sacrificabant, sed aliqui adstabant hostiæ, et aræ, et quidam coronati, hique hic puniuntur.*

Cap. 56. Magistratum vero, anno uno, quo agit duumviratum, prohiberi placet, ut se ab Ecclesia cohibeat. Multa aliquot quamvis publica, et honorifica, si præsertim gravia essent, et onerosa propter ingentes sumptus, non solum permessa fuisse christianis, sed jussa ab ethnicis Principibus. Inter hæc munia, seu Magistratus, erat duumviratus, ad quem spectabat præbere publicos ludos; et quamvis, cum ederentur, multa supersticiosa fierent, dicunt aliqui permissum ab hoc Concilio fuisse, ut Christiani necessitate cogente gererent hunc magistratum, et hos ludos exhiberent, ac solum prohibitos fuisse, eo tempore magistratus, qui uno anno explebatur, accedere ad Ecclesiam. Verum honori hujus Concilii magis consulit, qui prohibitum quidem ab eo hunc eorum accessum ad Ecclesiam dicit, eam tamen permissionem negat, cum eam is Canon nec contineat, nec supponat. Non enim qui christianum

destruere statim Ecclesia, dum singulisque numeris, functionem ei permittit, quin potius prohibet, eoque ea segregatione prae-
 Quod ipsum, dixerim de Sacerdotio Flavianum, quod paucissimum
 retineri, alique forte non hanc colligant ex hujus Synodi cap. 2. et 3.
 quibus potius prohibetur, cum illa utique eo capite puniantur,
 à quibus hoc profanum Sacerdotium non videtur separari potuisse.

Cap. 57. *Matronae, vel earum mariti vestimenta sua, ad or-
 nandam saeculariter pompam non dent, et, si faciant, spemendi
 tempora abstineantur.* Nominè autem pompae ludos circenses fuisse
 appellatos indicat Sueton. in Claud. cap. 11. et alii.

Cap. 59. *Prohibendum, ne quis Christianus, ut Gentilis, ad
 idolum Capitolii sacrificandi causa ascendat, et videat: quod
 si fecerit, pari crimine teneatur: si fuerit fidelis, post decem
 annos, acta penitentia, recipiatur.* Capitolium, cujus hic me-
 mentio, est, quodlibet templum instar Capitolii Romani in aliis civi-
 tatibus celsiori loco aedificatum, in quo publica sacrificia offerri
 solebant, sicut, et Palatii vox usurpatur pro celsioribus, ampliori-
 busque domibus, quamvis initio solum Imperatoris Romani domum
 in Palatino monte aedificatam significaret, ut hic observat Binius ex
 Baron. in Notis ad Martyrol. Rom.

Cap. 60. *Si quis idola frugerit, et ibidem fuerit occisus, quia
 in Evangelio non est scriptum, nec invenitur ab Apostolis un-
 quam factum, placuit, eum in numerum non recipi martyrum.*
 Novum id genus poenae fuit, quæ mortuos pertingeret, quos non
 esse honorandos, ut Martyres, hæc Synodus decernit. Quamvis non
 tam poena fuit hæc his infidelibus qui mortui erant, quam eruditio
 viventium, ne similia facerent, quibus Ethnici irritarentur, et per-
 secutiones in Christianos excitarent, ut non semel accidit ex incon-
 sulto aliquorum fervore, aut ambitione, aut etiam amore lucri.
 Non enim defuerant ex Christianis (ut innuit S. August. in breviculo
 collationum 3. divi cap. 61.) homines, facinorosi, aut zere alieno
 gravati, aut desides, qui hæc faciebant in Gentiles, eorumque sacra,
 ut in carcerem coniecti, ibi alerentur usque ad delicias, et ditarentur,
 etiam pietate et eleemosynis Christianorum. Ut hujus mali occasio
 tolleretur, docerenturque fideles, non esse hujusmodi ausis impru-
 dentibus turbendam Ecclesiae pacem, statuit hæc Synodus, ne mar-
 tyres haberentur, qui ad idolorum statuas infringendas, quod nec
 Christus faciendum esse docuit, nec factum fuerit ab Apostolis,
 prosillirent, et ob id ab Ethnicis necarentur.

Cap. 61. *Si quis post obitum uxoris suae sororem ejus duxerit,
 et ipsa fuerit fidelis, quinquennio à communione placuit absti-
 neri, nisi forte dari pacem velocius, necessitas coegerit infirmi-
 litis.* Ea verba, et ipsa fuerit fidelis, fuerunt adjecta, quia si
 ea gentilis fuisset, ex geminato scelere major poena fuisset in-
 fligenda.

Cap. 62. *Si auriga, aut pantomimi credere voluerint, pla-
 cuil, ut prius artibus suis renunciant (illi siquidem ludis circen-*

sibus in honorem Deorum celebratis præstare operam suam cogebantur; hi præter aliquam superstitionem, qua ipsi quoque Deorum facta representantes, vel ludicra in honorem Deorum exhibentes inficiebantur, obscenæ populi voluptati serviebant). Quod si facere contra interdictum tentaverint, projiciantur ab Ecclesia.

Cap. 63. Si qua mulier per adulterium, absente suo marito conceperit, idque post facinus occiderit, placuit ei, nec in fine dandam esse communionem eo quod geminaverit scelus.

Cap. 64. Si qua mulier usque in fine mortis suæ cum alieno fuerit riro mœchata, placuit nec in fine dandam ei esse communionem. Si vero eum reliquerit, post decem annos accipiat communionem, acta legitima pœnitentia.

Cap. 65. Si cujus Clerici uxor fuerit mœchata, et sciat eam maritus suus mœchari, et eam non statim projecerit (et per hoc consentire visus fuerit) nec in fine accipiat communionem, ne ab his, qui exemplum bonæ conversationis esse debent, videantur magisteria scelerum procedere.

Cap. 66. Si quis privignam suam duxerit uxorem, eo quod sit incestus, placuit nec in fine dandam esse ei communionem.

Cap. 67. Prohibendum, ne qua fidelis, vel catechumena, aut comicos, aut viros scenicos habeat. Quæcunque hoc fecerit, à communione arceatur. Cum his contrahi matrimonia noluerunt, qui non solum infamia laborabant, sed superstitione etiam, ut erat infelicitas eorum temporum, infici solebant, ut dicebam supra.

Cap. 69. Si quis forte habens uxorem semel lapsus fuerit, placuit, eum quinquennio agere pœnitentiam, et sic reconciliari, nisi necessitas infirmitatis coegerit ante tempus dare communionem. Hoc et circa scæminam observandum.

Cap. 70. Si conscio marito fuerit mœchata uxor, placuit nec in fine dandam ei esse communionem (nempe in pœnam lenocinii, cujus reus est maritus, quo conscio uxor mœchatur). Si vero eam reliquerit, post decem annos accipiat communionem, si eam, cum sciverit adulteram, aliquo tempore in domo sua retinuit, tanquam ei consentiens, ac proinde mœchiæ pœna dignus.

Cap. 71. Stupratoribus puerorum, nec in fine dandam esse communionem.

Cap. 72. Si qua vidua fuerit mœchata, et eundem postea habuerit maritum, post quinquennii tempus acta legitima pœnitentia, placuit eam communioni reconciliari. Si alium duxerit, relicto illo (eumque infidelem) nec in fine dandam ei esse communionem; vel si fuerit ille fidelis, quem accepit, communionem non accipiat, nisi post decem annos acta legitima pœnitentia, nisi infirmitas coegerit velocius dare communionem. Hic mœchia late accipitur pro fornicatione simplici, non agitur de vidua peccante cum soluto, quem proinde postea maritum habet: nisi velis eam peccasse cum uxorato, quem postea, uxore mortua, habet maritum.

Cap. 73. *Delator si quis extiterit fidelis, et per delationem ejus aliquis fuerit proscriptus, vel interfectus, placuit eum nec in fine accipere communionem. Si levior causa fuerit, intra quinquennium accipere poterit communionem. Si catechumenus fuerit, post quinquennii tempora admittatur ad Baptismum.*

Cap. 74. *Falsus testis, prout crimen est, abstinebitur (id est si grave, et capitale fuerit, quod objecit, abstinebitur in perpetuum). Si tamen non fuerit mortis quod objecit, et probaverit, quod diu tacuerit, biennii tempore abstinebitur (id est si illud quod objecit non fuerit capitale, et probaverit, se non sponte ad testimonium ferendum prosiliisse, sed diu tacuisse, et veluti additum ad id fuisse, biennii communionem privetur). Si autem non probaverit in conventu Clericorum, placuit per quinquennium abstinere.*

Cap. 75. *Si quis autem Episcopum, Presbyterum, vel Diaconum falsis criminibus appetierit, et probare non potuerit, nec in fine dandam ei esse communionem. Ili tres propter rerum ecclesiasticarum administrationem, et judicia erant magis obnoxii calumniis, à quibus proinde fideles magis absterrendi.*

Cap. 76. *Si quis Diaconum se permiserit ordinari, et postea fuerit in crimine detectus mortis (sub quibus vocibus triplex crimen tunc significabatur, nempe idololatria, mæchia, et homicidium) quod aliquando commiserit, si sponte fuerit confessus, placuit eum, acta legitima pœnitentia, post triennium accipere communionem: quod si alius eum delexit, post quinquennium, acta pœnitentia accipere communionem laicam debere. Igitur qui unum ex prædictis tribus criminibus commiserat, quamvis occulto, ordinari Diaconus non poterat, immo nec Subdiaconus, ut dicitur cap. 30. Laica communio erat illorum; qui in templo non admittebantur intra cancellos in loco, quem modo dicimus chorum, sed extra in loco laicis destinato. Is ergo qui hoc in loco, et non superiori quem dixi, manere poterat, frui tantum laica communionem dicebatur, qua ipsa aliquando privabantur toto vitæ tempore Clerici (ut illi, de quibus agit Felix III. in ea epist. ad Episcopos Africæ cap. 2.) dicebanturque in morte ad laicam communionem recipi, non quod in morte Eucharistiam in tali loco cum laicis acciperent, sed quod essent tunc in ordinem fidelium laicorum recepti.*

Cap. 78. *Si quis fidelis habens uxorem, cum Judæa, vel Gentili fuerit mæchatus, à communionem arceatur. Quod si alius eum deleixerit, post quinquennium acta legitima pœnitentia, poterit Dominicæ sociari communioni. Semel mæchatus quinquennali pœnitentia castigatur Canon. 69. Is ergo Canon additur ad severius puniendum qui non mæchatur utcumque, sed cum Judæa, vel Gentili, quod certe est turpius, et gravius adulterium. Cur ergo in prima parte Canonis non statuitur tempus pœnitentiæ, et in secunda solo quinquennii culpa puniatur, et quidem etiam dum non confitetur ipse, sed ab alio accusatur? Igitur in prima parte Canonis*

aliquid deest, et in secunda est, aliquid mutatum, et unus annorum numerus pro alio positus.

Cap. 79. Si quis fidelis alea, id est tabula luserit, placuit cum abstinere, et si emendatus cessaverit, post annum poterit communioni reconciliari. Dicitur vel tabula, eo quod is ludus fiat in tabula talis, seu taxillis, vel tesseris, estque plerumque magnorum scelerum aliorumque malorum causa, vel occasio, ac proinde hæc pœna dignus: tunc autem potissimum erat, cum, ut hic dicit Albaspinæus, speciem quandam idololatriæ committeret, qui hos talos jactabat. Deorum enim Gentilium effigies pro numeris habebant, iique invocabantur, ut felicissimus veniret jactus.

Hi sunt celebres Concilii Illiberitani Canones, qui videntur potius dicendi pœnales, quam pœnitentiales, juxta ea quæ dixi cap. 1. iis enim, quos feriunt, solam plerumque excommunicationem, seu privationem plenæ reconciliationis cum Ecclesia, aut perpetuam, aut usque ad articulum mortis, duraturam, aut aliquot annorum intentant; hæc autem excommunicatio pœna potius est, quam pœnitentia. Adhuc tamen vere pœnitentiales dici possunt; cum non semel innuant Patres, debere eum qui abstinetur, seu arceatur à communionem, et pace Ecclesiæ, vacare interim legitimæ pœnitentiæ. Quæ autem esset hæc legitima pœnitentia, et qualiter distribuenda, et per quos ex illis quatuor gradibus, et quandiu in singulis peragenda, numquam definiunt, quia forte id antea definitum erat, ut videlicet ea, vel triennii, vel quinquennii, vel septennii, vel decennii pœnitentia in quatuor, aut saltem tres partes divideretur, æquales ex lege, sed inæquales ex facto, nimirum ex ipsa contritione, aut viribus pœnitentium; prout enim pœnitens magis, aut minus contritus videbatur, et onus impositum ferre poterat, magis, aut minus detineri in unoquoque gradu, vel statione debebat, si tamen recepta in Ecclesia erat ea ducta per illos quatuor gradus pœnitentia.

Minus autem detineri voluerunt Illiberitani Patres, quam prædicti Patres Græci, ut audisti; cum cap. 5. homicidæ etiam ex voluntate delinquenti septem duntaxat annorum pœnitentiam imponant; Basiliius autem plusquam duplo, et Gregorius Nyssenus plusquam triplo majorem statuunt. Quod in mœchia, aliisque delictis animadvertere similiter potes, nimirum in illis ipsis, quæ nec in morte fuerunt in aliquibus Ecclesiis absoluta, ut ostendi in Cler. Rom. lib. 1. disp. 2. Ex quo etiam capite confirmatur quod initio hujus capituli dixi, haudquaquam credibile esse, tam severos hos ipsos Patres in eos fuisse, quos nec in morte recipi volunt ad communionem, ut vere mori eos voluerint, nec vinculis peccatorum à Sacerdote absolutos, nec Eucharistia refectos, quod sane si voluissent, severius in eos, qui lapsi erant in hæresim, homicidium, et mœchiam animadvertissent, quam faciant cap. 5. 22. 56. 57. 59. 64. et 72. Ego certe aliam inire viam nequeo, qua hos Patres tam crebro communionem morientibus abnegantes vindicem, ut par est, ab ea severitate, quam ab Ecclesia abesse voluerunt illi ipsi Patres Græci, qui eos

Canones tam severos condidere, quamque recte semper, et recte semper debere Pontifices Sanctissimi docere, ut ostendi in Cler. Rom. lib. 1. disp. 2.

Explicata jam disciplina poenitentiae, quam statuit Synodus Illiberitana, exponenda jam esset ea, quae aliis hoc tempore celebratis Conciliis placuit, sed ea explicatione non indiget; tum quia eorum Canones facile intelliguntur; tum quia, si qui obscuriores sunt, et certam explicationem recipere possunt, ex dictis clarescent. Praeterquam quod esset opus infinitum persequi omnes particularium conciliorum Canones, qui ad hanc disciplinam, de qua agimus, spectant. Satis ergo erit, ut, quoniam produxi Canones unius Concilii à Latinis Patribus celebrati, producam etiam Canones saltem aliquos alterius Concilii à Græcis Patribus circa idem tempus celebrati.

§. II.

Canones aliquot Synodi Ancyranæ.

PALLO post Illiberitanam, ut videtur, celebrata hæc Synodus fuit, nempe anno 314. Distinctissime autem totam causam lapsorum expendit, et eorum diversos lapsus per hoc Canones curari vult.

Cap. 4. *De iis, qui vi sacrificaverunt, et præterea ad idola pransi sunt. Quicumque abducti quidem, et lætiore habitu accesserunt, et veste sumptuosiore usi sunt, et parati prandii, non ægre id ferentes, participes fuerunt, visum est anno audire, tribus autem annis subterni, ac supplices esse, soli autem orationi duobus annis communicare, et tunc ad id quod est perfectum accedere.*

Cap. 5. *Quicumque autem cum veste lugubri accesserunt, et accumbentes comederunt, interea toto accubitus tempore lacrymas fundentes, si triennale substrationis tempus impleverint, sine oblatione recipiantur (scilicet soli orationi communicantes sint cum fidelibus qui consistunt; nec offerant, nam qui offerebant, boni etiam, nempe Eucharistiae participes erant). Si autem non comederint, cum duobus annis supplices, substratique fuerint, tertio anno communicent sine oblatione (nempe communicent in sola oratione, nec ipsi offerentes, sed prius quam priores reconciliandi) ut id quod perfectum est triennio accipiant, nempe Eucharistiae communionem, et plenam reconciliationem cum Ecclesia. Statuimus autem, ut Episcopi, modo conversationis examinato, potestatem habeant, vel ulendi clementia, vel plus temporis adjiciendi. Ante omnia autem et præcedens vita, et quæ consecuta est examinetur, et sic eis clementia impertiatur.*

Cap. 6. *De iis qui supplicii minis, et bonorum ablationis, vel*

exterminationis tantum cesserunt, et sacrificaverunt, et ad præsens usque tempus pœnitentiam non egerunt, nec conversi sunt, nunc autem circa tempus Synodi processerunt, et conversionis cogitationem induerunt, visum est ad magnum usque diem (nempe sanctum Pascha) eos ad auditionem admitti, et post magnum diem tribus annis esse supplices, et substerni, et post alios duos annos communicare sine oblatione, et sic ad id quod perfectum est venire, ut totum sexennium impleant. Si qui autem ante hanc Synodum ad pœnitentiam admissi sunt, ab illo tempore eis sexennium repulsi. Sed si periculum, mortisque expectatio ex morbo, vel aliqua alia occasione evenerint, ii sub definitione recipiantur, id est ii recipiantur, et absolvantur, utpote sub ipsam vitæ definitionem, seu finem constituti, seu recipiantur, et absolvantur, ut definitum est.

Cap. 7. *De iis, qui in festo Ethnico, in loco Gentilibus deputato convivati sunt, et proprios cibos attulerunt, et comederunt, visum est, cum biennio substrati fuerint, esse recipiendos. An unumquemque autem cum oblatione recipere oporteat, est Episcoporum examinare, et aliam vitam in unoquoque inquirere, nempe vitam priorem delicto, et præsentem.*

Cap. 8. *Quicumque autem bis, vel ter sacrificaverunt per vim, triennio substernantur, duobus autem annis sine oblatione communicent, et septimo perfecte recipiantur.*

Cap. 9. *Quicumque autem non solum desciverunt, sed etiam insurrexerunt, et fratres suos coegerunt, et causæ fuerunt, ut cogerentur, ii annis quidem tribus auditionis locum suscipiant, alio autem anno sine oblatione communicent, ut decennio expleto, ejus, quod est perfectum, sint participes. Eorum autem in eo quoque tempore vitam examinare oportet.*

Simili distinctione cap. 16. *curent eos, qui cum pecoribus, vel more pecudum cum propinquo sanguine mixti sunt. Quicumque priusquam viginti quidem annos nati essent peccarunt, postquam quindecim annis substrati, supplices fuerint, communionem ad preces assequantur. Deinde et cum in communione quinque annis perseveraverint, oblationem attingant. Examinetur autem et eorum in substratione vita, et ita humanitatem consequantur. Si qui autem improbe ac maligne in peccatis fuerunt, longe substrationem habeant. Quicumque autem hanc ætatem transgressi, et habentes uxores, in hoc peccatum inciderunt, viginti annis substrati, communionem ad preces assequantur. Deinde, cum in precum communione quinque annos peregerint, oblationem assequantur. Si qui autem, et mulieres habentes, et quinquagesimum annum transgressi, peccaverunt, in vitæ exitu communionem assequantur.*

Cap. 20. *Si alicujus uxor adulterata fuerit, vel quis eam adulteraverit, oportet eum in septem annis quod perfectum est assequi per gradus qui eo deducunt.*

Cap. 21. *De mulieribus, quæ sunt fornicatæ, et fœtus in utero perimunt, et fœtum necatorii medicamenti dant operam, prior quidem definitio usque ad vitæ exitum prohibebat, et ei quidam assentiuntur. Sed humanitate tamen utiles decrevimus, ut decennium per gradus præfinitos impleant.*

Cap. 22. *De involuntariis cædibus supplices quidem substerantur; eo autem, quod perfectum est, in fine vitæ digni habeantur.*

Cap. 23. *De involuntariis cædibus prior quidem constitutio jubet in septennio per præfinitos gradus esse perfecti participes: secunda vero constitutio quinquennium implere.*

Cap. 24. *Qui vaticinantur, et gentium consuetudines sequuntur, vel in suas ædes aliquos introducunt ad medicamentorum, inventionem, vel lustrationem, in quinquennii Canonem incidunt secundum gradus præfinitos, tres annos substrationis, et duos annos orationis sine oblatione.*

Hæc fuit censura Patrum Ancyranorum, qui in eam urbem ex Cappadocia, Ponto, Armenia, Cilicia, et Syria convenerunt. Mirum est autem ab ea sic discrepasse prædictorum Patrum Græcorum, et præsertim Basilii, et Gregorii Nysseni censuram, in aliquo minus, sed in plerisque severiorem.

§. III.

Canones Pœnitentiales Nycæni.

Nunc videndum quid utrique Patres Latini Græcique paulo post in magna Synodo Nicæna circa pœnitentiam lapsorum sancendum putarint. Sunt autem hæc tantum, saltem quæ extant.

Can. 10. *Quicumque de lapsis ad ordinem cleri promoti sunt per ignorantiam, vel per ordinantium dissimulationem, hoc ecclesiasticæ non præjudicat regulæ, cogniti namque deponuntur.*

Can. 11. *De his qui præter necessitatem prævaricati sunt, aut præter ablationem facultatum, aut præter periculum, vel aliquid hujusmodi, quod factum est sub tyrannide Licinii, placuit Synodo, quamvis humanitate probentur indigni, tamen eis benevolentiam commodari. Quicumque ergo veraciter pœnitentiam gerunt, tribus annis fideles inter audientes habeantur, et sex annis omni se contritione decificent: duobus autem annis sine oblatione populo in oratione communicent.*

Can. 12. *Quicumque vocati per gratiam primum quidem impetum monstraverunt deponentes militiæ cingulum; postmodum vero ad proprium vomitum sunt relapsi, ita ut quidem et pecunias tribuerent, et beneficiis militiam repeterent (parati videlicet fidem ejurare; aut etiam eo facto ejurantes, ne eo cingulo, quod*

magnum honorem, et privilegia plura adferebat; caveant) hi decem annis post triennii tempus, quo inter audientes erant, in afflictione permaneant. Sed in his omnibus propositum, et speciem penitentiae convenit explorare; quotquot enim metu, et lacrymis, atque patientia, vel bonis operibus, rebus ipsis conversionem suam non simulatione demonstrant, hi definitum tempus auditione implentes, tum demum fidelibus in oratione communicent; postmodum vero licebit Episcopo de his aliquid humanius cogitare. Quicumque vero indifferenter tulerunt (ita gerentes, ac si non peccassent, nec differrent ab aliis, vel ita ut nec impoenitentes essent, nec admodum poenitentes) et aditum introeundi Ecclesiam sibi arbitrati sunt ad conversionem posse sufficere, hi definitum modis omnibus tempus impleant.

Can. 13. De his qui ad exitum veniunt, etiam nunc lex antiqua, regularisque servabitur, ita ut si quis egreditur de corpore, ultimo, et maxime necessario Viatico minime privetur (nomine autem Viatici significari hic non solam absolutionem Sacramentalem, ut aliqui dicunt, sed etiam Eucharistiae communionem, praeter interpretationem Ecclesiae, et Synodorum hunc canonem exponentium, quas allegavi in *Eler. Rom. lib. 1. disp. 4.* sequentia verba demonstrant). Quod si desperatus (de vita) et consecutus communionem, oblationisque particeps factus, iterum convalescit, sit inter eos, qui communionem orationis tantummodo consequuntur. Generaliter autem omni cuilibet in exitu posito, et poscenti sibi communionis gratiam tribui, Episcopus probabiliter (id est, postquam probaverit, et cognoverit, poscentem esse bene dispositum) ex oblatione dare debet. Dare autem ex oblatione utique est Eucharistiam impertiri.

Can. 14. De catechumenis lapsis sancto, et magno Concilio placuit, ut tribus annis sint inter audientes tantummodo, post haec autem cum catechumenis orent, nempe cum catechumenis competentibus, qui erant magis proprie catechumeni.

CAPUT IV.

De Libris, qui post saeculum VII. Pœnitentiæ administrationi inserviebant.

SUB saeculi sexti finem, nempe an. 582. (non 583, uti perperam scripsere Caveus, Oudinus, et Dupinus) S. Eutychio in Constantinopolitana sede successit Johannes cognomine *Jejunator*, de cujus sanctitate disputantem adi Cuperus V. Cl. in *hist. Chronol. Patriarch. Constantinop. parergo VI*; defunctus est autem anno 596. si Baronio credimus, seu verius 593. quem annum Fabricius, Cuperus ipse, aliique doctissimi viri præferunt. Scripsit hic Libellum Pœni-

mentalem, sive ut ab Allatio lib. 5. de consensu utriusque Ecclesiam cap. 17. §. 10. inscribitur, *praxis Græcæ præscripta in Confessione peragenda*); quem habemus ab Johanne Morino Græce, et Latine editum ex codice Altempsianæ Bibliothecæ ad calcem sui de *pœnitentia* voluminis cum aliis Græcorum libris ad hoc Sacramentum pertinentibus, et à Fabricio recensis Tom. X. Bibl. Græcæ pag. 163.

II. Num. ad Jejunatoris exemplum, an facillioris ad Sacramentum Pœnitentiæ sive administrandum, sive suscipiendam institutionis causa idem Pœnitentialium librorum usus in Latina Ecclesia sæculo circiter septimo obtinuit. Nimirum ex toto corpore, inquit Francolinus de *pœnit. discipl. lib. 2. cap. 8.* Decretorum, Canonum, et sententiarum ea excerpta fuere, quæ ad Pœnitentiam pertinebant, et simul collecta in unum libellum, qui inde dictus fuit *excerptum de canonibus Patrum ad remedium animarum, vel de remediis peccatorum*, vel tandem *liber Pœnitentialis*. Hujus autem sen appendix seu pars fuit ordo quidam, et institutio continens modum, et ritus, quibus pœnitens susciperetur, audiretur, interrogaretur, ac tandem reconciliaretur.

III. Plures hujusmodi libros recenset Joh. Albertus Fabricius T. XI. Bibl. Græcæ p. 73. seqq. Atque primo loco, inquit, memoranda summi, et de hisce litteris immortaliter meriti viri Antonii Augustini, Archiepiscopi Tarraconensis, Canonum Pœnitentialium collectio vulgata cum notis, Tarraconæ 1582. 4. et recusa Venetiis 1584. 4. rariusque hodie obvia, in qua occurrunt,

A) *Pœnitentiale Romanum*, quale Barchardus collectioni suæ inseruit, in quo Pontificum Calixti II. an. 1109. et Innocentii ann. 1130. mentio; et longe diversum adeo, et junioris ætatis, quæm quod ex codice antiquo Corbejensi cum notis Hugonis Menardi lucem vidit, in ejus notis ad Sacramentarium Gregorii Magni Paris. 1642. 4. p. 238. atque cum iisdem recusum est in Bibliotheca Patrum edit. Lugdun. tom. xiv. pag. 926. nec non in nova Operum Gregorii M. editione: et sine notis ad calcem Morini de Pœnitentia. Hoc Cameracensis Episcopus *Halilgarius*, qui an. 831. obiit, è Scrinio Ecclesiæ Rom. descripsisse se testatur: igitur à Menardo sub titulo Pœnitentialis Romani est editum, etsi quam plurima in eo desiderentur capitula; quæ à Barchardo, et aliis antiquis auctoribus sub titulo Pœnitentialis Romani laudata sunt, ut à Jac. Petito probe notatum.

B) Bedæ Presbyteri A. C. 735. defuncti, sive Egberti Eboracensis Archiepiscopi (defuncti A. 767.) de *remedio peccatorum*, excerptum ex Canonibus Catholicorum Patrum, vel pœnitentiæ ad remedium animarum domini Egberti Archiepiscopi. Recusum Paris. 1641. cum Antonii Augustini juris Pontificii epitome, quæ Romæ 1614. fol. lucem viderat: et in operibus Bedæ Venerabilis tom. viii. p. 961. 968. et in Speelmanni Conciliis Angliæ tom. i.

C) *Rabani Mauri*, Archiepiscopi Moguntini, A. C. 856. defuncti, pœnitentium liber, post A. 844. scriptus ad Otgarium Archiepi-

scopum Moguntinum, cui Rabanus deinde successit. Extat etiam in Operibus Rabani tom. vi. pag. 154. — 165.

D) *Gregorii Thaumaturgi, et Gregorii Nysseni Græcorum Patrum Epistolæ Canonice.*

E) *Canones Pœnitentiales Astenses, in ditione Sabaudie.*

IV. Post Antonium Augustinum vir et ipse doctissimus *Joannes Morinus* ad calcem præclari operis de disciplina in administratione Sacramenti pœnitentiæ, quod Parisiis primum 1651. fol. editum, deinde Bruxellis 1685. ac denique Venetiis 1702. recusum extat, novam pœnitentialium libellorum collectionem dedit, in qua occurrunt,

A) *Antiquus Pœnitentialis Romanus*, qualem ab Halithgario excerptum, et ab Hug. Menardo editum jam dixi.

B) *Egberti Eboracensis Archiepiscopi, defuncti A. C. 767. Excerptum sive capita 245. de Canonibus Catholicorum Patrum*, vel pœnitentiæ ad remedium animarum. Sive pars, sive epitome operis in quatuor libros distincti, et adhuc inediti, quod in variis Cantabrig., et Oxoniensibus Bibliothecis superesse manuscriptum Caveus testatur. Partem vulgaverat etiam Speelmannus tom. i. Concil. Angl. atque inde exhibuit Labbeus tom. vi. Concil. p. 1586. 1601. et Harduinus tom. iii. p. 1961. 1976. cum ejusdem Egberti Dialogo per interrogationes, et responsiones de Institutione Ecclesiastica pag. 1979. (Labbeus pag. 1604.) quem Dublinii vulgaverat. *Jac. Waræus* eques, A. 1664. 8.

C) *Tres Pœnitentiales Andegavenses, ex Codicibus MSS. D. de Loyate, civis Andegavensis, et in suprema Parisiens. curia advocati.*

D) *Excerpta pauca à Reginone, Pœnitentiali Theodori Cantuar. et Bedæ. Regino, ex Abbate (ab A. 892. ad 899.) Prumiensi Ord. Benedictini in ditione Germaniæ Trevirensi, Monachus S. Maximini Trevirensis (Chronico ad Alberonem Metensem Episcopum, quod à Christo nato ad tempora sua A. C. 907. deduxit, non incelebris), qui opus insigne Canonum, quod in usu Diœcesis maxime Trevirensis, hortante Archiepiscopo Trevirensi Rathodo, circa A. C. 906. composuit, editum primum à R. D. Joach. Hildebrando, ex Codice Bibliothecæ Helmstadiensis, qui olim Flacci Illyrici fuit, et in quo præterea extat Synodus Remensis adversus Arnulphum A. C. 991. Editum autem est hoc titulo: *De Disciplina Ecclesiastica veterum, præcipue Germanorum, libri duo.* Helmst. 1639. 4. Fateatur ipse Hildebrandus in defectu Codicis MS. huncce se titulum præfixisse ex suo ingenio; nam in Viennensi Codice, quem postea nactus est, ipse notat inscribi *de Ecclesiasticis Disciplinis, et Religione Christiana*, atque hunc titulum Trithemio etiam inspectum servavit in sua editione Stephanus Baluzius, qui Reginonis libros duos, quorum prior Clericorum res maxime, posterior laicorum spectat, ad Helmstadiensem editionem, veteremque Codicem MS. Bibl. Oratorii*

Parisiensis, eodem quo usus fuerat Moriaus emendatos : cum notis, citatisque in margine Canonum et Capitularium regularumque monasticarum, nec non Burchardi et aliorum locis, vulgavit Paris. 1671. 8. Idem Baluzius præf. ad Ant. Augustinum de emendatione Gratiani §. 17. observat Reginonem admodum raro uti Pseudepigraphis Epistolis decretalibus ab Isidoro Mercatore collectis. Subiunxit Hildebrandus varias Lectiones non Viennensis modo Codicis, sed Moguntini quoque, nec non appendicem plurium Capitum quæ in MS. Helmstadiensi absunt. Eam appendicem etiam auctam, et emendatam Baluzius adjunxit una cum *Rabani Mauri* Pœnitentiali altero quod *Epistola ad Heribaldum* Episcopum Alcedronensem, sive Antissiodorensem, A. C. 853. scripta, continetur, et lucem viderat in Petri Stervatii tomo ineditorum, Ingolst., 1616. 4. Eadem multa hæc Epistola, quæ Rabani Pœnitentium liber supra memoratus, continet, et citatur non raro tum à Reginone, tum ab Ivone, Gratiano, etc. Reginonis effigies ære descripta extat in Isaaci Bullarti Academia scientiarum edita Gallice Paris. 1682. tom. 1. pag. 121.

E) Excerptum ex Regulæ *Chrodogangi* circa A. C. 757. Canonicis suis datæ cap. 28. 29. 30. Chrodogangi hujus, ab A. 742. ad 766. Metensis Episcopi, qui aliis Codegrandus sive Codograndus (Trithemio c. 235. de Script. Eccles. Ruggandus) Regula Clericis Metensibus præscripta, in qua S. Benedicti Regulam frequenter sequitur, edita est à Luca Dacherio tom. 1. Spicileg. pag. 203. et minus interpolata à Labbeo tom. vii. Concil. p. 1444. et Harduino tom. iv. p. 1181. et à Carolo le Cointe tom. v. Annal. Ecclesiæ Francor. ad A. C. 757. Vide etiam Andream du Chesne tom. ii. Scriptor. Francor. pag. 204. et Concilium Aquisgranense A. C. 816. et regulam ex Chrodogando et aliis, quam dant Labbeus tom. vii. Concil. pag. 1464. et Harduinus tom. iv. p. 1198.

F) Excerpta ex tribus Codicibus Turonensis Ecclesiæ, tribus Remensis, et duobus Bellovacensis, duobus Collegii Fuxensis Tolosani, quatuor Codicibus Ecclesiæ Rothomagensis, et decem variis Codicibus MSS. Abbatiae S. Victoris Paris.

G) Notitia de *Ordine Romano* MS. Breviore et antiquiore, atque adeo sinceriore quam in Melch. Hittorpilii scriptoribus de Divinis Officiis, Colon. 1568. fol. sub init. et in Operibus Georgii Cassandri pag. 97. et in Bibliothecis Patrum sæpe prodiit ab Alcuino, ut videtur ad ætatis suæ mores auctus, et interpolatus. Vide Henr. Warthoni auctarium ad Usorium de Sacris Scripturisque vernaculis pag. 359.

H) Notitia de antiquissimo Sacramentario Gelasiano, quod ex Petaviana venit in Bibliothecam Christianæ Reginæ Sueciæ. De libro sententiarum Magistri *Roberti Pulli*, Cardinalis, circa A. C. 1144.

H) Ex Codice MS. Abbatiae Dionysianæ in agro Parisiensi.

I) Ex duobus Sacramentariis Tolosanis Excerpta, et Ordo Pœnitentiæ imponendæ, et de reconciliatione Pœnitentium.

V. Ab eo tempore Theodori Cantuariensis Archiepiscopi, quem Tarso Ciliciæ natum Vitalianus Papa Romæ ordinavit, et in Angliam misit, mors autem è vivis eripuit an. 690. Capitula Ecclesiastica cxx. apud Dacherium prodire Spicilegii tomo ix. et in Conciliis tom. Labbel tom. vi. pag. 1873. tum Harduini tom. iii. pag. 1774. Sed et ejus uberius *Pœnitentiale*, non integrum tamen, cujus capitula lxxviii. titulos ediderat Henricus Speelmannus tom. i. *Concil. Angliæ*. Parisiis 1679. ex duobus Thuanæ Bibliothecæ codicibus divulgavit Jacobus Petitus. Huc faciunt capitula quædam à Cl. Mansio edita tom. i. *supplem. ad Concilia Veneto-Labbeana* col. 317. seqq. Porro Jacobus Petitus ad calcem Theodori Cantuariensis exhibuit excerpta ex Pœnitentialibus MSS.

A) Magistri *Bartholomæi*, Oxoniensis Episcopi.

B) *Petri* Pictaviensis, Canonici S. Victoris.

C) Magistri *Roberti de Flamesbure*, Canonici S. Victoris, et Pœnitentiarum.

D) Magistri *Johannis de Deo*.

E) Ex Anonymo de Sacramento Pœnitentiæ in Bibl. S. Victoris Paris.

F) Ex Formulario Pœnitentiali MS. Bibl. Regiæ Navarræ.

G) Ex libro MS. Bibl. S. Victoris Paris. cui titulus: *Corrector, et Medicus, qui correctiones corporum, et animarum medicinas continet*.

H) Ex libro Pœnitentiali MS. Bibl. Victorinæ à diversis libris Pœnitentialibus desumpto.

I) Ex tractatu de Pœnitentia in summa Scholastica *Petri* Cantoris Paris., in summa *Magistri Præpositivi*, Cancellarii Paris. et in summa *Magistri Roberti de Chorcon*, Cardinalis.

VI. Præter hæc ab Antonio Augustino, Jo. Morino, et Jac. Petito vulgata, huc faciunt,

Collectio antiqua Canonum Pœnitentialium sæculo IX. antiquior, inque tres distincta libros, quam tomo undecimo Spicilegii divulgavit Lucas Dacherius Paris. 1672. 4. Præfationem hujus operis vldit, et partem ejus divulgavit Beatus Rhenanus in admonitione de Tertulliani dogmatibus, testatur opus ipsum magno redimere se cupere. Vide Baluzium ad Gratianum pag. 462.

Halitgarii Episcopi Cameracensis, qui A. C. 831. obiit, de vitiis, et virtutibus, remediis peccatorum, et ordine atque judiciis pœnitentiæ, libri sex, quorum *sextus* sive ultimus, et Pœnitentiale Romanum, de quo supra abunde dixi. Libros v. in lucem protulit Henr. Canisius tom v. lect. antiqu. parte 2. p. 227. Ingolstad. 1604. 4. Inde recusi sunt in Bibliotheca Patrum Colon. 1618. tom. viii. et Paris. 1633. tom. v. et Lugd. 1672. tom. xiv. Ex his lib. 1. et 2. *idem*

I) Ex duobus Sacramentorum libris in Bibl. Thuanæ.

sunt, qui inter *Rabani Mauri*, Archiepiscopi Moguntini, A. C. 863. defuncti opera prodire tom. vi. pag. 125, Liber I et II. de vitiis, virtutibus, et peccatorum satisfactione in remediis, sive de pœnitentiis. *Liber III. et IV.* Halitgarii, respondent libro II. et III. sub ejusdem Rabani nomine editis tom. vi. p. 116. seq. de questionibus Canonum Pœnitentialium ad Geribaldum Episcopum Antissiodorenses. *Liber Quintus* Halitgarii denique idem est, qui sub Rabani nomine ad Heribaldum legitur primus tom. vi. pag. 110. Superest liber tertius sive ultimus *Rabani* de vitiis et virtutibus, qui est de gravibus mortalibus peccatis et eorum satisfactione, capita LXXXII. tom. vi. pag. 150. — 154.

S. Columbani, Luxoviensis in Burgundia Abbatis, qui A. C. 615. obiit. Pœnitentiale MS. laudat Hugo Menardus pag. 952. ad Gregorii M. Sacramentorum librum. Ejusdem *Columbani*, de pœnitentiarum mensura taxanda, sive pœnitentiale ad calcem ejus regulæ cenobialis; prodiit in Codice Regularum Holstenii. Rom. 1664. A. Paris. 1665. 4. parte 2 pag. 98. et inter *Columbani* opera à Patricio Flemingo edita Lovan. 1667. et in Bibliotheca Patrum edit. Lug. tom. xii. pag. 21.

Cumani sive *Cummiani*, Abbatis Hiberni qui circa A. C. 660. diem obiit supremum, liber de pœnitentiarum mensura extat in eodem tomo xii. Bibliotheca Patrum Lugd. p. 42. — 49. Ediderat Patricius Flemings ex Codice Bibl. Sangalleasis, et *Columbano* adjunxerat.

Liber Pœnitentialis ad instar libri Canonum pœnitentialium ex SS. Augustini, Hieronymi, et Gregorii M. dictis, nescio quo auctore collectus, et sine loco, aut anno impressionis editus in fol. fuit in Bibl. Sarraziana in cujus Catalogo memoratur p. 32.

Pœnitentiale sive judicia congrua pœnitentibus, Capitula xxxiii. excerpta ex Patrum dictis Canonumque sententiis, prodierunt in Bibliotheca Patrum Paris. 1589 et 1654. tom. vi. et tom. vi. Conc. Labbei pag. 1468 et tom. iii. Harduini pag. 1869. Sub nomine *Gregorii III.* Papæ ab A. C. 731. ad 741. Petro Pithæo videtur posterioris Scriptoris.

Collectio Canonum Pœnitentialium MS. in Bibl. Michaelis Thomasi, Episcopi Ilerdensis, qua usi correctores Romani ad Gratianum.

Eugenii Papæ Canones Pœnitentiales in Bibliotheca Jo. Tilti MS. memorat idem Pithæus.

Canones XLVII. Pœnitentiales, decreto Gratiani subjecti in editione Pithæi, atque aliis quibusdam, et *Gratiani* ipsius tractatus de pœnitentia insertus causæ XXXIII.

VII. Omissos à Fabricio nunc persequamur.

Canones quosdam Pœnitentiales fortasse Gregorii II. edidit Cl. Mansius, *T. I. suppl. ad. Conc. Veneto-Labbeana* p. 538.

Martene Tom. iv. *Anecdotorum* Pœnitentialem Libellum vulgavit Anonymi Auctoris. Hunc vero Bedam fuisse conjicit qui illum recudit Tom. I.

T. I. Suppl. ad Concil. col. 583. seqq. doctissimus Mansius, additque Pœnitentialem Bedæ libellum à Lahbeo editum, ac supra memoratum Bedæ quidem esse, sed interpolatum.

Allos evulgavit idem Martene *de antiquis-Ecclesiæ ritibus lib. 1. c. 6. artic. vii.* præsertim vero *Judicium pœnitentiæ* ex pervetusto codice Floriacensi.

Capitulare Theodulfi Episcopi Aurelianensis publici juris fecit Baluzius *tom. vii. Miscellan. pag. 21.*

Muratorius quoque binos Pœnitentiales ex Italicis deprompsit Bibliothecis, alterum scilicet ex MS. codice Capituli Canonice Veronensium, alterum ex Bobiensis Monasterii MSS. exemplis, ediditque *Tom. V. Antiquit. Italic. mediæ ævi diss. 68.*

VIII. Neque mirum esse debet, tot exstare etiamnum hujusmodi Libros. Nam olim innumeri erant, ac sæpe corrupti. Qua de causa Concilia non semel de Pœnitentialibus libris aut incerto auctore editis, aut vitiatibus abolendis cogitarunt. Exstat hanc in rem Turonensis III. Synodi an. 813. celebratæ canon xxii. dignus, qui hæc adscribatur: *Episcopis, et Presbyteris diligenti cautela pertrahendum est, qualiter hominibus sua sibi delicta confitentibus tempus abstinendi adscribant, ut juxta modum peccati pœnitentibus abstinentia indicetur, quoniam varie ab aliquibus Sacerdotibus et Indisceratis hæc judicia proferantur. Ideo necessarium videbatur nobis, cum omnes Episcopi ad sacrum palatium congregati fuerint, ab eis edoceri, cujus antiquorum liber Pœnitentialis potissimum sit sequendus.* Eodem anno Cabilonense H. Concilium hanc canonem xxxviii. edidit: *Modus autem pœnitentiæ peccata sua confitentibus, aut per antiquorum canonum institutionem, aut per sanctarum Scripturarum auctoritatem, aut per ecclesiasticam consuetudinem..... imponi debet, repudiatis, ac pœnitentibus eliminatis libellis, quos pœnitentiales vocant, quorum sunt certi errores, incerti auctores.* Paucis post annis, anno scilicet DCCCXXIX. statuit Parisiense Concilium, ut singuli Episcopi suis in Diocesis ~~erroneos~~ *codicillos* (Pœnitentiales) *diligenter perquirerent, et inventos igni traderent.*

IX. Hos inter Pœnitentiales libros eminebat Pœnitentiale Romanum, quod propterea ad gentes recens e conversas mittebatur, ut notavit Chardonius in historia Sacramentorum. Enimvero hoc videtur *judicium illud pœnitentiæ*, quod ad Bulgaros juxta eorum postulata misisse se scribit Nicolaus I. in respons. ad illorum quæsitæ c. 73. Post Romanum vero celeberrimi Pœnitentiales libri fuere Theodori Cantuariensis, et Bedæ. Episcopus in sua Synodo, atque in Diocesis visitatione id potissimum investigabat, an quilibet Presbyter librum haberet Pœnitentialem suæ Diocesis proprium, præsertim vero Romanum, aut Theodori illum, ac Bedæ, et an secundum quod ibi præscriptum erat, pro modo culpæ pœnitentiam injungeret? Discimus id ex Burchardo, apud quem l. 1. c. 94. inter ea, quæ Episcopi in Diocesanis Synodis quærere debent, hoc *interrogat. 58.*

continetur : *Est aliquis, qui modum pœnitentiæ sibi injunctum non custodierit ?* Regino vero suam canonum collectionem à modo exorsus visitandi Ecclesias cap. 93. hanc singulis Presbyteris ab Episcopo, aut Archidiacono faciendam proponit interrogationem : *Si habeat Pœnitentiale Romanum, vel à Theodoro Episcopo, aut à Venerabili Presbytero Beda editum, ut secundum quod ibi scriptum est interroget confitentem, aut confesso modum pœnitentiæ imponat ?*

CAPUT V.

Antiquorum Pœnitentialium summa.

I. ANTEQUAM autem ultra progrediar, libet quemadmodum superius Græcorum, et Latinorum Canonum ad pœnitentiam spectantium summam tradidimus, huic etiam Pœnitentialium libellorum epitomen quamdam exhibere. Eam autem representabimus, qualem S. Carolus Borromæus contexit, Canonibus pro decalogi ratione dispositis.

Canones pœnitentiæ ad primum decalogi præceptum spectantes.

Qui à fide catholica desciverit, si intimo summoque dolore affectus, ad Ecclesiam redierit, pœnitentiam aget annis decem.

Qui dæmoni immolaverit, in pœnitentia erit annis decem.

Qui more Gentilium elementa coluerit ? qui vel segetibus faciendis, vel ædibus extruendis, vel arboribus serendis, vel nuptiis contrahendis, inanem signorum fallaciam observaverit, pœnitentiam aget annos duos feriis legitimis : (*id est feria secunda, quarta, et sexta, quæ legitimæ dicebantur, propterea quod ad abstinentiam, et jejunium legibus ecclesiasticis essent consecratæ*).

Qui cum Judæo cibum sumpserit, pœnitens erit dies decem, pane et aqua victitans.

Qui auguriis, et divinitatibus servierit, quive incantationes diabolicas fecerit, pœnitens erit annos septem.

Mulier incantatrix pœnitentiam aget annum, vel (ut alio canone præscribitur) annos septem.

Qui herbas medicinales cum incantationibus collegit, pœnitentiam aget dies viginti.

Qui magos consulerit, in pœnitentia erit annos quinque.

Qui ædes magicis cantionibus lustrat, aliudve tale admittit ; et qui ei consentit, quive consulit ; in pœnitentia erit annos quinque.

Qui tempestatum immissor erit, pœnitentiam aget annos septem, tres in pane et aqua : qui vero crediderit, particepsve fuerit, annum unum per legitimas ferias.

Si quis ligaturus, aut fascinationes fecerit, pœnitens erit annos duos per legitimas ferias.

Si quis sortilegus erit, pœnitentiam aget dies quadraginta.

Si quis in codicibus, aut in talibus, forte ducta, res futuras requisierit, pœnitens erit dies quadraginta.

Respiciens furta in astrolabio, annis duobus.

Si quis Clericus, vel monachus, postquam Deo voverit, ad sæculum redierit, pœnitentiam aget annos decem, quorum tres in pane, et aqua.

II. Canones pœnitentiæ contra infringentes secundum decalogi præceptum.

Quicumque sciens pejeraverit, quadraginta dies in pane, et aqua, et sequentes annos pœniteat, et nunquam sit sine pœnitentia, et nunquam in testimonium recipiatur : et post hæc communionem percipiat.

Qui perjurium in Ecclesia fecerit, pœnitentiam aget annos decem.

Qui sciens pejerat domini impulsu, pœnitens erit quadragesimas tres, et ferias legitimas : dominus autem quia præcipit, quadraginta dies in pane et aqua, et septem sequentes annos.

Si quis sciens pejeraverit, aliosque in perjurium induxerit, pœnitens erit dies quadraginta in pane et aqua, et septem annos sequentes, et tot perjuria jejunabit, quot homines in perjurium induxerit.

Si quis suspicatus, se ad perjurium induci ex consensu jurat, pœnitentiam aget dies quadraginta, et septem annos sequentes, et nunquam sine gravi pœnitentia erit.

Si quis per cupiditatem perjurium fecerit, carinam (*carina, barbara vox, idem quod quadragesimam, sive quadraginta dierum continuationem significans : quam alii carentenam, aut quadragenam dixerunt*) in pane et aqua jejundet, et quandiu vivet, omnes sextas ferias : item, si quis per cupiditatem pejeraverit, omnes res suas vendet, et pauperibus distribuet, et monasterium ingressus, jugi se pœnitentiæ subdet.

Si quis coactus, necessitateque aliqua impulsus perjurium commiserit, in pœnitentia erit quadragesimis tribus.

Item, si quis coactus pejeraverit, pœnitens quadraginta diebus pane et aqua victitet, ac præterea omnibus sextis feriis.

Si quis seductus, ignorans (pejeravit, et), postea cognoscit, pœnitentiam agat annum unum, vel quadragesimas tres, vel dies quadraginta.

Qui compellit alium, ut falsum juret, quadraginta dies in pane et aqua, et septem annos in pœnitentia erit.

Si quis jusjurandum, quo se regi et domino suo adstrinxerit, violaverit, in monasterio pœnitentiam aget omnibus diebus vitæ suæ.

Si quis se jurejurando obstrinxerit, ut cum aliquo litiget, nec

pacem cum eo reconciliet; pœnitentiam agat dies quadraginta in pane et aqua, per annum à sacra communione segregatus: ad charitatem vero celeriter redeat.

Si quis per capillum Dei, aut per caput ejus juraverit; si semel nesciens fecerit, pœnitens aqua et pane septem dies victitet; si secundo ac tertio monitus idem fecerit, dies quindecim.

Si per cœlum, aut per aliam aliquam creaturam; dies item quindecim.

Si quis blasphematur, tandiu pœnitens erit, quamdiu impœnitens permansit.

Si quis Deum, vel Beatam Mariam Virginem, vel aliquem Sanctum publice blasphemaverit, ut foribus Ecclesiæ, diebus Dominicis septem, in manifesto, dum Missarum solemnia aguntur, stet, ultimoque ex istis die, sine pallio et calceamentis, ligatus corrigia circa collum: septemque præcedentibus ferilis sextis in pane et aqua jejundet, Ecclesiam nullo modo tunc ingressurus: singulis item septem illis diebus Dominicis, tres; aut duos, aut unum pauperem pascat, si potest: alioquin alia pœnitentia afficiatur: recusans (hanc subire pœnam) Ecclesiæ ingressu interdicitur; in obitu ecclesiastica careat sepultura, dives à magistratu mulctetur pœna solidorum quadraginta, alioqui triginta, seu viginti.

III. Canones Pœnitentiæ ad tertium præceptum spectantes.

Qui opus aliquod servile die Dominico, festivo fecerit, pœnitentiam agat tres dies in pane et aqua.

Qui die Dominico opus terrenum fecerit, dies septem pœnitentiam agat.

Si quis ante Ecclesiam saltationes fecerit, emendationem pollicitus, pœnitentiam agat annis tribus.

Si quis pransus Missæ interfuerit, pœnitens erit dies tres in pane et aqua.

Si quis sacram communionem sumpserit post aliquam, vel minimam degustationem, pœnitentiam agat dies decem in pane et aqua.

Si quis in Ecclesia confabuletur, cum divina sunt, pœnitens erit dies decem in pane et aqua.

Si quis jejunia à sancta Ecclesia indicta violaverit, pœnitentiam agat dies viginti in pane et aqua.

In quadragesima, carne, sine inevitabili necessitate, vescens, in pascha non communicet, ac præterea à carne absteineat.

Qui in quadragesima jejunium violaverit, pro uno die pœnitentiam agat dies septem.

Si quis jejunium quatuor temporum non custodierit, pœnitens erit dies quadraginta in pane et aqua.

IV. Canones Pœnitentiæ contra infractores quarti præcepti.

Qui parentibus maledixerit, quadraginta dies pœnitens sit in pane et aqua.

Qui parentes injuria affecerit, tres annos.

Qui percusserit, annos septem.

Qui expulerit, tamdiu pœnitens, quamdiu in impietate perman-
serit.

Si quis contra Episcopum, pastorem, et patrem suum insurrexe-
rit, in monasterio omnibus diebus vitæ suæ pœnitentiam aget.

Si quis contra Episcopum conspiraverit, gradu suo amovebitur.

Si quis Episcopi sui, aut ministrorum ejus, vel parochi sui præ-
cepta contempserit, pœnitentiam aget dies quadraginta in pane
et aqua.

V. Canones Pœnitentiæ circa peccata contra quintum
præceptum commissa.

Qui Presbyterum occiderit, pœnitentiam aget annis duodecim.

Si quis Presbyter Presbyterum occiderit, pœnitentiam aget annis
viginti octo.

Si quis Presbyterum armis contra se irruentem occiderit, pœnitens
erit annos decem.

Si quis patrem aut matrem, fratrem aut sororem occiderit, toto
vitæ suæ tempore non suscipiat corpus Domini nisi in obitu: ab-
stineat in carne, et vino dum vixerit; jejundet secunda, et quarta,
et sexta feria: si autem nolenti accidit, decem annis pœniteat
judicio Sacerdotis.

Qui voluntarie filium suum, vel filiam suam, vel germanum,
aut germanam suam occiderit, quinque annis extra fines ipsius terræ
exul fiat: deinceps viginti annis pœniteat.

Quæ mulier filios suos necarit: peracta septenni pœnitentia, in
monasterium detrusa monasticam vitam perpetuo regulariter aget.

Si qua mulier post partum, filium filiamve sponte interfecerit,
pœnitentiam agat annos duodecim, et nunquam erit sine pœnitentia.

Paupercula, si ob difficultatem nutriendi id commiserit, annos
septem.

Si qua mulier sponte abortum fecerit, pœnitentiam aget tres annos;
si nolens, quadragesimas tres.

Item mulier partum suum perdens voluntarie ante quadraginta
dies, pœnitens erit annum unum: si post quadraginta dies, annos
tres: si vero postquam editus est in lucem, tamquam homicida.

Quæ sceleris occultandi causa filium necarit, pœnitentiam aget
annos decem.

Qui nolens filium oppresserit, si post Baptismam, pœnitentiam

aget dies quadraginta in pane et aqua, oleribus, ac leguminibus: abstinebit ab uxore dies totidem, deinde poenitens erit tres annos per legitimas ferias: tres præterea quadragesimas in anno observabit: si ante Baptismum quadraginta dies, ut supra, et quinquennio præterea poeniteat, unum in pane et aqua.

Cujus filius sine Confirmationis Sacramento moritur, parentes quorum negligentia id factum est, poenitentiam agent annos tres.

Si quis explendæ causa libidinis, vel odii meditatione, ut non ex eo soboles nascantur, homini aut mulieri aliquid fecerit, vel ad potandum dederit, ut non possit generare, aut concipere, homicida teneatur.

Qui uxorem occiderit, aut monasterium ingrediatur, poenitentiam perpetuam acturus; aut cuncta negotia sæcularia dimittens, perpetuo abstineat à carne, sagimine, vino, cerevisia etc. exceptis diebus resurrectionis, et natalis Domini: uxorem non ducat: in fine tantum vitæ Eucharistiam accipiat.

Si mulier maritum suum causa fornicationis veneno interfecerit, aut quacumque arte mortem ejus procurarit, sæculum relinquat, et in monasterio poeniteat.

Qui mortem sibi consciverit, pro eo nulla in Missa commemoratio fiat, neque cum palmis ejus cadaver sepeliatur.

Si quis sponte hominem occiderit, ad januam Ecclesiæ semper erit, et in obitu communionem recipiet: si casu necarit, poenitentiam aget annos septem.

Si quis hominem necare voluerit, neque hoc scelus potuerit patrare, ut homicida poenitentia afficietur.

Si quis per iram subitam, aut per rixam hominem necarit, poenitentiam aget annos tres.

Si quis jussu domini homicidium perpetrarit, dies quadraginta in pane, et aqua, et præterea septem annos sequentes, per legitimas ferias jejunabit.

Qui homicidii auctor fuit, ob consilium quod dedit, erit in poenitentia quadraginta dies in pane et aqua, cum septem sequentibus annis.

Si quis casu homicidium fecerit, poenitens erit quadraginta dies in pane et aqua: quinquennio communionem privabitur: à cibis abstinebit arbitrio Sacerdotis.

Qui homicidio quod postea factum est, consenserit, poenitentiam aget annis septem, tres in pane et aqua: si autem voluerit, nec potuerit, tres tantum annos.

Si quis aliquem vulnerari, vel ei aliquod membrum præciderit, poenitentiam aget uno anno per ferias legitimas: si cicatrix gravis est, et vulneratum deformem reddit, quadraginta etiam dies poenitebit in pane, et aqua.

Si quis ictum proximo dederit, nec nocuerit, tridui poenitentiam aget in pane et aqua; Clericus, unius anni et mensium sex.

Si quis aliquem per iram percutiens debilitaverit; soluta medicamentis impensa, si laevis est, poenitens erit quadraginta dies in

pane et aqua : si Clericus, duas quadragesimas : si Diaconus, septem mensibus ; si Presbyter, uno anno.

Si quis fratri suo quem oderit, reconciliari non vult, tandiu in pane et aqua pœnitentiam aget, quoad reconcilietur.

VI. Canones Pœnitentiæ ad expianda peccata contra sextum mandatum commissa.

Si laicus solutus cum fœmina soluta concubuerit, pœnitens erit annos tres : et quanto sæpius, tanto majori pœnitentia afficietur.

Uxor viro conscio mœchata, si dignam pœnitentiam egerit, post decem annos sacram communionem sumet.

Si quis conjugem fornicari consenserit, diebus omnibus vitæ in pœnitentia erit. Vir solutus, si cum alterius uxore adulterium commiserit, pœnitentiam aget annos septem : mulier quinque.

Mulier soluta cum alterius marito adulterium patrans, pœnitentia afficietur decennali.

Si quis maritus semel lapsus est, pœnitentiam aget annos quinque : si sæpius, omnibus diebus vitæ suæ.

Si quis uxorem simul et concubinam habuerit, in pœnitentia erit annos septem et amplius pro ratione culpæ.

Qui cum uxore sua turpiter concubuerit, pœnitens erit quadraginta dies.

Si quis adolescens cum virgine peccaverit, pœnitentiam aget annum unum.

Qui puellam, aut mulierem, libidinose obtreçaverit : si Clericus est, quinque dies ; si laicus, tres dies pœnitentiam aget : monachus, vel Sacerdos, à ministerio suspensus, pœnitens erit dies viginti.

Qui corruperit virginem, quam postea uxorem duxerit, pœnitentiam aget annum unum per legitimas ferias : si vero non duxerit, annos duos per legitimas ferias.

Vidua quæ stuprum admiserit, pœnitentiam aget annum unum : et præterea altero anno jejunabit legitimis feriis.

Cum duabus sororibus fornicatus, pœnitentiam aget toto vitæ suæ tempore.

Qui incestum fecerit (*in secundo vel tertio gradu etc.*), et alii annorum duodecim, alii quindecim, alii decem pœnitentiam constituunt.

Quicumque Sacerdos spiritualem filiam violaverit, dignitatis honorem amittit, et perpetuam pœnitentiam aget.

Qui monialem violaverit, pœnitens sit annis decem.

Presbyter si fornicationem admiserit, sponte confessus, pœnitentiam aget annos decem.

Qui cum brutis coierit, pœnitentia afficietur annorum decem, et diuturniori etiam pro personæ conditione.

Qui contra naturam coierit ; si servus est, scopis castigabitur : ~

pœnitebit annos duos; si liber est, et matrimonio junctus, annos decem: si solutus, annos septem: pueri, dies centum: laicus matrimonio junctus, si in consuetudinem habuerit, annos quindecim: si Clericus, de gradu amotus ut laicus pœnitentiam agat: qui cum fratre tale scelus admiserit, ab omni carne abstinebit, pœnitensque erit annis quindecim: si Clericus diuturniori, et graviore pœnitentia afficietur.

Vir se inquinans, primo dies decem; si iterum, dies viginti: si tertio, dies triginta: si nefarie agere perget, pœnitentiæ accessio ei fiet: si puer, dies quadraginta; si major quindecim annis, dies centum.

Qui complexu fœminæ, vel osculo polluitur, pœnitentiam agat dies triginta: qui contactu inverecundo, menses tres.

Qui concupivit mente, sed non potuit, dies decem pœnitentiam agat.

Qui turpiloquio aspectuque polluitur negligens, nec vere peccare voluit, pœnitentiam agat dies viginti: si vero impugnatione tentationis inquinatur, pœnitebit item dies viginti.

Quicumque lenocinium exercuerit, toto vitæ tempore pœnitebit: item sacram communionem non accipiet, nisi in fine.

Si quæ mulier cerussa, aliove pigmento se oblinat, ut aliis viris placeat, pœnitentia afficietur annorum trium.

VII. Canones Pœnitentiæ ad septimum decalogi præceptum spectantes.

Qui furatus est aliquid de Ecclesiæ suppellectili, vel thesauro, quod substulit reddet, et tres carinas (*Quadragesimas*) cum septem sequentibus annis pœnitebit.

Qui sacras reliquias furatus est, illis restitutis, septem carinas jejunabit.

Pecuniam Ecclesiarum furatus, quadruplum reddet: si quid item de ministerio Ecclesiæ aliquo modo surripuerit, pœnitens erit annos septem.

Sacrilegus rerum ecclesiasticarum invasor, tres annos communioni privabitur, ac præterea sine usu carnis, ac potatione vini usque ad septennium pœnitens permanebit.

Qui Ecclesiam incenderit, aut incendio consenserit, restitutione facta, pœnitentiam agat annis quindecim.

Si quis malo studio, vel odio, vel ulciscendæ injuriæ causa incendium commiserit, committive jusserit, aut incendiario auxilium, vel consilium scienter dederit, excommunicetur: mortuus christiana sepultura carebit, nec vero absolvetur, nisi damnum pro facultatibus resarciverit, juraveritque se in posterum tale facinus nunquam admissurum.

Si quis sepulcrum violaverit, pœnitens erit annos septem, è quibus tres in pane et aqua.

Qui sepulchrum infregerit, ut defuncti sepulti vestimenta furaretur, pœnitens erit annos duos per legitimas ferias.

Qui de oblationibus, quæ Ecclesiis factæ sunt, aliquid retinuerit, pœnitens erit dies quadraginta in pane et aqua.

Qui decimam sibi retinuerit, aut dare neglexerit, quadruplum restituet, et pœnitentiam aget dies viginti in pane et aqua.

Qui hospitalis domus administrator, aliquid de administratione subtraxerit, restituet quod abstulit, pœnitensque erit annos tres.

Qui pauperem oppresserit, ejusque bona abstulerit, reddet ei suum, et pœnitens erit dies triginta in pane et aqua.

Clericus furtum capitale faciens, septennii pœnitentiam explebit; laicus, quinquennii, et quod furatus est, reddat.

Qui frugerit noctu alicujus domum, aut aliquid abstulerit, pretium reddet, et pœnitentiam aget annum in pane et aqua.

Si quis furtum de re minori semel, aut bis fecerit; restituta re, pœnitentiam agat annum unum.

Qui rem inventam non reddit, furtum committit: idcirco tamquam de furto pœnitentiam aget.

Si quis usuras accipit, rapinam facit: ideoque quicumque illam exegerit, pœnitentiam aget annis tribus, uno in pane et aqua.

VIII. Canones Pœnitentiæ pro peccatis contra octavum præceptum.

Qui affirmaverit verum esse quod falsum est, pœnitentiam aget, ut adulter: ut homicida, qui sponte id facinus admiserit.

Qui falso testimonio consenserit, pœnitens erit annos quinque.

Qui proximo falsum crimen objicit, pœnitentia afficitur ut falsus testis.

Si quis contra proximum lingua lascivus erit, triduanæ pœnitentia expiabitur.

Si quis murmuraverit, judicio Sacerdotis pœnitentiam aget, pro culpe gravitate.

Si quis convicium manifestum fratri intulerit, diuturna expiabitur pœnitentia pro modo peccati.

Si quis facile detraxerit, falsumque in hoc dixerit, pœnitens erit dies septem in pane et aqua.

Qui falsitatem, fraudemque in ponderibus, et mensuris admiserit, pœnitens erit in pane et aqua dies viginti.

Falsarius in pane et aqua pœnitentiam agat quamdiu vivit.

IX. Canones Pœnitentiæ pro peccatis contra nonum decalogi præceptum.

Rem alienam nefarie concupiscens, avarusque pœnitens erit annis tribus.

Qui aliena concupiscit, furtum est : qui aliena rapere cupit, rapina est : qui res Ecclesiæ furari appetit, sacrilegium est : ideo cum nefarie concupiscendo graviter peccet, ita peccati mortalis pœnitentiam agat arbitrio Sacerdotis.

Qui rem aliquam proximi pretiosam invenire cupit, ut illam sibi retineat : mortale peccatum concipit, cujus pœnitentiam agat, ut prædictum est de furto.

X. Canones Pœnitentiæ pro peccatis contra decimum decalogi præceptum.

Si quis concupiscit fornicari ; si Episcopus, pœnitens erit annos septem : si Presbyter, quinque : si Diaconus, vel monachus, tres, à quibus unum in pane et aqua : si Clericus aut laicus, annos duos.

Si quis in somnis ex immundo desiderio polluitur, surgat, et cantet septem psalmos pœnitentiales : et in die triginta (cantet).

Si Clericus, aut laicus ex mala cogitatione concupiscentiaque semen effuderit, pœnitens erit dies septem.

XI. Canones Pœnitentiæ contra septem peccata capitalia, speciatimque gulam, et ebrietatem.

Pro capitali mortaliique crimine, pœnitentia septem annorum inducitur : nisi peccati gravitas et personæ status severiorem diuturnioremque pœnitentiam requirat.

Pro capitali crimine pœnitentiam agat laicus annos quatuor, Clericus quinque, Subdiaconus sex, Diaconus septem, Presbyter decem, Episcopus duodecim.

Sacerdos imprudenter ebrius factus, pane et aqua pœnitentiam agat dies septem : si negligenter, dies quindecim : si per contemptum, dies quadraginta.

Diaconus et alius Clericus ebrius factus, arbitrio Sacerdotis pœnitens erit.

Monachus ebrius, pane et aqua mensibus tribus ; si Clericus, viginti dies.

Laicus ebriosus graviter arguatur, et pœnitentiam agere à Sacerdote cogatur.

Qui humanitatis gratia alium inebriari procurat, pœnitentiam agat diebus septem : si per contemptum, dies triginta.

Qui præ ebrietate, et crapula vomitum fecerit : si Presbyter, aut Diaconus, pœnitentiam agat dies quadraginta ; si monachus, aut Clericus, dies triginta : si laicus, dies quindecim, abstineatque à vino et carne dies tres.

Si quis gulæ causa ante horam legitimam jejunium fregerit, duos dies pœnitentiam agat in pane et aqua.

XIII. Canones Pœnitentiæ pro variis peccatis.

Si quis nimio cibo se ingurgitaverit, et inde dolorem senserit, unum diem pœnitentiam agat in pane et aqua.

Si quis Sacerdos Missam canit, neque communicat, per annum pœnitentiam agat, nec vero interea celebret.

Sacerdos excommunicatus si celebrat, tribus annis pœnitens sit, hebdomadisque singulis feria secunda, quarta, et sexta à vino et carnibus jejundet.

Sacerdos Sacerdotii sui gradu ordineque in perpetuum amotus si celebrare audet, privatus communione corporis et sanguinis Jesu Christi, usque ad ultimum diem, et in excommunicatione est, vaticum tantum in fine sumens.

Si gutta sanguinis Christi in terram cadit, Sacerdos in pœnitentia sit quinquaginta diebus: si super altare, et ad pannum unum transit, diebus duobus: si usque ad pannos duos, diebus quatuor: si usque ad tres, diebus novem; si incaute dimisit, quamvis nihil nefandi acciderit, tribus mensibus à sui muneris administratione amovetur.

Qui sciens rebaptizandum curaverit, si quidem per hæresim tale flagitium perpetrarit, pœnitentiam agat annos septem: tres quadragesimas primi anni jejundet in pane et aqua, et quarta et sexta feria aliorum annorum.

Si propter purificationem se rebaptizandum curaverit, pœnitentiam agat annos tres: si per ignorantiam, non peccat quidem; nihilominus non promoveatur ad sacros Ordines, licet excellens et eximius videatur.

Si Episcopus aut Presbyter, aut Diaconus se rebaptizandum curaverit, per totam vitam pœnitentiam agat.

Clerici, monachi, monachæ, sponte sua per hæreticos rebaptizati, pœnitentiam agent per annos duodecim.

Presbyter, qui clandestinis sponsalibus interfuerit, suspendatur ab officio suo annos tres.

Presbyter, qui mortuum corpus altaris mappis involverit, pœnitentiam agat annos decem, et menses quinque: Diaconus autem annos tres, et menses sex.

Qui legata pia Ecclesiæ non solvit, uno anno pœnitens sit; et per legitimas ferias jejundet.

Qui sui sexus habitum mutaverit, pœnitentiam agat annos tres, promittens emendationem.

Infirmos et in carcere detentos visitare negligens, pœnitentiam agat dies septem pane et aqua victitans.

CAPUT VI.

Casuistica Theologiæ origo, progressus, ac ratio universa.

I. **P**ŒNITENTIALIA, de quibus hactenus, Ritnalls præterea liber, et Codex Canonum, fuere præcipui Confessoriorum libri fere ad XIII. sæculum; ut mirandum sit cui pœnitentiæ Sacramentum in tanta librorum paucitate, atque etiam imperfectione (vide Francolinium de Pœnit. lib. 2. c. 8.) fuerit per tot sæcula administratum. Labente autem XIII. sæculo cœperunt aliquot acris ingenii viri sententias Patrum ad doctrinam fidei pertinentes paulo ante à Petro Lombardò collectas, et Patrum similiter sententias ad doctrinam morum spectantes, canonesque et responsa Pontificum paulo ante etiam ipsa à Gratiano collecta, interpretari, explicare, et multas circa utramque doctrinam quæstiones subtiliter movere. Hinc orta Theologia *Scholastica*, nempe disputatrix, et methodica, et facultas *Canonica* Canonum interpres, et ex utraque Theologia *Moralis*, seu Casuistarum, qui sic dicti post aliquot sæcula fuere, quia ipsi respondent casibus conscientiæ, non quidem ut olim Episcopi, Concilia, et Pontifices, nempe tamquam Ecclesiæ Pastores, doctoresque à Deo constituti, sed ut privati interpretes Scripturarum, legum, eorumque omnium, quæ aut Patres senserant, aut sanxerant, nempe sententiarum, et sanctionum. Hi præter multas quæstiones morales insertas tractibus Theologiæ *Speculatricis* scripserunt Directoria quædam Confessoriorum, in quibus methodo longe meliori, fusiusque quam olim fieret in libellis pœnitentialibus, totaque canonum collatione agitur de iis, quæ Confessarius scire debet. In illis siquidem non solum traditur modus interrogandi, castigandi, et absolvendi pœnitentes, sed singulæ partes sacramenti explicantur, eaque circa illas doctrina traditur, qua quæstionibus, casibus, et dubiis saltem, quæ solent in eo foro proponi, facile respondetur.

II. Circa annum 1228 floruit S. Raymundus de Pennafort insigne præclarissimi Dominicani Ordinis ornamentum. Scripsit is *Summam de casibus pœnitentialibus* libris quatuor comprehensam, quorum primus de peccatis adversus Deum. 2. Adversus proximum. 3. De ecclesiasticorum delictis, officiis, et juribus. 4. De matrimonio agit. S. Antoninus, ac Vincentius Bellovacensis eam sæpè laudant. Pluries typis expressa fuit, ut Lovanii 1480. Coloniae 1493. Parisiis 1500 quas editiones Fabricius reconset in Bibliotheca mediæ, et infimæ latinitatis. Huc spectat Alexandri de Haes *Summa de virtutibus, et destructorium vitiorum*, quamquam contra Waddingum utrumque opus Alexandro abjudicat non contemnendis argumentis, ac juniiori Scriptori tribuit Jacobus Quetif *Tomo I. Biblioth. Dominicanorum*. Accessit Vincentii Bellovacensis *Speculum morale*. Multa in eandem
Tom. I. b

rem, præsertim vero *Librum Pœnitentiarum* Johannes de Deo conscripsit. A. D. 1247. Vide de illò Caveum, et Fabricium. Porro circa a. 1250. Guilielmus Redonensis è Dominicana familia apparatus, sive glossas edidit ad *Summam* S. Raymundi sæpius vulgatas sub Johannis de Friburgo nomine. Paulo post habuimus S. Bonaventuræ *Confessionale*.

III. Sub initium insequentis sæculi occurrit Johannes Friburgensis Dominicanus junior, qui *Summam majorem, seu Confessariorum, et Quæstiones Casuales* composuit, tum celeberrima Astesani, seu Astensis *Summa de casibus conscientiæ*, cujus editiones Waddingus persequitur. Ejusdem, quem Astensis professus fuerat, Minoritarum scilicet Ordinis fuit Monaldus, qui circa an. 1330 floruit: exstat autem ejus *Summa Casuum conscientiæ, aurea et Monaldina dicta*. Circa idem tempus Bartholomæus à S. Concordia natione Italus, domo Pisanus, professione Dominicanus florebat. Hic a. 1338. *Summam casuum conscientiæ* absolvit, quæ ab auctoris patria *Pisanella* etiam vocatur, et præterea *Magistruccia*. De casibus conscientiæ scripsit quoque a. circiter 1333. Henricus de Erfordia. *Speculum vero Curatorum* Ranulphus Higdenus Benedictinus Castriensis a. 1357. Singularem porro famam sibi conciliavit Johannes de Burgo, qui a. 1383 librum contexuit inscriptum: *Pupilla oculi omnibus Sacerdotibus tam curatis, quam non curatis summe necessaria, in qua tractatur de septem Sacramentorum administratione, de decem præceptis decalogi, et de reliquis ecclesiasticorum officiis*. His adde Antonii de Butrio *Speculum de confessione*, quod Walthonus Lovanii editum memorat.

IV. Quinto autem et decimo sæculo hi florere casuisticæ Theologiæ Doctores I. Johannes Charlierius de Gerson qui præter alia *opusculum tripartitum de præceptis decalogi, de confessione, et de arte moriendi* composuit tanto plausu exceptum, ut illud XVII. omnino Synodorum, quas recenter Launois in *Inst. Gymn. Navarr. par. 2. c. 1. p. 510.* decreto Presbyteri, et Curati in exponendo Decalogo, audiendis Confessionibus, et visitandis ægrotis adhibere juberentur. II. Henricus de Hassia. Scripsit *Regulas ad discernendum mortale peccatum à veniali*, librum *de contractibus, et ordine censuum*, Tractatum *de confessione*, et commentarium *in decem præcepta*. III. Nicolaus Dinkelspulus edidit *de præceptis Decalogi, de tribus partibus Pœnitentiæ, et Confessionale peccatorum*. IV. S. Bernardinus Senensis, qui Tractatum *de confessione* conscripsit. V. Nicolaus Auximanus. Ab eo habuimus *Summam casuum conscientiæ, supplementum ad summam Pisanellam, et interrogatorium Confessorum*. VI. Johannes Nider. Ex ejus operibus huc spectat *Conso-latorium timorati conscientiæ, Præceptorium*, seu tractatus de decem præceptis, de *contractibus mercatorum* Liber VII. Ægidius Carlierius. Ejus *diversæ casuum consultationes* prodire Bruxellis 1478 quas inter Tractatus *de decimis, de integritate confessionis etc.* VIII. Nicolaus Plovius, aliis Pionus. Scripsit *de excommunicationi-*

bus, de *Horis Canoniceis dicendis*, de *Interdicto ecclesiastico*, de *irregularitate*, de *Sacramentis*, et *eorum administratione*, de *Sacrificio Missæ*; qui *Tractatus simul prodierunt Argentorali 1593.* IX. S. Johannes Capistranus. Edidit *speculum conscientiæ*, tractatum de *Canone Pœnitentiali*, de *usuris*, et *contractibus*, allaque. X. S. Antoninus Archiepiscopus Florentinus. Præter tractatus de *suspensione*, de *usuris etc.* elucubravit *Summam Theologicam*, et *Summam confessionalem sæpius editam.* XI. Henricus Harphius. *Speculum aureum scripsit in X. præcepta decalogi*, et librum de *tribus pœnitentiæ partibus.* XII. Johannes Beetzius, cujus *Præceptorium divinæ Legis*, sive *Expositio Decalogi* exiit Lovanii 1486. fol. XIII. Angelus de Clavasio, cujus exstat *Summa casuum conscientiæ*, *Angelica* vulgo dicta. XIV. Baptista Trovamala, qui ad *utilitatem simplicium Confessorum Summam casuum conscientiæ Rosellam* vulgo nuncupatam divulgavit. XV. Michael de Mediolano. *Ejus Confessionale*, seu *methodus confitendi Venetiis* prodit a. 1513. XVI. Michael Lochmaver. Scripsit *Parochiale Curatorum*, quo *officium Curati* circa *Sacramentalia* late exponit.

V. Porro sequentibus sæculis quemadmodum Scholastica Theologia maximum nacta est incrementum, ita et Moralis amplificata est. Nam et Theologi Scholastici multa de Morali Theologia cœpere subtiliter disputare, et ii quos *Morales* seu *Casuiſtas* dixere, integros de pluribus ejus facultatis singularibus partibus singulares accuratissimosque edidere tractatus, ac præterea novo ordine, ac majore studio universam Theologiam Moralem concinnarunt. Probatissimi ex illis, inquit Francolinus *Tyrocinii Theologici parte quinta, hunc ordinem servant.* Agunt 1. de *Conscientiâ*, scilicet *recta*, et *erronea*, *probabili*, *dubia*, et *scrupulosa.* 2. De *peccatis*, et de *conditionibus ad peccandum requisitis*, vel ab eo *excusantibus*, ac proinde de *voluntario*, de *libero*, de *metu*, *fusto*, et *injusto*, *gravi*, et *levi*; de *ignorantia antecedente*, *comitante*, *consequente*, *excusante*, non *excusante*; de *peccato mortali*, *veniali*, *personali*, *originali.* 3. De *legibus in genere*, earumque *causis*, et *effectibus*, de *legibus in specie*, ut de *lege pœnali*; de *lege non scripta seu consuetudine*, de *lege concedente privilegium*, adeoque de *privilegio.* Inde de *cessatione*, *interpretatione*, ac *dispensatione legum.* 4. De *fide*, ejusque *obligatione*, de *infidelitate*, *Hæresi*, *Apostasia*, *pœnis spiritualibus*, ac *temporalibus Hæreticorum.* 5. De *virtute spei*, ejusque *contrariis vitiis*, *pœsumptione*, *desperatione etc.* 6. De *charitate in Deum*, et *proximum*, ejusque *effectibus*, seu *actibus*, ut de *Eleemosyna*, *correctione fraterna etc.* ac de *vitiis ei contrariis*, odio, *invidia*, *discordia*, *schismate*, *bello injusto*, *rixa*, *duello*, *scandalo.* 7. De *Religione*, ejusque *actibus*, nempe de *oratione*, de *oris canonicis*, de *adoratione*, de *Sacrificio*, de *observatione festorum*, de *primitiis*, de *oblationibus*, de *reverentia debita locis*, et *personis sacris*, eorumque *immunitate*, de *beneficiis*

ecclesiasticis, de eorum provisione, acquisitione, collatione, oneribus, utilitatibus, vocatione, omissione, divisione, extructione, erectione, unione. De juramento, et voto, eorumque obligatione, relaxatione, irritatione, commutatione. De adjuratione. De statu Religioso, ejusque susceptione, professione, relaxatione, privilegiis. Rursus de vitiis Religioni oppositis, idololatria, superstitione, divinatione, vana observantia, maleficio, tentatione Dei, blasphemia, sacrilegio, simonia. 8. De ritibus, seu signis, maxime religious, præcipuisque nostræ Religionis characteribus, nempe de Sacramentis in genere, et in specie, et præsertim de sacrosancta Eucharistia, de Sacramento pœnitentiæ, de Suffragiis, Indulgentiis, Jubilæo, et Bulla Cruciatæ, de Censuris, de Sacramento Ordinis, irregularitate, depositione, degradatione, ac demum de Sacramento Matrimonii, ejusque impedimentis, horumque dispensatione. 9. De prudentia, fortitudine, ac temperantia, ubi de abstinentia, jejunio, sobrietate, castitate, virginitate, humilitate, studiositate, mansuetudine, clementia, modestia, vitiisque oppositis, nempe gula, ebrietate, luxuria, superbia, præsumptione, vana gloria, ambitione, vilitate, seu nimia sui abfectione, curiositate, ira, crudelitate, immodestia in cultu, ornâtuque. 10. De justitia in genere, de jure, dominio, usufructu, usu, habitatione, emphytheusi, feudo, servitute, possessione, præscriptione. 11. De justitia commutativa in pactis, et contractibus, ubi de contractibus in genere. 12. De contractibus in specie, de promissione, donatione, commodato, deposito, mutuo (ubi de usura) emptione, censu, cambio etc. Hi sunt Theologiæ Moralis Tractatus, quos ut universos, aut plerosque, aut aliquos apud innumeros Scriptores reperies.

VI. Non admodum ab hoc ordine abhorrent recentiores rigoristæ, etsi multum et sententiis, et quæstionum tractandarum ratione ab istis dissentiant. Habent nimirum (quod scite à Francolinio notatum in præfat. ad Cleric. Roman. contra nimium rigorem munitionum) Jansenistæ Theologiam suam speculativam, et practicam, seu moralem. Speculativa Jansenismus est; practica, seu moralis rigorismus est. Hujus tria principia sunt. Patres jactare plurimum, Pontifices æstimare parvi, recentiores Theologos nihili. Patribus, ut ab ipsis reponuntur, defers obsequium verum, Pontificibus simulatum, reliquis Doctoribus neutrum. A dīco Augustino vero, aut putato recedere nunquam, nec Doctorem ex Conciliis interpretari, sed ex eo Concilia: Pontificibus ex Cathedra docentibus accedere aliquando, et id proferri si videlicet non adversentur; at Scholasticis vero præsertim duplicis postremi sæculi in controversiis morum, vel in re, vel in modo loquendi recedere semper, vel ne legere quidem illos, et multo minus in suis scriptis, vel libris honorifice allegare.

DISSERTATIO

PROLEGOMENA.

PARS II. DIDACTICA,

SEU DE LOCIS MORALIS THEOLOGICÆ.



De locis Moralis Theologiæ ante me qui egerit, vidi neminem, vel quod quum illdem fere sint qui Dogmaticæ Theologiæ, inutilis visa fuerit ejusmodi tractatio; vel quod vulgata apud Casuistas docendæ hujus præclarissimæ facultatis ratio hasce disquisitiones veluti quæ eruditionem magis sapiant, quam necessitatem, desiderari patiatur. Veram si quid intelligo, nulla hodie Morali Theologo disputatio aut utilis, aut etiam necessaria magis, quam quæ de locis Moralis Theologiæ instituitur. Nam et singularia sunt aliqua, hujusque disciplinæ propria, quæ apud Canum, aliosque de Dogmaticæ Theologiæ locis tractatores frustra quæsieris, et ineptus horum locorum

abusus, qui passim in Antiprobabilistarum Theologicis libris occurrit, maxime postulat, ut certi quidam canones pro recto eorundem locorum usu definiantur. Concinae in apparatu ad suam Theologiam Christianam simiam agere placuit, et quum meos de locis Moralis Theologiae tractatus vidisset, ipse etiam de his disputare aggressus est; sed nihil bonae frugis inde extundas, verborum adeo plena sunt omnia, convidiorum, declamationum, ut quis hujus tractationis scopus sit, ne intellexisse quidem videatur. In eodem hoc iterum argumento versabor, multis praetermissis, quae minus necessaria sunt, auctis vero, et confirmatis his, quae ad locorum horumce usum, praecipuum scilicet hujus disquisitionis finem pertinent.

CAPUT I.

De Scripturis sacris.

§. I.

Quotuplex sit sacrarum Scripturarum sensus.

TRIPLEX est Scripturarum sensus, *Litteralis*, qui et *Historicus* dicitur, quod in historia elucescat is maxime, *Mysticus*, et *Accommodatitius*. Unum litteralem sensum admittunt Novatores, quos à Salmerone *proleg.* 7. Serario *cap.* 21. Bonfrerio *cap.* 20. vide vehementer exagitatos, confossosque.

Litteralem sensum dicimus, quem verba, sive proprie, sive metaphorice accepta ex Spiritus sancti loquentis intentione primo, et immediate significant. Non enim is tantummodo litterarius sensus est, quem verba proprie sine tropo significant; alias plura Scripturarum loca litterali sensu carerent. Hinc merito Bellarminus *lib.* 3. *cap.* 3. apud Serarium docet, duplicem esse litteralem sensum, *proprium* et *figuratum*.

Mysticus porro is est, qui non proxime per voces, sed mediate, et remote, mediis scilicet rebus per voces sensu litterali significatis à Spiritu sancto indicatur. Exemplum esto illud *Deuter.* 25. *Non alligabis os bovi trituranti.* Ubi sensus litteralis is est, quem verba indicant; mysticus vero, ut S. Paulus *1. Cor.* 9. explicat, Doctoribus, et Concionatoribus necessaria ad victum suppeditanda esse significat. Quum autem res mediate, et remote in Scripturis per voces indicatae, tres veluti in classes tribui possint, triplex quoque mysticus sensus à Doctoribus statuitur: *Allegoricus*, qui res credendas, et ad militantem Ecclesiam pertinentes significat, *Anagogicus*, qui circa res sperandas, ac triumphantis Ecclesiae proprias versatur;

Tropologicus, qui res agendas, morumque institutiones spectat. Hinc celebre illud Dystichon :

*Littera gesta docet; quid credas Allegoria;
Moralis quid agas; quo tendas Anagogia.*

Accommodatitius est, per quem ea, quæ litterali sensu dicuntur, ad alia, quæ Spiritus sanctus neque proxime, neque remote significavit, transferuntur. In multis hujusmodi accommodatione utitur Ecclesia, ut quum illud *Eccli. 44. Inventus est justus, et in tempore iracundiæ factus est reconciliatio*, sanotis Confessoribus aptat. Sic etiam quæ *Zachar. 4.* de Jesu Sacerdote filio Josedech, et Zorobabel dicuntur : *Hi sunt duæ olivæ* etc. Joannes *Apoc. 11. 4.* Enoch, et Eliæ accommodat. Hæc autem de hisce sensibus notabis. Primum est, accommodatitium sensum, quum ex cujusque ingenio fingi possit, perperam ad probandum afferri. II. Sensum litteralem in omnino Scripturæ loco reperiri, non item mysticum. III. Posse interdum plures ejusdem sententiæ sensus litterales dari, ut post B. Thomam 1. p. qu. 1. art. 10. probant Salmeron proleg. 8. Serarius c. 21. quæstiunc. 12. Bonfr. cap. 20. sect. 3. Exemplo sit locus ille *Isaiæ cap. 53. Generationem ejus quis enarrabit?* quem Patres plurimi de æterna Christi generatione, de temporali in utero Virginis alii intelligunt; utrique apte, sive generationem utramque spectes, sive loci illius seriem universam. IV. Posse quoque plures in eadem sententia mysticos sensus, atque adeo interdum omnes reperiri. Sic *Jerusalem*, quæ vox litterali sensu Urbem significat, allegorice Ecclesiam, tropologice animam, anagogice cœlestem gloriam indicat. V. Sensum mysticum plerumque ex veteri tantum testamento erui, utpote quod figuris, allegoriis, et symbolis abundat; rarius vero in novo reperiri, licet in hoc etiam locum habeat, uti in Navicula Petri jactata videre est, quæ mystice persecutiones Ecclesiæ filatas significat.

§. II.

Quonam modo litterarius Bibliorum sensus sit investigandus?

De litterario sensu quærimus, quonam modo investigandus sit; nam mysticum Morali Theologo utiliore credo exornandis thesibus suis, quam solide comprobandis, de quo sequenti capite.

Interea XII. subsidia huic habeto litterali sensui inquirendo maxime apta, quorum priora sex aliorum etiam librorum communia sunt, posteriora sex Bibliorum propria.

I. Linguarum Græcæ præsertim, atque Hebraicæ cognitio. II. Artium, quibus loquendi ratio traditur, peritia, sive Grammatica, sive

Rhetorica sit. III. Disciplinarum, quas Scripturæ attingunt, scientia. Huc præter Scholasticam Theologiam spectat Historia, Philosophia, Mathesis, Geographia, et antiquitatis universæ notitiæ. IV. Omnium, quæ in libri vel capitis contextu sunt, consideratio; antecedentium videlicet, et consequentium. V. Similium, et dissimilium locorum collatio. VI. Interpretum lectio. VII. Divini luminis imploratio. VIII. Vitæ puritas. IX. Inspectio traditionis Apostolicæ, et generalis in Ecclesia Catholica praxis. X. Consideratio analogiæ fidei, de qua Apostolus *Rom. xii. 7.* XI. Unanimis Patrum consensio. XII. Regulæ quædam, quæ ad intelligendas Scripturas à quibusdam traditæ sunt. Vide Pagninum in *Isagoge*, Salmer. *Proleg. 9. 10. 11.* et Bonfrerium *cap. 20. sect. 4.*

§. III.

De usu Scripturarum in Morali Theologia.

CANON I. Scripturæ auctoritas præcipuus fons est, unde Theologus, quæ ad mores spectant, doctrinas hauriat. Nam, ut scribebat Gregorius XIII. ad Philippum secundum Hispaniarum Regem; *hinc omnia ad omnes virtutes præcepta colliguntur.*

Canon II. Ne quidquam statuito, quod clarissimis Scripturarum testimoniis adversetur.

Canon III. Nihil defendito, quod ex quopiam Scripturæ loco per legitimum, certumque theologicum discursum ducta cum conclusione pugnet.

Canon IV. Ad confirmandam conclusionem quampiam Scripturis in mystico sensu acceptis ne utere, nisi constet hunc esse vere sensum mysticum. Constat autem præter subsidia n. 9. 10. 11. nuper indicata, quotiescumque ab alio canonico Scriptore locus quispiam Scripturæ ad probandum adducitur; sensusque, quem illi dat Scriptor Canonicus, literalis esse non possit. Vide Bonfrer. *cap. 20. sect. 4.*

Canon V. Historias, in quibus Scriptura sacra narrat, viros justos quidpiam præstitisse, quod vel malum revera sit, vel mali speciem habet, casuum solvendorum regulas ne putato. Non enim (quod sapienter monitum ab Augustino *contra mendacium cap. 8.*) *Omnia quæ à sanctis, vel justis viris legimus facta, transferre debemus in mores.*

Consecrarium. Non licet parentibus filiis maledicere, aut eos ex quocumque zelo occidere, quod Noë Cham posteris maledixerit, et Abraham peculiari Dei jussu Isaac filium immolare paratus fuerit.

Canon VI. Singularia exempla, quæ in Scripturis leguntur, ad universalem legem confirmandam ne assumito.

Consecrarium. Ridicule Besombes t. II. *tract. 2. cap. 4.* veram

hanc propositionem : *Quatuor requiruntur conditiones in eo, qui absolvit à censuris.* I. *Debet esse Clericus.* II. *Debet habere jurisdictionem contentiosam.* III. *Debet certa scientia absolvere.* IV. *Debet absolvere sponte, et non coacte;* ridicule, inquam, hoc argumento probat : *Paulus, qui absolvit Corinthium incestuorum, quatuor prædictas habebat conditiones.* Vah! bellam ratiocinationem hujus similem : *Paulus, qui incestuosum absolvit, fuit Apostolus; Apostolus igitur sit oportet, qui absolvit à censuris.*

Canon VII. Præcepta Moralia, quæ in veteri Testamento sancuntur, ne sumito in ea restrictione, qua videntur in Exodo exprimi, nec juxta falsam Scribarum interpretationem, aut popularem Hebræorum traditionem; sed juxta eam additionem, quam vel Moses, vel alii Scriptores Canonici apposuerunt, illamque potissimum explanationem, quam tradit Christus in Evangelio.

Consecrarium. Licet Judæi putaverint solum actus externos à lege prohiberi, minime vero cogitationes, desideria etc.; nefas tamen est ita sentire, Christo oppositam doctrinam prædicante.

Canon VIII. Videndum ne Scripturæ verbis, quibus plium aliquod consilium proponitur, præceptionis vim inesse incauti velimus.

Canon IX. A Scripturis citandis abstinere consultius judicato quam harumce allegationum vanitate quadam abripi, eosque locos afferre, qui nihil efficiant.

Consecrarium. Ridendus Besombes, qui t. II. tract. 1. cap. 4. art. 5. monet antiquitus aquam etiam ipsam extra refectionem interdictam fuisse jejunantibus; *Rex enim Ninivitarum indixit abstinentiam panis, et aquæ.* Jon. 3. *Et Esdras jejunans panem non comedit, et aquam non bibit.* Mi bone, quæ hinc extundas extra refectionem (id enim probandum fuerat) aquam fuisse vetitam? Rex Ninivitarum omnem omnino refectionem prohibuit: *Homines, et jumenta non gustent quidquam, nec pascantur, et aquam non bibant.* Idem dictum esto de Esdra jejunante.

CAPUT II.

De sanctis Patribus.

§. I.

Quid sanctorum Patrum nomine intelligamus.

SANCTOS Patres dum dicimus, non Apostolos, aut Pontifices quoscumque intelligimus, neque eos solum, quos Doctores Ecclesia expresso suffragio declaravit; sed veteres scriptores ecclesiasticos ab Apostolico ævo ad medium XII. sæculum, quorum agmen claudit mellifluus Claræ-vallensis Abbas Bernardus.

Enimvero si ad instituto libri hujus discedere non pueret, Catalogum sanctorum Patrum huic adscriberem. At quum id plane ridiculum, adnotabo tantum quos consulere quis possit de istiusmodi re disserentes: Hieronymum, Gennadium, Isidorum Hispalensem, Honorium Augustodunensem, aliosque de ecclesiasticis Scriptoribus Tractatores ad Trithemium cum accessionibus Auberti Miræi, suisque animadversionibus edidit Hamburgi anno 1718. *Bibliotheca ecclesiastica* titulo apposito solertissimus Vir, idemque eruditus Fabricius; qui utinam abdicatis erroribus, Romanæ sese Communioni devovisset! Sixti Senensis Bibliotheca, Possevini apparatus, Bellarmini autem *de Scriptoribus ecclesiasticis* libellus, atque in hunc Philippi Labbé dissertatio, Raynaudi *erotemata* passim omnium manibus teruntur, His accessit nostris temporibus Bibliotheca Gallico idiomate conscripta à Dupinio, quæ tamen caute legenda, et Benedictini Monachi Ceillieri volumina plura item Gallice scripta super eodem argumento. Cavei *historia litteraria* cum Addisonii accessionibus, et Oudini *de Scriptoribus ecclesiasticis* commentarius in tres tomos tributus à pluribus legitur: at illa hæretici hominis est, hic impij transfugæ à sacri Claus tri abditis recessibus ad hæreticorum tumultus, quanquam hujus supplementum ad Bellarmini librum, et Labbæi dissertationem omittendum non est, quam à suo authore adhuc catholico, ac Religioso prodierit. Hi fontes; rivuli Francolinus in *Tyrocinio Theologico*, Vallemontius in elementis historię, aliique id genus Epitomatores.

§. II.

De legibus in usu Patrum à Morali Theologo servandis.

CANON I. Si qua in quæstione (de his quæstionibus loquor, quæ ad mores spectant) definienda Patres omnes idem doceant, id veluti certum habendum est; quique aliter sentiret, ab hæresis suspitione liber haud esset. Vide Canonum lib. 7. cap. 3. concl. 6.

Canon II. Unius, aut duorum Patrum auctoritas in his, quæ ad doctrinam morum pertinent, probabile quidem argumentum subministrare potest, firmum vero non potest. Ita, inquit sapienter Canus ibid. concl. 2. *ita despicere, et pro nihilo habere, impudentis erit; suspicere, et habere pro certo erit omnino imprudentis.*

Canon III. Etiam plurium Patrum auctoritas, reliquis, licet paucioribus reclamantibus, ea argumenta Theologo sufficere, et præstare non valet, quibus refragari nefas sit. Quæ indicavimus exempla id abunde demonstrant. Plura refert Lupus in citata dissertatione postuma *de opinione probabili.*

Canon IV. Patres afferre, præsertim vero multos ad ea firmanda

Moralis, et Christianæ Theologiæ generaliora principia, in quibus Theologi omnes sibi consentiunt (nisi contra hæreticos sermo sit, quod quidem vix Theologi moralis esse potest) intemperantis hominis est, et eruditionis famam captantis; arguere vero, qui secus agant, stultissimi est, et imprudentissimi.

Canon V. Quæ ex Patrum homiliis, asceticis libris, et orationibus, idque genus lucubrationibus, non eam Theologo fidem faciunt, quam quæ in Dogmaticis instructionibus, epistolis etc. facere possunt. Nam multa in ejusmodi libris exaggeratius proferuntur: neque id mirum, quum Oratoribus omnibus id solemne sit: multa quoque consilium potius spectant, quam præceptiones. Hæc iterum exclamat Concina p. 279 non aliter Dallæum Patrum testimonia pro Catholicis dogmatibus declinare, quam illos dicendo Rhetoricis flosculis, atque amplificationibus Oratoriis sæpe usos fuisse. At ego primum miror, hæc nobis ab eo homine objici, qui p. 282. Christophori Matthæi Pfaffii verba recitat, hæretici nempe Professoris, cui scandalo sunt *Probabilismus, attritionis sufficientia etc.* quid enim si Concinam urgeam hoc argumento? *Mi Pater, non pudet te Probabilismum, attritionis sufficientiam tam acriter insectari? Id etiam, si nescis, hæretici faciunt: horum tu sequare vestigia?* Deinde plane non intelligo, qui fieri potuerit, ut tot librorum auctor, tantus concionator, tam ingeniosus Theologiæ Doctor, latum non viderit, Dallæum inter, et nos quod intercedit discrimen. In homiliis, atque id genus commentariis etsi Rhetoricæ arti indulgeant Patres, non ea tamen sine crimine potuerunt credenda proponere, quæ essent à Catholica fide aliena: contra quamquam ne ea quidem potuerint edocere facienda, quæ cum Christianis legibus pugnant (neque id ullus negabit) ad illa hortari facile poterant auditores suos, quæ præcepta non sunt, sed consilii, illisque ad id uti exaggerationibus verbis, quæ præceptum prima fronte exhibeant. En cur ejusmodi testimonia minoris sint apud Moralem Theologum, cujus est non quid melius perfectiusque sit, sed quid liceat, salva lege, disquirere.

Canon VI. Inconsultum est ea Patrum loca seligere, ubi Patres aliud omnino tractantes, aliquid occasione accepta de altera re paucis indicant, iis neglectis, ubi hanc materiam ex professo examinent.

Canon VII. In Patrum sensu investigando hæc maxime regulæ servandæ sunt. I. Quæ in libri, vel capitis contextu sunt, consideranda diligenter. II. Similes, et dissimiles loci ejusdem Patris conferendi. III. Tempus, quo liber ille editus à Patre quopiam, attendendum. Nam facile ex occasione scribendi libri mens auctoris innotescet: intelligemus etiam, num fortasse eo tempore pater ille præconcepta aliqua opinione occupatus fuerit, quam postea ipsum exuisse probabile, aut etiam certum sit. IV. Alios patres huic, de cujus mente quærimus, synchronos consulamus; quid enim hoc, vel illo sæculo, ea vel ista vox significarit, quo spectare possit hujus, vel alterius moris notatio, facilius comperiemus. Exemplum

est illud Cypriani *epist.* xii. ubi permittit, ut absente Sacerdote infirmi apud Diaconum quoque Exomologesim facere delicti sui possint. Neque enim hinc fit, Diaconum fuisse tunc Sacramentalis Confessionis ministrum. Nam non hæc solam *exomologesis* nomine denotatur, sed etiam canonica reconciliatio publicæ poenitentiae, quam Tertullianus *lib. de poenit. c. 6. prosternendi, et humiliandi hominis* disciplinam appellat. Vide Benedictum XIV. *de S. D. lib. vii. cap. 16. num. 3. seqq.* V. Ex dubiis Patrum operibus ipsorum mentem expiscari imprudentis est, ubi certa, atque ab omnibus recepta eorumdem opem suppetant. VI. Si de Græci auctoris mente dubitatio oriatur, non ex versionibus, quæ sepe numero vitiosæ sunt, sed ex græco exemplo controversiam dirimemus.

Canon VIII. Cavendum ne apocrypha, ac sublestæ fidei opera citemus; Itemque curandum, ut non ex aliorum fide patrum locos afferamus, sed ipsos Codices consulamus, editionesque maxime probatas, cujusmodi quæ Ducei, Petavii, Sirmondi, Gretseri, Raderi, Pontani, Schotti, Vigerii, Possini, Labbæi, Maurinorum Patrum studio, atque opera prodierunt. Enim vero fatendum est in his recentiores illos, qui Patrum Theologiam commendant, Casuistis præstare, præsertim elapsi sæculi. At non id mirum. Nam neque quo illi scripsere ævo, tantis aucta fuerat ars critica incrementis, neque singula ejusmodi diligentius persequi vacabat hominibus, non modo voluminum suorum conscribendorum mole obrutis, sed sæpissime in alia omnia ex Moderatorum suorum jussis, ipsorumque instituto distractis. Dent tamen mihi hanc veniam Casuistarum reprehensores, ut confidenter pronunciem, quo magis diligentia, et critica antiquioribus Casuistis antecellant Natalis Alexander, Genettus, alique ejusmodi, eo magis istis illos præstare testimoniorum delectu, ac ratiocinandi vi. Nam sæpe magna illa patrum congeries, qua illi gloriantur, si in ea testimonia ad leges Canone vii. præscriptas diligentius inquisieris, inanis est, nihilque minus probat, quam id, cujus gratia cogitur.

CAPUT III.

De Romanorum Pontificum Decretis, eorumque usu
in Morali Theologia (1).

CAPUT IV.

De Conciliis.

§. I.

Quid, et quotuplex sit Concilium, quotque Synodalia
Canonum classes.

SYNODI, vel Concilii nomine (eadem quippe res est) Patres nostri intellexerunt Sacerdotes, præsertim Episcopos, in locum unum congregatos, ut causas eas scilicet definirent, quæ ad Ecclesiæ, sive fidem, sive mores pertinerent. Neque audiendi Lutherani, sique inter recentiores Jansenianos perditissimi, qui novum Concilium, atque omnibus retro sæculis inauditum appellant, ubi non Episcopi, et Sacerdotes de fidei quæstionibus iudicent, sed laicorum turba. Vide Canum lib. 5. cap. 2. Bellarminum de Concil. lib. 1. cap. 5 et 10 et Illustriss. de Soissons documento Pastoralis 2. §. 61.

Quod vero ad Conciliorum genera spectat, ea Gratianus 3. *dist. ca. Regula ea*, bifariam partitur, in Generalia, et Provincialia, quibus Canus cap. 3. lib. 5. de *Locis Theologicis*, Episcopalia addit. Receptissima hodie divisio est, quæ Synodos in Generales, Nationales, Provinciales, et Diœcesanas tribuit. Generales dicimus, ad quas Romani Pontificis vocatione omnes, aut præcipua Christianorum Episcoporum pars, congregantur. Nationalia Concilia sunt, cum à Primæ omnes unius regni, ac nationis Pontifices coguntur, uti quæ ab unius Provinciæ Episcopis à Metropolitano evocatis celebrantur, Provincialia consuevimus appellare. Tandem Diœcesana sunt Synodi Sacerdotum, quæ ab Episcopis singulis in sua Diœcesi haberi solent ob privatas singularum Ecclesiarum causas.

Hac divisione posita, et omnium assensu approbata, altera assumitur Conciliorum, sive Generalium, sive Nationalium, sive Provincialium, sive Diœcesanorum, quædam esse congregata Romani Pontificis autoritate, alia vero non item. Rursum alia confirmata sunt ab eodem Romano Pontifice, alia vero non ab eo confirmata.

(1) Totum hoc caput tertium de Romanorum Pontificum decretis propositionibusque damnatis ipse S. Auctor suo Operi morali ad verbum inseruit, insertumque invenies in fine Operis.

Edit.

Tria autem in quolibet Concilio pertractari possunt, ea scilicet, quæ ad fidem, mores, atque ecclesiasticam disciplinam spectant. Quamobrem Conciliorum canones alii fidei sunt, quibus nempe quæ credenda sint, quæque à fide abdicanda definiuntur; alii morum qui quæ agenda sint, aut fugienda, docent; alii demum disciplinæ, quibus consuetudines ad Ecclesiarum regimen, et ordinem aptissimæ constituuntur.

§. II.

De vero usu Conciliorum in Morali Theologia.

CANON I. Concilia omnia, quæ Romani Pontificis autoritate, nec congregata, nec confirmata sunt, errare in doctrina morum possunt, atque adeo certam fidem facere nequeunt eorum, quæ agenda sunt, aut effugienda.

Id sane invicta ratione demonstrari potest. Nam ejusmodi Concilia errare in fide possunt, ut à Cano, Bellarmino, Suario, aliisque Theologis demonstratum pridem est, ex certissimis Pontificum Romanorum, ipsorumque Conciliorum testimoniis. Quid ergo mirum, errare illa posse in morum doctrina? Sed ex tribus Provincialibus Conciliis exemplum profero. Matrimonium naturali, et Evangelica, aut certe hac altera lege dissolvi non posse, ne per adulterium quidem alterutrius conjugis, certum habet, firmumque Catholica Ecclesia. Adulterio tamen dissolvi posse conjugium, statuit Anglicana Synodus apud Bedam lib. 4. hist. cap. 5. cui accedunt Suessionensis, et Vermeriensis, sub Pipino rege octavo sæculo celebratæ. Reddo Vermeriense Capitulum 2. *Si aliquis cum filiastra sua manet, nec Matrem, nec filiam ipsius potest habere. Nec ille, nec illa filiastra aliis se poterunt conjungere ullo unquam tempore. Attamen uxor ejus, si ita voluerit, si se continere non potest; si posteaquam cognovit, quod cum filia sua vir ejus fuit in adulterio, carnale commercium cum eo non habet, nisi voluntate abstinet, potest alii nubere.* Neque de adulterio hoc solum statuit Vermeriense Concilium. Audi quo progrediatur ejusdem Concilii Capitulum quintum. *Si qua mulier mortem viri sui consiliarit aliis hominibus, et ipse vir ipsius homines se defendendo occiderit, et hoc probare potest, ille vir potest ipsam uxorem dimittere, et si voluerit, aliam accipiat.*

Canon II. Concilia quæcûmque, sed Generalia præsertim, quæ Pontificia auctoritate confirmata sunt, certissimam doctrinæ regulam præbent Morali Theologo. Inter Diœcesana Concilia à Romano Pontifice probata censetur Complutense sub Alphonso Carillo Archiepiscopo Toletano, ubi damnatus est Magister quidam Oxomensis, qui

falso de clavibus, et Sacramento Pœnitentiæ sentiebat. Inter Provincialia vero, et Nationalia, præter antiquiora illa Toletana, Arelatensis, Hispalensis, etc. licet non expresse, implicite tamen ab Ecclesia silentio suo probata, Ancyranum, Neocæsariense, Gangrense, Sardicense, Africanum, et Carthaginiensis à Leone IV. 20. dist. ca. de libellis, confirmata habentur, atque ut ex recentioribus exemplum proferam, Turonense 1563 probavit Gregorius XIII. Ebredunense a. 1727. Benedictus XIII. Montis Libani Benedictus XIV. Ceterum veritatem hujus Canonis probant sacrarum controversiarum Scriptores, quos adi.

Canon III. Ex Conciliis, quæ probata quidem non sunt à Romano Pontifice, sed ne damnata quidem ab ipso fuerunt, probabile argumentum sumitur uti ad fidei dogmata suadenda, ita et ad doctrinas, quæ ad mores spectant, stabiliendas. Hujus rei vel illud abunde magnum argumentum est, quod ex innumeris Conciliis ejusmodi paucissima reperiuntur, quæ à recta doctrina declinarint.

Canon IV. Conciliorum decreta, quæ ad disciplinam spectant, cave cum iis, quæ ad mores, confundas. Nam Canones morum varietati obnoxii haud sunt: contra Canones disciplinæ, pro locorum, ac temporum diversitate mutari possunt. Vide Thomassini egregium opus *de beneficiis, ac disciplina ecclesiastica*, remque plane perspicies; ut mirum sit, vaniloquos quosdam nonnisi veterem disciplinam prædicare.

Consecrarium I. Claudicat argumentatio ex disciplina Ecclesiastica regionis cujuspiam, aut vetustioris sæculi, si aut ubique illa recepta non sit, aut contraria lege abrogata fuerit. Hinc optime Croix lib. 8. p. 1. num. 675. statuit cum S. Thoma, Suario, aliisque Theologis, licitum non esse *dare Communionem ad explorandam, aut suscipere ad probandam innocentiam*, etsi Wormatiense Concilium olim præscripserit, ut si in Monasterio furtum perpetretur, aut Episcopo imputetur scelus, Monachi communicent, dicentes: *Corpus Domini sit mihi ad probationem hodie*. Nam, ut mittam hoc Concilium Provinciale fuisse, neque à Pontifice approbatum, contrariis Romanorum Pontificum Constitutionibus ea lex deleta est.

Consecrarium II. Aliquid in quapiam Diœcesi illicitum esse potest, quod in aliis liceat. Cum enim Episcopi in suis Diœcesibus singuli aliqua præcipere etiam sub gravi possint, ut certum est; facile fit, ut quis in sua Diœcesi aliquid statuât, quod alibi non vigeat. Sic in Diœcesibus Turonensi, et Burdigalensi ex Decreto Conciliorum synonymorum, Turonensis ann. 1583 et Burdigalensis ann. 1582 non licet fidelibus *à Missis Provincialibus diebus Dominicis, et Festivis abesse*. Nemo autem prudens hinc arguat ne in aliis quidem Diœcesibus id licere.

Canon V. Conciliorum Decreta ex sensu, et more temporum, quibus conditi sunt, interpretabimur. Vide Sirmondum in Antirrhethico adversus Petrum Aurelium t. iv. Operum Paris. Edit. col. 270 et

In altero Antirrhethico, in quo explicationem suam Canonis Antisiodorensis : *Non licet vitula, aut cervulo facere*, pluribus argumentis confirmat.

Canon VI. Formulæ ipsæ Conciliorum ad stylum et barbariem sæculi, quo celebrata sunt, exigendæ erunt; neque enim communio, impositio manuum, aliaque id genus sexcenta, idem omnibus sæculis significarunt. Quamobrem Glossarium Cangii à Maurinis Patribus egregie locupletatum usui maxime esse poterit. Morali Theologo in Canones Conciliorum diligentius inquirere volenti.

Canon VII. Editiones Conciliorum sunt maxime consulendæ, quæ nostro ævo prodire, Cossartii, inquam, et Labbæi, Harduini, et Coleti, ac Mansii. Nam in veteres, vel editorum incuria, vel subsidiorum ad has ornandas defectu plura sphalmata irrepserunt. Nota est eruditis controversia, quæ sæculo sextodecimo in Galliis efferebuit Sirmondum inter et Larvatum Petrum Aurelium de genuina lectione primi Canonis Arausicani I. Concilii. Quid? Quod audendum quandoque aliquid; neque post tot doctorum virorum labores dubitandum, quin aliqui Canones etiamnum male vexati sint, et correctoria manu indigeant. Quamobrem optimo consilio factum videmus ab eruditissimo Joanne Dominico Mansio, ut accessiones, emendationesque plurimæ suo studio, ac diligentia prodirent ab Labbeanam Conciliorum editionem Venetiis recusam locupletandam, et corrigendam. Cave autem potissimum, ne multum fidas Canonibus Conciliorum, quos Gratianus in suum Decretum ex depravatis utique libris intulit, sed illos cum majoribus illis, amplissimisque editionibus confer.

Canon VIII. Non omnia, quæ in Conciliis reperiis ad mores spectantia, præcepta fuisse credito, sed eorum multa ex pio consilio prodire, atque adhortationem magis sapiunt, quam præceptionem. Id maxime tenendum. Nam Moralis Theologi est inquirere, quid tanta conscientia fieri possit, non vero quid perfectius sit, et Christiano homine dignius. Quod si animadvertissent ex illis plures, qui *Theologias* ex PP. et Conciliis nostra ætate emisissent in lucem, Casuistis invidiam confuturi, non tam sæpe ab instituto Moralis Theologi aberrassent. Egregie monet Concilium Mediolanense V. p. 1. de his, quæ ad dies festos, et sacra tempora pertinent : *Quadragesimalibus, aliisque jejuniis, penitentia, et publicæ supplicationis diebus, fideles se vitæ disciplina severiore adstringant, sanctisque institutis, et moribus sacro illi tempori convenientibus, se, suosque, qui Patresfamilias sunt, quæ rectissime in omnes partes conforment.* Quid hæc institutione præclarius? Nemo tamen Theologorum hæc in medium attulerit, ut probet, eum violati jejunii ecclesiastici reum futurum, qui isthæc haud servavit. Inquirant interea alii in hanc propositionem P. Besombes, qui illo testimonio utitur tom. 1. tractat. 1. cap. 4. artic. 4. *Non solum jejunium ecclesiasticum observandum est modo ab Ecclesia præscripto, sed etiam ea adjuncta observanda sunt* (præceptum

ne, an consilium hæc significent quis divinet in ejusmodi libris? sine quibus jejunium non potest esse vel salutare, vel meritorium, vel virtuosum. Disjunctio hæc vel salutare, vel meritorium, vel virtuosum, digna ne sit Theologo, non quero; et sciō, idem esse Theologis, actionem quampiam meritoriam ac salutarem esse. Illud libentius inquirerem, cur jejunium, nisi motivo supernaturali assumptum fuerit, cumque aliis virtutibus Christianis conjunctum, atque adeo cum aliis mortificationibus, cum silentio, cum solitudine, cum vigiliis (hæc enim adjuncta sunt, quæ ibidem observanda Besombes præscribit) virtuosum esse non possit; virtuosum, inquam, eo sensu, qui meritum æternæ salutis non includat, et quem disjunctio illa vel salutare, vel meritorium, vel virtuosum palam indicat? Sed odiosa isthæc questio aliis fortasse videbitur, certe non hujus loci. Ad alia transeo.

APPENDIX I.

De Jure utroque Canonico, et Civili, deque ejus usu in Morali Theologia.

§. I.

Juris utriusque Canonici, et Civilis notitiam Theologo Morali necessariam esse.

ALVARUS Pelagius Ordinis Minorum in libris *de planctu Ecclesiæ*, quos à se Compostellæ recognitos an. 1340 ipsemet scribit, ait lib. 11. cap. 20. *Recurrat ergo quilibet pro casibus ad Jurisperitos, non ad Religiosos, cum isti communiter ignorent canones.* Quæ sane ignorantia oppido turpis, noxiæque erat multis de causis. Nam Cælestinus Papa relatæ c. Nulli. dist. 38. pronunciat: *Nulli Sacerdotum* (multo igitur minus Confessoriorum) *liceat canones ignorare.* Præterea (quod ex Augustino citatur de Pœnit. dist. 1. cap. 1. §. caveat). *Caveat spiritualis Judex, ut sicut non commisit crimen nequitia, ita non careat munere scientiæ. Oportet ut sciat cognoscere quidquid debet judicare; judiciaria enim potestas hoc postulat, ut quod debet judicare discernat.* At peno innumera sunt in Morali Theologia, quæ sine Canonum scientia definiri non possint. Ut si exempli causa veniat in dubium, an hic, aut ille homo irregularis, vel excommunicatus, vel interdictus, aut suspensioni obnoxius? Item an delegatus possit subdelegare? An Episcopus in his, illisve possit dispensare? an Ecclesiæ Pastor rite sit

electus? num Iudex ecclesiasticus causam in iudicio legitime defini-erit? In his, aliisque sexcentis hujus generis, Theologus insolentissimus erit, si absque Canonibus, atque Jurisperitis inconsultis sententiam ferre ausus fuerit. Plura vide apud Canum de Locis Theologicis lib. 8. cap. 6. Ineptit autem Jureconsultus Michael Ferro Manrique, qui Theologis litem intentat, quod ad quæstiones Juridico-Morales excurrant, et Canones interpretentur. Cavillosum hominem bene carminatum dimisit P. Georgius Gobat in *Vindictis Theologicis* Friburgi Helvetiorum editis an. 1654 quas videsis.

Atque hinc constare puto, Juris quoque Civilis notitiam non utilem modo Theologo morali esse, sed et necessariam. Nam multa sunt in Theologia Morali, quæ ex Juris Civilis institutis pendent, neque aliter definiri possunt, quam legibus.

§. II.

De usu utriusque Juris in Morali Theologia.

ILLUD heic primum officii nostri esset, ut quæ ad citationes legum pertinent, describeremus. At La-Croix id dudum tradidit lib. 1. tract. 2. num. 878, ut ex hac parte nihil in eo desideres, quod in Besombes Theologia nonnulli suspiciunt, prædicantque. Si porro authores adieris, quos ille citat sub finem n. 879 multa disces ad usum utriusque Juris in Morali Theologia maxime utilia.

Interea quæ nuper de usu Conciliorum præscripsimus, in Jure Canonico, et Civili servanda quoque erunt. Exemplis rem confirmo. Canone VI. diximus, id maxime curandum, ut formulas Conciliorum ex temporis, quæ illa celebrata sunt, usu, ac significatione, interpretemur. Id dictum esto de juris utriusque formulis. Lepidum est, quod pridem animadvertit Lamiadus Pritanius, seu Ludovicus Aritionius Muratorius, vir celeberrimus, in libro inscripto : *Riflessioni sopra il buon gusto, part. 2. cap. 7.* Statuunt magni nominis Theologi, quibus assentitur Basembbaum lib. 2. cap. 4. dub. 3. heic num. 92. Laico homini vetitam esse cum Acatolico de fide tractationem, idque ex jure probant. Legimus enim cap. *Quicumque*, §. *inhibemus*, de *Hæreticis* in 6. *Inhibemus quoque, ne cuiquam laicæ personæ liceat publice, vel privatim de fide catholica disputare.* At Canonem hunc Alexandri IV. perperam trahi ad hanc quæstionem, intellexissent viri illi cæteroqui doctissimi, si XHI. sæculo, quo Canon ille editus est, *Glorici, et Laici* nomina alio omnino sensu, quam quo à nobis hodie usurpantur, adhibita fuisse perpendissent. Gloricius nempe is dicebatur, qui litteris eru-

ditus esset; contra laicus, qui litterarum plane rudis. Plura in hanc rem ibidem documenta illius ævi affer Muratorius; plura inveniunt apud Caugium in Glossario *Media, et Infimæ Latinitatis*. Quamobrem longe aliter Canon ille interpretandus, neque putandum, sæcularibus eo prohiberi disputationes cum infidelibus de nostris Religionibus, sed illitteratis, sive sæculares ii sint, sive ecclesiastici, quos nos ex recepto apud nostrates vocabulo, *Clericos* dicimus. Id quidem non probatur Danieli Concinæ. Quis enim, ait ille t. 1. *Theol. Dogm. pag. 213, dixerit Ecclesiam adhibuisse voces Clericus, vel laicus juxta significatas peculiare cujusdam nationis, et plebis, juxta acceptiones varias adductas in Glossario Du-Fresne?* At nihil hac ratiuncula imbecillius. Galli, Itali, Angli (quod ex testimoniis constat à Muratorio, ac Du-Fresnio citatis) *Clerici, et laici* nomina, quo tempore Decretum Alexandri editum est, passim ad eruditum, indoctumve virum significandum usurpabantur. Et mirabimur, Pontificem hoc *Laici* nomen sensu adhibuisse? Si enim Honorius III. *Cap. Ex parte de Cleric. conjug. litterati* nomine usus est, quo sacros homines à nobis *Clericos* dictos designaret, quidni ejusdem seculi Pontifex Alexander *Laici* nomine hominem sine litteris denotaverit?

Illud etiam Canone VII. statuimus, ut in veritatem Conciliarium sanctionum diligenter inquireremus, eas cum accuratis editionibus conferendo. Quid ad utrumque etiam jus, de quo agimus, in Moralibus materiis allegandum opportunius? Certe Cod. Theod. *de sententiis ex periculo recitatis*, vel in ipso hoc titulo mendum latere suspicatus est non injuria eruditissimus Sirmondus, qui *ex periculo* legendum monet; Legem quoque *de nuptiis celebrandis* à Triboniano tantum non fabricatam, ac Theodosio perperam suppositam, idem Sirmondus *in questione triplici* sensit, etsi Jacobus Gothofredus germanam putat, atque Arcadio tribuit.

Præterea hæc tria præscribimus. Videndum I. num leges, quas proferimus, vel consuetudine, vel recentiore lege antiquatæ non sint? Tum enim eruditionis jactandæ causa afferri poterunt, non autem ad conclusionem comprobendam. II. Considerandum an Jus Civile à Canonico sit emendatum, nec ne? III. In Decretis Pontificum duo cumprimis distinguenda sunt cum Cano *de Locis Theol. lib. 6. cap. 8*. Unum est, tanquam intentio, conclusioque Decreti, idque nefas est erroris insimulare: alterum quasi ratio, et causa à Pontifice reddita ejus rei, quam constituerit; quæ non necessaria quandoque esse potest, ac parum apta, et probabilis.

In Canonibus vero, quos in Decreto Gratiani repereris, ut alias monui, critica opus est. Nam bonus ille multa sine delecta, vel ex apocryphis libris, aut certe corruptis, interpolatisque exemplis hausit. Tandem in universum moneo, in Jure Canonico citari Scripturas, Patres, Pontifices, Concilia. Quamobrem de textuum vel autoritate, vel sensu ex his, quæ circa singulos hosce Theologicos locos statuimus, judicandum erit. Jurisperitorum quoque con-

sensio, concorsque sententia, ubi de moribus ecclesiasticis, deque Religionis caeremoniis, et officiis Ministrorum Ecclesiæ disseritur, quatenus hæc omnia disponuntur legibus positivis, Theologo magnam fidem facere potest, atque adeo debet, ut probat Canus lib. 8. cap. 7. et Gobat. in *Vindictis Theologicis* sect. 15.

APPENDIX II.

De Libris Pœnitentialibus.

CANON I. Veterum Librorum Pœnitentialium utilis est lectio Confessariis ad aliqualem, ut loquitur Benedictus XIV. de *Synodo Diœcesana* Lib. xi. c. xi. num. v. proportionem servandam inter diversas peccatorum species, et pœnitentiam pro singulis imponendam; ac præterea ut fidem Confessarii inde argumentum desumant ad aperiendam pœnitentibus admissorum scelerum gravitatem. Hinc in pluribus Synodis eorum lectio commendata. Confer Benedictum XIV. de Syn. loc. cit. n. vi.

Canon II. Veteres Libros Pœnitentiales magnificare, ut præsentis Ecclesiæ disciplinam reprehendas, impium est, ac detestandum. Vide Francolinium toto egregio opere inscripto: *Clericus Romanus contra nimium rigorem munitus*.

Canon III. Damnandi sunt, qui veteris Ecclesiæ disciplinam circa pœnitentes instaurare conantur.

CAPUT V.

Quæ, et quanta sit Casuistarum auctoritas, quæque in eorum usu servandæ regulæ sint.

CANON I. Si qua in quæstione universi Casuistæ eadem inter se concinunt, agentes aliquid licitum esse, hæresi proximum est ab eorum opinione discedere. Plura in hanc rem ex Cano lib. 8. cap. 4. transferri possent. Sed illud sufficiat, Theologos universos, si in ea re errant, Ecclesiam item errandi periculo exponere. Sive enim qui confessiones audiunt, sive qui ad populum habent conciones, utrique plebem instruunt, ut à Theologis acceperunt. Ita fit, ut Ecclesia eorum in doctrina morum communem errorem dissimulando Christi fideles suo silentio deciperet. *Error enim cui non resistitur, approbatur; et veritas, quum non defenditur, opprimitur*, ut Innocentius ait 83 dist. error. Dixi autem: *agentes aliquid licitum esse*; nam minor errandi, et peccandi occasio erit, si licere universi

negent, quod revera liceat; quam si licere affirmant, quod minime liceat. In eo enim casu; qui eorum doctrinam sequetur, tutiorem eliget, nullique salutis periculo sese objiciet.

Canon II. Ex auctorum fere omnium Casalstarum communi sententia usque adeo probabilia sumuntur argumenta, ut (nisi plane gravis, et nemini observata ratio, aut auctoritas, sed clara, atque perspicua obstet) illis refragari temerarium sit. Vide Canum ibidem, La-Croix lib. 1. tract. 1. num. 469.

Canon III. Theologorum Casalstarum etiam multorum testimonium, si alii contra pugnant viri docti, non plus valet ad faciendam fidem, quam vel ratio ipsorum, vel gravior etiam auctoritas comprobavit. Ex Cano ibidem, et La-Croix ibidem n. 136. et seq.

Canon IV. Non ideo *præcise* probabilis censi debet opinio quæpiam, quod ab aliquo juniore auctore doceatur. Nam Alexander VII. hanc 27 propositionem damnavit: *Si liber sit alicujus junioris, et moderni, debet opinio censi probabilis, dummodo non constet rejectam esse à Sede Apostolica tamquam improbabilem.* Adi Vivam in eam propositionem, et La-Croix ibidem num. 153.

Canon V. Unicus auctor, si sit omni exceptione major (quis porro ejusmodi dicendus sit, discas ex La-Croix, n. 160 et seqq.) afferatque rationem, quam alii non considerarint, vel non satis solverint, ipse autem aliorum rationes commode solvat, quamvis doceat contra communem, poterit reddere opinionem probabilem. Id tanquam **Canone II.** et confirmat citatus La-Croix n. 153. sed ne cavillis locus sit, adverte omnia: non dixi, *Unicus auctor, si sit omni exceptione major, et doceat contra communem opinionem*; id enim pugnat cum eodem nostro Canone II, ac in damnatam ab Alexandro VII. 27 propositionem delaberetur: *sed afferat rationem, quam alii non considerarint etc.* Ait quidem Christianus Lupus in dissertatione *de opinione probabili* cap. 2. Cælestium Hæresiarchæ Pelagii collegam ita sensisse. Etenim in Carthaginiensi Synodo, quum dixisset, circa originale peccatum utramque contradictionis partem esse probabilem, et negativam probari variis Catholicæ Ecclesiæ Doctoribus, à Sancto Paulino Diacono rogatus ipsorum nomina respondit: *Sanctus Presbyter Ruffinus, Romæ qui mansit cum S. Pammachio. Ego audiivi illum dicentem, quia tradux peccati non sit.* Et rogatus alios, nec valens adducere plures, denuo reposuit c. 3. *Non tibi sufficit unus Sacerdos?* At quid hæc ad rem præsentem? Ruffini sententia cum Scripturis aperte pugnabat; præterea quam suæ assertionis rationem afferre poterat à reliquis Patribus non satis consideratam? Tandem quel Catholicorum ceterorum argumentis faciebat satis? Si quid intelligo, 27. propositio ab Alexandro VII. confixa stulto Cælestii exemplo infirmari potest, non autem Canon hic noster.

Canon VI. In re tamen, quæ maxime obscura sit, unius Auctoris contra communem opinionem sententia examen diligens postulat, antequam ea duci te sinas. Egregium est in hæc rem Augustini

testimonium de Baptismo lib. 3. cap. 4. Quid ad Jubajanum scripserit Cyprianus, jam legi. Et profecto issem in eandem sententiam, nisi me ad diligentiorē considerationem revocaret tanta auctoritas aliorum, quos vel pares gratia doctrinæ, vel etiam fortasse doctiores per tot gentes Latinas, Græcas, barbaras, et ipsam Hebræam, Ecclesia toto orbe diffusa parere potuit, quæ ipsum quoque pepererat, qui mihi quoque nullo modo videri possunt frustra noluisse istam sententiam; non quia fieri non potuit, ut in obscurissima quæstione verius pluribus unus (hinc confirma canonem superiorem) paucive sentirent; sed quia non facile pro uno, vel pro paucis adversus innumerabiles ejusdem religionis, et unitatis viros et magno ingenio, et uberi doctrina præditos, nisi pertractatis pro viribus, atque perspectis rebus ferenda sententia est.

Canon VII. Casuistarum, qui post damnatas propositiones scripsere, major habenda ratio est, quam antiquiorum, in iis, quæ ad ipsas confixas sententias spectant, vel cum illis adfina sunt.



DISSERTATIONIS

PARS III. APOLOGETICA

PRO CASUISTIS.



CAPUT PRIMUM.

Brevis historia belli ab Hæreticis, atque etiam à Catholicis quibusdam Casuisticæ Theologiæ illati.

I. **U**t Lutherani, et Calvinistæ in Catholicam Ecclesiam debacchari cœpere, Theologiam quoque non Scholasticam modo, sed etiam Casuisticam insectati sunt, et quod sane oppido ridiculum, benignitatis, qua morum disciplinam laxari querebantur, immoderatæ causa. Francolinus in *Clerico Romano contra nimium rigorem munito* lib. 2. disp. 11. num. 1. Lutheri verba adfert Theologistas

nostros arguentis in lib. *Resol. contr. Conclus. Eckian. concl. 2.* quod primum extinguerunt timorem Dei in hominibus, deinde pulvillos, et cervicalia sub manibus, et capitibus eorum ponerent, ut Ezechiel dicit, ac orationes eorum remitterent, ac spiritum extinguerent. Sed præstat sub Thomæ Didymi nomine latitantem Melancthonem audire: *Onerata est*, inquit *Respublica Christiana Theologastorum sententiis de conscientiarum casibus inextricabilibus, ubi numquam non ex quæstione quæstio nascitur. Fidem faciunt vel Bibliopolia, ubi tantum summarum (sic enim vocant), tantum Commentariorum in quartum sententiarum est reperire, ut eorum nomenclaturam nemo facere possit. Atque hæc sunt illa conscientiarum cauteria, quæ jam olim prudenter caveri jussit Apostolus. Neque enim ulla ratione certius Christum dediscas, quam illo ipso doctrinæ genere, quo solo ajunt Theologastri formari posse conscientias.*

II. Non alia Calvinistarum sententia fuit. Sufficeret ad id demonstrandum *Catalogus aut recensio Traditionum Romanarum* auctore Petro Molinæo. Verum Ludovici Bail in Summa Conciliorum tom. II. pag. mihi 811. seqq. exstat hac de re luculenta dissertatio, quam nefas sit præterire. « *Renovatum*, inquit, *est Bellum* jam antea » identidem repetitum adversus Theologiam Moralem Summistarum, » quos Casuistas dicunt, nec non gravissimos plerosque Theologos, » tum ex antiquis, quam ex modernis, qui quæstiones de moribus » definierant. Eximium quoddam Tallonis genus visum fuit, qui » arguebantur, arguere de minime sana doctrina in moribus arguentes se de fidel erratis. Quem autem exitum habuerit istud » bellum spirituale, aperiemus, cum illius prima initia à Calvinistis » deprehenderimus. Nam ut primam illius originem attingamus, ab » Hæreticis maxime Calvinistis, sicut à Lutheranis, repetenda, qui » ex quatuor maxime Deo odibiles se reddiderunt. 1. Quod nulli » umquam Hæretici Hierarchiam Ecclesiæ ita impugnarunt, et in » partes dilacerare conati sunt. 2. Quod nulli umquam Hæretici universam Ecclesiæ traditionem, ut illi, rejecerunt, et erroris damnaverunt. 3. Nulli umquam tot hæreses conjunctim in Ecclesiam » coacervarunt, ut potius censendi sint Apostatæ, quam Hæretici. » 4. Nulli umquam tot dogmatibus spurcam carnis libertatem stabilierunt, et ad peccata quælibet sine metu judicii divini, si » unum infidelitatis peccatum excipias, perpetranda induxerunt homines: ea quippe docent de Dei providentia, ac regimine super » homines, quæ mentes eorum valde corrumpunt, et ad peccatum » quodvis alliciunt; cum ex talium persuasionem, et ductu actiones » suas dirigere, ac componere moliantur. Inde est quod ipsis » datum sæpius à Catholicis, eorum doctrinam libertati carnis » trocinari, et laxare conscientias ad quælibet flagitia, cum dicunt, » unam fidem satis esse ad justitiam, opera virtutum meritoria non » esse, legem naturæ observatu impossibilem, Deum necessitate » actibus humanis imponere, etc.

» Ut autem ab hoc improprio se liberarent, recriminando dixerunt,
 » id potius convenire Theologis moralibus Ecclesie Catholice, et
 » Romanæ, qui multa resolvunt esse licita inter casus conscientie,
 » ut ipsi potius peccatoribus flagitiosis adulari viderentur, dum
 » plerasque ipsorum actiones in speciem turpes, et legi divine
 » contrarias à peccato excusant. Inde inquisierunt in ipsorum libros,
 » et indiculos texerunt propositionum hujusmodi peccato patrocini-
 »antium, ut putarent. Initium fecerunt ab insigni volumine Thomæ
 » Sanchez, et quicquid in eo eximium est, prætermittentes, dubia
 » illa, quæ de debito Matrimonii apud alios tractantur impune,
 » in catalogum suum concluserunt cum ipsius ad ea dubia resolu-
 » tionibus. De quo indiciulo meminit obiter Servinus Advocatus Regius
 » in Parlamento Parisiensi in una disertarum illarum orationum,
 » quas in eodem Parlamento habuit. Ludimagister Bernensis Chri-
 » stophorus Luthardus petulanter admodum illud ipsum volumen
 » impetit, non obstante confirmatissima ejus eruditione, et utilitate
 » ipsis perspecta, qui sunt de salute, et puritate animarum solliciti
 » cui simile opus vix sperari potest intra quingentos annos à quo-
 » quam scriptore æque doctum in lucem emittendum: et licet
 » quædam de materia fœdorum actuum tangat, turpior tamen est
 » infernus: et si fœdus est sermo, fœdius est in peccato putrescere,
 » ut Petrus Blesensis ajebat tractatu *de confessione*. Ille auctor
 » medicus est animarum, qui aliquas spurcicias movet. sed ad
 » ægrotantium curationem. Si Angeli essent homines, talibus non
 » indigerent. Facto autem initio à Thoma Sanchez progressi sunt
 » ulterius, quibus etiam alii in fide sani se adjunxerunt sub prætextu
 » reformandi laxiorem vitam hominum. Unde plures indiculi alii
 » postea. Nec ulla ratio habita est Casuistarum in eandem senten-
 » tiam conspirantium, et plurium, ac ingentium voluminum, quæ
 » hoc sæculo prodierant. Nam in toto sæculorum quindecim decursu
 » non numerari plusquam duodecim Casuistas, cum res admodum
 » lubrica sit de conscientia, et de distinctione venialium à mor-
 » talibus disputare: nunc vero, ut conquerebantur, Casuistarum
 » nubem exortam esse, qui tanquam *Ægyptiacæ ranæ* in Ecclesiam
 » iacubuerunt, et nihil poenæ jam in moribus integrum reliquerunt
 » Exstat de his gravissima querela R. Yprensis in suo libro proce-
 » miali, cap. 8. *Tam laxas, inquit, effocere conscientias, sub*
 » *prætextu accommodandi se infirmitatibus hominum, ut nihil*
 » *opus sit, nisi æceleriores fieri homines, ut nova aliqua et*
 » *licentiosa regula fabricetur.... ut revera plerisque Christianis*
 » *scientia recentioris Theologiæ ad nihil deserviat, nisi ut sensa*
 » *diversa diversorum suis apta cupiditatibus noscendo, et se-*
 » *quendo, deposita simplicitate Christiana, versatiores, et probi-*
 » *tate nequiores fiant,*

» Quibus ab aliis repositum est. Quod suave Christi jugum hu-
 » mano generi inviderent, cui more Pharisaico onera gravia impo-
 » nunt, quæ ipsi digito suo ne movere quidem velint. At contra illi
 Tom. I.

» urgebant arctam esse viam, quæ ducit ad vitam, ac paucos esse,
 » qui eam inventiant. Inde ex una parte multi catalogi casuum, et
 » multæ censuræ, sicut ex parte altera Apologiæ plures, et post
 » istas conflictationes in Ecclesia gravissimas, Judicium summi Pon-
 » tificis. Tales autem controversias omnes complexus est auctor inno-
 » minatus operis illius posthumi, quod anno MDCLXVII. è prælo
 » exiit, et sequenti flammis devoratum est auctoritate Judicis: in
 » quo author moralem Theologiam Casuistarum confundens cum
 » morali Theologia Scriptorum Asceticorum, quos vulgo *mysticos*,
 » aut *spirituales* dicimus, ait initio finem, ac scopum Theologiæ
 » moralis Casuistarum in eo reponi, ut homines ad virtutem pro-
 » moveant, et ad laudabiles actiones, et eos deterrendos à vitiis,
 » et peccatis.

» A quo scopo etsi non deflectat Theologia Moralis Casuistarum,
 » non tamen est proprium illius munus id spectare præcise, sed
 » magis quid licitum, et non illicitum, ubi leges silent, et nihil
 » dicunt, ostendere, ut magis in Epicheja, et in æquitate dijudi-
 » canda relinquendo verba ipsa legis, et mentem legislatoris magis
 » intendendo sita sit, si proprie, et stricte sumatur, quatenus à
 » Theologia Scholastica, et Canonica discernitur. Cum non sit dubium
 » juxta axioma Jurisconsulti, eum peccare, *qui sequendo verba*
 » *legis contra legislatoris nititur voluntatem*. Est enim Theologia
 » illa moralis quasi jurisprudentia, ac scientia civilis, quæ si bene
 » definiatur, non in eo sita est, quod quispiam memoria leges omnes
 » scriptas teneat, quamvis et id non sit extra ipsam, sed quod ubi
 » leges nihil dicunt, norit id, quod rectum est, invenire. Quod bene
 » advertit Alpharabius in compendio scientiarum. Quamvis de omni-
 » bus legibus sine exceptione non sit intelligendum, cum quædam sint,
 » quæ nullam patiantur exceptionem, aut interpretationem, nisi
 » ipsismet terminis coherentem. Sed id discernit illa Theologia,
 » ut verbi gratia in præcepto non occidendi, quod videtur urgen-
 » tissimum, novit excipere occisionem hominis ex moderamine in-
 » culpatae tutelæ, et ex auctoritate judicis perpetratam; ac si repre-
 » hensionis obnoxium non est, sed æquum, et rectum habetur, et
 » si à verbis legis sit alienum, si idem fiat circa plures alias leges,
 » non debet statim judicari impium, iniquum, scandalosum, et
 » temerarium, et aliis censurarum notis dignum æstimari.

» Quod cum plures non observent, et scientiam moralem à remi-
 » niscentia terminorum legis nolint discernere, damnant facile,
 » quidquid à saliva, quam semel imbiberunt, dissidere deprehen-
 » derint.

» Quod non adeo mirum videri debet, cum Moralis pura, et im-
 » permixta Theologiæ Scholasticæ, aut Canoniciæ, si daretur, ter-
 » ribilis statim appareret, ut quædam legum, et dogmatum præva-
 » ricatio.

» Inde est, quod author illius Centonis minime attingens scopum
 » proprium, et finem peculiarem Moralis Casuisticæ, quicquid fere

» pietatem, et perfectionem asceticam non sapit, ferula sua castigandum censeret. Et ut horrorem incuteret maximum, quam fieri posset, illius moralis, ordine methodico illam in tres partes dividit, seu tres libros, sic enim squamma squammæ adhæret: nec est spatium inter eas; partes omnes colligatæ sunt.

» Primus liber est de principiis peccatorum, tam internis, ut sunt varæ cupiditates hominum, ignorantia, intentio; et externis, qualia sunt auctoritas humana, consuetudines, probabilitas opinionis: ac de iis principiis agit, ut ostendat Theologos morales ista principia sic ferere, et tueri, ut homines ad omnia peccatorum genera inducant.

» Secundus liber tractat de remediis peccatorum tam internis, quæ sunt gratia Christi, Pœnitentia, Sacramenta, ac bona opera; quam externis, quæ notitiam ingenerant peccati, qualia sunt scriptura sacra, præcepta Dei, et Ecclesiæ: et præterdit collector Centonis illius Theologos Morales ista omnia dogmatibus suis depravasse, ut nullum supersit remedium hominibus contra peccata, tam funesta sunt illorum consilia ad claudendum vitæ æternæ ostium, ne quisquam salutem consequatur.

» Tertius liber est de obligationibus particularibus omnium statuum; exordium ducendo ab ecclesiasticis viris, et religiosis, tum ad principes progrediendo, iudices, mercatores, uxoratos, patres, filios, dominos, servos. De quibus agit eo fine, ut probet Theologiam moralem quorumlibet, debita officia depravasse, ut impune liceat quibusvis obligationi legitimæ proprii status deesse absque ullo metu peccatorum septem mortalium, quæ fere in venialia desierunt etc. Quin etiam tollit omnia media, quæ Christus subministravit peccatoribus, ut ad bonam frugem redeant.

» Tandem concludit manifestando, puritatem suæ intentionis non aliam fuisse, quam tollere abusus simplicium, et iis qui sibi obcæcare oculos noluerint, et rebelles esse lumini, propalare totam doctrinam morum, et illam Casuistarum non alio tendere, quam licentiæ peccandi, et totius mundi corruptioni favere. O zelosum compilatorem?

» Sed si iudicium ferre velimus de isto opere, primam ejus propositionem, à qua orditur, inspicimus. Certe error est à summis Pontificibus damnatus inter errores Michaelis Baji: *Charitas, inquit, et cupiditas totam vitam nostram inter se pariuntur. Duæ sunt arbores evangelicæ, quarum una semper bonos fructus producit, altera non nisi malos potest producere.* Quæ propositio æquivalet isti 38 propositioni: *Omnis amor creaturæ rationalis, aut vitiosa est cupiditas, qua mundus diligitur, quæ à Joanne prohibetur, aut laudabilis illa Charitas, qua per Spiritum sanctum in corde diffusa Deus amatur.* Hæc enim propositio, etsi pia in speciem videatur, damnat tamen omnes actus virtutum ex speciali ipsarum motivo elicitos, excepta una

• charitate. Damnat virtutem ipsam religionis, actum adorationis Dei,
 • fortitudinem, prudentiam, justitiam, temperantiam, quibus in
 • vita nihil est melius hominibus.

• Huic autem axioma innixus, quid non inter fructus malæ
 • arboris computabit postea? Atque si in ipso ingressu ita cespitat,
 • quid sperandum de progressu libri in quo videre est rerum collu-
 • vium, sententias à propria sede dejectas auctorum sensum sæpe
 • non reddentes, verborum salebras, reticentias dictionum, quæ
 • difficultatem sæpe tollent, columbarum vexationem, calum-
 • niarum seriem ordine digestam, ut non mirum sit, auctorem
 • talis satyræ nomen suum tacuisse. Si ita res se se haberent, non
 • posset ipse dæmon, si libros ederet, potentiori methodo peccati
 • regnum erigere, quam sic principia omnia peccatorum stabiliendo,
 • remedia omnia eorumdem peccatorum destruendo, et ad particu-
 • lares personas descendendo, unumquemque à propriæ obligationis
 • executione variis fallaciis dimovendo. At si credimus homini inno-
 • minato, fœdere juncti sunt Theologi morales, ut idem moliantur.
 • Quis hoc sibi persuadere valeat? Quis in mentem inducere, quod
 • Theologi ex omni parte Europæ in hoc conspirent, ut universi
 • orbis homines in laxis moribus corrumpantur, quorum potius
 • labor assidue in hoc impenditur, ut destruat corpus peccati,
 • et sit hic fructus omnis, ut auferatur peccatum? Et vere illud
 • destruunt in se ipsis primo per meditationes quotidianas, studia
 • perpetua, et multa pœnitentiæ opera Deo nota, quibus peccata
 • purgantur. Qui peccata destruunt in fidelibus per instructio-
 • nem, catechesim, collationem, prædicationem, et quemcumque
 • modum aptiorem ad tollenda mundi peccata, quantum fieri po-
 • test, depulsis ignorantiae tenebris. Quandoquidem vox est Pro-
 • phetæ; *Non est scientia Dei in terra: maledictum, et men-
 • dacium, et furtum, et adulterium inundaverunt.* Quorum deni-
 • que zelus ad extrema mundi se porrigit, ut etiam destruat
 • peccatum in infidelibus, ad quos tamquam viri Apostolici desti-
 • nantur. Quam longe hæc dissita sunt ab innominato centone, quem
 • excutere magis cogitaveram, nec pauca ad id idonea parata ha-
 • bebam ex varia lectione, et collatione locorum, ad tollendam
 • larvam, qua obtegatur, nisi quod verius illi adaptari potest,
 • quam Theologiæ Morali, in quam desævit, illud D. Augustini
 • Psal. 22. *Talibus malis magis prolixus gemitus, ac fletus,
 • quam prolixus libri debentur.* Nam et sic ex omnibus antiquis
 • doctoribus, seligendo ea solum, quæ in ipsis infirmiora sunt,
 • Cento impurus, et odio habendus conficeretur. Hactenus Bail.

III. Mirum est, virum doctum Montaltii, seu Paschalis litteras
 prætermisisse. Ut enim hæc prodierunt in lucem, ad arma undique
 contra Casuistas clamatum est tum ab Jansenianis omnibus, eorum-
 que asseclis, tum à Catholicis quibusdam, Dominicanæ præsertim
 Familiæ, Contensonio, Vincentio Baronio, Natali Alexandro. Qua
 de re vide historiam Provincialium (tomo 1. earundem Coloniensis

editionis) (seu potius Genevensis) a. 1739 præmissam, Dictionarium Jansenistarum, Daurigny monumenta Chronologica, et dogmatica, Danielis Dialogos, et ad Natalem Alexandrum epistolas, Despreaux epistolas duas adversus Apologiam Provincialium litterarum, Honorati Fabri apologeticum etc. Accessit Thyrsi Gonzalez, aliorumque Jesuitarum ab ipso stantium adversus Probabilismum dimicatio, de qua ne Concina, et Patuzzii mendacia te in errorem abducant, Philiberti Ballæ epistolas consule. Renovatum porro in Italia est acerrimum bellum à Daniele Concina, qui edito *Quadragesimæ Appellantis* libro in Casuistas, Jesuitas præsertim, livoris pleno illud indixit. Innumeri hinc ex utraque parte prodire libri; neque Concinae obitu pax rediit, immo Patuzzii, et Dinellii, quibus nuper additus est Cremonensis quidam Camillus Miglioli, libellis instaurari populorum scandalo bellum videtur. Interea breves accipe, sed invictas Casuisticæ Theologiæ vindicationes, illas primum, quas Ludovicus Abelly Ruthenensis Episcopus in opusculo *de libris, et opinionibus Casuistarum* concinnavit; deinde quas Francolinus V. Cl. dedit *de pœnitentiæ disciplina Lib. II. cap. VIII. seqq.*, postremo, quas ipsi in Libro ad La-Croixii Moralem Theologiam prodromo variis locis conscripsimus.

CAPUT II.

Ludovici Abelly Ruthenensis Episcopi Apologia pro Casuistis summatim exhibita ex Francolinii de Pœnitentiæ disciplina Lib. III. cap. 7. §. 25.

ARTICULO 1. narrat, uti quidam juvenis legens prædictum ejus tractatum de principiis Theologiæ Moralis, indignatus ei fuerat, quod, in confirmationem suæ doctrinæ, Casuistas citaret, Doctores videlicet, ut ipse dicebat, doctrinæ laxioris, et Evangelicis Institutionibus contrariæ Magistros: quales vere esse Casuistas acceperat ab homine clarissimo, à quo etiam id consilium acceperat, ut si vellet unquam operam dare facultati morali, id genus Theologorum ne legeret unquam, sed solos sanctos Patres. Addit ab eodem juvene firmissimo in tuenda hac iniquissima de Casuistis opinione, provocatum, se fuisse ad ea litteris tradenda, quæ ipso contra hunc errorem sentiret, et persuasionibus amicorum compulsum, ut quæ scripserat in favorem Casuistarum, ederet in lucem.

Art. 2. dicit, Casuistas, quorum hic defensionem suscipit, fuisse homines doctrina, nec paucos ex ipsis etiam pietate insignes, et aut primas in Academiis cathedras adeptos, aut ob illustria in Remp. merita ad summa in Ecclesia munia vocatos, non paucos Divorum numero adscriptos, eam præterea fuisse omnium mentem,

• ut fideles docerent, quid agendum, quid cavendum esset; idque
 • vere eos effecisse libris suis post longam experientiam, quod fecerunt post multam navigationem navis solertissimi mappis suis,
 • in quibus, diversorum marium pericula, scopulos, syrtis, infesta
 • pyratibus loca descripserunt, ac proinde, ut his, ita illis gratias
 • habendas, nec minus quam aliis, qui in Ecclesia populos in fide,
 • et moribus instruunt, imprudenterque facere qui eos despiciunt
 • creduntque, sine illorum opera posse se difficillimas de moribus
 • quæstiones extricare.

• Hoc autem iudicium suum confirmat autoritate trium insignium
 • Episcoporum, quos sequi omnes debeant.

Hi sunt (inquit) S. Carolus Borromæus, Archiepiscopus Mediolanensis, S. Franciscus Salesius Episcopus Genevensis, Eminentiissimus Cardinalis Pallottus Archiepiscopus Bononiensis, qui Casuistarum Libros non probarunt modo, sed eorum etiam lectionem, et Confessariis, et Clericis Seminariorum alumnis impense admodum commendarunt.

S. Carolus Borromæus, præter alias consuetas Seminarii sui exercitationes, casuum conscientiarum studium exigebat singulare, tanquam omnibus apprime necessarium; maxime vero lectionem summæ S. Antonini laudabat, committens curæ Rectorum, ut alios, quos iudicassent idoneos, seligerent, et alumnis Seminariorum legendos præberent.

Sanctus vero Franciscus Salesius, in instructione confessariorum suæ Diocesis, eisdem etiam atque etiam commendat lectionem Tractatus de Prudentia Confessarii, quem scripsit P. Valerius Reginaldus Societas. Jesu, et in Epistola ad quemdam Præsulem, Instructionem Sacerdotum Cardinalis Toleti vehementer laudat, tanquam perutilem muneri recte obeundo, quod ei erat. impositum.

Cardinalis Pallottus, in Regulis, et Ordinationibus Clericorum sui Seminarii libros enumerans, quorum lectio erat eis necessaria, inter alios Summam proponit, quæ Armilla inscribitur, et directorium Confessariorum P. Polanci Soc. Jesu.

• Art. 3. Expendit consilium quod aliqui dant Confessariis legendi
 • solos sanctos Patres, ut inde sciant respondere casibus conscientiarum. Ostendit autem optimam et perutilem esse sanctorum
 • Patrum lectionem: non inde tamen sequi, aut eos solos esse
 • legendos, aut esse legendos in hunc finem, ut ex ipsis hauriatur
 • tota facultas moralis, nimirum notitia iurum, contractuum, censurarum, aliorumque hujusmodi. • Ecqui sunt enim (inquit) isti
 • sancti Patres, qui tractatus de restitutione habeant, qui latentes sub speciosis nominibus injurias, usitatos in litibus, in venditione,
 • emptione, reliquisque contractibus dolos detegant, qui doceant cognoscere palliatas usuras? Quibus in libris sancti
 • Patres de beneficiis ecclesiasticis agunt, aut prope quotidiana circa eadem dubia solvunt? Ubi fictos, quæsitosque pro legenda

simonia titulos apertunt? Ubi denique alia id genus Confessariis necessaria agitant, quæ tamen omnia in Casuistarum libris leguntur etc. Multum, ut reor, laborabunt isti Censores, si velint unum ex sanctis Patribus exhibere, aut indigilare, in quo ea, quæ numeravi, tractentur. Sed illis satis est Patrum lectionem commendare, nec pensi habere, quanto Confessariis tempore opus esset, si quoties in sacro Tribunali dubium aliquod occurrit, Patres consulendi essent. Profecto qui labores ferendi, quæ lædia superanda, quoties volvendi, revolvendique libri, priusquam proposita difficultatis, seu questionis vestigium aliquod, nedum solutio reperiretur etc. Ut igitur qui jurisprudentia se dederit, eos præcipue libros versat, qui leges explicant et quæstiones ipsas agitant, quæ versantur circa causas civiles, aut criminales; et qui Medicinæ peritiam cupit, libros illos in primis familiares habet, qui de arte medica, qui de variis morbi generibus, causis, remediis tractant, quod idem in omni scientia atque arte contingit; ita quisquis Theologia moralis studiosus extiterit, ut illos auctores scrutetur, necesse est, qui omne studium, atque diligentiam in eo posuerunt, ut ad aliorum doctrinam eos conscriberent conscientiæ casus, quos partim propria experientia, partim labore improbo collegissent etc.

« Art. 4. ostendit, facultatem moralem esse antiquissimam, et
 • primum Casuistam fuisse Moysem, Casuistas pariter in lege nova
 • fuisse Apostolos, deinde, qui ipsis succedere, Episcopos, solitos
 • aliquando ad conservandam unitatem, et ad conciliandam suis
 • sententiis auctoritatem, consulere summum Pontificem: aucto
 • vero fidelium, et quæstionum moralium numero, demandatum ab
 • Episcopis fuisse id munus expediendi casus conscientiæ Presbyteris
 • doctoribus, suarum Ecclesiarum poenitentiariis, qui litteris man-
 • darunt quæ proprio studio, et experientia didicissent: hinc ingens
 • ille numerus hujusmodi moralium tractatum, librorumque, qui
 • nunc extat.

• Art. 5. observat, et monet, à prædictis censoribus, qui redar-
 • guunt Casuistas, redargui multos viros sanctos in album Divorum
 • ab Ecclesia relatos, qui fuere Casuistæ, nimirum D. Thomam,
 • qui in secunda, et tertia parte suæ Summæ moralem Theologum
 • agit, S. Bonaventuram, qui id munus explicandi casus conscientiæ
 • alienum à se esse minime putavit, S. Antoninum, qui tractatus
 • de casibus conscientiæ reliquit adeo utiles, ut S. Carolus Borro-
 • mæus sui Seminarii Clericis eorum lectionem potissimum com-
 • mendarit, demum S. Raymundum, cujus operam adeo utilem
 • expertus fuit Gregorius IX. ut nihil ageret eo inconsulto, quique,
 • impetrata ab eodem Gregorio missione ab aulæ negotiis, curisque,
 • et Barcinonem regressus, ut convalesceret ex morbo, in quem
 • (ea erat sancti viri humilitas) inciderat ex mœnore concepto pro-
 • pter Episcopatum Tarraconensem sibi à Pontifice destinatum,

• totum se dedit quæstionibus moralibus, et casibus, qui unde-
 • quaque ad eum afferebantur, resolvendis, resolutionibus jam datis
 • colligendis, ex quibus eam Summam compegit, quæ fuit ultimum
 • ejus opus, et reliquorum, quæ scripsit, facile præcipuum.

• Hic observare mihi liceat, hos quos recenset is Author, alios-
 • que plures, quos recensere poterat, viros sanctissimos, eosdem-
 • que Casuistas, aut homines privatos fuisse, aut casus conscientiarum
 • resolvisse antequam ad infulas eveherentur, nec essent declarati
 • Doctores Ecclesiæ, aut à Pontificibus huic muneri destinati: non
 • igitur dedecet privatos Doctores, ut inscite garrunt aliqui, quæ-
 • stionibus, dubiisque moralibus respondere; non enim qui id fa-
 • ciunt, arrogant sibi clavem scientiæ, et potestatis, qua fruuntur
 • Episcopi, nec responsa præbent, quæ vim legis habeant, sed
 • consilii, quod ex ingenti doctrina, qua præditi sunt, authori-
 • tatem habet, et subinde, cum certior regula in dubiis, quæ passim
 • incident, haberi non possit, satis est dirigendis firmandisque
 • animis fidelium dubitantium. Hinc Episcopi ipsi, cum dubitant,
 • prædictos Doctores consulunt, aut eorum tractatus legunt, eorum-
 • que consiliis acquiescunt. Sed hoc obiter monere ipse volui.

• Art. 6. dividit fideles in tres classes, primam eorum, qui sunt
 • in peccato, unde volunt, aut debent emergere; alteram eorum
 • qui sunt in gratia, in qua perseverare debent; tertiam eorum qui
 • volunt suscipere, aut ministrare Sacramenta, et his omnibus esso
 • Casuistas perutiles, aut etiam necessarios ostendit, cum ea vel
 • præcepta, vel instructiones, quibus indigent, in Scripturis ita
 • lateant, ut perspicui à multis non possint; in amplissimis vero
 • voluminibus Juris Canonici sint ita dispersa, aut involuta, ut
 • reperiri pariter nequeant à plerisque; à Patribus tandem sint
 • obiter tantum subinde tradita, à Casuistis vero sint facili methodo,
 • clarissimeque cunctis proposita: hinc illi ipsi, qui Casuistis suc-
 • censent, interrogati, unde hauserint eam doctrinam, qua se in
 • examine, aut concursu dignos sacris Ordinibus, aut administra-
 • tione Sacramentorum, probarunt, si velint vera fateri, dicent,
 • se lectione, ac studio Casuistarum adjutos, et ex lumine ab ipsis
 • accepto propositis quæstionibus respondisse.

• Art. 7. ostendit, ab his qui Casuistas eorumque libros damnant,
 • non solum privari Ecclesiam ingenti commodo, sed affici multis
 • gravissimis detrimentis. Et 1. Confessarii, horum librorum, et
 • hominum auxilio privati, nec legentes scripta Patrum, quæ sunt
 • innumera, aut in ipsis non reperientes dubiorum, quæ nascuntur
 • in dies, dilucidas responsiones, judicabunt ipsi solo ingenio suo
 • quid agendum, quid cavendum sit: quale autem erit hoc judicium
 • hominum imperitorum? Si magni illi viri, qui Casuistæ fuere,
 • post totam vitam in Ethicæ studiis insumptam, post longam ex-
 • perientiam, quamvis ingenio præstarent, errarunt tamen, ut præ-
 • dicti eorum censores contendunt, qui erunt errores hominum, qui

» nec simili, imo vix ullo studio adjuvantur, nec præstant ingenio?
 » Nonne timendum est, ne, cum cæci ipsi sint, cum eis, quos
 » ducunt, cadant in foveam? 2. Si numerus Casuistarum, eorum-
 » que in sentiendis discordia detrimento est, et confusionem parit,
 » ut iidem dicunt, longe major erit discordia, et confusio, cum
 » singuli Confessarii, ut sua cuique ratio suggeret, judicabunt :
 » ut enim in hujusmodi judiciis evenire solet, quot erunt capita,
 » tot erunt sententiæ. 3. Qui ad examen vocantur ab Episco-
 » plis, propositis quæstionibus e. gr. circa simoniam, circa con-
 » tractus, circa censuras, respondere non poterunt; cum responsa
 » in Patribus non reperiant, ex libris Casuistarum petere non de-
 » beant. Igitur id examen tollendum erit. 4. Tollentur Confessarii
 » ipsi, qui si sapient, nolent se exponere periculo errandi cum tanto
 » animarum detrimento, quale periculum certe subeunt, qui sine
 » doctrina morali Sacramenta ministrant. Si enim in hac admini-
 » stratione errant aliquando, nec raro dubitant etiam periti morum
 » Doctores, qui libros, eosque multos legunt, et perlegunt, quoties
 » errarent hi, qui essent hoc præsidio destituti? Igitur qui Casuistas,
 » eorumque libros ablegant, sunt Authores mali longe majoris eo,
 » cui mederi contendunt.

» Art. 8. quærit, utrum vere noxii sint numerosi Casuistarum
 » libri? Dicit autem, loqui se non de omnibus Casuistis, sed de
 » iis, qui sive amplissimis dignitatibus, sive eximia doctrina, sive
 » susceptis in Academiis gradibus, insignes sunt, et boni vulgo
 » Authores habentur. Propositæ quæstioni respondet immerito de
 » horum numero, et varietate conqueri prædictos censores, ut im-
 » merito de numero, et varietate ferculorum quereretur, qui ad
 » lautas epulas invitatur; quemadmodum enim Principis alicujus
 » viri epulum apparantis est magnam ferculorum copiam invitatis ap-
 » ponere, ita convivarum est è propositis dapibus, meliores utiliores-
 » que prudenter moderateque seligere. Atqui hæc tanta, eorumque
 » diversorum librorum copia, quibus præsens abundat Ecclesia,
 » divinæ munificentiae pars est, tot modis sua nobiscum consilia
 » communicantis, quæ fideles animas pascant: parendum tamen
 » Apostolo monenti, ne velimus plus sapere, quam oportet sapere,
 » sed sapere ad sobrietatem; ac proinde, aut non legenda, quæ
 » non oportet, aut legenda, eo modo quo oportet, quo non legunt
 » illi, qui libros male masticatos devorant, aut doctrinis alias
 » saluberrimis abutuntur. Cæterum, quamvis ipse non improbet,
 » imo laudet, ut varios de re morali libros in promptu quis habeat,
 » ut, cum opus fuerit, consulere eos possit, hortatur tamen ad
 » selectum, et peculiare studium paucorum, dicitque id consilium
 » dare consuevisse discipulis suis gravissimos Doctores Sorbonicos,
 » ut studiose legerent Instructionem Sacerdotum, quam scripsit
 » Cardinalis Toletus, idemque fuisse S. Francisci de Sales consi-
 » lium. Ut autem datur omnibus seligendi aliquem ex multis plena
 » libertas, ita nulli permittitur alios despiciere, eorumque copiam

• damnare, quod nemo facit in reliquis facultatibus. Quis enim queritur, quod tot de legibus, ac jurisprudentia, tot de medicina libri, iique varii, et in aliquibus dissidentes prodeant in lucem quotidie? Imo quis non videat, id fieri perutiliter, cum posteriores e. gr. medici ea morborum remedia reppererint, quæ fuere prioribus ignota? Cur ergo in facultate morali noxium sit, quod utile sit in reliquis disciplinis? Opponentem sententiarum discordiam, respondet, Casuistas in multis, quæ certa sunt, convenire, dissentire in aliquibus incertis, circa quæ in suo quisque sensu abundat, et sequi licet quod videtur similis vero.

• Art. 9. et ultimo agit de libris eorum Casuistarum, qui laxiores dicuntur. Et 1. monet, mirum non esse, quod aliqui Casuistæ errarint; permisisse Deum, ut aliquando viri etiam sanctissimi doctissimique errarent, ut inde discamus minus fidere iudicio nostro, ipsi Augustino aliqua excidisse quæ postea retractavit. Monet 2. non esse temere iudicandum de aliorum sententiis, cum sæpe laxum non sit, quod nobis videtur, et aliquando laxæ sint aliæ nostræ sententiæ, iudicio ejusdem illius Authoris, cujus sententiam, quia nostræ contrariam, laxam, aut benigniorem vocamus. Monet 3. cavendum, ne animo præoccupato iudicemus, ut faciant hi qui probant quidquid dixerint, aut scripserint ii quos diligunt; contra rejiciunt quidquid eorum est, à quorum ingenio, et studiis discordant. Monet 4. si qua in re ab aliquo Scriptore fuerit erratum, non illico totum librum damnandum, ut nemo sapiens poma sana atque integra abjicit, quod inter ea putridum unum corruptumque deteget, nec arborem totam bene vigentem succidit, quod aridum in eo ramusculum intuetur: propterea audiendum Augustinum dicentem, botrum carpe, spinam cave; imo Spiritum sanctum admonentem, ut pretiosum à villi separemus. Monet demum hanc in iudicando de aliorum sententiis præcipationem oriri ex superbia, qua iudex se præfert viris doctrina, ac scientia præclaris, eaque despicit, quæ ab illis probata esse non ignorat.

• His Præsul iste sapientissimus vindicat Casuistas non antiquos tantum, Raymundum, Thomam, Bonaventuram, aliosque, sed etiam recentiores; quæ enim affert, utrosque complectuntur, ut utrosque feriunt Adversariorum querelæ: quamvis enim dicant, se non agere de antiquis, revera accusant utrosque, cum recentiores, de quibus agimus, secuti sint antiquos, cumque, ut inter recentiores aliqui benigniores fuere, sic inter antiquos; nec nova sit doctrina probabilitatum (quæ tamen est, ut dicunt, fons omnium laxitatum, et est præcipuum caput accusationum), sed perantiqua, et in eo casu poenitentis operantis ex opinione probabilis contraria opinioni Confessarii communi Doctorum, quos allegavi, suffragio propugnata: nunquam enim opinionem probabilem à probabiliori distinguunt, sed absolute usum probabilis poenitenti permittunt, et permittendum docent.

CAPUT III.

Francolini Apologia pro Casuistis ex lib. II. cap. IX. et X.
de Pœnitentiæ disciplina.

E quæ adeo execrantur Casuistarum mala, aut nec mala sunt, aut aliquorum tantum, eaque Casuistis antiquiora. Et primo ea, quæ est in aliquibus dubiorum, casuum, quæstionum, et allegationum copia, quæ facit eorum libros aut nimis prolixos, aut nimis spissos, vel malum non est, vel malum innocens, cum non desint, qui brevius, quique brevissime in idem argumentum scripserint, ut, si viæ sint, breviores, aut brevissimæ, malum innoxium est, quod sint etiam longissimæ, immo commodum id est si quæ longæ sunt, sint etiam faciles, et expeditæ: cum non omnibus placeat via quæ brevior, sed quæ facilior, facilius autem aliqui ad intelligentiam rerum perveniunt, si fusius pertractentur.

Secundo sunt quidem aliqui Casuistarum libri sua laxitate perniciosi, hinc aliquæ ipsorum propositiones à Pontificibus fuere juste sancteque damnatæ. At aliqui, immo plurimi olim fuere libri Pœnitentiales justo benigniores, laxique, et ideo à Patribus, et Conciliis rejecti. Concilium Turonicum tertium cap. 22. Cabillonense secundum sub Carolo Magno cap. 38. Parisiense sextum sub Ludovico cap. 32. graviter invehuntur in quosdam libros pœnitentiales, et severe Sacerdotibus mandant, ne eis utantur. Ex his Concilium Parisiense statuit, *ut unusquisque Episcoporum in sua Parochia eosdem erroneos codicillos diligentissime perquirat, et inventos igni tradat, ne per eos ulterius Sacerdotes imperiti homines decipiant.* Nec tamen contra libros omnes Pœnitentiales declamatum est; cur ergo modo declamatur contra omnes Summas Casuistarum?

Dispicet in his fortasse tanta opinionum diversitas, et contrarietas? At quanta olim in libris Pœnitentialibus fuit, quanta in ipsis canonibus? Simplicem fornicationem unius anni pœnitentia vindicat Eusebius Papa, ut refert Ivo *epist.* 16. At Concilium Meldense apud Burchardum *lib.* 6. *cap.* 68. triennii pœnitentia punit, S. Basilius septennii, S. Gregorius Nissenus novennii pœnitentia castigat. Hanc canonum, seu Canonistarum contrarietatem notat Concilium Moguntinum apud eundem Burchardum *lib.* 17. *cap.* 21. *Theodorus* (inquiunt Patres) *judicavit, eum qui incestum fecerit, duodecim annos pœnitere debere, alii quindecim, alii septem.* Cumque discreparent omnes, nec rationem, cui inniterentur, afferrent, hærebant sæpissime Confessarii, ignari quem potius sequerentur, ut constat ex Excerpto Gregorii Papæ III. quod avertit Labbe *tom.* VI. *Concil.* pag. 1476. cujus initium hoc

est. Cernimus in Ecclesia, quod nos valde contristat, quoniam ita confusa sunt judicia circa pœnitentiam in Presbyterorum nostrorum opusculis, atque ita diversa, et inter se discrepantia, et nullius auctoritate suffulta, ut vix propter dissonantiam possint discerni. Unde fit ut concurrentes ad remedium pœnitentiæ, tam pro librorum confusione, quam etiam pro ingenii tarditate, nullatenus eis valeant subvenire.

Tertio cum de sexto præcepto, aut Matrimonio agunt nostri Casuistæ, turpitudinum species recensent quidem, sed non describunt, ut idem scriptor asserit, aut longe minus describunt, quam eas describant veteres Canonistæ, scriptoresque librorum pœnitentialium, Præsules, aut Presbyteri sanctissimi, nempe Theodorus Episcopus Cantuariensis à Vitaliano Papa, ut supra dixi, in Angliam missus, Beda non doctrina solum, sed et sanctitate celebris, Burchardus Episcopus Vormaciensis, et Divorum honoribus, ac titulis ab Ecclesiis decoratus, aliique, ex quibus Burchardus (similia habent reliqui) lib. 19. *Decretorum* cap. 5. non solum omnes species turpitudinum recenset, sed eas distinctissime describit, nec species tantum, sed modos omnes, quibus hæc peccata à viris et fœminis committuntur, aut manu sua, aut medio aliquo instrumento, aut secum, aut cum aliis, aut extra vas, aut alio quovis modo, quem ipsum modum non innuit, sed exhibet oculis clarissime, solusque ipse plus dicit, quam fortasse dixerint omnes nostri Casuistæ, quotquot unquam et uspiam extiterunt.

Igitur quæcumque displicent in Casuistis, aut culpam nullam continent, aut eam ex qua longe magis culpandi sunt antiqui Doctores, Patresque. Hos autem quis culpare audeat? Ergo si innocentes fuerunt ipsi, et innocentes quoque sunt ex hoc capite Casuistæ.

Sed illud est prorsus mirabile, et vix credibile, quod videlicet nonnulli ex iis, qui calamum Casuistarum redarguunt, tanquam parum pudicum, confessionibus ipsis puerorum, et puellarum interrogationes subinde interserunt (ex bono animo quidem, sed non satis prudenti) nihil pudicas, nec solum minime necessarias, sed aliquando perniciosas, ut constat eas non semel fuisse puellis, hujusmodi fœditatum antequam interrogarentur prorsus ignaris. Quis non videat, quam ista secum pugnent? An dedecet has spurcicias calamo versare, lingua autem decet? An majori cum reverentia tractanda est materia moralis, quam Sacramentum? An est religiosior mens et oculus virorum legentium, quam aures puellarum audientium? An periclitatur magis honestas legentis Confessarii, quam periclitetur honestas audientis puellæ facile putantis communia esse ea delicta, de quibus omnes interrogantur? An demum culpa non caret, qui de peccatis impudicitæ agit cum lectoribus, quorum plerique ista non ignorant, nec ignorare debent, ut ea curare sciant; culpa autem carebit qui de eisdem agit cum

» pueillis, et pueris, quorum plerique, aut saltem non pauci ex iis
» quos suspiciosus Confessarius interrogat, hoc prorsus ignorant,
» et utiliter ignorant ?

» At (inquit aliquis) in antiquis collectionibus librisque pœnitentialibus de peccatis impudicitiae interrogatur Pœnitens cujusvis ætatis, et sexus. Sic enim Burchardus, ut supra innuebam, lib. 19. cap. 5. *Fecisti fornicationem, sicut sodomitæ fecerunt, ita ut etc. vel intra coxas etc. vel ita ut in manum tuam etc.* Similiter post aliquot paginas interrogat fœminas sic : *Fecisti quod quædam mulieres facere solent, ut faceres quoddam molimen seu machinamentum etc. Fecisti quod quædam mulieres facere solent, ut jam supradicto molimine etc. Fecisti quod quædam mulieres facere solent, quando etc.* Parco exscribere totam periodum, quia non est necesse. Igitur sunt de his interrogandi pœnitentes etiam pueri, puellaque; hujus enim ætatis potissimum hæc peccata sunt.

» Sic objicienti respondeo, de his aliisque innumeris interrogari pœnitentes in prædictis libris antiquorum Canonistarum, non quidem ut Confessarius sic interroget pœnitentes, siquidem nec una dies satis esset scrutando audiendoque unico pœnitenti, sed ut discat ipse species omnes morborum, quibus uterque sexus urgetur, et aliquid interroget aliquando, cum videlicet pœnitens titillatum se fatetur, aut innuit, aut ipse detegere incipit scabiem suam, quam tamen non augeat interrogatio, quamque responsio pœnitentis non affricet Confessario.

» Quamvis autem damnandi non sint prædicti veteres Canonistæ, librorumque Pœnitentialium scriptores, qui omnis effrænata, aut præpostera libidinis spurcitas per has interrogationes descripsere, laudabiliores tamen fuissent, si eas innuissent tantum, aut saltem minus fuse descripsissent, ut faciunt Casuistæ, isque etiam quem Dallæus damnat Thomas Sanchez, qui nihil forte de peccatis impudicitiae scripsit quod scribere necesse non fuerit ei, cujus finis, et quidem sanctissimus erat, docere, quæ sint in usu Matrimonii vetita, quæ permissa, quæ debita, eaque occasione quæ sint, et cujus pravitatis sint peccata, ~~quo~~ vel alieno corpore abutentium, cujus profecto scriptoris opus spissum non verbis, sed rebus, non textibus inutilibus, sed solida doctrina, totus Orbis literarius recte sentientium laudat, et laudabilius facit vituperatio Dallæi, qui quamvis eruditum se faciat, fateri tamen cogitur à se minime lecta, quæ in gratiam fori pœnitentialis scripsere Theodorus, Beda, Burchardus, aliique veteres scriptores. Hos enim si legisset, eam Thomæ Sanchez notam inurere fortasse ausus non fuisset.

» Sed hic mihi propositum non est Casuistam ullum peculiariter laudare, aut vindicare; sed facultatem ipsam moralem, ut cœpit à quinque sæculis tradi, utque tradita his potissimum duobus postremis sæculis fuit à permultis Theologis, quorum
Tom. I.

- libros perutiles foro interno esse, satis, ut arbitror, ostendi, ut
- facere constitueram.
- Nunc faciam quod non proposueram, sed quod omittere non
- debeo, tum in gratiam optimæ facultatis, tum ut præsentem
- Ecclesiam, cujus ea laus est, pluris semper æstimes, semper ames
- magis; id enim mihi potissimum propositum est. Ostendam igitur
- hanc facultatem, quosque ejus nobiliores Professores scripsero
- libros, perutiles toti Ecclesiæ fuisse.

CAPUT IV.

Francolini vindicationes aliæ, in quibus ostenditur, libris Casuistarum auctam fuisse ecclesiasticam eruditionem, et fidei doctrinam illustratam.

- I** ut via faciliori, et jucundiori demonstrem, ostendam, quam fuerit major in Ecclesiæ ministris eruditio, postquam scribere cœpere Casuistæ, quam inde fuerit in doctrina moram minus erratum et dubitatum; quamvis enim id debeatur potissimum posterioribus Synodis, et Pontificum Constitutionibus, per quas multa, quæ erant ignota, vel dubia, fuere definita, et multa, quæ erant obscura, fuere declarata; debetur tamen etiam studiis, et libris Casuistarum, ut ex iis, quæ hic afferam, facile intelliges.
- Percurram Sacramenta, quorum administratio præcipua pars
 - est Christianæ disciplinæ, et modo tam certa, tam tuta, tam
 - explicata beneficio utriusque Theologiæ speculativæ, et practicæ,
 - qua præstare debent, et præstant Casuistæ, olim vero fuit apud
 - multos adeo dubia et controversa.
 - Baptismum collatum ab Hæreticis repetendum non esse docuit
 - Stephanus, definivit hoc ipsum postea Concilium Nicænum, quod
 - solos baptizatos à Paulinianis, seu Samosatensis iterum tingi vo-
 - luit, quia, ut explicat Innocentius I. epist. 22. cap. 8. *Paulia-*
 - *nistæ in nomine Patris, et Filii, et Spiritus sancti* minime
 - baptizabant. Adbuc tamen egregii Doctores ita scripsere postea,
 - ut ignorasse videantur Canonem Nicænum, aut eum non satis in-
 - tellexisse. Lege, cum per otium licebit, initium primæ epistolæ
 - canonicæ magni Basilii ad Amphilochem, cujus memini lib. 1.
 - cap. 4. §. 3. num. 3. Lege etiam quæ id admirans refert Cabassu-
 - tius in notitia Conciliorum post Synopsim sæculi tertii.
 - Videtur postea etiam à magnis Doctoribus dubitatum, non qui-
 - dem de valore Sacramenti per Hæreticos, aut malos homines
 - ministrati, sed de efficacia. Nescio, an id significare voluerit, aut
 - potius referre quod alii docuerant, Augustinus, dum lib. 3. de
 - *Baptismo* cap. 18. loquens de malis clavium ministris dicit,

» *Remissam tamen peccatorum non dabant. Non enim raptoribus et fornicatoribus diceret Deus, si cui remiseritis, remittentur eis, si cui retinueritis, et tenebuntur.*

» Putarunt aliqui sic esse necessarium Baptismum aut aquæ aut sanguinis re ipsa susceptum, ut nunquam satis sit ejus votum, unde actum putabant de anima Valentiniani Imperatoris mortui sine Baptismo, cui tamen profuisse ejus votum fuisse docent S. Ambrosius, de obitu prædicti Imperatoris; ut scias quid circa hoc senserit S. Augustinus, lege *lib. 8. Confess. cap. 12. lib. 9. cap. 4.* et præsertim quod scribit ad Fortunatum, et allegatur ab omnibus Canonistis, Polycarpo *lib. 3. tit. 10.* Burchard. *lib. 4. cap. 16.* Ivone *parl. 1. cap. 211.* Gratiano *de Consecr. dist. 4.* ubi sic: » *Catechumenum, quamvis in bonis operibus defunctum, vitam æternam habere non credimus, excepto martyrio, ubi tota Baptismi Sacramenta complentur.* Forte solum significavit, non esse certo credendum, mortuum Catechumenum salvum esse, excepto casu martyrii.

» Circa tempus, quo suscipi Baptismus debet, quot opiniones fuere aut falsæ, aut non satis utæ? Eum certe in multis annos differri licite posse, putarunt multi, ut omnes norant; quin laudabilem quoque esse hanc dilationem, videtur docuisse Tertullianus in *lib. de Bapt. c. 18.* ubi docet, *Pro cujusque personæ conditione ac dispositione, etiam ætale cunctationem Baptismi esse utiliore.* Et paulo post addit: *Si qui pondus intelligant Baptismi, magis timebunt consecutionem, quam dilationem.* Fidus Africanus Episcopus putavit, ut constat ex 59. Cypriani epistola ad eum scripta, non debere baptizari infantem intra secundum, vel tertium diem ab exortu, veluti non satis à materni uteri sordibus purgatum. Tribus post nativitatem annis expectandum putavit S. Gregorius Nazianzenus in *orat. ad sanctum lavacrum.* Quid vero (inquit) de infantibus, qui neque quid gratia quidve sit pœna, cognoverunt, num et eos baptizemus? Maxime quidem si periculum aliquod imminet.... De aliis vero consilium do, ut triennium expectent, aut paulo minus, aut plus, ut quid mysticum audire, et respondere possint, et si non perfecte, attamen figuratiter intelligant.

Ut autem Gregorius non satis probavit, quod infantes recens nati baptizarentur, sic aliqui non probarunt, quod Baptismus conferretur statim morituris, si culpa sua distulissent, aut saltem de hujusmodi Baptismi valore dubitarunt. *Non defuere ex antiquis* (inquit Edmundus Martene de antiquis Ecclesiæ ritibus *lib. 1. capit. 1. artic. 16.*), *qui de Baptismo eorum, qui in lecto perfusi fuerant, validitate addubitarint.* Hujusmodi dubium Cornelium Papam incessit, ut ipse innuit in *Epistola ad Fabium Antiochenum Episcopum apud Euseb. lib. 6. Hist. Eccles. cap. 43.* ubi agit de Novato, qui jam jam moriturus baptizatus fuerat (si tamen, in-

• quit, hujusmodi Baptismum suscepisse dicendus est). Sed forte Pontifex dubitavit de solo fructu Baptismi ab eo suscepti.

• Addit præterea is Auctor, dubitatum de Baptismo ægrorum decumbentium fuisse etiam sæculo sexto, quo vixit Ferrandus Diaconus, qui hanc suam dubitationem proposuit Fulgentio Episcopo Ruspensi. Sed is non dubitavit de valore Baptismi illius, eo quod esset ablutus æger decumbens, sed quod esset ministratus ægro sensibus destituito. Hæc tamen ipsa dubitatio non est digna Doctore. Afferam ejus verba, quæ essent etiam afferenda propter eruditionem, quam continent.

• Religiosi cujusdam viri famulus, dominorum fidelium diligentia, Sacramentis ecclesiasticis imbuendus ad Ecclesiam traditur; fit ex more Catechumenus; post aliquantum nihilominus temporis propinquantem solemnitate Paschali inter competentes offertur, scribitur, eruditur: universa quoque Religionis Catholicæ veneranda mysteria cognoscens atque percipiens celebrato solemniter scrutinio per exorcismum contra diabolum vindicatur, cui se reanuntiare constanter, sicut hic consuetudo poscebat, auditurus symbolum profitetur. Ipsa insuper sancti Symboli verba memoriter in conspectu fidelis populi clara voce pronuntians, piam regulam Dominicæ orationis accepit, simulque et quid crederet, et quid oraret intelligens, futuro Baptismati parabatur, cum subito violentis invaditur febribus, et crescente lethali infirmitate turbatur. Persuasit dierum brevitās, ut ad fontem cæteris abluendus differretur, sive potius servaretur, et quid pluribus immorer? Hora exoptata cunctis advenerat..... Tunc ille in extremo halitu constitutus sine voce, sine motu, sine sensu nihil valens Sacerdoti interroganti respondere, deferentium manibus adportatur, et pro eo nobis quasi pro infante respondentibus, mente absentissimus accepit Baptismum, quem se accepisse, post paululum mortuus, in hac præsentī arbitror vita nescivit. Quæro nunc, utrum nihil ad æternam beatitudinem consequendam vox ablata nocuerit.

• Qui modo ex tam debili fundamento vocis amissæ, et sensus impediti dubitet de valore, aut de fructu prædicti Baptismi, quem constabat esse collatum homini prius sic instructo, sic præparato, cupidoque? Illa etiam verba notanda sunt: *Persuasit dierum brevitās, ut ad fontem cæteris abluendus differretur*. Et cur non persuasit charitas, ut nihil differretur? Immo quomodo non obligavit charitas nihil differre, cum jam æger moreretur et Baptismum peteret, cum præsertim Canones ipsi, qui Paschales Baptismo dies destinaverant, periclitantes quovis tempore baptizari præciperent? Certe nullus quamvis infirmæ notæ Casuista dilationem quamvis brevissimam permisisset. Ferrandus tamen ea ætate doctus, ac doctor religioni sibi duxit, lustralibus aquis extra illud tempus tingere jam jam moriturum.

• Idem Ferrandus sub finem epistolæ hanc aliam quæstionem

» proponit : *Utrum noceat, quantum noceat, an omnino nihil noceat, si quis baptizatus in nomine sanctæ Trinitatis, sacro cibo, potuque fraudetur*, nempe Chrisii corpus, et sanguinem sumere morte præventus non possit? Quis modo non omnino rudis tam faciles quæstiones moveat? Et tamen hæc erant olim, cum Casuistæ nondum scripserant, interrogata Doctorum.

» Hic similia fuerunt ea de quibus S. Gregorium ex Anglia interrogavit S. Augustinus illius regni Apostolus, quæ quamvis non omnino pertineant ad Baptismum, de cuius administratione modo agimus, dividi tamen non debent. Fuerunt autem hæc inter alia. *An Clerici continere non valentes possent contrahere? An duo germani fratres possent duas sorores accipere? Quot essent necessarii Episcopi in Episcopi consecratione? Utrum prægnans mulier debeat baptizari, aut postquam genuerit, post quantum tempus possit Ecclesiam intrare, aut etiam, ne morte præoccupetur quod genuerit, post quot dies hoc liceat sacri Baptismatis Sacramenta percipere? An post quantum temporis huic vir possit in carnis copulatione conjungi? Aut si menstrua consuetudine tenetur, an Ecclesiam introire ei liceat, aut sacre communionis Sacramentum percipere? An vir suæ conjugii commixtus possit, antequam lavelur aqua, Ecclesiam intrare vel etiam ad mysterium sacre communionis accedere? An post illusionem, quæ per somnium solet accidere, corpus Domini quilibet accipere valeat, vel si Sacerdos sit sacra mysteria celebrare?* » Hæc per se solvero nequit Augustinus electus ex pluribus millibus Monachorum, » ut esset gentium Apostolus ac Doctor, diuque Romæ ad hunc finem eruditus, quæ modo beneficio Casuistarum vix ullus ignorat.

» Eidem S. Gregorio visus est quæstionem valde difficilem proponere Secundinus circa peccatum originale puerorum, qui sine Baptismo moriuntur, petitam ex origine animæ, quæ, cum sit à Deo, non videtur posse contrahere culpam ex unione cum corpore, cui in malo non consentit. Quam quidem quæstionem solvit doctissime S. Pontifex, sed circa originem animæ dicit ea *Epist. 53. lib. 7. Registri, Tua charitas sciat quia de origine animæ inter sanctos Patres requisitio non parva versata est, sed utrum ipsa ab Adam descenderit, an certe singulis detur, incertum remansit.* Id modo non vocatur in controversiam apud nostros Doctores, et beneficio Theologiæ facile intelligitur, et explicatur.

» Annis post Gregorium ducentis supra quinquaginta responsum Bulgaris fuit, quosdam ex ipsis habendos tanquam rite baptizatos, *si in nomine sanctæ Trinitatis, vel tantum in nomine Christi* fuerant baptizati. Post annos trecentos S. Bernardus *Epist. 340.* non est ausus dicere invalidum esse Baptismum puero collatum sub hac forma : Baptizo te in nomine Dei, et sanctæ, et veræ Crucis : cumque in Diœcesi Claromontensi quidam in forma Baptismi relinquerent illud verbum *Baptizo*, dubitavit Episcopus, an is Baptismus valeret, ut apparet ex ejus *Epistol.*

• quæ extat *(tom. III. Bibliotheca Patrum ad Mauritianum Parisiensem*
 • Episcopum et ad Stephanum S. Evertli apud Aurelios Abbatem;
 • quodque pejus est, is Abbas respondit, in forma Baptismi ea
 • verba, *Ego te baptizo*, non esse de substantia Sacramenti, sed
 • solum de solemnitate Mysterii.

• Circa materiam, et formam Confirmationis, et extremæ Un-
 • ctionis, quam olim (nec fortasse sine periculo) aliquot Ecclesiæ
 • variarunt, dicam postea, et videri potest Edmundus Martene de
 • antiquis Ecclesiæ ritibus.

• Quam autem Sacramenti Eucharistiæ, et Pœnitentiæ institu-
 • tionem, constitutionem, administrationem illustrarint Casuistæ,
 • eorumque libri, quos aliqui tam facile despiciunt, intelligent ii,
 • qui sciunt, quot olim in his irrepsissent errores, quam damnabiles
 • praxes.

• Et quidem, ut aliquid dicam de Sacramento Eucharistiæ, in
 • aliquibus Ecclesiis infantibus recens baptizatis infundebatur in
 • os vinum verum et naturale ac si esset Sacramentum corporis,
 • et sanguinis Domini, ut patet ex Rituali Ecclesiæ Remensis id
 • prohibente. *Summopere caveat Sacerdos, ne quemadmodum*
perverso usu in quibusdam locis fieri dicitur, vinum porrigat
infanti post Baptismum, maxime utendo his verbis: Corpus,
et sanguis Domini nostri Jesu Christi custodiat te in vitam
eternam.

• In aliis, et quidem multis Ecclesiis ea Sacerdotum persuasio
 • fuit, vinum per contactum Sacramenti consecrari. Ex hac per-
 • suasione, ut videtur, antiquum Pontificale Ecclesiæ Apamiensis
 • in Syria describens ritus in feria sexta Parasceves observari soli-
 • tos, *Divisa hostia (inquit) in tres partes, tertiam partem juxta*
consuetudinem in calicem mittat, nihil dicens; sic enim san-
cificatur vinum non consecratum per corpus Domini immissum.
 • Manuscriptum Ordinarium Ecclesiæ Cusentinæ à Luca Archiepi-
 • scopo circa annum 1203. digestum describens ritus Paschales:
Accipiant Dominicum corpus in Eucharistiali reconditum, et
super patenam ponant, et in calice vinum, et aquam fundant,
et mox de hostia Domini corporis in calicem mittant, ita ut
vinum in sanguinem consecretur. Eandem fuisse persuasionem
 • Ecclesiæ Constantinopolitanæ, Uicensis, et aliquarum Regni Gal-
 • licani constat ex earum Pontificalibus, seu Missalibus antiquis,
 • quæ allegat prælaudatus Martene de antiquis Ecclesiæ ritibus lib. 1.
 • capit. 4. art. 12.

• Nec pauciores fuerunt circa Sacramentum Pœnitentiæ, aut erro-
 • res, aut abusus, quorum aliqui postea fuere omnes novis Ecclesiæ
 • constitutionibus, aliqui diligenti Casuistarum studio sublati. Multo-
 • rum persuasio fuit, confessionem peccatorum non esse præceptam;
 • satisque esse confiteri soli Deo. Id aliqui docebant etiam tempore
 • Gratiani, ut dicitur cap. *Quidam Deo, de Pœnit. dist. 1.* vel illi

• Græci fuerint, ut ibi dicitur, vel alii. Græcorum certe ille abusus fuit, cujus meminit Arcudius *de controuv. Eccl. Occid. lib. 4. de Pœnit. cap. 2.* et ego ex ipso *cap. superiori. Pontifices, et Sacerdotes Græci fere nunquam confitentur. Quo eodem vitio laborant Russorum Presbyteri, Græcorum videlicet velut hæreditario quodam jure in omnibus imitatores.*

• Multorum quoque opinio fuit, valere confessionem factam Diacono, cum urget necessitas, et non adest Sacerdos, ut constat ex mss. codicibus Ecclesiæ Gemmeticensis, et Noviomensis, et ex Concilio Eboracensi anni 1194. ubi Patres, *Decernimus (inquirunt) ut non nisi summa urgenti necessitate, Diaconus baptizet, et corpus Christi cuiquam eroget, vel pœnitentiam confitenti imponat.* Quod etiam in Synodis antiquioribus statuitur. Pœnitentiam autem in necessitate imponens solebat statim etiam absolvere, ut concedunt omnes. An vero in his locis agatur de Confessione, et absolutione, quæ crederetur esse sacramentalis, dubitari potest. Videtur tamen certum persuasum multis fuisse etiam tempore D. Augustini, debere in mortis periculo fieri confessionem laico tamquam habenti pro eo articulo reconciliandi, solvendi quæ peccatis potestatem, ut constat ex sequenti facto, quod refert S. Doctor, allegatus à Gratiano *de consecr. dist. 4. cap. Sanctum: Cum in navi quadam fidelis nullus esset, præter unum pœnitentem, cœpit imminere naufragium. Erat ibi quidam non immemor salutis suæ, et Sacramenti vehementissimus flagitator, nec erat aliquis, qui dare posset, nisi pœnitens ille. Acceperat enim, sed pro peccato, de quo agebat pœnitentiam, amiserat sanctitatem, sed non amiserat Sacramentum. Nam si hoc amittunt peccantes, cum reconciliantur post pœnitentiam, quare non iterum baptizantur? Dedit ergo quod acceperat, et ne periculose vitam finiret non reconciliatus, petiit ab eo ipso, quem baptizaverat, ut eum reconciliaret: et factum est. Naufragium evaserunt. Cognitum habes quod fecerunt. Nemo extitit eorum, qui non pium animum ita crederet, ut consiliis eorum in illo periculo Dominum crederet affuisse. Motus enim animus religiosus, et supplicans ab homine exegit Sacramentum: à Deo ipse impetravit sanctitatem.*

• Demum, quod pariter pertinet ad hoc Sacramentum, sacri sigilli leges à Christo Domino institutore Sacramentorum conditas, à S. Leone I. in ea Epistol. ad Episcopos Campaniæ, Samnii, et Piceni explicatas, et ab Innocent. III. in *cap. Omnis utriusque scilicet, de pœnit. et remiss.* iterum inculcatas, quam illustrarunt Casuistæ, quorum doctrinam communem sequentes nonnulla rejecimus in *Cler. Rom.* tamquam aut nunquam facta, aut non rite facta, quæ proinde male ab aliquibus celebrantur tamquam vere facta ab universa Ecclesia, vel tamquam laudabiliter facta ab aliquibus Ecclesiis.

• Jam vero de reliquis duobus Sacramentis, nempe de Ordine,

» et Matrimonio agendum est, quorum aut divinæ, aut humanæ
 » leges passim latuere Sacerdotes ipsos, et Pastores, qui præcessere
 » sæculum tertium decimum, quo exorta est facultas Casuistarum,
 » quæ, ut supra monui, ex triplici ea disciplina conflatur, nimirum
 » Canonica, Theologica, et Morali.

» Sanctus Augustinus *Epistola* 110. fatetur ingenue, à se dum
 » fuit Episcopus ordinatus, et à Valerio tunc Episcopo suo, igno-
 » ratum fuisse Canonem Nicænum, vetantem duos esse simul ejusdem
 » civitatis Episcopos. Nicænum autem Concilium, nec uno integro
 » sæculo præcessit Augustinum. Idem S. Doctor (ut notat Cabassutius
 » in notitia Conciliorum ad Concilium Arelatense quartum) Sardi-
 » censem generalem Synodum, in qua fides Catholica de Ariana
 » hæresi triumphavit, ignoravit prorsus, solumque illud concilium
 » Sardicæ coactum credidit, quod fuit conventiculum Arianorum.
 » Si Canonem tanti momenti, tantumque Concilium ignoravit Au-
 » gustinus, non ita facile crediderim, non fuisse hæc, et similia
 » ab aliis multis ignorata; cum præsertim tunc Ecclesiis præfice-
 » rentur sæpissime, qui aut neophyti erant, aut fuerant aulæ, vel
 » curiæ, vel etiam militiæ paulo ante addicti, ut ostendam infra;
 » nec divino judicio, ut Ambrosius, sed propria cupiditate, aut
 » Principum sua quærentium favore ad infulas eveherentur.

» Hinc sæpissime, ut constat ex eorum temporum Conciliis, et
 » Patrum id amare deflentium scriptis, sacris Ordinibus initiabantur
 » multi, qui per sacros Canones erant arcendi. Et quamvis id non
 » raro fieret ex contemptu regulæ Canonice non ignoratæ, sæpe
 » tamen fiebat ex vera Ecclesiasticæ disciplinæ ignorance; ut patet
 » ex epistola Siricii ad Himerium Tarraconensem, in qua comme-
 » moratis multis hujusmodi pravis Clericorum ordinationibus subdit,
Et quia aliquanti, de quibus loquimur, ut tua sanctitas retulit,
ignorantia lapsos esse se, deflent etc. Et paulo post, *Et quia*
in his omnibus, quæ in reprehensionem veniunt, sola excusatio
ignorantia obtenditur. « Ecquid tandem ignorabatur? Bigamos,
 » aliosque hujusmodi ordinari non posse. Id ignorabant multi Hispa-
 » niarum Episcopi. Sacerdotes autem non id solum ignorabant,
 » sed quod modo nullus ignorat, nempe se vinculo castitatis ob-
 » stringi; putabant enim, sibi id onus impositum non fuisse, aut
 » nec imponi potuisse, eo quod non fuerat antiquæ legis Sacer-
 » dotibus impositum. *Plurimos Sacerdotes Christi, atque Levitas*
(inquit Siricius eadem Epistola §. 7) post longa consecrationis
sua tempora tam de conjugibus propriis, tam etiam de turpi
coitu sobolem didicimus procreasse, et crimen suum hac præ-
scriptione defendere, quia in veteri Testamento Sacerdotibus, ac
ministis generandi facultas legitur attributa.

» Non ignorarunt quidem Patres Concilii Turonici primi legem
 » castitatis impositam sacris ministris, sed ignorasse videntur, non
 » posse Concilium particulare legibus Ecclesiæ universalis quem-

quam absolvere, ut forte absolverunt ipsi permittentes, ut videntur, iis, qui jam erant Sacerdotes, aut Levitæ, usum conjugii, et solum interdicentes proprii Ordinis exercitium, ascensumque ad Ordinem superiorem. Hæc enim sunt verba Canonis. *Licet à Patribus nostris emissa auctoritate id fuerit constitutum, ut quicumque Sacerdos, vel Levita filiorum procreationi operam dare fuisset convictus, à Communionem Dominica abstinere.* Nos tamen huic distractioni moderationem adhibentes, et justam constitutionem mollientes, id decrevimus, ut Sacerdos, vel Levita conjugali concupiscentiæ inhærens, vel à filiorum procreatione non desistens, ad altiorem gradum non ascendat, neque sacrificium Deo offerre vel plebi ministrare præsumat. Sufficiat his tantum, ut à communionem non efficiantur alieni. Igitur non desistentes ad Communionem Dominicam admittebantur. Ergo non desistentes minime peccare putabantur; ergo erant ea lege à Patribus soluti.

Demum quam parum compertæ fuerant olim non populo solum, sed multis Doctoribus leges pertinentes ad Matrimonium, conjugalis fidei probationem, eamque continentiam, qua quisque debet à quibusdam voluptatibus abstinere? Permittunt quidem jura in aliquibus casibus post legitimum Matrimonium divortium, separatis autem conjugibus alias inire nuptias prohibent. Id tamen permisere Christiani Imperatores, ut constat ex C. Justiniano *lit. de repudiis*. Et quamvis Barbosa ff. soluto Matrimonio 2. par. rubric. num. 10. dicat, id solum fuisse permissum ad impedendum majus malum, addit tamen in veteri Ecclesia indissolubilitatem Matrimonii non ita arcte fuisse intellectam, ut intelligitur modo, aliosque provinciales Episcopos putasse justam aliquam causam dare, ex qua liceat libellum repudii dari.

Hi Provinciales Episcopi forte fuere Patres Concilii Venetici celebrati in Galliis ann. 463 et Patres Concilii postea celebrati apud Vermerias. Illi siquidem inter morum corruptelas id recensent, quod aliqui relictis propriis uxoribus tanquam adulteris, alias ducerent *sine probatione adulterii*: quo videtur innuere, id licere si probetur adulterium. Hi vero, ut refertur in Decreto *capit. Si qua mulier* 31. *quæst. 7.* sic definiunt: *Si qua mulier in mortem sui mariti consiliata sit cum aliis, et ipse vir se defendendo aliquem illorum occiderit, si probare potest ille vir, eam ream esse consilii, potest* (ut nobis videtur) ipsam uxorem dimittere, et, si voluerit, aliam ducere. Id non licere cognovit quidam S. Augustinus *lib. de fide, et operibus cap. 19.* sed rem esse adeo obscuram putavit, ut ejus ignoracionem venialem vocet.

Ille etiam multorum error fuit, et forte ex simili causa profectus, nempe ex legibus Imperatorum, quod, quia ab his non æque vir adulter ac uxor adultera puniebatur,liceret viris adul-

» teriam committere, quamvis uxoribus non liceret, quem errorem
 » fuse redarguunt S. Gregorius Nazianzenus *orat.* 31. S. Augustinus
 » *lib. 2. de adult. conjug. c. 9.* et sanctus Hieronymus qui in Epi-
 » taphio Fabiolæ, *Aliæ sunt (inquit) leges Cæsarum, aliæ Christi,*
 » *aliud Papinianus, aliud Paulus noster præcipit. Apud illos*
 » *viris impudicitiae frena laxantur, apud nos quod non licet*
 » *fœminis, æque non licet viris, et eadem servitus pari condi-*
 » *tione censetur.*

» Hunc errorem perseverasse in multis etiam postea, constat ex
 » S. Cæsario, qui *hom. 16.* ut postea dicam, eum dispellere satagit,
 » idipsum inculcans, nempe, quod fœminis non licet nec viris
 » licere. Ex eodem constat, etiam majoris Ordinis Clericos existi-
 » masse ebrietatem culpa carere; alios putasse, concubinatum præ-
 » sertim solutorum licere, quem utrumque errorem, aut utriusque
 » erroris permissionem defiet Fulbertus Episcopus Carnôtensis *Epist.*
 » 83. loquens enim de sui temporis Sacerdotibus dicit, eos *aut*
 » *nescivisse ebriositatem, et libidinem esse mortalia peccata, aut*
 » *scire dissimulasse.*

» Illud autem magis mirabile est, seculo undecimo in floren-
 » tissimi Regni Ecclesiis tam parum fuisse comperta initi consum-
 » maticque matrimonii vincula, ut ab eruditissimis fuerit dubitatum, an
 » viro liceret ab uxore discedere propter fornicationem ab ea ante
 » matrimonium commissam, nec forte defuerint qui id licere dixe-
 » rint. Hanc quæstionem proposuit Radulphus Remensis Archiepi-
 » scopus Ivoni Episcopo Carnotensi præclarissimo ejus ævi Doctore,
 » qui *Epist. 188.* ita respondet.

Quasivit à me quod melius me novit vestra prudentia, utrum
mulier, quæ post completa Sacramenta, et officia nuptiarum in-
fra duos, aut tres menses peperisse cognoscitur, debeat propter
sœdera nuptiarum in conjugio manere, aut propter patratum
ante nuptia flagitium matrimonii dignitatem amittere, cum lex
Moysei hujusmodi jubeat lapidari; super qua re non memini, me
canonicam invenisse sententiam. Dico tamen sine PRÆJUDICIO
MELIORIS sententiæ, quia si ante celebrationem Sacramenti
conjugalis cognita fuisset mulieris turpitudine, secundum legum
severitatem, non esset honestanda matrimonio, sed asperis ob-
jurgationibus, tanquam lapidum jactibus severa ei esset adhi-
benda correctio. Verum, postquam simpliciter præcedente consensu
contracta sunt sœdera nuptiarum, postquam matrimoniales ta-
bulæ datæ sunt, et cætera conjugii Sacramenta completa sunt,
vir et mulier unum corpus per commixtionem carnis facti sunt,
non intelligo, posse dissolvi conjugium, nisi divortii causa in-
tercurrat adulterium.

(Et post aliqua)

Cum leges honestati consulere debeant, et salutem, TUTIUS mihi
esse videtur, ut vir mulierem quam duxit, licet nesciens impu-
dicam, retineat uxorem, quam suo divortio et illam fornicat-

riam, et se faciat fornicatorem. Beati quoque Doctores nostri Ambrosius, et Augustinus hujusmodi mulierum lapsus suadent potius à viris debere dimitti, quam districte, et sine misericordia judicari, cum et ipsi viri vix possint à similibus impudiciis immunes inveniri.

(Tandem in fine Epistolæ)

Si vero aliter in aliquibus capitulis repertum fuerit, severitati disciplinæ est adscribendum. Sed ubi salus periclitatur, moderatione legum saluti intelligimus consulendum.

• Ex hac Epistola habes 1. Archiepiscopum Remensem non potuisse ex se respondere ei quæstioni, quæ nullam habet difficultatem, nec habere debet, cum Christus Dominus, *Matth. 19.* permittens fieri divortium propter fornicationem, loquatur de fornicatione commissa post matrimonium, adeoque de adulterio, non vero de fornicatione antea commissa.

• Habes secundo, nec ipsi Ivoni visam penitus improbabilem sententiam eorum, qui dicebant hoc divortium licere; nam dicit esse illicitum *sine præjudicio melioris sententiæ*, quod dicere non solemus, nec dehemus, cum putamus oppositum esse omnino improbabile: uti nec dicere solemus *tutius esse* rem aliquam non facere, quando putamus improbabile prorsus esse quod liceat eam facere. Ivo autem dicit *tutius esse* non dimittere in allato casu uxorem ante nuptias fornicatam.

• Notanda sunt etiam ea verba, *Cum et ipsi viri vix possint à similibus impudiciis immunes inveniri.* Quod nostra tempora non parum commendat. Sed de hoc alibi.

• Nunc unum subtexam ex eodem Ivone, quod clarius forte quam præterita, demonstrat, quam nunc, beneficio Casuistarum, sint in doctrina morali magis instructi, qui vel brevem eorum Sunimam legerunt, quam olim essent, post multorum codicum lectionem, et studium, egregii Doctores. Quamvis autem quod afferam, ad matrimonium, de quo modo agimus, non pertineat, pertinebat tamen ad eos potissimum, qui erant matrimonio conjuncti, cum unus erat alteri de fide violata suspectus.

• Legibus Longobardorum sancitum fuisse ferunt, ut in accusationibus criminum, præsertim violantium jura conjugii, cum delicti, quod probari non poterat, fortia aderant indicia, compelleretur reus, aut aquæ ferventi manum immergere, aut tangere ferrum ignitum, aut incedere super candentes vomeres, aut demergere se in aquam frigidam: et si ab igne non læderetur, aut ab aqua frigida reciperetur, innocens haberetur; reus vero, si læderetur ab igne, aut aquæ frigidæ velut ab ea rejectus supernaret. Si id genus purgationis adhiberi non posset, litem dirimeret duellum, ac proinde eligerentur duo milites, quorum unus pro accusato, alter pro accusatore conflingeret, eaque pars culpa vacare crederetur, cujus partis militi victoriam sors, et virtus adjudicaret.

» Illicitam, et intrinsece malam esse hanc purgationem constat
 » modo apud omnes Doctores, eamque ut talem interdicunt Canones
 » Conciliorum, et definitiones Pontificum, inter quos Nicolaus, ut
 » refertur in Decreto *cap. Monomachia 2. quæst. 5. Monomachiam*
 » *in legem non assumimus, quam præceptam fuisse non reperi-*
 » *mus*: et paulo post: *Cum hos et hujusmodi sectantes, Deum*
 » *solummodo TENTARE videantur etc.* Et Stephanus Papa V. ab
 » eodem paulo ante allegatus. *Ferri candentis vel aquæ ferventis*
 » *examinatione confessionem extorqueri à quolibet, sacri non cen-*
 » *sent Canones; et quod sanctorum Patrum documento sancitum*
 » *non est, SUPERSTITIOSA adinventione non est præsumendum.*

» Olim tamen Episcopi multi licere id genus purgationis puta-
 » runt, quodque mirabilius est, adhibendum censuerunt, et adhiberi
 » voluerunt; nam Triburienses Patres an. 895 sic statuunt *Can. 22.*
 » ut refert Gratianus in Decreto 2. quæst. 5. *Nobilis homo, vel*
 » *ingenuus si in Synodo accusatur, et negaverit, si eum constiterit*
 » *fidelem esse, cum duodecim ingenuis se expurget: si antea depre-*
 » *hensus fuerit in furto aut perjurio, aut falso testimonio, ad*
 » *juramentum non admittatur, sed (sicut qui ingenuus non est)*
 » *ferventi aqua, vel candenti ferro se expurget.* Servi enim potis-
 » simum ad hanc purgationem adigebantur, inde dictam vulgarem;
 » aut potius ut distingueretur à purgatione canonica per juramen-
 » tum coram pluribus super quatuor Evangelia, aut Sanctorum
 » Reliquias solemniter emissum. De qua purgatione agitur apud
 » Burchardum, *lib. 1. cap. 194 et 190.* et apud Ivonem in pluribus
 » epistolis.

» Is autem quamvis *Epist. 74.* vulgarem purgationem reprobet,
 » et in hunc finem afferat plura Pontificum decreta, in quibus ea
 » pro nullo casu admittitur, rejiciturque ut inventum popolare pro-
 » sectum ex odio, et invidia, et superstitiosum, adhuc tamen
 » *Epist. 152.* ad Radulphum Remensem Archiepiscopum, usurpari
 » eam aliquando debere, docet. *Non negamus tamen, quin ad*
 » *divina aliquando recurrendum sit testimonia, quando præcedente*
 » *ordinaria accusatione, omnino desunt humana testimonia, non*
 » *quod lex hæc instituerit divina, sed quod exigit incredulitas*
 » *humana*: perinde ac si liceat tentare Deum ad revincendam incre-
 » dulitatem humanam, quæ nec satis revincitur his ostentis, utpote
 » quæ non semper præbent certum argumentum, ut ipse idem monet
 » *Epist. 205.* agens de quodam milite, quem accusatum, coactum-
 » que uti hoc genere purgationis, ferrum candens ustulaverat:
 » *Cauterum militis (inquit) nullum tibi certum præbet argu-*
 » *mentum, cum per examinationem ferri candentis occullo Dei*
 » *judicio multis videamus nocentes liberatos, multos innocentes*
 » *sæpe damnatos.*

» Nec facit ad rem exemplum et doctrina quam tradit *Epist. 252.*
 » petita ex juramento, quod aliquando licet, quamvis Christus

» Dominus *Matthæi* 5. dicat : *Ego autem dico vobis non jurare omnino.* Christus enim non prohibet absolute juramentum, ut quid ex natura sua irreligiosum, et pravum, sed abusum jurandi temere, ut hic apud Cornellium à Lapide interpretantur Patres. At Canones, et Pontificum responsa, purgationem vulgarem prohibent absolute, ut quid pravum, superstitiosum, et irreligiosum, dum sine speciali Dei instinctu, et mandato exhibetur; hinc idem Cornellius à Lapide loquens de Judæis, quibus jussa fuit Numerorum *cap. 5.* purgatio delicti per aquam maledictam, dicit : *Miraculo stato, et continuo olim apud Judæos explorabatur scelus adulterii,* subditque : *Simili modo apud Christianos olim mulieres suspectæ de adulterio se purgabant, tangendo ferrum candens, si ab eo non adurentur, ut contigit sanctæ Cunegundi. Quæ probatio cum à Deo non esset instituta, ideoque esset Dei tentatio, jure à Canonibus est DAMNATA.* Igitur purgatio vulgaris, de qua loquimur, non debuit à Patribus Triburiensibus permitti, nedum præcipi, nec ab Ivone pro ullo casu approbari. At unde hoc lumen nobis affulsit? Certe non ex solis prædictorum Pontificum decretis, quæ non ignorabat Ivo, sed ex libris Casuistarum, qui ea Pontificum decreta, et rem ipsam, ut reliqua omnia, subtilius expenderunt.

Demum (ne sim infinitus) si vis æstimare pro merito, quantum obscuritatis, et ignorantie depulerint recentes scriptores, iterum auctor tibi sum, ut legas quæ duodecim primis Ecclesiæ sæculis fuere Doctoribus circa mores propositæ quæstiones, ac dubia. Hæc enim duo deprehendes omnino, 1. proponi subinde quæstiones, quas modo ope Casuistarum solvunt omnes, olim vero paucissimi poterant, et ideo cogebantur quotidie consulere non aliarum tantum Ecclesiarum, sed aliarum provinciarum, immo et regnorum Doctores. 2. Ea non raro præberi responsa, quæ aut præberi non possunt, aut illis verbis præberi non possunt, sed aliis, quibus ea præbent recentes Doctores; iis enim (ut notat S. Thomas *opusc. 2.* in præfatione ad Urbanum Papam) *exortii circa fidem errores occasionem dederunt, ut ea quæ sunt fidei* (idem dicendum de doctrina morum) *majori circumspectione traderent,* ut tradiderunt ex eodem S. Doctore, qui subdit : *Et ideo non est mirum, si moderni fidei Doctores post varios exortos errores cautius, et quasi elimatius loquuntur circa doctrinam fidei.*

Illud etiam volo colligas ex iis, quæ leges ipse, et ex me hactenus audivisti, quam falsa scilicet illorum persuasio sit, qui putant ab iis qui volunt addiscere doctrinam moralem, non esse consulendos Casuistas, sed Scripturas et Patres, quos certe consuluerat S. Augustinus Anglorum Apostolus tamdiu versatus inter Monachos, quorum præcipua occupatio erat studium Scripturarum et Patrum; consuluerat Ferrandus Diaconus qui compendium Canonum scripserat : consuluerant Patres Venetici, Patres Triburienses, Radulphus Archiepiscopus Remensis cum ejus ætatis Patribus Gallicanis non paucis, aliique, quorum responsa vel dubitationes supra proposui,

nec tamen in multis quæstionibus didicerunt ex illis veram responsionem quam nos discimus ex Casuistis. Hinc autem male quis colliget, Casuistas præferri Scripturis, et Patribus, aut in libris Casuistarum contineri doctrinam magis certam, quam in Scripturis, et Patribus, sed ab optimis Casuistis tam multis melius esse intellectas Scripturas et Patres, quam eas prædicti intellexerint, quamque nostrum quispiam intelligat, ac proinde non debere nos fidere intelligentiæ, et interpretationi nostræ, sed Casuistarum præsertim celebriorum, quod, ut vides, non est præferre Scripturis, et Patribus Casuistas, sed nostro iudicio præferre iudicium celebriorum Casuistarum.

Cler. Occupasti prudentissime quod objicere poterant qui te audiunt aure non satis æqua. Unum videtur objici adhuc posse etiam à non infensis, nempe errasse quidem aliquando Doctores in quæstionibus moralibus, antequam inciperent docere, et scribere Casuistæ, sed hos etiam errasse, immo plures in horum libris errores reperiri, quam in illis; non igitur ex libris Casuistarum tam ingens utilitas in Rempublicam litterariam redundavit, nec fuerunt ab illorum libris errores depulsi.

Auct. Nec id asserui unquam, fuisse à Casuistis omnes errores depulsos, sed multos; et rursus ostendi, id lumen ab ipsis effuisse, quo facile solvimus innumeras quæstiones, in quibus hærebant olim Doctores primarii. Quod autem dicis hos errasse magis, nego. Errarunt quidem aliqui ex ipsis, sed forte in eisdem illos errores inciderunt prius veteres aliqui Doctores; non enim scimus omnes antiquos errores, sed paucissimos, cum longe pauciores quæstiones morales, quam tractamus nos, tractarint antiqui Scriptores. Demum laudavi Casuisticam facultatem, eosque Casuistas qui in ea facultate præfulserunt, qui aut errarunt nunquam, aut vix unquam, non autem eos, quorum non paucos errores Romani Pontifices justissime confixerunt.

Sed vereor, ne hæc facultatis nobilissimæ defensio accusatio sit audaciæ meæ jam nimis abutentis patientia tua, et fusius, quam opus esset, in Casuistarum laudes excurrentis; sed quamvis ipse non egeas tam multis, ut incipias de doctissimis viris sentire pro merito ipsorum, indigent certe alii, nec pauci, qui hæc nostra ætate sic de Casuistis loquuntur, ut non ita obloquantur de facie hominum pessimorum. Horum calumniis dispellendis forte non erunt, inutilia, quæ audivisti.

CAPUT V.

Casuistarum vindiciæ aliæ à nobis compositæ: ac primo ostenditur, Casuistas Patrum contemptores non esse.

Hæc ad Casuistarum defensionem abunde sufficerent, nisi quorundam in illos hodieque debacchantium furor id à nobis postularet.

ut uberiore stylo eorum causam tueremur. Quæ in re à pervulgata illa, odiosaque criminatione ordiri placet, quæ Casuistas veluti Patrum contemptores traducit. Nam qui Casuistarum libros post virulentum *Provinciatium Litterarum* scriptorem mordere, ac dilacerare aggressi sunt, id cum primis in illis reprehendere, quod sane ad incautos decipiendos maxime fieri oportuit, studium sanctorum Patrum neglectum, atque adeo improbatum.

Quam quidem calumniam depulere plurimi, atque inter alios in aureis, elegantissimisque Cleandri, et Eudoxii Dialogis adversus impudentes Paschalis Provinciales Epistolas neper indicatas P. Gabriel Dapiel. At quum hodie eadem nœnia recinatur, aliquid hæc super re, ad retundendam ineptam criminationem, addendum hæc maxime loco, quo de Patribus agimus.

Ac primum ajo, Casuistas duas veluti in classes disperriendos esse, quarum altera grandium voluminum scriptores complectitur Suarios, Vasquios, Laymanos, Bonacinas, Dianas, Sporeros : Summistas altera, et compendiorum authores, quos inter Busembaum. Summistas porro libens fateor, Patrum testimoniis raro admodum, ac fortasse nunquam uti. Quod tamen qui Patrum contemptui tribuerit, næ ille stultissimus criminator habendus erit. Nam longas ne Patrum citationes ab iis expectes, quorum unum illud studium brevitati consulere? Hoc profecto idem esset, quod in Tursellini Historica Epitome, aut Cluverii introductione ad Geographiam, veterum recentiumque Historicorum, aut Geographorum sententias requirere. Præterea cum Summistis plerumque mos sit, ad eos, qui Theologicas res fusiori calamo persequuti sunt, Lectores suos mittere, atque hi, ut nunc demonstrabimus, Patrum auctoritati nitantur maxime, perinde de illis sentiendum, ac si Patrum verba ipsimet redderent.

Quod autem ad primos illos Casuistas spectat, qui pluribus voluminibus Theologiam Moralem complexi sunt, eosque qui illis accessere, ipsos inter, et Summistas veluti medii, oculis careat oportet, qui Patres ab illis neglectos queratur. In his enim frequentius nihil, quam aut Patrum testimonia describere, aut locos indicare, ubi de hac, illave re loquantur Patres. Et vero, si Suarius, si Vasquius, si Valentia, Becanus, Gobatus, Fagundius, Sanchez, singulis locis, ubi Patres consulendos monent, eorumque libros adnotant, horum testimonia verbatim addidissent, futurum censeo, ut longe explicatio in istorum voluminibus Patrum auctoritas prodiret, quam in Natalis Alexandri, Genetti, Pontasii, Besombii, et ceterorum libris. Illud etiam fortassis pateret quanti horum interfuerit Casuistas ludibrio exponere, ne scilicet turpes plagarios sese omnium obtutibus proderent. Nimirum Casuistarum scrinia compilasse magnos istos Theologiæ à Patribus ductæ prædicatores, atque magistros, tam certum est, quam quod maxime.

At non solis Patrum testimoniis Casuistæ controversias suas desumunt.

niunt. Ita sane : at illas ne sic quidem definiri posse , qui non videat ? Nam ut nihil de illis quæstionibus dicam , super quibus inter Patres nequaquam convenit , sexcenta quotidie dubia enascuntur , quorum qui in Patribus quærat explicationem , ridiculus sit. Memini accepisse me ex doctissimo homine , virum quemdam Ecclesiastica dignitate conspicuum , qui Patrum Theologiam singulis pene verbis inclamabat Arimini , dubitasse non multos ab hinc annos , num censuris implicitus esset : quum autem ex veterano Theologo percunctatus esset ille , quid ipse sentiret ; hic vero joci causa respondisset consulendos Tertulliani , Lactantii , Augustini , Ambrosii , Leonis , Basillii codices , bonum illum ira exarsisse primum , deinde composito nonnihil animo vanitatem suam agnovisse , atque abjecisse. Quid ad hæc P. Concina ? ait (t. 1. appar. p. 277.) , hoc idem asserere Lutheranos , et Calvinianos de controversiis quæ illos inter , et nos Catholicos agitantur. Quam in rem adfert diserta Johannis Dallæi verba dicentis Patres controversias istas *numquam fere , nisi casu atque obiter , et aliud agentes , attingere*. Verum ipsemet , quibus protegamur ab hoc telo , arma suggerit. Negat enim , ac vere negat (p. 278.) , à Patrum scriptis abesse doctrinas quibus hæreticorum fragmenta detegantur. At cui ostendet vir eruditus , Casuisticas controversias in Patrum libris reperiri ? Errat Dallæus : errare nos nisi alios ab iis , quos habemus , Patrum libros proferat , non demonstrabit Concina , ne millenos quidem si effundat Theologiæ Christianæ tomos. Quæso , Patrem inveniat (uno contentus hoc exemplo causa cedam si inveniit) unum inveniat Patrem qui trinum contractum usuræ arguat. At Patres usuram damnant. Ita sane : hic igitur contractus usuræ suspitione non vacat ? Logici , vestram fidem. Ceterum quum eo demum spectet tanta Theologiæ Patrum laudatio , ut Casuistæ Probabilismi defensores Patrum veluti osores , contemploresque perditissimi traducantur , contendo iniquam esse accusationem hujusmodi , atque adeo ab ipsorum Patrum instituto , doctrinisque perquam alienam.

Repetamus tantisper animo celeberrimam illam , quæ Africanas Ecclesias , etiam Asiaticas diu vexavit de rebaptizandis hæreticis controversiam , quam qui commentitiam esse , fabularumque similem cum P. Missorio contenderit , paucos inveniet suæ sententiæ suffragatores. Iterum abluendos Baptismate , qui Ecclesiæ Catholicæ nomen darent , hæreticos censebat cum Africanis suis B. Martyr Cyprianus. Quæ quidem Cypriani opinio non tutior modo erat , ut compertum cuique esse potest , qui tutoris opinionis nomen intelligat ; sed etiam contraria probabilior , atque adeo certa videbatur Africanis. Qua de causa ad Pompejum scribens Cyprianus *Ep. 74. Baluz.* edit. ajebat : *Quæ ista obstinatio est , quæve præsumptio humanam traditionem divinæ dispositioni anteponere , nec animadvertere indignari , et irasci Deum , quoties divina præcepta solvit , et præterit humana traditio ?* Addit August. lib. 2. de Baptismo n. 5. iis argumentis nixam fuisse Cypriani sententiam ,

tamque verisimilibus, ut sola Ecclesie auctoritate in aliam abire se palam profiteatur. En ejus verba : *Nec nos ipsi tale aliquid auderemus asserere, nisi universæ Ecclesiæ auctoritate firmati.* Ex his ducet fortasse quispiam, ceteros illorum temporum Patres, qui Stephano Romano Pontifici assentiebantur, et Afrorum opinioni refragabantur, minus tutam sententiam propugnasse, atque adeo solum probabilem. Ego vero, qui Probabilioristam respondere facile posse video, Cypriani adversariis visam fuisse sententiam suam Cyprianica probabiliorē, eaque de causa, ab his defensam, in hunc modo argumentari malo : Cypriani sententia probabilior ne fuit opposita? an solum probabilis? utrumlibet elige. Si hoc dixeris, cur igitur Augustinus *nisi universæ Ecclesiæ auctoritate firmatus* à Cypriano discessisset? An non satis illi esse debuit probabilem tantum Cypriani esse sententiam ac oppositam probabiliorē? Dices illud? Cum Cypriano res tibi erit, atque adeo cum Augustino. Cyprianus nempe ad suam Carthaginensem synodum ita præfatur : *Superest, ut de hac ipsa re singuli quid sentiamus, proferamus, neminem judicantes, aut à jure communionis aliquem, si diversum senserit, amoventes.* Augustinus vero lib. 5. de Baptismo Cyprianum ea vel maxime de causa laudat, quia *nemini præscribens, neque præjudicans, quo minus quisque Episcoporum, quod putat, faciat, habens arbitrii sui liberam potestatem, etiam nobis qualibuscumque dedit locum pacifice secum ista tractandi;* sensit ergo Cyprianus, sentit Augustinus (siquidem Africanorum sententia probabilior fuerit) licere sequi opinionem probabilem probabiliorē relicta.

Hujus simile argumentum est, quod ex Hieronymo profero. Sed Christiani Lupi Augustiniani Casuistis, ac Jesuitis præsertim non admodum anici, verba hac in re ex cap. 3. dissertationis de opinione probabili recitemus. *Apud antiquos Patres... fuit et alia Quæstio. Quidam censebant à solis post Baptisma iteratis nuptiis, quem fieri irregularem; alii censebant fieri à quibuscumque, præsertim si altera saltem fuissent initia post sacrum lavacrum. Et hanc sententiam constantissime tenuit Romana Ecclesia, et plures Latine. Est res omnibus eruditis exploratissima. Ast Hispaniarum Ecclesia tenuit oppositum et plures ipsi assenserunt* (hos inter S. Hieronymus in Epistola ad Oceanum), *et adversus istam Hispaniæ opinionem Siricius Pontifex scripsit suas ad Himerium Tarraconensem Archiepiscopum decretales litteras, in quibus omnino agit adversus unum Baptismo prius aliud ipso posterius conjugium. Lucet ex S. Innocentii I. ad Toletanam Synodum similibus litteris palam asserentibus istam solum Bigamiam in Hispaniis reprobari..... Interim his omnibus non commotus S. Hieronymus permansit firmus in sua sententia. Imo etiam in commentario Apostolicæ ad Titum Epistolæ.... communem sententiam constanter affirmat esse superstitionem potius, quam veram: quod ipsum docuit firmus etiam in aliis locis.... Et nescio*

cui Chrysogono, Rufini discipulo, istam doctrinam culpanti in libris adversus Rufinum (lib. 1. cap. 7.) laudatus Hieronymus respondet... Habent libellum, quem in crimen vocant. Ille respondeat. Hunc sua disputatione subvertat. Quid austeritate frontis, et contractis, rugatisque naribus concava verba trutinatur, et sanctitatem apud vulgus ignobile simulato rigore mentitur? Audiat nos iterum etc.... Hæc dicimus non quod ipsi propitio Christo hac questione teneamur, sed interrogati à fratribus, quid nobis videretur, respondimus nulli præjudicantes sequi quod velit, nec alterius decretum nostra sententia subvertentes. *Mature notanda sunt hæc verba*: Quid austeritate frontis etc. *Etenim quadrant et in nostra tempora. Notanda sunt et hæc verba*: Nulli præjudicantes sequi quod velit. *Sunt desumpta ex erratica sancti Cypriani Synodo. Notanda sunt item hæc*. Nec alterius decretum etc. *Inter Siricium Pontificem ac sanctum Hieronymum intercessit aliquid humani dei. Hinc quædam hujus dicta sunt veneranda quidem: attamen admiranda potius, quam imitanda. Interim constanter docuit probabilem sententiam esse securam, ac tutam, etiam minus probabilem. Quis enim non videat præsentem illius sententiam fuisse hujusmodi?* Hæc Lupus. Quod si velis Hieronymo tamen probabilem visam fuisse, contentionis funem non traham; inferam enim; igitur vel Hieronymo teste, qui scribit: *nulli præjudicantes sequi quod velit*, licet sequi opinionem probabilem, relicta probabiliore.

Aliud exemplum ex Augustino ducamus. Disparitatem cultus dirimere conjugium, vetêres Patres, Tertullianus, alique sensere, quibus nos hodieque adhæremus. De suo tamen sæculo sanctus Augustinus scribit in libro *de fide, et operibus* cap. 19. *Quæ nostris temporibus jam non putantur esse peccata*. Utique, inquit, citatus Lupus cap. 2. per induciam ab adversa consuetudine sententiam probabilem. Et hanc Augustinus non fuit ausus improbare. Hinc subjungit: *Quoniam revera in novo testamento nihil inde præceptum est; et ideo aut licere creditum est, aut velut dubium derelictum*. At librum hunc Augustini de fide, et operibus, et 19. cap. antea non dimittamus, quam aliud in rem nostram duxerimus argumentum. Ait ergo sanctus Doctor. *Quisquis uxorem in adulterio deprehensam dimiserit, et aliam duxerit, non videtur æquandus eis, qui, excepta causa adulterii, dimittunt, et ducunt. Et in ipsis divinis sententiis ita obscurum est, utrum et iste, cui quidem sine dubio adulteram licet dimittere, adulter tamen habeatur, si alteram duxerit, aut quantum existimo, venialiter ibi quisque fallatur*. Audi hunc Lupum ibidem. *Affirmat Augustinus, quod suo tempore sententia fuerit revera probabilis; nec eam, licet contrarium senserit, fuit ausus damnare*. Adeo verum est Patribus quoque probabiles tantum opiniones suas fuisse, aut si aliis probabiliore, non necessario tamen amplectendas.

Sed ne longior sim quam par est, Bernardi testimonium sufficiat

Tract. de Baptismo cap. 3. ubi hanc regulam, et Canonem statuit. *Sane ibi unusquisque in suo sensu securus abundat, ubi aut certe rationi, aut non contemnendæ auctoritati quod sentit non obviat.* Argue jam. Atqui ubi solum probabilior opinio contraria est, nec certe rationi, nec contemnendæ auctoritati, quod sentit Probabilista obviat. Igitur probabilista in suo sensu securus abundat, si Bernardo fides quocum sapere malo, quam desipere cum Wendrochio, Paschale, eorumque sectatoribus.

CAPUT VI.

Num Casuistarum lectio inutilis, et autoritas nulla?

Tres examinandæ supersunt contumeliæ ne dicam, an accusationes? Prima ea est, quam hoc capite aggredior ad confutandum, inutilem esse Casuistarum lectionem, illorumque auctoritatem levem plane, atque triobolarem.

Atque in hoc argumento versatos ante me magna cum laude fuisse moneo Abellium in *defensione recentium Casuistarum*, et Francolinum de *discipl. pœnit. lib. 3. c. 7. §. 23.* quibus addæ Danielelem in Dialogis suis adversus famosas, impiasque Paschalis Provinciales litteras.

Ego vero ne longior sim, uno hoc argumento utar, quo olim *Canus lib. 8. cap. 4.* Scholasticorum omnium causam defendit. Crederem nempe Casuistarum lectionem irritam, vanam auctoritatem esse, nisi ex horum sententia Ecclesia res plurimas definisset. Quippe trecentos ab hinc annos, si quæ Ecclesia de moribus decreta tulit, in his Casuistarum subsidio, et diligentia vehementer adjuta est. Id quoniam constat inter omnes, quibus vel Conciliorum nostræ ætatis gesta, vel negotia cognitionis fidei, vel Rotæ Romanæ, sacræ Pœnitentiariæ, et Sacrarum Congregationum Eminentissimorum Cardinalium Decisiones, atque instituta sunt cognita, fateamur necesse est, aut utilem esse Casuistarum lectionem, neque auctoritatem illorum parvi faciendam, aut Episcopos, Cardinales, Pontifices omnes à trecentis amplius annis insanisse. Quid vero de Benedicto XIV. dicemus, Pontifice illo post avorum memoriam doctissimo? Quæcumque ex tanti Ecclesiæ Magistri eruditione, antequam ad Apostolatus apicem eveheretur, prodire volumina, nulla unquam, aut seculorum oblivione, aut invidiæ morsu delenda, atque ea præsertim, quæ Bononiensis Ecclesiæ Archiepiscopus edidit Diœcesis illius suæ moribus, et disciplinæ restituendæ apprime utilia decreta, si consulas; Casuistas magno numero citari comperies à Lambertino, atque illos, quos oderunt maxime præclari nostri Casuisticæ Theologiæ irrisores, Sancios, inquam, Tamburinos, Vivas.

Adde his sanctissimum de Casuistis judicium BB. Caroli Borro-

mæi, et Francisci Salesii, uti et Mechliniensis Synodi an. 1607. Horum omnium verba refert noster author *lib. 1. tract. 1. n. 463.* Quamobrem ab his recitandis abstineo. Abstineant tamen à tam perdito Casuistarum contemptu loquaces isti, quos utinam honoris causa nominare possem! neque hiscere audeant contra Theologos Ecclesiæ, tantorumque virorum suffragiis honestatos.

CAPUT VII.

Casuistas non esse abjiciendos, quod aliquas Theses à Pontificibus postea damnatas defenderint.

QUAM altero loco refellenda est Casuistarum accusatio, ea est, aliquas propositiones ab illis propugnatas fuisse, quæ nigro thea à Summis Pontificibus fuere postea notatæ. Atque hac quidem accusatione nihil ineptius, ut noster quoque La-Croix paucis indicat *lib. 1. tract. 1. n. 161.* Libens enim fateor in Casuistis proscriptas Theses legi. At quid tum? Igitur ceteri, in quibus nihil ejusmodi, aut ipsi illi, qui in eos scopulos impigere, plane abjiciendi? Proh stultissimam consecutionem! quæ si vim habere dicatur, Patres omnes improbandos esse, abjiciendosque cur non dicamus? Audi elegantissimum Canum *lib. 7. cap. 3. Nemo quantumvis eruditus, et sanctus non interdum hallucinatur, non alicubi cæcutit, non quandoque labitur. Sanctus vero is fuit, qui credidit ab hæreticis baptizatos esse rebaptizandos. Sanctus fuit, qui in Christi corpore, et sensum pænæ, et dolorem fuisse negavit. Sanctus fuit, qui in Chiliasarum dogma descendit. Sanctus fuit, qui viro, ob adulterii culpam uxorem repudianti, allerum Matrimonium concessit. Sanctus fuit, qui animis piorum usque ad judicii diem veram felicitatem ademit. Sanctus fuit, qui animam hominis ex traduce esse putavit. Sanctus fuit, qui animam Adæ ante corpus fuisse editam opinatus est. Sancti fuere, qui Angelos multis ante mundum corporeum æternitatibus creatos esse existimarunt.* Quos si propterea insectabimur, nullaque reverentia tractabimus, Lutheranis, Calvinianis, et cæteris ejusmodi pestibus Romanam Ecclesiam proscindendam, sanctaque omnia proculcanda demus, necesse est.

Sed ex Christiano Lupo, Augustiniani Ordinis scriptore egregio, neque Casuistarum vituperatoribus admodum suspecto, aliqua in eandem Cani mentem commentemur. In dissertatione de *Opinione probabili cap. 14.* quærit eruditus Lupus, *an omnes sanctorum Patrum sententiæ sint vere probabiles?* Respondet autem quæstioni *negative.* Quod responsum suum ut probet, cum alias, et Hieronymi præsertim, tum has in medium affert veterum sententias. Reddo Lupi verba: *Paradoxam quorundam suo tempore Episcoporum*

*opinionem refert in sacris Isaiaæ Prophetæ commentariis B. Hieronymus. Plerique nostrorum Chirotoniam, id est ordinationem Clericorum, quæ non solum ad imprecationem vocis, sed ad impositionem impletur manus, ne scilicet, ut in quibusdam vidimus, vocis imprecatio clandestina Clericos ordinet nescientes, sic intelligunt, ut assumant testimonium Pauli scribentis ad Timotheum: Manus cito nemini imposueris. Est opinio vere ridicula, ipsam tamen tenuerunt magni viri. Etenim S Phædimus Amasenus Episcopus, totius tunc Ponti Metropolitæ, paganis Neocæsariensibus volens imponere Episcopum, dudum et frequenter precatus fuit sanctum Gregorium Thaumaturgum. Verum ille perstitit fugere per saltus, et latebras, et non potuit comprehendere. Hinc in ipsius encomio scribit sanctus Gregorius Nyssenus Episcopus: Posteaquam nihil non intentatum relinquens ille vir magnus Phædimus, et omni machinatione, atque solertia utens, non poterat virum ad Sacerdotium adducere, innumeris oculis præcauentem, ne quando Sacerdotis manu caperetur, atque utrique inter se studio certarent, illo quidem capere, hoc vero persequentis manus effugere cupiente; idcirco impetu quodam divino Phædimus ad propositum studium proventus, nihil curans interjectum spatium, quo à Gregorio dirimebatur, quique illo aberat itinere tridui, sed ad Deum suspiciens, precatusque, ut et ipse, et ille pariter in illa hora à Deo respicerentur, loco manus impositionis adhibet Gregorio sermonem, Deo ipsum consecrans, qui corpore præsens non adesset. Hanc sibi intimalam consecrationem admisit Gregorius, nec fuit denuo consecratus. Verum quod sanctus Phædimus peccarit mortaliter, quis audeat vel cogitare? palam contradicit sancto Gregorio Nysseno. Distinguenda sunt tempora; veritas pedetentim elucidatur. Post hæc aliud exemplum profert Lupus ex Hilario in *Matth. cap. 33.* Ambrosio in *Symboli expositione cap. 13.* Epiphanio *hæresi 20. cap. 2.* et clarius *hæresi 69. cap. 62.* et Leporio secundæ Narbonensis Galliaë Monacho *epistola ad Proclum Massiliensem, et Cilinium Episcopum Aquensem*, Joannis II. Pontificis, Joannis Cassiani, Facundi Hermianensis Episcopi, Gennadii Massiliensis, atque adeo Carthaginensis Synodi suffragio comprobata; qui omnes docuerunt, in obitu Christi ab ejus corpore non animam modo, sed etiam divinitatem fuisse sejunctam, idque Christum ipsum significare clamantem: *Deus, Deus meus, quare me dereliquisti?* Tum hæc addit Lupus: *Non dico hunc epistolæ articulum fuisse probatum ab omnibus, aut omnes ita consensisse. Absit. Dumtaxat dico, istum articulum, licet omnino deviantem, ab ipsorum nullo fuisse damnatum, projectum, notatum. Quod nempe esset, quamvis non vere probabilis, tamen magnorum Doctorum. Et quin ex ipsorum populis multi sint sequuti istam opinionem, non est dubitandum. Et tamen nunquam credidero, vel hos, vel illos per hunc errorem deliquisse mortaliter. Quis enim istud credat de Hilario, aut sancto Ambrosio? Quis dicat, ipsis cre-**

dentem populum cecidisse in crimen? Hæc quidem materia, licet speculativa, est tamen dogmatica, ideoque omnis circa ipsam lapsus est gravis, ac momentosus. Et ex his concludo tria. Primo, quod etiam magni Patres sint quandoque lapsi in male fundatas sententias. Secundo, quod etiam tales, dummodo libere ambulent per Ecclesiam, opiniones, nemo damnare possit, nec quempiam ejus sequacem à Sacramentis excludere. Tertio, quod cuncti probabilium, licet solum probabilitatis fucum habeant, opinionem authores, aut patroni, non sint universaliter arguendi de gravi peccato. Locum omnino hic habet antiqua regula: Facta vident homines, intentio judicat omnes. Sincera mentis simplicitas excusat multa peccata. Hactenus Christianus-Lupus. Ego vero quartam ex his consecutionem duco, nempe authores proscripturam Thesium non esse ea de causa contemnendos, improbandosque, quod illas docuerint, dum Ecclesiæ judicio causa nondum finita erat; ne idem telum in Patres intorqueamus. Quid huic tam certæ ratiocinationi responderi possit, non video. Neque vero mirandum, aut Casuistas, licet doctissimos, aut sanctissimos illos, quos traditionis custodes veneramur, Patres, aliquando à recta doctrina aberrasse. Hanc siquidem felicitatem (Cani verba sunt loco antea citato) Deus in solis divinis voluminibus inesse voluit (ut in eis non esset quicquam erroris) quemadmodum Augustinus gravisime, et verissime tradidit.

CAPUT VIII.

Casuistas non esse laxitatis reos, quod Probabilismum in suis libris propugnent.

SUPEREST, ut tertiam in Casuistas accusationem diluamus: quæ illos laxitatis arguit, quod Probabilismum doceant, atque defendant. Censent nimirum Anti-Casuistæ, Probabilismum laxitatis universæ, scelerumque fontem esse præcipuum. Enimvero si de Probabilismo longe aliter sentiendum esse demonstravero, atque illi garriunt, Casuistas ab hac criminatione liberavero. Qua in re Parcæ Probabilioristarum nomini, neque eorum sententias plurimas longe laxissimas hec proferam, aut in eorum mores severius inquiram. Hæc odiosa nimium sunt, neque desunt alii, qui in hac re versati sint verius, quam feliciter ob adversariorum suorum potentiam, autoritatemque. Tribus rem totam argumentis conficiam, quorum primum initia, progressusque Probabilismi, alterum Ecclesiæ de illo judicia, tertium Galliarum mores persequetur.

Itaque illud attente consideremus, quei fieri potuerit, ut ex omni genere, institutoque Doctores Probabilismum passim defenderent, ubi omnium malorum origo hinc repetenda esset, quodque hæreses

fidel, id Christianis moribus foret ille. Nam tam exitialis doctrinae effecta consecutionesque homines ingenio, doctrinaque praestantes latuere? Equidem scio, eam esse affectuum nostrorum calliditatem, ut in maximam aeternae salutis perniciem veluti prisma quoddam oculis nostris officiat, ne quo res quaeque colore sunt, perspicere vere possint. At illud etiam scio nullam laudis, famaeque cupiditatis vehementiorem in nobis esse affectionem, qua ad ea maximo studio vitanda compellimur, unde nomini nostro labes metui possit. Ut vero hominum indolem penitus nos agnoscamus, notum cuique est, laxiores sententias conciliandae gloriae minus idoneas esse. Nam homines (quodcumque demum ad id ducantur argumento) severioris doctrinae praecepta audire student, et quamvis ab illis discedere in instituenda vitae ratione haud vereantur, ea profiteri tamen gloriae sibi vertunt, ab hisque facile imponi sibi patiuntur, qui illa praedicant, edoceantque, quod cum semper evenisse scimus, tum maxime aetate nostra contingere quotidie dolemus. Quamobrem laudis amoris tribui certe nequit tanta in Probabilismo tuendo Doctorum hominum consensus. Quid ergo eos in hanc sententiam pertrahere potuit? Insanit profecto Paschalis, qui foedissimae adulationi id vertit perditissimorum Confessoriorum, ut nimia doctrinarum suarum facilitate scelestos allicerent, in eosque, atque adeo, si Superis placet, in universum hominum genus tyrannidem quamdam exercerent. Fac enim ita animo comparatos fuisse Confessarios ejusmodi. Nonne multo consultius, atque ad nefarium hunc finem longe utilius fuisset hisce artibus, ac sentiis clam uti, quam illas toti orbi libris editis patefacere? Sed haec mittamus. Primus, qui Scholastica methodo Probabilissimi questionem tractavit, proque tam perniciose doctrina suffragium palam, et clarissimis verbis tulerit (nam ceteri ante ipsum, aut obscure loquuti fuerant, aut certe questionem ea super re non instituerant) fuit ex celeberrimo Praedicatorum Ordine Bartholomaeus Medina. Qui ergo erumpens incendium, tantam Christianae Reipublicae cladem mox allaturum, sacer hic Ordo, ac de Ecclesia, si quis alius, optime meritus, Medinae libris oblivioni damnatis non extinxit? imo vero vires addidit praecepto Reverendissimi Patris Generalis Seraphini Cavalli, ut *aureas* expositiones suas quatuordecim in lucem ederet Medina. Quid porro de Joanne Baptista Hacquet, quid de Mercado, quid de Ludovico Lopez, de Joanne Ildephonso Baptista, aliisque illustribus Dominicanis Scriptoribus sentiemus? Eosne illorum numero adensebimus, qui Evangelicas leges labefactare, ac perdere Christianos mores instituire? Generale Dominicanorum Capitulum *formali praecepto* jussit, Joannem Ildephonsum Baptistam Commentarios suos typis vulgare. Dicemus ne praeclaros hosce ex universo Ordine Patres in Jesum Christum, in Ecclesiam, inque sanctiora omnia flagitiose conjurasse? Quid vero de Didaco Alvarez sentiemus, egregio illo Thomistarum heroe in disputationibus de auxiliis? Fieri ne potuisse putabimus, ut qui Jesu Christi gratiam adversus Molinistaram commenta (ut eorum sententiam non-

nullis placet appellare) adeo strenue vindicaverat, Moralem deinde ejusdem Jesu Christi doctrinam veritas non sit profligare, sese Probabilistis adjungens? Præterea cum initia Probabilismi, qua nuper explicabamus ratione, à Medina repetenda sint, paulo post Tridentinum Concilium hæc pestis erupit, quo scilicet tempore plurimi adhuc in vivis agebant ex iis doctissimis, ac sanctissimis Patribus, qui Lutheranz, et Calvinianæ perfidiæ delendæ et Christianis moribus ad Evangelii, Patrumque Apostolicorum normam componendis operam dederant. Neque tamen vel unum ex ipsis invenias, qui mutire ausus fuerit adversus novam hancce, quæ malorum omnium colluviam in Christianam Rempublicam intulit, Probabilismi doctrinam. Quis eorum artus occupavit stupor, ut studio omni non contenderent tanto malo occurrere? Idem dictum esto de Sorbonica Academia, de Lovaniensi Universitate, de Episcopis, de Doctoribus omnibus, qui ea ætate Probabilismum sibi sequendum duxere. Fuerunt nē hi omnes à Deo cæcitate percussi, ut irent in *adinventionibus suis*? et agmine facto Ecclesiam prava doctrina inficerent? Apage nugas, quæ omnem fidem superant. Et vero mirandum id minus esset, si hæc Probabilismi doctrina, aut arcano quopiam consilio, aut aperta seu schismatis, seu armorum vi, aut etiam diaboli præstigiis scholas omnes, et Academias obtinuisset. At ridicula isthæc sunt, et delirantium somnia. Regulares, Presbyteri, Episcopi doctrinæ præstantia, ingenii acie, morum sanctitate conspicui, Angli, Galli, Hispani, Germani, Itali, Deus bone! quam inter sese moribus, atque indole discrepantes, Augustiniani, Dominicani, Scotistæ, Jesuitæ, studio suarum scholarum in contraria acti, nullius artibus, nullius jussibus, nullius beneficiis in hanc sententiam consensere, atque ut de Dominicanis, et Jesuitis aliquid dicam, eo vel maxime tempore, quod ob dissidia, controversiamque de *auxiliis* aptissimum accusationibus videbatur. Quid mirabilius, atque ad avertendam à Probabilismo laxitatis notam efficacius?

Age jam, sanctissimum de Probabilistis Ecclesiæ judicium consideremus. Romanos Pontifices, quibus pascendas oves suas tradidit Christus, qui credat eo seu recordiæ, seu nequitiz devenisse, ut tantum virus à Christianarum ovium pascuis evellere negligant, aut etiam nolint, nisi optime intellerent, nihil omnino à Probabilistarum doctrina. timendum? Profecto, quidquid garriant loquaces aliqui Antiprobabilistæ, Probabilismum iis saltem finibus conclusum, quos ipsi statuere Jesuitarum primores; nunquam improbarunt Pontifices. Quandonam dixere hi : *Visum et Spiritui sancto, et nobis, in concursu duarum opinionum vere probabilem, probabilio rem sententiam sequendam esse, uti Mercenda, et Fagnanus docuere, atque adeo semper eam amplectendam, quæ adversus libertatem legi favet, ac tutior est, ut Paschalis, Wendorfkus, Natalis Alexander censuit*? Nisi ita disertis verbis statuant Pontifices, inanibus declamationibus aera verberabunt. Antiprobabilistæ. Quales eæ sunt, quibus utitur Concina in *Præf. ad*

primum tomum appar. p. lv. et seq. adversus hanc ipsam propositionem à P. Daniele Natali Alexandro ante nos vere, ac solide objectam. Quid porro ab hac sancienda lege prohibet Pontifices? Parebunt Probabilistæ, neque Tutoristarum exemplo abripi sese patientur, ut in Pontificum Bullas libellos edant maledicentiæ, et audaciæ plenos. Neque vero ignorare Pontifices putaverim, quid rei Probabilismus sit. Notum est quot artibus ejus damnationem ab Innocentio XI. conati sint quidam extorquere; et ut nulla in hanc rem suppetere monumenta, nemo prudens crediderit, tot in Probabilismum clamores, quibus Galliarum regnum, Italiaque universa centum ferme ab hinc annis personuit, numquam ad Apostolicam Sedem delatos fuisse. Quamobrem viderint, quæso, qui popellum in Probabilistas libris vernaculo idiomate conscriptis ciere student, quam ipsi erga Romanam Ecclesiam reverentes sint. Nam quo atrioribus Probabilismum ipsi coloribus pingunt, eo graviore silentem Ecclesiam contumelia afficiunt.

Tandem Galliarum regnum ponamus nobis ob oculos, ac ne videar Gallis injurius, utar ferme verbis Galli scriptoris, seu P. D. Aurigny in *Chronologicis monumentis* t. II. ad an. 1656. pag. mihi 324. Ab anno 1656 quo Paschalis Provinciales damnatas litteras in lucem emisit, cœpere Galli Probabilismum eo habere loco, quo bonorum morum lumen haberi maxime decebat, ac tandem eo devenit, ut anno 1700 proscriptus fuerit in generalibus Cleri Gallicani Comitibus, quæ *Concilium Galliarum Nationale* à quodam nupero scriptore satis inepte dicuntur, ut apud rerum harum imperitos auctoritatem adderet eorum constitutionibus, quas Pontificiæ potestatis propugnatores non multi faciant. De quo PP. Ghezzius, et Richelmus consulendi. Quamobrem Gallis omnino gratulandum videtur, atque ab his digni Apostolico ævo mores expectandi forent; quidquid enim nefariæ licentiæ florentissimi regni Provincias corrumpebat, sublata causa, desivisse necesse est. At consulamus Concionatores, qui ab anno 1700 Apostolico munere apud Gallos functi sunt. Eadem plane vitia comperiemus ab illis exprobrari auditoribus suis, quæ olim, vigente Probabilismo, notabant antiquiores divini verbi præcones. An non id paradoxo simile videri posset? Ita sane, si Probabilismus is sit, quem ejus osiores prædicant, criminum omnium pater. Ridet hanc collectionem præclarus Concina, atque adeo (*Appar.* t. I. p. 57.) clamat, *imbecillitati suæ* (quæ demissio animi esset, nisi hic revera imbecillum se proderet Christianus hic Theologus) *præfatam doctrinam videri falsam, perniciosam, et ut mitissime loquatur* (quid si loqueretur immitissime)? *scandali plenissimam, injuriosam non Patribus Gallicanis modo, verum etiam Conciliis omnibus, universæ Ecclesiæ, viamque erroribus omnibus aperire latissimam.* Atque ad hæc equidem inhorrescerem, nisi Concinianis hisce cantilenis aures pridem aduetas haberem. Sed rationem audiamus tantorum malorum. *Concilia tum provincialia, tum nationalia, tum œcumenica ab Ecclesia condita innumeras proscripsere*

opiniones morum corruptrices; nihilosecius Patres, et verbi divini præcones cujuscumque ætatis in eadem detonarunt vitia, quæ ante proscriptos errores insectabantur alii. Hæc argumenti, quod suo more detonans amplificat Concina, summa est. Ad populum phaleras, mi Reverende Christiane Theologe. Etsi Concilia plures *proscribere opinionis morum corruptrices*, eadem, ad quæ per illas patebat aditus, vitia ab aliis non minus perniciosis opinionibus enasci potuerunt. Nam quæ hactenus proscriptæ sunt quod ad mores attinet propositiones, singulares ferme sunt, quæ unum alterumve vitium, aut unam alteramve admittendi cujuscumque sceleris rationem spectabant. Longe alia est Probabilismi conditio. Quum enim universam doctrinam morum inficiat, quæ omnium scelerum procreatrix sententia sit, Christianæ omnis Theologiæ pestis, et siquid pejus, illo sublato, atque antiprobabilistica Theologia late pervagata per Galliarum Regnum, nihil reliquum jam esse debuerat, quominus vitia omnia inde in miseris illas regiones, quæ Probabilismo etiamnum parent, stragem allatam diffugerent. Vis hujusce argumenti declinari non potest interrogatiunculis, dicticulis, conviciis. At vel hinc discaant tandem vaniloqui homines os suum comprimere, neque à Probabilismo; sed à lapsæ naturæ nostræ infirmitate; et affectuum nostrorum vi, atque intemperantia, vitiorum originem intelligant esse ducendam. Ad alia propero.

CAPUT IX.

Alia in Casuistas criminatio depellitur, eorumque in Pontificias sanctiones reverentia demonstratur.

AT quid de querela illa, quæ nostris hisce temporibus percrebuit maxime, Casuistas ex illorum classe, qui probabilismum tuentur, minus reverentes esse erga Pontificum constitutiones? Mihi quidem nihil ea injustius visum est unquam, impudentius nihil. Etenim, ut de hujus accusationis falsitate primum dicam, consule quæso Casuistas ejusmodi omnes, qui postea decreta scripsere, ac vel unum si repereris, qui confixas theses tutatus fuerit, Casuistas veluti Christianorum morum pestes exitiosissimas execrabor.

Ita sane, inquires; at plures non desunt, qui damnationem emoliant, ictasque Vaticano fulmine propositiones mitius interpretentur, ut callidis hisce artibus laxitatem in Catholicis scholis confirmant. Accusatio isthæc præcipue P. Dominicum Vivam ferit, Theologum illum à Benedicto XIV. summa cum laude sæpius citatum in gravissimis, pereruditisque sanctionibus ab ipso editis, quum Bononiensem Ecclesiam Archiepiscopus regeret. Nempe ut Gallum quemdam

mittam; ejus impudentem librum nuper vidimus Italicis formis, linguaque editum anno 1740 (si tamen Gallus est, nam librum in Italia compositum ab Italo homine ad virus suum liberalius spargendum, Gallicum nomen, patriamque mentiente, non defuere qui suspicarentur) in Jesuitam illum exarsisse scimus magno, ut videtur, zelo, recentem Historicum Probabilismi. At undenam tantæ religioſe animo iræ? Nimirum Viva ab Jesuitis avertere conatur iniquissimam criminationem, quod ex eorum schola damnatæ propositiones prodierint, atque adeo ab hominibus alterius plane instituti fæces illas in Moralem Theologiam invectas ostendit. Quod quam verum sit, non est hujus loci demonstrare. Id tamen tantam Vivæ conflavit invidiam. Itaque lapis omnis movendus fuit, ut non modo fides moroso, nimiumque infenso scriptori adimeretur, verum etiam odioso laxi, et Pontificum contemptoris Theologi nomine notaretur. Quid non mortalia pectora cogit vindictæ amor? Sed rumpatur, quisquis rumpitur invidia. Vivæ in damnatas propositiones commentarii sanis hominibus probabuntur semper, ac summis laudibus efferentur. Aliquot in Vivam calumniarum specimen, atque confutationem habes in iis libris, qui contra historiam Probabilismi prodire. Unum ego proferam exemplum. Ubi damnatam peccati philosophici propositionem explicat, ac refellit Viva, ait eam Thesim ab Arnaldo delatore vitiatam fuisse, atque interpolatam, ejusque authorem Jesuitam Musnier Divionensem Theologum in *conditionato sensu* loquutum fuisse, nempe si fieri posset, ut quis eo peccato se obstringeret, non autem absolute statuisset, ut fert damnata assertio, ejusmodi, peccati quod ajunt, possibilitatem. Vere scriptum. Id scilicet disertis verbis Musnier ipse palam professus est, edito super ea re schediasmate, quod in sua Chronologica monumenta intulit P. D. Aurigny, ac Berninus in suam historiam hæresum, alique passim describere. Fuit autem qui P. Vivam mendacii reum vellet, scriberetque (*Storia del Probabilismo* p. 90.). *Il P. Viva per ben difendere il Professore, dovea riportare qualche testo, o della conclusione pubblicamente difesa, o de' manoscritti, onde rimostrare, esser diversa dalla dannata la dottrina del Professore.*

Similis hujus altera accusatio est, qua læsæ Pontificiæ majestatis arguit Casuistas Historicus Probabilismi. Eos nempe, ait, Jansenianis hominibus quam simillimos esse; nam quemadmodum illi olim influebantur, in Jansenii libro extare celeberrimas quinque hæreses à Pontificibus confixas, ita hi negant in Tamburrino, Sanctio, aliisque scriptoribus suis legi propositiones, quas Alexander VII. et Innocentius XI. anathemate perculerunt. Nolim in hac accusatione diluenda longior esse; adi P. Nicolai Ghezzi Dialogos. Unum illud addam, quod ad criminationis vanitatem ostendendam maxime facit, nempe Romanos Pontifices sæpius declarasse quinque Jansenianas Propositiones in Yprensis Augustini libris extare, atque in eos, qui secus opinarentur, anathematis sententiam edidisse. Ubinam vero Alexander VII. ubinam Innocentius XI. docuit, has, illasve à se

damnatæ theses Laymanni esse, esse Lessii, Fagundii etc. in eorumque voluminibus reperiri? Tum enim vero Jansenianorum perditos mores sectarentur Casuistæ, quum ita definiendis Pontificibus minime obtemperarent, pergerentque authores illos à proscriptis thesibus defendere. At dum Romani Pontifices nihil ejusmodi pronunciant, quid ineptius excogitari possit, ea Casuistarum cum Jansenianis comparatione? Quid plura? lapsus suum agnovit et ipse Concina. Quare quum tomo II. Theol. Christ. p. 633. eandem in Casuistas criminationem intorsisset, delem̃ illam jussit p. cvi. *Præf. ad primum tomum appar.*, atque locum illum sic refringi; *Factum, quod quinque propositiones reperiantur in libro Jansenii, definitum ab Ecclesia est; secus factum, quod opiniones Casuisticæ damnatæ exstent in isto, aut in illo Casuista. Quare latum discrimen est inter defensores facti Janseniani, et facti-Casuistici: illi Ecclesiæ definitioni, isti artis criticæ duntaxat judicio adversantur.*

Sed jam imprudentiam istiusmodi accusationis ostendamus. Nimirum qui Casuistas hoc crimine arguunt, atque Alexandri VII. et Innocentii XI. Sanctiones ab illis flocci fieri expostulant, minime animadvertunt quanto verius criminatione isthæc in ipsos retorqueri possit, qui Alexandri VIII. decretum super 31. propositionibus nihil habent. Audi quæso quei Jueninus ex rigidioribus Theologis unus tom. I. de Sacram. art. 3. *dissert. 1. quæst. 3. cap. 2.* hac super re sentiat. Agens de intentione ministri in Sacramentis administrandis objicit sententiæ suæ, quæ Catharini, et Salmeronis est, proscriptam ab Alexandro VIII. propositionem. *Valet Baptismus collatus à ministro, qui omnem ritum externum, formamque baptizandi observat; intus vero in corde suo apud se resolvit: non intendo facere quod facit Ecclesia.* Quid autem respondet Jueninus? *Respondent Canonistæ Galli, in Francia, multisque aliis in Provinciis Christianis, non habere vim ullam decretum Transalpinum, nisi ab ipso Papa immediate emanaverit; unde judicia à Romana Inquisitione lata per se, etiam quoad forum internum, Gallos non obligare concludunt.* Hæc tamen levissima sunt. Negat ipsemet Historicus Probabilismi, de probabilissima opinione damnatam assertionem legi in Sannichio, cui illam cæteri adscribunt. Et id levius est. Quot à Gerberonio, à Quesnello, et à cæteris eorundem asseclis prodiere scripta in hoc Alexandri VII. decretum! Quot lacesivere conviciis præclarum Pontificem! Quot ejus sanctionem discerpere dicteriis, contumeliisque! Adhuc causam Quesnellianam, et P. La Fontaine prolegomena ad constitutionem Unigenitus.

THEOLOGIA MORALIS.

LIBER PRIMUS.

TRACTATUS PRIMUS.

DE CONSCIENTIA.

MONITUM AUCTORIS.

ADVERTE, Lector benevole, quòd primum hunc Tractatum de conscientia, quo aditus ad universam Moralem Theologiam aperitur, speciali studio à me elucubratum pro faciliiori alumnorum meorum instructione apponere volui; hoc dico, quia deindè omnes alios Operis Tractatus ab alieno auctore virgulis signatos invenies, meis tamen adnotationibus adjunctis. Elegi autem illos alterius auctoris Tractatus inserere, ut ordinem rerum ab eo servatum sequerer, eò quòd talis ordo propter rerum distinctionem et connexionem optimus universè à pluribus reputatus est.

CAPUT I.

Quid conscientia, et quotuplex? et quænam sequenda?

1 *De regula remota, et proxima actuum humanorum.*

2 *De conscientia et synderesi.*

3 *De conscientia recta et erronea.*

4 *De eo qui sequitur conscientiam vincibiliter erroneam.*

- 5 *De eo qui sequitur conscientiam invincibiliter erroneam.*
- 6 *An sic operans meritum acquirat in operando?*
- 7 *Respondetur objectioni adversariorum.*
- 8 *An detur conscientia invincibiliter erronea circa præcepta naturalia? Remissivè ad tractat. II. de legib. n. 169.*
- 9 *De eo qui putat erroneè desiderium malum non esse peccatum.*
- 10 *De conscientia perplexa.*
- 11 *De conscientia scrupulosa. Signa scrupulosorum.*
- 12 *Remedia et præsertim obedientiæ.*
- 13 *De periculo scrupulosi qui non obedit.*
- 14 *De regulis generalibus assignandis.*
- 15 *Quomodo confessarius gerere se debet cum scrupulosis, qui timent assentiri cuilibet prævæ cogitationi.*
- 16 *Quomodo cum iis, qui semper dubitant de confessionibus præteritis.*
- 17 *Quomodo cum iis, qui in omni actione peccare formidant.*
- 18 *Quid de iis qui operantur cum actuali timore.*
- 19 *Scrupulosi non peccant scrupulos vincendo, quin illos priùs deponant.*

1. — **D**UPLEX est regula actuum humanorum, una dicitur remota, altera proxima. *Remota* sive materialis est lex divina, *proxima* verò, sive formalis est conscientia; quia licet conscientia in omnibus divinæ legi conformari debeat, bonitas tamen, aut malitia humanarum actionum nobis innotescit, prout ab ipsa conscientia apprehenditur, uti docet *S. Thomas*: *Ratio humana est regula voluntatis humanæ ex qua ejus bonitas mensuretur.* 1. 2. q. 19. art. 4. Et clariùs alio in loco: *Actus humanus judicatur virtuosus vel vitiosus secundum bonum apprehensum, in quod voluntas fertur, et non secundum materiale objectum actus.* Quodlib. 3. art. 27. Priùs agemus de regula proxima, nempe de conscientia, deindè de remota, nimirum de legibus.

2. — Conscientia definitur sic: *Est judicium, seu dictamen practicum rationis, quo judicamus quid hic et nunc agendum ut bonum, aut vitandum ut malum.* Dicitur autem conscientia *dictamen practicum*, ad differentiam synderesis, quæ est cognitio speculativa principiorum universalium ad benè vivendum, scilicet: *Deus est colendus: Quod tibi non vis, alteri ne feceris, etc.* ut habetur ex *S. Thoma*, p. 1. qu. 79. art. 12.

3. — Dividitur autem conscientia in rectam, erroneam, perplexam, scrupulosam, dubiam, et probabilem. *Recta est*

ea, quæ dictat verum; peccat idem qui contra eam operatur, cum dicat Apostolus: *Omne quod non est ex fide* (nempe ex dictamine conscientiæ, ut explicant *Estius*, et alii) *peccatum est. Rom. c. 14. v. 23.* Confirmat *Innocentius III. in cap. Litteras, de rest. spol. Quidquid sit contra conscientiam, ædificat ad gehennam.* Conscientia verò *erronea* est ea, quæ dictat falsum, tamquam verum. Hæc autem alia est vincibilis, alia invincibilis. *Vincibilis* est, quæ, cum debeat et possit vinci ab operante, vel quia errorem jam advertit, vel saltem dubitat de errore, advertitque simul ad obligationem illum vincendi, tamen negligit illum vincere, ut docent *S. Anton. 2. p. tit. 3. c. 1. §. 5. Navarr. prælud. 9. n. 9. Salm. tr. 20. c. 14. punct. 2. n. 9. et Suarez in 5. p. d. 4. sect. 8. n. 18. cum Sylvio, Cajetano, aliisque communissimè ex S. Thoma de verit. q. 15. art. 4. ad 10.* Notant autem *Salm. loc. cit. et Castr. tr. 2. de pecc. d. 1. p. 15. n. 6. cum Azor. Suar. Vasq. Bonac. etc. et Wigandt de consc. ex. 1. q. 3. n. 7.* non esse opus, ut diligentia adhibenda ad vincendum errorem sit maxima, sed sufficere, ut sit communis, et ordinaria. *Invincibilis* verò est, quæ moraliter vinci nequit, cum nulla cogitatio, nec dubium erroris veniat in mentem operantis, nec etiam in confuso, dum operatur, vel cum actionis causam ponit, prout latius explicabitur in *lib. 2. tr. de peccatis*, ubi agitur de advertentia ad peccatum requisita.

4. — Hinc dicimus 1. Qui conscientiam vincibiliter erroneam habet, semper peccat, sive juxta eam, sive contra eam operatur. Peccat enim agendo contra eam, eligendo malum quod judicat esse malum: peccat verò agendo juxta eam, quia, cum errorem debeat et vincere possit, illum non deponendo temerè operatur.

5. — Dicimus 2. Qui conscientiam invincibiliter erroneam habet, non solum non peccat juxta eam operando, sed etiam aliquando tenetur illam sequi. Ratio utriusque est: Non peccat, quia licet in se actio recta non sit, recta est tamen juxta conscientiam operantis; tenetur autem juxta eam aliquando operari, si conscientia, quæ est regula proxima, sic ei suggerit agendum.

6. — Non solum autem, qui operatur cum conscientia invincibiliter erronea, non peccat, sed etiam probabilius acquirit meritum, ut rectè sentit *P. Fulgentius Eumiliati de consc.*

c. 1. n. 6. cum aliis communissimè. Ratio, quia ad dicendum aliquem actum bonum, saltem inadæquatum, sufficit ut ille dirigatur per rationis et prudentiæ dictamen. Cum ergo operans prudenter agit, procul dubio mereri debet propter bonum finem quo operatur, nempe gloriæ Dei, aut charitatis erga proximum, etc.; sicut contrà demeretur, qui bonum opus facit, sed apprehensum ut malum, propter malum finem quo opus illud exequitur.

7. — Objicit *Franzoja* (*Theol. mor. l. 1. c. 1. art. 1.*) numquam malam actionem posse esse causam meriti, affertque pro se *S. Thomam*, qui 1. 2. q. 19. art. 6. sic ait: *Bonum causatur ex integra causa, malum autem ex singulis defectibus.* Et ideò ad hoc ut dicatur malum id, in quod fertur voluntas, sufficit sive quòd secundum suam naturam sit malum, sive quòd apprehendatur ut malum. Sed ad hoc ut sit bonum, requiritur ut utroque modo sit bonum. At respondetur, quòd *S. Doctor* loquitur hic de bono absolutè et simpliciter sumpto, non autem de bono respectivè et per accidens, prout à conscientia, quæ est regula proxima agendi, invincibiliter apprehensum est, juxta id quod idem Angelicus docet (ut suprà retulimus) dicens: *Actus humanus judicatur virtuosus vel vitiosus secundum bonum apprehensum, in quod voluntas fertur, et non secundum materiale objectum actus.* Quodlibet. 3. art. 27. juxta quod *P. Conc.* (*Theol. christ. tom. 2. l. 2. de consc. diss. 1. cap. 5.*) quamvis in argumento dicat opera ex conscientia erronea, etsi invincibili, nulla prædita esse bonitate, aut merito, postmodum tamen ibidem n. 36. nobiscum sentit dicens: *Potest enim quis, dum exercet opus materialiter malum, habere plures actus bonos, intentionem nempe bonam Deo placendi.* Hos bonos et meritorios dicimus, quamvis actus qui per se tunc exercetur, sit materialiter malus, non imputabilis ad culpam... quia opus materialiter malum, cum non sit voluntarium, refundere in istos actus malitiam non valet. Id fortius confirmatur à *S. Bernardo*, qui docet (*de Præcept. et Dispensatione c. 12. et 17.*) subditum prælato obedientem ex recta intentione, meritorie agere, quamvis materialiter erret contra legem. Et c. 14. n. 55. sic scribit: *Et quidem laude dignam dixerim vel solam intentionem piam, nec planè condignâ remuneratione fraudabitur in opere quoque non ipso ipsa bona voluntas.*

8. — Quæritur. An dari possit conscientia invincibiliter

erronea circa praecepta juris naturæ? Respondetur hie breviter, quòd potest dari circa conclusiones mediatas et remotas à primis principiis, non verò circa conclusiones immediatas, et proximas; ut esset, auferre alienum invito domino, occidere innocentem, etc. Est communis sententia, quam infra probabimus, auctoritate præsertim *S. Thomæ, in tr. II. de legibus n. 169.*

9. — Quæritur 2. An dari possit conscientia invincibiliter erronea in eo, qui cupit aliquod patrare malum, putà fornicationem, judicans per errorem solum desiderium fornicandi non esse mortale, si fornicatio facto non sequitur? Affirmant id ut probabilius *Sanchez, et Cardenas*, dicentes hunc peccare tantum materialiter, quia licet ipse velit malum illud objectum, tamen invincibiliter credit desiderium suum injuriam Deo non irrogare. Hanc tamen opinionem numquam probabilem censere potui; numquam enim intelligere valui, quomodo qui vult deliberatè actionem exercere, quā scit Deum offendi, possit inculpabiliter credere, Deum non offendere, dum efficaciter cupit illam exequi, quā certè agnoscit averti à Deo. Sed dices: Quomodo iste peccabit formaliter illo suo desiderio, si malitiam ejus ignorat? Respondetur: Quamvis detur, quòd ignoret malitiam illius actus interni, certò tamen agnoscit malitiam actus externi: si ergo vult illum exequi, jam cognitum ut malum, quomodo à peccato excusabitur? Omnes quidem ex ipso lumine naturæ dignoscunt, se teneri ad obediendum suo Creatori; quando igitur quis deliberatè vult agere id quod scit à Deo sibi vetitum, necessariò simul agnoscit, quòd malè agit: et quamvis reflexè tunc non peccet, putando solum actum externum esse peccatum; exercitè tamen et in facto jam peccat, volens negare Deo, tempore quo cogitat peccatum consummare, debitam obedientiam. Instabis: plures rustici ideo non confitentur de his pravis desideriis, quia credunt tum tantum peccare, cum peccatum externè consummant. Respondeo: isti potiùs falsò decipiuntur in credendo, quòd non tenentur confiteri peccata quæ non consummant; sed prudens confessarius judicare debet, quòd, cum consenserunt in peccatum consummandum, verè et formaliter peccaverunt, voluntate pravà se à Deo avertentes. Ex his omnibus opinionem contrariam cum aliis doctis recentioribus parum probabilem censeo.

10. — Pergamus ad alias conscientiae species discutiendas.

Conscientia *perplexa* est ea, quâ quis in medio duorum præceptorum constitutus peccare credit, quaecumque partem eligat, ex: gr. si quis perjurio posset in iudicio servare vitam rei, et ex una parte angeretur à præcepto religionis non pejerandi, et ex alia (errore ductus) à præcepto charitatis erga proximum, nec resolvere se valeret, quæritur quid agere deberet in hoc casu? Respondetur: si potest actionem suspendere, tenetur illam differre, donec consulat sapientes: si verò suspendere nequeat, tenetur eligere minus malum, vitando potius transgressionem juris naturalis, quàm humani, aut positivi divini. Si autem non possit discernere quidnam sit minus malum, quamlibet partem eligat, non peccat, quia in huiusmodi casu deest libertas necessaria ad peccatum formale.

11. — Agamus hic ultimò de conscientia *scrupulosa*, de qua longiorem oportet habere sermonem. Conscientia scrupulosa est ea, quæ ob levia motiva absque rationabili fundamento (scrupulus enim est inanis apprehensio) sæpè formidat de peccato, ubi reverà non adest. Signa conscientiæ scrupulosæ hæc sunt: 1. Pertinacia iudicii, quâ scrupulosus sapientium consiliis parere renuit, varios consulit, sed nullius iudicio acquiescit; imò quantò magis plures audit, eò plus perplexus evadit. 2. Frequens iudicii mutatio ex levibus motivis; unde oritur inconstantia in agendo, mentisque perturbatio, præsertim in operationibus externis, putà in celebratione missæ, in horarum recitatione, aut sacramentorum administratione, vel perceptione. 3. Habere reflexiones impertinentes plurium circumstantiarum, quæ in actione adfuerint, vel adesse potuerunt. 4. In omnibus formidare de peccato; et mente hærere contra sapientum, ac etiam proprium iudicium, et ideo numquam contentum esse unâ confessarii assertionem, sed sæpius eodem actu eundem exquirere, an in agendo juxta consilium datum conscientia esse possit immunis à culpa.

12. — Remedia autem pro huiusmodi scrupulosis adhibenda sunt hæc. Postquam confessarius ex signis suprà allatis jam perceperit poenitentem esse scrupulosum, præscribat ei: 1. Ut valdè humilitatis virtutem colat, sæpè enim scrupuli ex superbiæ vitio ortum habent. 2. Ut caveat à lectione librorum scrupulos excitantium, et scrupulosorum conversationem evitet. 3. Ne diu moretur in examine conscientiæ; præsertim circa ea in quibus magis vexatur. 4. Ut fugiat

otium, ex quo sæpè mens inanibus apprehensionibus impletur. 3. Ut instantè Deo se commendet, ad opem obtinendam parendi præceptis sui directoris; hoc enim super omnia præcipuum, imò unicum potest dici remedium hujusmodi infirmorum esse, omninò acquiescere judicio sui superioris sive confessarii, ut omnes docent patres, theologi, et spirituales magistri. Hinc valdè proderit ad sedandas conscientias scrupulis agitata, ut confessarius eis ante oculos exponat has egregias sapientum auctoritates, quas hìc subdo. *Natalis Alexander, Theol. dogm. mor. l. 3. c. 4. r. 1.* dicit: *Quòd autem scrupuli sperni debeant, accedente prudentis, pii doctique directoris judicio, et contra illos sit agendum, constat ex cap. Inquisitioni, de sent. exc. ubi dicitur: Quòd si quis autem habet conscientiam ex credulitate levi.... ad sui pastoris consilium licitè potest agere.* Id confirmat S. Antoninus ex Joanne Gersone, qui (*Tract. de præpar. ad miss.*) sic scribit: *Qui renuunt credere superiorum et prudentum consilio ad tales scrupulos deponendos, et agendum contra eos, errant multipliciter. Decipiuntur in hoc multi ex simplicibus, distinguere nescientes inter ea quæ portio animæ superior, et ea quæ inferior patitur absque superioris assensu.* Hinc affert illud B. Bernardi, qui dixit discipulo cuidam scrupuloso: *Vade, et in fide mea celebres.* At dicet aliquis, utinam esset mihi S. Bernardus! nunc verò, dum superioris mei mediocre sapientiam inspicio, non audeo illi conscientiam meam committere. Respondet S. Antoninus ex eodem Gersone: *Quisquis ita dicis, erras; non enim commisisti te in manibus hominis, quia litteratus, quia pius etc., sed quia tibi est præpositus. Quamobrem obedias illi, non ut homini, sed ut Deo.... Caveas ad extremum, ne dum quæris securitatem, in gravem ruas præcipitationis foveam.* Hinc S. Philippus Neriùs suis pœnitentibus (ut in vita l. 1. c. 10.) sic agebat: *Qui proficere in via Dei cupiunt, submittant se confessario docto, cui obediant ut Deo. Qui ita operatur, fit securus à reddenda ratione cunctarum actionum suarum.* Dicebat item, fidem præstandam esse confessario, quia Dominus eum errare non permittet. *Nihil esse securius, quàm in operando voluntati directoris obtemperare; nihilque periculosius, quàm suiipsius judicio se dirigere.* Pariter S. Franc. Salesius (*Introd. cap. 4.*) loquens de directione patris spiritualis, scribit ex P. Joanne Avila:

Nullo meliori modo de Dei voluntate apertè nos certos fieri, quàm per humilem obedientiam ipsius præceptis. Hoc etiam confirmat Glossa in c. Ad aures, de temp. ord. lit. f. in fine, ubi dicitur: Si verò dubium sit præceptum, propter bonum obedientiæ excusatur à peccato, licèt in veritate sit malum. Idem dicitur in c. Quid culpatur, caus. 23. q. 1. S. Bernardus (de Præcept. et Dispensat. c. 12.) ait: Quidquid vice Dei præcipit homo, quod non sit tamen certum displicere Deo, haud secus omninò accipiendum est, quàm si præcipiat Deus. S. Ignatius Lojola (in Constit. Soc. Jesu.): Obediendum in omnibus, ubi peccatum non cernitur, id est (ut in declar.), in quibus nullum manifestum est peccatum. B. Humbertus (in l. de Erud. rel. c. 1.): Nisi apertè sit malum quod præcipitur, accipiendum est ac si à Deo præciperetur. B. Dionysius Cartus. (in 2. dis. 39. q. 3.): In dubiis an sit contra præceptum Dei, standum est præcepto prælati, quia etsi sit contra Deum, attamen propter obedientiæ bonum non peccat subditus. Idem docet S. Bonav. in Spec. disc. c. 4.

13. — Quapropter confessarius enixè curet pœnitentibus scrupulis vexatis suadere, quòd omninò tutus incedit qui sui directoris consiliis acquiescit et obtemperat in omnibus; in quibus evidens peccatum non apparet; tunc enim non homini obedit, sed ipsi Deo dicenti: *Qui vos audit, me audit; et qui vos spernit, me spernit. Lucæ c. 10. §. 16.* Contrà verò inculcet, magno suæ salutis discrimini se committere, qui præceptis sui confessarii renuit obedientiam præstare; tunc enim periculo se exponit amittendi non tantùm cordis pacem, devotionem, et in virtute progressum, verùm etiam mentem (quot enim scrupulosi obedientiæ non acquiescentes in amentiam ceciderunt!) item corporis valetudinem; imò, quod deterius est, etiam animæ jacturam faciendi, nam eò possent scrupuli devenire, ut ad tantam eum redigerent desperationem, quâ vel sibimet mortem inferret, ut pluribus contigit, vel ut sic de sua salute desperans, habenas ad omnia vitia amplectenda laxaret.

14. — Præterea satagat prudens confessarius hujusmodi pœnitentibus regulas potiùs generales, quàm particulares præscribere; regulis enim particularibus scrupulosi ferè nunquam se resolvere valent ad operandum; quia semper dubitant, an regula illa præscripta possit valere pro casu occurr-

rēnti, qui sēpē videbitur ei differens à casu prāteritō cum confessario collato. Hinc rectē ait *Concina* (*Compendium theol. l. 1. dissert. 1. c. 6. n. 7.*): *Acceptis semel regulis directionis, non debent* (pœnitentes) *importunē directorem adire, et molestissimis interrogationibus vexare: sed regularum, quas acceperunt, beneficio abigere scrupulos debent.*

15. — Tripliciter autem scrupulosi ut plurimū à scrupulis vexantur. Alii anguntur à pravis cogitationibus, quibus assentiri sēpē timent. Alii propter confessiones prāteritas, quibus satis numquam fecisse dubitant. Alii propter timorem peccandi in qualibet operatione, quam acturi sunt. Hinc 1. pœnitenti, qui pavet cuilibet malæ cogitationi (putā contra fidem, castitatem, aut charitatem) assensum præbere, imponat confessarius, ut hujusmodi scrupulos omninō despiciat, affirmans non pravas cogitationes, sed tantū pravos consensus esse peccata. Et in hac materia non omittat semper uti regula illa à doctoribus sapienter tradita; nempe eos qui sunt timoratae conscientiae, nisi moraliter certō sciant se in grave peccatum consensisse, immunes à peccato esse judicandos; nam, ut ait *P. Alvarez*, impossibile est peccatum in animam ab illo abhorrentem ingredi, quin ab ea clarē agnoscatur. Quade re sēpē expediet scrupulosis expressē imponere, ut à confessione hujusmodi cogitationum se abstineant, nisi tam certō sciant, se in illas consensisse, ut id jurare possint.

16. — II. Pœnitenti, qui semper anxius est de prāteritis confessionibus, quia formidat defecisse in integritate, vel in dolore, si ipse generalem confessionem jam aliās expleverit, aut per aliquod notabile tempus confessiones suas diligenter peregerit, huic imponat, ne ampliū cogitet de culpis prāteritis, nec de iis verbum faciat in confessione, nisi jurare possit certō peccata illa mortalia perpetrasse, et insuper numquam de illis confessum esse. Imō docent *Azor. Bonac. Becan. Coninch. Layman, et alii*, quōd aliquando potest quis taliter scrupulis angī, quōd licet ei videatur certō aliqua non dixisse, adhuc ad ea confitenda non teneatur. Confirmat id *Wigandt* appositē scribens: *Minimē audiendum scrupulosum, qui vellet repetere confessiones; nam dato, quōd aliqua peccata non sit confessus, tamen ob grave suum damnum, et ob periculum perpetuō hærendi in tanta anxietate, excusatur ab integritate confessionis.* In hoc autem vehementer instet con-

fessarius , ut ei pœnitens obediat : quòd si obedire rectisset , eum objurget , communione privet , et quantum potest duri-
tiam ejus retundat. Cum scrupulosis obedientibus blandè agen-
dum est ; cum iis autem qui in obedientia delinquant , maxi-
mus exercendus est rigor , et austeritas : hæc enim obedientiæ
anchorâ destituti numquam ipsi sanari possunt.

17. — III. Illis denique scrupulosis , qui in omni actione
peccare formidant , imponat , ut liberè agant , scrupulosque
despiciant , et contra illos operentur , ubi evidens peccatum
non apparet ; quia ordinariè ipsi ob rationem perturbatam ex
nimio timore timent adesse peccatum , ubi non est. Ideo opor-
tet eis præcepto injungere , ut scrupulos vincant , ne amentes ,
aut omninò inutiles ad operandum evadant ; et postea de tali-
bus actionibus abstineant in confessione se accusare , licèt enim
aliquando errent sic agendo , tamen non peccant ratione obe-
dientiæ , quam confessario præstare debent. Imò sapienter
docent *Sanchez in decal. l. 1. c. 10. n. 81. cum S. Antonin. Gerson. Valent. Corduba, etc. Item Salmant. tr. 20. cap. 7. punct. 2. n. 10. cum Cajet. Navar. Castrop. Bonac. Filliuc. etc.* dicunt scrupulosum teneri aliquando obligatione gravi ad-
versus scrupulos operari , cùm ex scrupulorum anxietate possit
grave damnum timere in profectu spirituali , aut in valetudine
corporis , vel mentis.

18. — Nec refert , quòd ipse cum conscientia scrupulosa , seu
cùm actuali timore peccandi operetur ; nam ex communi et
verâ sententia , quam docent *Conc. tom. 2. l. 2. de consc. diss. 1. c. 8. n. 15. Ronc. eod. tit. c. 4. q. 2. Anacl. eod. tit. qu. 5. n. 72. S. Anton. 1. p. tit. 3. c. 10. §. 10. Salm. tr. 20. c. 7. n. 10. cum. Nav. Cajet. Bonac. et aliis plurimis* , scrupulosus ita
agens minimè peccat. Ratio , quia conscientia scrupulosa , seu
dictamen mentis ex scrupulis ortum , non potest auferre assen-
sum de actionis honestate priùs efformatum ex confessarii ju-
dicio , vel alio modo ; nam , ut ait *P. Concina : Dubium sus-
pendit assensum , secus verò scrupulus , utpote à dubio distin-
ctus. Scrupuli ergo sunt quædam animi nubeculæ , quæ obscu-
rare aliquantulum possunt judicium intellectus , nullo tamen
modo illud præfocare valent.* Idque præsertim valet , si urget
obedientia confessarii agendi contra scrupulos , ubi evidenter
culpa non cernitur , ut habetur ex *cap. Inquisitioni 44. de
sent. excom.* ubi securum declarat Pontifex , qui pastoris sui

consilium sequendo scrupulos abjicit ; sic enim ibi dicitur : *Ad sui pastoris consilium (conscientia levis et temerariæ credulitatis explosa) licet potest agere.* Nec officit textus ab aliquo allatus in cap. *Per tuas 33. de simon.*, ubi Pontifex præscripsit cuidam habenti conscientiam nimis scrupulosam , ne ascenderet ad ordines superiores , nisi conscientia illa prius deposita. Nam respondetur , ibi non agi de mero scrupulo , verum etiam de errore , quo tenebatur ordinandus , ut explicat Glossa : *Conscientiam habebat erroneam.* Et sic etiam exprimitur in textu : *Nisi deponat errorem.*

19. — Hinc pro praxi concludendum , scrupuloso præ oculis semper obedientiam habendam esse , ut scrupulorum suorum timorem fortiter abigens , liberè operetur. Nec opus est , ut in quolibet particulari actu hoc iudicium efformet , nempe quòd scrupulos contemnere debeat ex præcepto confessarii ; satis enim est , quòd ex iudicio prius formato contra scrupulum agat ; quia propter experientiam præteritam in ejus conscientia iudicium illud virtualiter sive habitualiter existit , licet tenebris obscuratum. Tantò magis quòd , cum scrupulosus in illa confusione operatur , non certè operatur cum conscientia formata et deliberata , quæ requiritur quidem ad constituendum peccatum , ut rectè scribit *Joannes Gerson (Tract. de consc. et scrup.)* his verbis : *Conscientia formata est, quando post discussionem et deliberationem ex definitiva sententia rationis iudicatur , aliquid faciendum , aut vitandum ; et contra eam agere est peccatum. Timor verò seu scrupulus conscientiae est, quando mens inter dubia vacillat , nesciens ad quid potius teneatur ; non tamen vellet omittere quod sciret esse placitum divinae voluntati ; et contra istum timorem seu scrupulum facere non semper est peccatum , licet periculosum valde sit* (intellige nisi timor contemnatur ut vanus , maxime si accedat directorum consilium) ; ideo addit *Gerson : et quantum fieri potest, abjiciendus et extinguendus.* Hinc idem *Gerson (Cons. 6.)* sic scribit : *Scrupulosis contra scrupulos agendum est , et fixo operis pede certandum. Scrupulos compescere melius quam per contemptum nequimus , et regulariter non absque alterius , et praesertim superioris consilio. Alioquin timor immoderatus , aut inconsulta praesumptio praecipitat. Denique pro scrupulosis Natalis Alexander ait servandam esse regulam illam à B. Alberto Magno , et à S. Antonino traditam : Inter*

duram; et benignam sententiam circa præcepta, benigna interpretatio cæteris puribus facienda est. Dicendum remanet de conscientia dubia, et probabili. De his in sequentibus duobus capitibus scorsim disseremus.

CAPUT II.

De conscientia dubia.

- 20 *Quænam sit conscientia dubia? Quodnam sit dubium positivum et negativum?*
- 21 *Quodnam dubium speculativum, et practicum?*
- 22 *Numquam licet operari cum conscientia practice dubia.*
- 23 *De eo qui scit aliquid esse malum, sed dubitat, an sit grave, aut leve.*
- 24 *Quid debeat agere, qui est practice dubius?*
- 25 *An liceat operari cum conscientia speculative dubia?*
- 26 *De pluribus principiis reflexis, ex quibus formari potest conscientia practice certa.*
- 27 *De lege dubia, vel dubie promulgata: et de lege certa dubie abrogata.*
- 28 *De voto dubie emisso; et de voto certe emisso, et dubie impleto.*
- 29 *Quid de eo, qui judicat probabiliter implere votum?*
- 30 *Quid si quis opus voti jam præstitit, sed voti immemor?*
- 31 *An subditus teneatur obedire superiori in re, quæ est dubie mala?*
- 32 *Dubia de diversis rebus.*
- 33 *Quid in dubio de valore matrimonii? Remissivè ad lib. 6. n. 903. et 904.*
- 34 *Quid in dubio de solutione, si debitum est certum?*
- 35 *Quid in dubio de debito, si quis rem possidet bona fide?*
- 36 *Quid si contra possessorem urgeat ratio probabilis, et nulla pro ipso?*
- 37 *Quid si possessor, superveniente dubio, neglexerit inquirere veritatem?*
- 38 *An possit Eucharistiam accipere, qui dubitat, an aliquid cibi vel potûs deglutiverit?*
- 39 *Quid si dubitat, an deglutiverit ante vel post mediam noctem?*

20. — **C**ONSCIENTIA dubia est ea, quæ suspendit assensum pro utraque parte dubii, remanetque anceps, et hæsitans. Dividitur autem conscientia dubia in practice dubiam, et speculative dubiam. Dubium verò dividitur in negativum, et

positivum. *Negativum* est, quando ex neutra parte occurrant rationes probabiles, sed tantum leves. *Positivum* est, quando pro utraque parte, vel saltem pro una adest grave motivum, sufficiens ad formandam conscientiam probabilem, licet cum formidine de opposito; idèd dubium positivum ferè semper coïncidit cum opinione probabili, de qua in *capite sequenti* loquemur.

21. — Deindè dividitur dubium in *speculativum*, et *practicum*. *Speculativum* est, quo quis dubitat de rei veritate, v. g. an bellum aliquod sit justum, vel injustum: an pingere die festo sit opus servile, vel liberale: an baptismus cum aqua distillata sit validus, aut nullus, et similia. *Practicum* autem dubium est, quo dubitatur de rei honestate, v. gr. an licet mihi in tali bello dubiè justo militare: an hac die festiva pingere: an hunc puerum aquà distillatà baptizare. Semper itaque distinguendum verum à licito; dubium enim *speculativum*, licet in obliquo, et potius consequenter respiciat licitum, tamen in recto, et principaliter *speculativum* respicit verum, *practicum* autem respicit licitum.

22. — His positis, dicimus I. numquam esse licitum cum conscientia practicè dubia operari; et casu quo aliquis operatur, peccat, et quidem peccato ejusdem speciei et gravitatis, de quo dubitat; quia qui se exponit periculo peccandi, jam peccat, juxta illud: *Qui amat periculum, in illo peribit. Eccli. c. 3. v. 27.* Quare si dubitat, an illud sit mortale, mortaliter peccat.

23. — Quid si sciat quis, aliquid esse malum, sed dubitat, an sit mortale, aut veniale, et cum tali dubio operatur? Alii censent hunc peccare graviter vel leviter, prout in specie objectum peccati est grave, aut leve. Ita *Vasquez, Sanchez, etc.* Alii cum *Azor. Bonac. Castropal. etc.* putant semper peccare graviter. Alii tandem cum *Navar. Valent. Granad. et aliis plurimis* satis probabiliter tenent tantum venialiter peccare, si homo illè minimè advertit nec etiam in confuso ad periculum graviter peccandi, neque ad obligationem rem examinandi, et modò objectum non sit certè per se peccatum grave: adderem, modò etiam homo sit timoratæ conscientiæ.

24. — Qui igitur est practicè dubius circa aliquam actionem, debet utique priùs dubium deponere per principium certum, vel reflexum de honestate actionis illius, juxta id quod exponemus in dissertatione de usu opinionis probabilis; modò

homo ille sit sufficiens ad formandam sibi conscientiam practicè certam, et deindè potest operari. Si verò insufficiens sit (putà quia rudis), tenetur parochum, aut confessorium, vel alium pium ac doctum consulere, et juxta consilium agere. Qui verò dubius esset, sed omnibus ponderatis adverteret, dubium esse inane, hic benè potest (ut rectè scribit *Collet Continuator Tournely, de act. hum. c. 7. art. 4. de consc. dubia*) dubium suum deponere sine alia reflexione, et sic actionem exequi; tunc enim si malitia illius ignoratur, ignorantia illa est omninò involuntaria, utpote quæ studio superari non potest, prout docet Angelicus.

25. — Dicimus II. licitum esse operari cum conscientia speculativè dubia, semper ac operans per alias rationes, sive principia reflexa, judicat practicè actionem suam esse certè moraliter honestam. Aliæ enim (ut sapienter ratiocinatur Episcopus *Abelly*) sunt rationes, quibus judicamus de rei veritate, nempe de probabilitate, sive de dubietate alicujus opinionis, v. g. quòd bellum hoc sit probabiliter, aut dubiè justum: aliæ quibus judicamus de honestate actionis, scilicet quòd in hoc bello, imperante principe, liceat subdito præliari, juxta doctrinam *S. Augustini* suprà allatam in *cit. can. Quid culpatur*. Quòd autem ex principiis reflexis possit benè formari conscientia moraliter certa de honestate actionis, clarè patebit infrà ex dissertatione opinionis probabilis, quam in fine hujus tractatus afferemus. (1)

26. — Horum principiorum principalissimum est illud, quòd *Lex dubia non potest certam inducere obligationem*. Veritas hujus principii (quod non negatur neque ab ipsis rigidæ sententiæ fautoribus) evidenter in dissertatione mox enunciata probabitur. *Vide ibi dicenda*. Ex hoc autem primo efformatur secundum illud principium: *Melior est conditio possidentis*. Quoties enim lex dubia minimè ligat hominem, homo utique remanet solutus, et liber ab obligatione legis, eoque casu licitè potest uti suà libertate, quam verè possidet, cùm lex est dubia; ait enim *S. Thomas*: *Illud dicitur licitum, quod nulla lege prohibetur*. In 4. sent. dist. 15. q. 2. art. 4.

(1) Vide infrà n. 55. et 69.

ad 2. Hoc autem secundum principium, licet aliqui illud infirmare conentur, dicentes quoddam valet tantum pro foro, vel tantum in materia justitiæ; ego tamen nescio, quomodo in omnibus negari possit. Quæstio tantum esse potest, an in quolibet dubio morali possideat lex, aut libertas. Antiprobabilistæ dicunt, semper legem possidere; nos verò dicimus, aliquando possidere legem, aliquando libertatem, nempe cum lex non est adhuc promulgata. Hæc (dico) quæstio est, sed nemo negare potest principium, meliorem semper esse possidentis conditionem. Casu igitur quo possidet lex, pro ea standum est; si verò possidet libertas, standum pro libertate. Ad dignoscendum autem, pro qua parte in dubiis stet possessio, videndum pro qua stet præsumptio. Præsumptio verò stat pro ea parte, quæ non tenetur ipsa factum probare, sed onus probandi illud transfert in alteram: *Factum enim non præsumitur, nisi probetur*; quod est aliud principium approbatum à l. 2. de Probation. In dubio igitur factum non præsumitur, sed est probandum. Si verò factum est certum, puta si matrimonium certè est initum, et dubitatur, an ritè initum sit, aliud principium servari debet: *In dubio omne factum præsumitur rectè factum*. Sive: *In dubio præsumitur factum, quod de jure faciendum erat*. Sive: *Standum pro valore actus*.

27. — Ex præfatis inferitur 1. quoddam si lex est dubiè condita, vel dubiè promulgata, non obligat, quia possessio non stat pro ipsa, sed pro libertate. Idem dicendum, si dubitatur, an in lege promulgata comprehendatur vel ne aliquod onus; tunc enim non tenemur illud implere; quia pro illa parte, de qua lex est dubia, lex non possidet. Contrà verò, si lex est certè condita, et certè promulgata, et inde oritur dubium, an sit abrogata, vel revocata, aut dispensata, est observanda; quia tunc ipsa possidet. Sic etiam in dubio, an lex per se justa fuerit acceptata, etiam observari debet; quia præsumendum est, eam fuisse receptam ex illo alio principio: *In dubio præsumitur factum, quod de jure faciendum erat*.

28. — Inferitur 2. id quod de lege dictum est, dicendum esse etiam de voto; votum enim est instar legis particularis, quam homo sibi imponit. Hinc si quis dubitat, an emiseric votum, non tenetur illud implere, ut communiter docent Cabassutius, Theor. jur. l. 1. c. 8. n. 19. Suar. in 3. p. disp. 40. sect. 3. n. 15. Sanch. in dec. l. 1. c. 10. n. 36. Anacl. de

voto q. 2. concl. 3. Salm. eod. tit. tr. 17. c. 1. punct. 6. §. 2. n. 143. cum aliis innumeris. Sic pariter qui dubitat, an in voto emisso comprehendatur aliquid, vel non, non tenetur ad votum, quoad partem de qua dubitat: pro illa enim parte votum non possidet, ut habetur ex cap. Ex parte 18. de censibus, ubi, cum aliqui quædam vota emisissent, et postea dubitarent, an tenerentur ad majus, vel ad minus promissionis factæ, sancitum fuit teneri eos tantum ad minus; ideòque notat ibi Glossa: *In dubiis liberum est sequi, quod magis placuerit.* Contrà verò, si quis est certus de voto, et dubitat de satisfactione, tenetur quidem ad votum, quia tunc votum possidet.

29. — Dicunt tamen plures auctores, quòd si quis probabiliter judicat jam voto satisfacisse, an teneatur hoc non obstante illud implere? Negant plures AA., nempe *Roncagl. de præc. dec. c. 2. de voto q. 4. Salm. eod. tit. tr. 17. c. 1. punct. 6. §. 2. n. 143. cum Laym. Lugo de pœnit. disp. 16. n. 60. et alii*; quia (ut ajunt), cum obligatio legis eo casu sit dubia, fit dubia etiam legis possessio. Olim probabilem hanc opinionem putavi, ductus magis à probabilitate extrinseca, quàm intrinseca; sed re melius perpensa, nunc minimè illam probabilem censeo. Hinc oppositam dico tenendam cum *Concina tom. 3. diss. 2. de voto c. 4. n. 10. Antoine de relig. c. 3. de voto q. 3. Fill. Leandr. et aliis.* Ratio, quia, cum votum est dubiè emissum, rectè dicitur non adesse obligationem illud implendi, tunc enim possidet libertas; cum tamen votum est certum, libertas hæc ligata remanet ab obligatione voti, donec votum certè non sit impletum. Tum tantum prima sententia admitti posset, cum probabilitas esset talis, quòd præsumere faceret quadam certitudine morali, voto jam fuisse satisfactum. Quod autem diximus de voto, intelligendum est etiam de satisfactione pœnitentiæ sacramentalis (1).

(1) Hæc S. Alphonsi doctrina rectè cum distinctione intelligenda est. Habent enim verba: *probabilis satisfactio* duplicem sensum; dubium seu probabilitas versatur aut circa ipsam positionem actus præcepti vel voti, aut opere adimpleto, circa valorem actus positi. In primo dubio utique præceptum aut votum adimplendum est, cum adhuc possideat; in altero verò casu opus minimè repetendum juxta principium: *In dubio standum est pro valore actus.* Rem ita intelligendam esse clariùs patet infra ex l. 4. n. 700 in

50. — Si quis autem votum emisisset, et postea opus promissum jam præstitisset, immemor tamen obligationis ex voto contractæ, valdè probabiliter non tenetur opus illud iterum præstare, ut docent *Suarez de rel. l. 4. c. 26. n. 8. Laym. l. 1. t. 4. c. 4. n. 7. Sanch. dec. lib. 1. c. 13. n. 10. Bonac. de leg. q. 1. p. 10. n. 13. cum Azor. Less. et aliis communiter*. Hoc tamen procedit semper ac vovens certè judicare potest, quòd si memor voti fuisset, pro illius satisfactione applicasset opus illud: quod utique communiter præsumendum est; quisque enim generalem voluntatem habet priùs oneri ex obligatione debito faciendi satis, proindè opera supererogationis addendi.

51. — Infertur 3. quòd subditus, quamvis non teneatur obedientiam præstare superiori præcipienti in iis quæ sunt certè illicita, tenetur verò in iis de quibus dubium est, an sint licita vel ne; quia in dubiis standum est pro superiore possidente jubendi potestatem, quâ in dubio exspoliari nequit; ita communiter *Cajet. q. 169. art. 2. ad. 4. Contin. Tournely de præcip. statuum oblig. part. 2. cap. 2. art. 3. quær. 5. r. 2. et alii plures cum S. Antonin. S. Bonavent. Cabassut. Soto, etc.* Limitant verò *Sotus, Cont. Tourn. loc. cit., Less. Sanch. Salmant. etc.* communissimè quoties res præcepta esset valdè difficilis et molesta, nempe si subditus obediendo deberet se vel alterum exponere periculo gravis damni spiritualis, vel temporalis. Hæc fusiùs exponemus tractando de præceptis particularibus, *lib. 3. cap. 1. n. 47.*

52. — Infertur 4. quòd adolescens dubitans, an vigesimum primum annum expleverit, non tenetur ad jejunium. Dubitans

fine et ex Quær. I inter recentiores retractationes, ubi in solo dubio ipsius adimplentionis præceptum, votum, etc. repetendum esse asseritur.

Clarissimè verò ipse *S. Alphonsus* eandem quæstionem discutit in *Hom. Ap. tr. 5. n. 31* in cuius medio sic habet:

« Distinguendum dubium facti à dubio juris. Si quis emisit votum et deinde
 » dubitat, an facto illud impleverit, tenetur equidem implere; sicut certus
 » de debito et dubius de solutione, tenetur solvere; quia dubia solutio non
 » æquivalet debito certè contracto. Sed hic sermo est de jure circa factum,
 » nam sicut constat votum fuisse emissum, sic etiam constat jam impletum
 » fuisse opus promissum. Restat igitur dubium juris, an opere impleto de facto
 » et extante probabili satisfactione de jure, adsit obligatio satisfaciendi voto?
 » Et hic dicimus, quòd facta probabili satisfactione, obligatio juris evasit
 » dubia, et consequenter dubia etiam possessio illius; obligatio autem dubia,
 » quæ adhuc dubiè possidet, nequit inducere onus præstandi rem certam. »

Edit.

2..

verò, an pervenerit ad annum sexagesimum, quo completo, probabiliter homo deobligatur à jejuniò, ut dicemus *lib. 4. n. 1036.*, tenetur ad jejunium, quia tunc possidet jejunii præceptum. Idem dicendum de eo, qui dubitat de ætate requisita ad sacrum ordinem, vel beneficium suscipiendum; tunc enim stat possessio pro præcepto. Idemque dicendum de eo, qui est in sabbato, et dubitat, an transierit hora mediæ noctis; tunc enim nequit vesci carnibus, cùm adhuc possideat præceptum abstinentiæ. Secùs verò si quis dubitat de hoc in feria quinta, quia tunc post adhibitam diligentiam licitè potest edere carnes, cùm adhuc possideat libertas. Ita *Laym. l. 1. c. 4. n. 35. Sanch. de matr. disp. 40. et 41. Busemb. et alii plures.*

53. — Infertur 5. quòd si post matrimonium bona fide contractum supervenit dubium de valore illius, ante inquisitionem veritatis dubitans non potest petere, sed tenetur reddere, ex *cap. Dominus, de sec. nupt.*, quia conjux dubium ignorans adhuc possidet jus petendi. Post verò inquisitionem dubitans potest etiam petere; ut probabiliùs tenent *Soto, Habert, Wigandt, Roncaglia, Sanch. Salm. etc. Vide dicenda lib. 6. n. 903. et 904.*

54. — Infertur 6. quòd certus de debito, et dubius de solutione, tenetur solvere, ut communiter docent *Suar. Vasq. Lugo, et alii cum Sanch. in dec. l. 1. c. 10. n. 12.* Casu verò quo etiam creditor de suo jure dubitaret, censet *Layman l. 1. tr. 1. c. 2. Diana p. 4. tr. 3. r. 35. et Sporer de consc. cap. 1. n. 85. cum Tamburin.* debitorem teneri tantùm ad partem pro rata dubii. Subdit tamen *Layman*, quòd non auderet condemnare creditorem, si totum exigeret.

55. — Sed hic quæritur I. An possessor bonæ fidei, superveniente dubio, teneatur aliquid pro rata dubii restituere? Si dubium est æquale pro et contra, communis est sententia cum *Sanch. in dec. l. 1. c. 10. n. 9.* adversùs paucos, possessorem ad nihil teneri, ex *reg. 65. de reg. jur. in 6.* ubi legitur: *In pari casu melior est conditio possidentis.* et *reg. 128. In pari causa possessor potior haberi debet.* Sed quid, si rationes contra possessorem sint validiores?

Prima sententia dicit, quòd licèt ipse habeat rationem probabilem pro se, tenetur tamen in eo casu ad restitutionem pro rata illius majoris propensionis, quia conditio possidentis est

quidem melior in pari, non autem in dubio inæquali. Ita *Sanch. de matr. l. 2. disp. 41. n. 19. cum Coninch. Valent. et Ledesma apud Salm. tr. 13. de rest. c. 1. punct. 3. §. 3. n. 67.*

Secunda tamen communior et probabilior *sententia* docet ad nihil eum teneri, nisi moraliter constet rem esse alienam. Ita *Palaeus tr. 1. d. 3. p. 2. n. 11. Lugo d. 17. n. 93. Roncaglia de rest. c. 2. qu. 3. r. 2. cum Laym. Carden. Dicast. Tamb. Dian. Burg. et aliis apud Croix l. 3. p. 2. n. 563. Mazzot. de consc. c. 3. Sporer de consc. c. 1. sect. 4. n. 66. cum Molina et S. Aug. lib. de Fid. et op. c. 7. relato in can. Si Virgo, caus. 34. q. 1. qui ait: Possessor rectissimè dicitur, quamdiù se possidere ignorat alienum. Dum autem certò non constat (ait Sporer) rem esse alienam, tamdiù possessor ignorat se possidere alienum. Ratio præcipua hujus sententiæ est, quia per possessionem bonæ fidei acquiritur verum jus; possessio enim à juristis sic definitur: *Jus insistendi in re non prohibita possideri*. Quapropter dominium rei donec dubium est, possessor retinet jus insistendi; ita tamen ut ante diligentiam adhibendam ad veritatem assequendam, ipse tenetur rem servare; at post diligentiam, et veritate non assecuta, potest illam consumere, et etiam alienare, admonito rerum emptore de dubio vertente super re. Et propter hanc potissimam rationem *Sanchez in dec. dict. n. 9.* mutavit sententiam alibi defensam, et secundam est secutus. Etiam *Cardinalis Sfondratus, in reg. sac. 1. §. 20. n. 11.* dicit non esse procedendum contra possessorem, nisi ex certitudine. Hinc parùm probabile videtur id quod hic addit *Roncaglia de restit. c. 2. q. 3. r. 2.* nempe quòd si rationes possidenti faventes sint tantùm tenuiter probabiles, tunc ipse teneatur rem restituere, saltem quoad majorem partem; nam si contra possessorem rationes sint taliter probabilissimæ, ut fundent contra ipsum moralem certitudinem, tunc ipse tenetur totam rem restituere; si autem secùs, ad nihil tenetur (1).*

(1) Sæpissimè à *S. Alphonso* hic num. 35 in cursu hujus Operis citatur, ejus tamen materia non convenit cum præsentì, nec alicubi ex ordine invenitur tractata. Ratio diversitatis hæc est: S. Auctor tractatum de conscientia in posterioribus editionibus omninò immutavit, quin citationes numerorum in aliis tractatibus correxerit. Optimum esse itaque duximus, ex edit. Rom. 1757. numerum 35 in Opere frequenter, uti l. 4. n. 521. 544. 999. 1001 etc. et *quæst. I. reform.*, laudatum, hic ex integro in forma notæ adducere:

N. 35. « Sic etiam defenditur sententia, quòd in compensatione, licèt regulè lariter fieri compensatio debeat, nisi creditum sit liquidum: attamen

36. — Quæritur II. Quid si contra possessorem adsit ratio probabilis, et nulla pro ipso?

Prima sententia tenet, quòd si ratio illa probabilis generat assensum opinativum unicum, quòd res sit aliena, ita ut possessor nullum habeat assensum, quòd res sit sua; tunc tenetur restituere. Secùs si adhuc probabiliter putaret rem esse suam. Ita *Sanch. dec. l. 1. c. 10. n. 9.* citans *Vasquez, Palaus tom. 1. tr. 1. disp. 3. p. 2. Renzi de 7. præc. c. 3. sect. 2. q. 15.*

» docent DD. quòd in aliquibus casibus potest fieri tantum cum probabilitate
» crediti, si adsit probabilitas juris, ut tenent *Salm. de rest. c. 1. n. 319 et*
» 320 ubi vocant hanc probabilitatem juris probabilitatem proximam.

» Hinc 1. probabile dicunt posse diffamatum pecunia sibi compensare famam ablatam à diffamante, cum probabile sit, diffamantem teneri eum pecunia compensare famam ablatam, si nolit vel nequit famam restituere.

» Ita probabile putat *Lugo de just. d. 16. n. 95. et 96. cum Tanner. Dian. et Salm. n. 321. cum Tamb. Less. Mol. Arag. Led. etc.*

» 2. Probabile esse dicunt *Salm. eod. n. 321. cum Bon. Robell. Sylcio, Dicast. Vill. item Lugo n. 95.* diffamatum ab alio, quem ipse infamavit, posse uti compensatione, sequendo opinionem probabilem id asserentem quoad restitutionem; saltem ut ait *Dicast. apud Croix l. 3. p. 2. n. 455.*

» excusatur is à fama restituenda, donec fama ei ablata ab altero restituatur.

» 3. Probabile etiam esse dicunt *Salm. l. c. cum. Les. Mol. Gran. etc. cum Lugo l. c. legatarium ex testamento non solemniter posse compensare legatum sibi relictum.*

» Et quare in his casibus et non in aliis possit fieri compensatio cum probabili? Respondent *Salm. hic n. 323.* quia in his casibus dicti DD. putaverunt habere rationes speciales, quas ipsi dicunt nescire, ideoque acquiescunt probabilitati extrinsecæ præfatorum AA. classicorum. Sed in eodem tractat. *de rest. c. 4. n. 148.* rationem produunt, dicentes, quòd cum DD. dicunt neminem posse sibi compensare creditum quòd non est certum, intelligunt loqui in eo casu, quo ipsum creditum est dubium, non autem quando creditum est certum et dubium versatur tantum circa modum satisfactionis, an possit ille satisfacere sibi per compensationem vel aliter, quia tunc bene potest uti opinione probabili circa modum. Ita *Salm. et Lugo d. 16. n. 47. ex Suar. et Sanch.*

» Attamen *Croix l. 3. p. 1. n. 962.* omninò negat in tribus casibus suprà relatis posse fieri compensationem, cum nemini liceat compensare creditum nisi certum. Ego autem, ut fatear quid sentiam, dico quòd in primo casu compensationis famæ cum pecunia sequor quòd tenet *Croix*..... In secundo autem casu probabilius mihi videtur non teneri detractorem famam restituere, donec sua fama ipsi restituatur, cum ibi suum jus non solum sit certum sed etiam in eodem genere, saltem si diffamatio ex utraque parte sit ejusdem speciei. In tertio casu non valeo acquiescere relatæ opinioni, gravissima enim est sententia (licet alii probabiliter etiam contradicant) quòd ex testamento nullo nullum jus acquiratur, ut tenent *Mol. Lugo, Vasq. Sanch. Salm. etc.* Ideo cum jus legatarii sit prorsus incertum; nescio quomodo possit ipse compensare adversus hæredem possidentem. »

Tamb. dec. lib. 1. c. 3. 5. 7. verb. Restitutio, n. 7. Viva opusc. de consc. dub. q. 2. art. 1. n. 8. in fin. ubi dicit, quòd cùm possessor habet rationem probabilem contra, et nullam pro se, tunc habet moralem certitudinem, quòd res sit aliena.

Secunda sententia, quam tenet Salas 1. 2. q. 21. tr. 8. disp. unic. sect. 23. n. 251. dicit quòd adhuc, quando rationes pro contraria parte assensum generant; modò non convincant, nec assensus sit certus moraliter, sed merè opinativus, includens formidinem, quæ necessariò in opinione includitur, tunc possessor potest rem retinere, quia possessio præponderat omnibus rationibus non convincentibus.

Præfatæ opiniones videntur sic posse conciliari. Certum est, quòd legitima possessio cuique tribuit jus certum rem retinendi, donec non constet de jure alterius, ut dicunt communissimè *Palaus, Laym. Sporer, et alii cit. ut sup. cum Croix dicto n. 563.* Et ipse *Viva loc. cit.* id concedit, dicens quòd *possessio bonæ fidei parit jus certum, quod prævalere debet juri probabili, et non moraliter certo alterius.* Ratio est, quia possessio legitima fundat de se præsumptionem certam de justitia possessoris, ut dicunt *Wigandt exam. 3. de consc. et Lugo de just. d. 17. n. 94.* Ergo etiamsi adsit iudicium probabile contra possessorem, et nulla probabilitas illi assistat, adest tamen præsumptio orta ab ipsa possessione, quæ tribuit ei jus certum, quod nequit superari, nisi à jure certo alterius per rationes certas convincentes.

Quapropter prima sententia dicens, quòd possessor teneatur restituere, quando habet assensum opinativum contrarium, et nullum pro se, sanè est intelligenda, quando possessio esset ex aliqua parte infirma, utpote dubia, vel incepta cum dubia fide, ita ut nulla legitima præsumptio ex ea oriri videatur pro possessore; tunc enim verè nulla probabilitas ipsi assisteret, unicumque iudicium opinativum tunc ipsa haberet rem esse alienam. Secus verò, si haberet possessionem certam ac legitimam bonæ fidei; quia tunc sola possessio, etiamsi nulla alia ratio ei suffragaretur, præberet illi jus certum, quod superari non potest nisi à rationibus certis oppositis, non autem ab opinione probabili, quæ necessariò formidinem includit. Et hoc clarè innuit *Lugo loco citato*, ubi ait, possessionem de se parere præsumptionem prævalentem pro possessore, ne ipse sit privandus, donec non constet de jure alterius per pro-

bationem superantem præsumptionem possessionis. Undè rectè concludit *Croix lib. 1. n. 501.* quòd licèt pro possessore non sit probabile argumentum, si tamen pro petitore non sit argumentum nisi probabile, possessor adhuc licèt retinet, quia possessio est jus certum retinendi, contra quod non prævalet nisi certitudo. Hoc idem dicitur pariter de matrimonio probabiliter nullo. *Vide l. 6. n. 904.*

57. — Queritur III. Quid si possessor bonæ fidei, dubio superveniente, negligat culpabiliter diligentiam adhibere, sed postea non possit verus dominus amplius adinveniri? *La-Croix lib. 3. p. 2. n. 564. Ronc. l. cit. et Salm. tr. 13. de restit. c. 1. punct. 3. §. 3. n. 64. cum Sanch. Less. etc.* dicunt tunc possessorem teneri rem restituere pro rata dubii. Contrà verò *Palaeus tom. 1. tr. 1. d. 5. p. 2. n. 9. Bonac. de contr. d. 1. q. 2. p. 2. n. 8. Tamb. de consc. c. 3. v. Restitutio, n. 9. cum Diana et Regb.* probabile putant quòd possessor, quamvis peccarit mortaliter, diligentiam omittendo, tunc tamen ad nihil tenetur, cum ex una parte damnum illatum sit dubium, et ex alia jus possessionis bonâ fide acquisitum ipse adhuc retineat. Verius autem censeo dicendum, quòd talis possessor teneatur aliquid restituere (vel domino, vel pauperibus, si dominus sit incertus). Ratio est, quia cum ipse culpabiliter dominum privarit spe, quam dominus ad rem habere poterat, et illa spes erat quidem pretio æstimabilis, jam damnum certum est illatum domine, qui spem illam etiam certè possidebat. Puto tamen non esse faciendam restitutionem pro quantitate dubii, ita ut, si rationes ex utraque parte essent æquales, res sive ejus pretium pro medietate sit restituendum, sed minus, et fortè valdè minus; quia illa spes domini non poterat æstimari pro medietate valoris rei, sed multò minoris, stante æquali probabilitate rationis ex una parte, et certo jure possessionis ex alia, quæ possessori favebat, et adhuc favet: possessio enim rei multò quidem majoris æstimatur, quàm possessio spei.

Notat autem I. *Tamb. l. c. n. 7. cum Villal. et aliis*, quòd si possessor incipiat dubitare per rationes probabiles, tenetur quidem inquirere veritatem, secùs verò si dubitaret per rationes tantùm tenues. Notat II. *Croix l. 3. p. 2. n. 562. cum Vasq. Laym. Pal. Sanch. Mol. etc.* et non improbable putat *Ronc. diet. q. 3. r. 1.* quòd cum possessor (etiam qui cum dubio incœperit possidere) rem habuerit à possessore bonæ fidei, si postea dili-

gentia fit impossibilis, nihil tenetur restituere; ipse enim in omne jus illius legitimè tunc succedit.

38. — Quid denique dicendum in dubio, si aliquid cibi vel potùs deglutiveris, an possis tunc Eucharistiam accipere? Negant Sanchez lib. 2. de matr. disp. 41. n. 40. Roncaglia de Euchar. c. 3. qu. 6. et Salmant. eod. tit. tr. 4. c. 7. punct. 4. n. 69. cum aliis; tum quia (ut ajunt) legi certæ non communicandi sine jejunio non satisfacit per dubiam satisfactionem; tum quia id videtur gravi irreverentiâ non carere. Alii tamen, ut de Lugo de Eucharistia disp. 13. n. 43. Castropal. disp. 3. punct. 8. n. 9. Laym. l. 1. tract. 1. c. 3. n. 36. Diana tom. 2. tr. 4. de sacrament. resol. 29. La-Croix l. 6. part. 1. n. 376. Sporer de sacrificio missæ cap. 6. n. 274. cum Sa, Carden. Med. Gobat. Boss. et aliis dicunt, in tali dubio benè te posse communicare. Ratio horum est, quia lex jejunii non est positiva, ita ut præcipiatur jejunium tamquam requisitum absolutè necessarium ad communicandum; sed est prohibitiva, qua prohibetur quisque accedere ad communionem, si aliquid cibi aut potùs sumpserit, ne jungatur terrenus cibus cum divino. Id enim, ait Lugo loc. cit. constare ex conc. Bracharensi II. can. 10. ubi prohibetur, ne aliquis, quocumque cibo præsumpto; oblationem consecret in altari. Item in conc. Toletano VII. can. 2. habetur: Nullus post cibum, potumque quemlibet minimum sumptum missam facere præsumat. Item in concilio œcumenico Constantiensi sess. 13. §. In nomine Sanctæ, etc. dicitur: Sacrorum canonum auctoritas, et approbata consuetudo Ecclesiæ servavit, et servat, quòd hujusmodi sacramentum non debet confici post cœnam, nec à fidelibus recipi non jejunis, nisi in casu infirmitatis, aut alterius necessitatis à jure, vel Ecclesia concessio, vel admissio. Ita apud Lugo loco cit. n. 18. et 19. Posito igitur, quòd lex jejunii est prohibitiva, nempe ne quis communicet post cibum sumptum, probandum est factum jejunii fracti, ut quis communicare prohibeatur. In dubio autem an factus sit casus, quo vigeat prohibitio legis, non tenetur is abstinere à communione, dum adhuc tunc possidet sua libertas; præcepto enim Ecclesiæ, inquit Lugo, ne quis communicet post cibum, non adversatur, qui facto examine non scit se aliquid sumpsisse. Licet igitur in dubio de fractione jejunii, ille communicat, etenim cùm ipsi eo casu tantum vetita esset communio, quo jejunium fregisset, benè

possidet libertas communicandi, usquedum de fractione non constat. Ratio hæc non videtur contemnenda ut futilis: saltem eo casu lex prohibens communionem non videtur certa, et tamquam dubia non obligat, juxta dicenda n. 55. et seq. Ad secundam autem rationem irreverentiæ oppositam respondent, non censi irreverentem, qui utitur jure suæ libertatis, maximè si ex devotione ad communionem accedit.

59. — An autem idem dicendum, quòd possit communicare, qui dubitat, an post mediam noctem cibum, aut potum sumpserit? Negat *Lugo*, quia (ut ait) cum quis scit se comedis, et dubitat an comederit post mediam noctem, videtur ipsi incumbere onus probandi, post mediam noctem non comedis. Sed pace tanti viri dicimus, quòd ratio suprà adducta, quòd lex sit prohibitiva, non positiva, si valet pro primo casu, valet etiam pro secundo; prohibitio enim est non communicandi illis, qui aliquid sumpserint post mediam noctem; si ergo, ne ipsi communicare possint, probandum est factum, quòd aliquid sumpserint, probandum est etiam factum, quòd sumpserint post mediam noctem. Cæterùm affirmativam sententiam tenent alii DD. suprà citati, quibus accedit doctus *P. Eusebius Amort Theol. tom. 2. disp. 5. qu. 4.* ubi inquirens, an comedens in dubio, utrùm jam sonuerit hora duodecima noctis, possit sequenti die communicare? Sic respondet: *Potest communicare, quia melior est conditio possidentis, quandiù in contrarium non dantur præsumptiones tam fortes, ut operans probabiliùs credat jam sonuisse duodecimam.*

CAPUT III.

De conscientia probabili.

- 40 Quæ sit conscientia probabilis. Quotque enumerentur diversæ probabilitatum species?
- 41 Quænam sit probabilitas facti, et quænam juris?
- 42 Numquam licet uti probabilitate facti cum periculo damni alterius.
- 43 Quamnam opinionem sequi teneamur in materia fidei?
- 44 Quamnam opinionem sequi debeat medicus?
- 45 An possit uti remedio minùs tuto?

- 46 Quid si desperatur de salute infirmi?
 47 Quamnam opinionem debeat sequi iudeus?
 48 Quamnam minister in collatione sacramentorum?
 49 Quid si adsit necessitas?
 50 An liceat uti opinione probabilis quoad contrahendum matrimonium, et quoad jurisdictionem confessarii, casu quo præsumitur suppleri ab Ecclesia? De hoc vide dicenda lib. 6. n. 573. et dicenda de Errore communi n. 572.
 51 An quod dicitur de administratione sacramentorum circa usum sententiæ tuta, idem dicendum sit de susceptione sacramentorum?
 52 Quid si venator dubitat, an animal feriendum sit fera, vel homo?
 53 An liceat uti opinione probabilis probabilitate juris? De opinione tenuiter probabilis.
 54 De opinione probabilissima.
 55 Dissertatio de usu moderatæ opinionis probabilis, usque ad num. 89.

40. — CONSCIENTIA probabilis est, quæ quis innixus aliquâ opinione probabilis, format sibi practicum dictamen rationis ex certis principiis reflexis, sive concomitantibus ad licitè operandum. Hic tamen advertendum diversas dari probabilitatum species: alia enim est opinio tenuiter probabilis, alia probabilis, alia probabilior, alia probabilissima, alia certa moraliter, alia tuta, alia tutior. Opinio tenuiter probabilis est, quæ aliquo fundamento nititur, sed non tali, ut valeat assensum viri prudentis ad se trahere; hæc autem opinione nequimus licitè uti ex propos. 3. proscripta ab *Innoc. XI.* quæ dicebat: *Generatim dum probabilitate sive intrinseca sive extrinseca, quantumvis tenui, modò à probabilitatis finibus non exeatur, confisi aliquid agimus, semper prudenter agimus.* Probabilis est, quæ gravi fundamento nititur, vel intrinseco rationis vel extrinseco auctoritatis, quod valet ad se trahere assensum viri prudentis, etsi cum formidine oppositi. Probabilior est, quæ nititur fundamento graviori, sed etiam cum prudenti formidine oppositi, ita ut contraria etiam probabilis censeatur (1). Probabilissima est, quæ nititur fundamento gravissimo,

(1) Ut modò infrà ex n. 55 et 56 patet, *S. Alphonsus* ipsam opinionem probabiliorē in parū probabiliorē et in notabiliter seu certè probabiliorē dividit. Attendat itaque lector, ne unquam hanc summi momenti distinctionem prætermittat, nec miretur, quòd v. g. auctor quin sibi contradixisse censendus sit, in *Hom. Ap.* sæpè aliquam opinionem, probabiliorē nominet, quæ in

quapropter opposita censetur vel tenuiter, vel dubiè probabilis; hæc autem opinione semper licitè utimur, ut constat ex propos. damnata ab *Alexandro VIII.* quæ dicebat: *Non licet sequi opinionem vel inter probabiles probabilissimam.* Opinio sive sententia moraliter certa est, quæ omnem prudentem formidinem falsitatis excludit, ita ut opposita reputetur omninò improbabilis. Opinio demùm tuta est, quæ recedit ab omni peccandi periculo. Tutior verò, quæ magis à tali periculo recedit, tametsi rationibus firmioribus non nitatur.

41. — Deindè advertendum, aliam esse probabilitatem facti, aliam juris. Probabilitas *facti* est quæ versatur circa rei veritatem, sive rei substantiam, nempe an sacramentum cum tali materia collatum, sit validum, aut nullum: an contractus cum tali pacto initus, sit usurarius, vel ne. Probabilitas autem *juris* versatur circa honestatem actionis, id est, an liceat sacramentum cum tali materia conferre: an contractum cum tali pacto inire (1).

42. — His positis, dicimus numquam esse licitum uti opinione probabili probabilitate *facti* cum periculo damni alterius, aut suiipsius; quia hujusmodi probabilitas minimè aufert periculum damni; si enim opinio illa est falsa, non evitabitur proximi, aut operantis damnum; nam si exempli gratià baptismus cum saliva collatus reverà est nullus, ita ut infans sine baptismo remaneat, probabilitas in oppositum non potest utique efficere, ut sit validus.

hæc magna Morali ipsi tantùm probabilis est, cùm opiniones parùm probabiliores essentialiter non diversæ sint à merè probabilibus.

Relationes oppositionis variarum sententiarum probabilium juxta mentem auctoris hæc sunt:

Probabili contradictoriè opponitur probabilis, valdè probabilis;	
Probabili (sc. parùm)	» minus probabilis, probabilis;
Probabili (sc. notabiliter)	» tenuiter aut dubiè probabilis;
seu certè)	
Probabilissimæ	» improbabilis, non probabilis.
Certæ	
Veræ seu veriori }	

Præterea notandum, quòd ea sola opinio auctori probabilis sit, quam ipse probabilem vocat. Opinio, quam neque probabilem neque improbabilem appellat, judicio aliorum subjicit. Idem dicendum de probabiliori. Confer monitum auctoris ad lectorem, *Hom. Ap. tr. 1. n. 31.* necnon varias ipsius epistolas.

(1) Confer lib. 4. n. 700 ejusque adnotationem.

43. — Hinc inferitur 1. non esse licitum in materia fidei , et in omnibus ad æternam salutem necessitate medii spectantibus , sequi opinionem nec minùs probabilem (ut ineptè dicebat propos. 4. ab *Innoc. XI.* proscripta) neque probabiliorē ; sed tenemur sequi sententiam tutiorem , ac per consequens amplecti debemus religionem magis tutam , qualis est procul dubio nostra catholica ; cùm enim quævis alia religio falsa sit , etiamsi aliqua videatur alicui probabilior , tamen amplectens eam , relictâ tutiori , nequaquam damnum suæ æternæ salutis effugiet.

44. — Inferitur 2. quòd medicus tenetur adhibere medicamenta tutiora infirmis profutura , nec potest uti remediis minùs probabilibus , relicto probabiliori , sive tutiori : in medicamentis enim probabilius est , quod est tutius pro sanitate infirmi.

45. — Sed dubitatur 1. Utrùm quando non apparet medicamentum certum , possit medicus uti remedio minùs probabili , probabiliori relicto ? Affirmant *Azor. Arag. Montes. Salas, etc. apud Salmant. de V. præc. decal. tr. 25. cap. 1. punct. 6. §. 2. n. 143.* Sed probabilius negant *Sanch. dec. l. 1. cap. 9. n. 41. et ipsi Salm. loc. cit. n. 144. cum Soto, Suar. et Bonac.*, quia medicus non solùm ex charitate , sed etiam ex justitia , ratione officii , et taciti contractus , tenetur providere meliori modo salutis infirmi , à quo stipendium accipit.

46. — Dubitatur 2. An quando desperatur de salute infirmi , possit medicus applicare illi remedia , quæ ipse dubitat , an prosint , vel obsint ? Certum est et commune 1. quòd si probabile sit , remedium fore profuturum , tunc potest , imò tenetur illud applicare , quando certius non habet. Vide *Salmant. loco cit. n. 150. in fine.* Certum est 2. non licere applicare infirmo etiam desperato remedium , de quo ignoratur , an sit salutare , vel noxium , ad experimentum faciendum super infirmo. Ita communiter *Salm. n. 148. cum Navar. Azor. Castrop. Salas, Perez, etc.* Ratio , quia illicitum est experimentum quærere cum periculo mortis infirmi , vel accelerationis illius. Certum est 3. cum *Sanch. l. c. n. 42. et Salm. n. 152. in fine* , quòd si remedium est dubiè profuturum , et certò non nociturum , omninò infirmo est applicandum. Quoad quæstionem autem duplex est sententia.

Prima negat, quia (ut suprà dictum est) numquam licet exponere infirmum periculo mortis, nec illam accelerandi; ita *Salmant. cit. c. 1. n. 150. cum Azor. Castrop. Sylv. Villal. etc.*

Secunda tamen *sententia*, quæ satis probabilis est, et fortè probabilior, eamque tenent *Sanch. dec. l. 1. c. 9. n. 59. cum Valent. item Busemb. l. 5. infrà n. 291. ad IV. et Bonac., Filliuc. Reginald. Bardi apud Salm. n. 149.* affirmat esse licitum, quia cùm de infirmo desperatur, conformius est prudentiæ, et voluntati infirmi (præsertim si ipse expressè in hoc consentiat) applicare illi remedium dubium, quàm illud omittere cum certitudine mortis. Idque ut certum habet *Antoine tract. de oblig. c. 7. agens de officio medici.* Notat præterea *Sanchez n. 42. cum Navarro*, quòd etsi medicus non potest contra suam opinionem auctor esse remedii, si tamen illud ab aliis doctoribus approbatur, et infirmus consentit, licitè potest eo uti.

47. — Infertur 3. quòd iudex tenetur judicare juxta sententiam probabiliorē; ipse enim tenetur ex præcepto divino, et humano jus suum cuique tribuere pro majori pondere rationum, quæ cuique favent. Hinc damnata fuit ab *Innoc. XI. propos. 2.* quæ dicebat: *Probabiliter existimo, iudicem posse judicare juxta opinionem minus probabilem.* Rectè verò advertit *Cardenas cum aliis*, quòd si reus est in legitima possessione rei controversæ, et habet pro se rationem probabilem, nequit iudex eum exspoliare, etiamsi actor probabiliores rationes pro se adducat; possessio enim legitima (ut diximus n. 35.) dat possessori jus certum rei retinendæ, donec constet de jure alterius. *Vide dicenda lib. 5. n. 212. Qu. II.* ubi id fusè probabitur.

48. — Infertur 4. quòd in collatione Sacramentorum nequit minister uti opinione nec probabili, nec probabiliori circa eorum valorem, sed tenetur sequi sententiam tutam, quæ est illa, quæ vel est tutior, vel moraliter certa. Constat id ex prop. I. ab *Innoc. XI.* proscripta quæ dicebat: *Non est illicitum in sacramentis conferendis sequi opinionem probabilem de valore sacramenti, relictâ tutiore, nisi id vetet lex, conventio, aut periculum gravis damni incurrendi.* Hinc *sententia probabilis tantum utendum non est in collatione baptismi, Ordinis sacerdotalis, vel episcopalis.*

49. — Dixi, nisi *adsit necessitas*; etenim in extrema necessitate benè uti possumus qualibet opinione non solum probabili, sed etiam tenuiter probabili pro valore sacramenti, ut rectè dicunt *Holzmann de bapt. a. 2. n. 97. Antoine de bapt. q. 1. Cuniliat. de sacr. in gen. c. 1. §. 3. n. 3. et alii communiter*, modò sacramentum conferatur sub conditione; quia conditio satis reparat sacramenti injuriam, si fortè invalidè conferatur, et contrà necessitas sufficiens et justa est causa sacramenti conditionatè conferendi. *Vide dicenda lib. 6. c. 1. de bapt. n. 103. v. Materia autem dubia, et de pœn. n. 482. in fin.*

50. — Dicunt autem plures AA. quòd licitè uti possumus opinione probabili, ubi præsimitur Ecclesia supplere; ut evenire potest in sacramento matrimonii ad convalidandum contractum probabiliter tantum validum, si fortè contractus ille est nullus ob impedimentum, quod Ecclesia supplendo aufert, et in sacramento pœnitentiæ ad supplendam jurisdictionem confessarii, si fortè illa desit. Hanc sententiam vocant communissimam *Viva in prop. 1. damn. ab Innocent. XI. n. 20. et La-Croix l. 6. n. 117. cum Suar. Less. Coninch. Regin. etc.* Imò *Sporer de consc. c. 1. n. 56. cum Dicast.* vocat moraliter certam; hancque testatur esse praxim totius Ecclesiæ *de Lugo disp. 19. n. 31. cum Arriaga, Suar. et Diana apud Carden. in prop. 1. damn. ab Innocent. XI. diss. 11. n. 166. et seqq.* Sed *vide lib. 6. n. 573.* ubi plura dicuntur circa jurisdictionem confessarii, quomodò et quando præsimitur ipsa suppleri ab Ecclesia. An autem, stante errore communi, semper Ecclesia suppleat jurisdictionem in sacramento pœnitentiæ, *vide ibid. n. 572.*

51. — Quæritur præterea, an quod dictum est de administratione sacramentorum, dicendum etiam sit de susceptione, ita ut nullus possit suscipere sacramentum cum opinione probabili?

Prima sententia affirmat, et hanc tenent *Carden. in prop. 1. damn. ab Innoc. XI. diss. 2. c. 3. n. 18. Viva sup. ead. prop. 1. et La-Croix l. 6. n. 105.* Ratio eorum, quia specialis reverentia debita sacramentis exposcit, ut ea non exponantur periculo frustrationis. Hinc dicunt ex præfata *prop. 1. damn.* quoad ministrationem, virtualiter damnari etiam quoad susceptionem, cum in utraque idem subsit periculum.

Secunda verò *sententia* negat, quam tenent *Pontius de matr. l. 4. c. 25. n. 9. Sanch. dec. l. 1. cap. 9. n. 33. cum Vasq. Salon. Syr. Perez, et aliis apud Card: n. 17. Item Spor. de cons. c. 1. n. 57. et Viva in sua Th. mor. de pœnit. q. 3. art. 3. n. 9. ubi videtur se revocare, saltem quoad opinionones, quæ ex parte suscipientium passim à fidelibus in praxim deducuntur. Ratio quia nullam censetur injuriam sacramento irrogare, qui utitur opinione probabili; nec videntur sacramenta exposcere majorem reverentiam, quàm probabilem, quam exposcunt alia præcepta divina. Et hanc sententiam, ait *Mag. Hozes in eadem propos. 1. apud Carden. n. 27.* non amisisse suam probabilitatem ex damnatione Pontificis; quia non constat, propositionem potius proscriptam fuisse respectu reverentiæ erga sacramenta, quàm respectu charitatis erga suscipientes. His tamen non obstantibus, censeo non recedendum à prima sententia, saltem quia secunda ferè numquam poterit deduci in praxim à suscipientibus sine proprio animæ detrimento.*

52. — Inferitur 5. et ultimò, quòd si quis dubitat, an id quod vidit in sylva, sit fera, vel homo, non potest illud ferire, etiamsi probabiliter, aut probabiliùs existimet, illam esse feram; nam si reverà illud animal esset homo, probabilitas illa, sive major probabilitas, non liberaret hominem à morte. Itaque universè dicendum, numquam esse licitum uti opinione probabili probabilitate facti, ubi est periculum damni, vel injuriæ proximi.

53. — Secùs tamen dicendum de opinione, quæ est probabilis probabilitate juris; tunc enim quisque licitè uti potest opinione illa, formans sibi conscientiam moraliter certam de honestate suæ actionis (1). Quia tunc, cùm dubia sit lex, et non

(1) 1.º Quod in hoc numero sequitur, sicuti numeri sequentes 54, 55, 56 et 57 ex edit. sexta Rom. ann. 1767. ad verbum excerpti et hic interpositi sunt, cùm brevissimè ac valdè logicè omnes facies probabilismi seu gradus probabilitatis simul exhibentes mentem auctoris de suo systemate clariùs ostendere viderentur.

2.º Cùm *S. Alphonsus de Liguorio* suum tractatum de conscientia aliquoties quoad formam immutavit, factum est, ut numeri 56, nimirum numeri omnes ab hoc n. 53 exclusivè usque ad n. 90, quocum inchoatur tr. 2. de Legibus, penitus defecerint. Optimum itaque esse duximus, numeros omissos claritatis causà pro viribus restituere.

satis manifestè proposita , hujusmodi lex vel non est lex , vel saltem non est lex quæ obligat , ut infra videbimus in dissertatione de usu opinionis probabilis , n.º 37. et seqq.

34. — Remanet nunc videndum , quam probabilitate potiri debeat opinio , ut ea licitè valeamus uti ? Duo sunt certa , ex n. 40. Primum est , illicitum esse uti opinione tenuiter probabili , ut patet ex propos. 3. proscripta ab *Innocent. XI.* Hæc autem propositio meritò damnata fuit ; tenuis enim probabilitas nequit dici vera probabilitas , sicut tenuis fortitudo aut tenuis peritia dici nequit vera fortitudo et vera peritia , sed potiùs dicenda est imbecillitas aut imperitia. Et idem dicimus de opinione , quæ notabiliter et certè minùs est probabilis ; etenim dum opinio pro lege v. g. est longè majoris ponderis (ut infra distinctiùs explicabimus n. 36.) , illa evadit moraliter certa , efficitque ut opposita pro libertate reddatur vel improbabilis , aut dubiè probabilis , et ideo illa uti non possumus. Alterum est , certè licitum esse uti opinione probabilissima , ut constat ex propos. 3. damnata ab *Alexandro VIII.* , quæque relata fuit dicto numero 40.

Duæ remanent nunc quæstiones discutiendæ , de quibus oportet peculiariter in sequenti dissertatione sermonem habere.



DISSERTATIO

DE USU MODERATO OPINIONIS PROBABILIS,

SEU

MORALE SYSTEMA

PRO DELECTU OPINIONUM QUAS LICITE SECTARI POSSUMUS.

55. — **P**RÆSENTI dissertatione duas nobis proponimus quæstiones discutiendas. Prior est, an licitum sit sequi opinionem minùs probabilem, relictà probabiliori, (1) quæ stat pro lege (2). Posterior, an concurrentibus duabus opinionibus contrariis, æqualiter aut quasi æqualiter probabilibus, liceat minùs tutam amplecti. Dicitur, *æqualiter aut quasi æqualiter probabilibus*, quia (sicut omnes et probabilistæ et antiprobabilistæ conveniunt) cùm inter utramque opinionem modica est præponderantia, ita ut valdè tenuis et dubius sit excessus, tunc ambæ opiniones æquè probabiles existimantur, juxta commune illud axioma: *parum pro nihilo reputatur*.

56. — Circa primam quæstionem citiùs me expediam; resolutio enim est patens.

Dico igitur I, quòd si opinio, quæ stat pro lege, videatur certè probabilior, ipsam omninò sectari tenemur: nec possumus tunc oppositam, quæ stat pro libertate, amplecti. Ratio, quia ad licitè operandum debemus in rebus dubiis veritatem inquirere, et sequi: at ubi veritas clarè inveniri nequit, tene-mur amplecti saltem opinionem illam, quæ propiùs ad veritatem accedit, qualis est opinio probabilior.

(1) Intellige: *certè aut notabiliter probabiliori*, non verò *parùm aut dubiè probabiliori*.

(2) « Hanc sententiam (inquit S. Alphonsus in suo *Hom. Apost. tr. de conscent. n. 31*) elapsi sæculi auctores quasi communiter tenuère, sed nos dicimus eam esse laxam et licitè amplecti non posse. »

Edit.

Dixi certè probabilior : quia , dum opinio pro lege est certè et sine ulla hæsitatione probabilior , tunc opinio illa non potest esse nisi notabiliter probabilior. Et eo casu opinio tutior non erit jam dubia (intellige de dubio strictè sumpto , ut in altera quæstione dicemus) , sed est moraliter aut quasi moraliter certa ; saltem nequit dici ampliùs strictè dubia , cùm pro se certum habeat fundamentum quòd ipsa sit vera. Unde tunc fit , quòd opinio minùs tuta , quæ certo fundamento caret , remaneat aut tenuiter aut saltem dubiè probabilis respectu tutioris ; adeoque non est prudentia , sed imprudentia velle eam amplecti. Quoties enim intellectui certè apparet , veritatem multò magis stare pro lege , quàm pro libertate , tunc voluntas nequit prudenter et sine culpa parti minùs tutæ adhærere ; siquidem eo casu homo non proprio judicio seu propriæ credulitati innixus operaretur , sed potiùs per quemdam conatum , quem sua voluntate in intellectum inferret , ut à parte , quæ valdè verisimilior sibi apparet , removeretur , et ad partem , quæ sibi vera non apparet , imò quæ videtur nec certum fundamentum habere quòd possit esse vera , inflecteretur. Et huc facit illud apostoli : *Omne quod non est ex fide , peccatum est.* Rom. c. 14. §. 23.

57. — Quod ad alteram quæstionem spectat , quam latius hic discutiemus , dico quòd , cùm opinio minus tuta est æquè vel ferè æquè probabilis , potest quis eam licitè sequi ; et hoc probandum.

Ante omnia , duo ut certa supponere debemus : primum , quòd ad licitè operandum necessaria nobis est moralis certitudo de honestate actionis. Alterum , quòd hæc certitudo haberi potest , non tantùm ex directo , sed etiam ex reflexo principio , quo moralis illa certitudo actioni communicatur (1). Hisce præmissis,

58. — Dico II , quòd si opinio , quæ stat pro libertate , est tantùm probabilis vel æquè probabilis ac altera quæ stat pro lege , nec etiam ipsam quis sequi potest , eò quòd sit probabilis : nam ad licitè operandum sola non sufficit probabilitas , sed requiritur moralis certitudo de honestate actionis , juxta illud S. Pauli ad Rom. c. 14. §. 23 : *Omne quod non est ex fide , peccatum*

(1) Quomodo et quo fundamento certitudo moralis de honestate actionis etiam ex principiis reflexis obtineri possit , vide in hoc tractatu n. 69.

est. Dicitur *ex fide*, nempe ex certo dictamine conscientiae, ita ut homo in sua conscientia persuasum sibi habeat, quod agendo rectè agat, prout explicant illud *ex fide* S. Chrysost. S. Ambros. et alii cum S. Thoma qu. 17. de verit. art. 3. Propterea falsum reputo effatum illud commune inter probabilistas, nimirum: *qui probabiliter agit, prudenter agit* (1).

59. — Dico III. quòd, duabus aequè probabilibus opinionibus concurrentibus, quamvis opinio minùs tuta teneri non possit, quoniam, ut diximus, sola probabilitas (nota, sola probabilitas) laud firmum præbet fundamentum ad licitè operandum; tamen opinio illa, quæ stat pro libertate, cum æquali potiatur probabilitate, ac opposita, quæ stat pro lege, grave quidem immittit dubium, an existat lex, quæ actionem prohibeat, ac proindè sufficienter promulgata minimè dici potest; ideoque, dum eo casu promulgata non est, nequit obligare; tantò magis quòd lex incerta non potest certam obligationem inducere. Et hæc est sententia D. Thomæ, quam ego sequor, et quæ certa mihi apparet, tum ob auctoritatem theologorum, ut videbimus, atque patrum (quorum doctrinæ observari possunt in hac dissert. n. 70. Vide etiam Christian. Lupum tom. XI Dissert. de usu sentent. probab. ubi congerit plures patrum auctoritates), tum ob rationes intrinsecas, quæ non jam fucatæ sunt, sed certæ ac evidentes, ut demonstrabitur.

60. — Theologorum princeps D. Thomas 1. 2. qu. 90. art. 1. sic docet: *Lex quædam regula est, et mensura actuum, secundum quam inducitur aliquis ad agendum, vel ab agendo retrahitur: dicitur enim lex à ligando; quia obligat ad agendum.* Hinc prosequitur S. Doctor ad docendum, quòd hæc regula et mensura, ut hominibus applicetur, et ipsi ad eam

(1) « Minimè autem (inquit S. Alphonsus in hujus Op. ed. 6. Rom. ann. 1767.) » ad usum opinionis aequè probabilis cohonestandum valent duo principia à pluribus auctoribus adoptata, unum nimirum, quòd, *qui probabiliter agit, prudenter agit*: alterum, quòd cum *opiniones ambae sunt probabiles, potest homo opinione minùs tuta uti, iudicium suspendendo circa oppositam tultiozem*; nam reverà neutrum principium certos nos reddere potest de actionis honestate. Et dico (idque pro comperto habeo) quòd horum duorum principiorum insubsistentia plures hac tempestate scriptores ad tam mordicùs probabilismum oppugnandum impulit; et sic ipsi hujusmodi principia confutando (sicut ea confutare facillimum erat) plures deindè sequaces sibi traxerunt, qui hodie contra probabilismum vocem extollunt rigidamque sententiam tanto fastu exaltant. » Confer modò infra n. 69 et 80.

servandam teneantur, debet eis promulgatione manifestari. *Lex*, ait ibidem, *imponitur aliis per modum regulæ et mensuræ: regula autem et mensura imponitur per hoc, quod applicatur his, quæ regulantur et mesurantur. Undè ad hoc, quòd lex virtutem obligandi obtineat (quod est proprium legis), oportet quòd applicetur hominibus, qui secundum eam regulari debent. Talis autem applicatio fit per hoc, quod in notitiam eorum deducitur ex ipsa promulgatione. Undè promulgatio ipsa necessaria est ad hoc, quòd lex habeat suam virtutem.*

61.— Quòd autem lex nequeat subditos obstringere, nisi eis sit promulgata, est axioma apud omnes compertum: *Leges tunc instituuntur, cum promulgantur*, scribit *Gratianus* in can. *In istis, dist. 4.* Ratio patet, quia lex tantum in mente legislatoris manens non est, nisi mera cogitatio, sive intentio constituendi legem, non verò constitutio legis, quæ subditos obliget. Hinc à *D. Thoma* lex definitur: *Quædam rationis ordinatio ad bonum commune ab eo, qui curam communitatis habet, promulgata.* 1. 2. qu. 90. art. 4. Nulli dubium, ut scribit *Franciscus Henno* tr. de leg. quòd promulgatio sit de essentia legis; nam ut rectè ait *Ludovicus Habert* t. 3. de leg. c. 6. q. 4. *Ad rationem legis pertinent promulgatio, et vis obligandi.* Addit *Card. Gotti* Theol. tom. 2. tr. 3. de leg. q. 1. dub. 3. §. 3. num. 18. quòd promulgatio est indispensabiliter requisita ad subditos obligandos: *Ad hoc, ut lex in actu secundo obliget, requiritur quidem indispensabiliter, ut subditis promulgatione proponatur.* Idem tradit *Dominicus Soto* de just. et jure lib. 1. q. 1. art. 4. dicens: *Nulla lex ullum habet vigorem legis ante promulgationem, sed tunc instituuntur, cum promulgantur.* Statimque subjungit: *Itaque nullam exceptionem conclusio hæc permittit.* Idem scribit doctor gallus *Du-vallius* in 1. 2. S. Th. de leg. q. 2. dicens, legem æternam non potuisse homines obligare ab æterno. Quia, ut ait, de ratione legis est, ut promulgetur subditis; nulli autem fuerunt subditi ab æterno. Idem scribit *P. Gonet* Clyp. de leg. d. 2. art. 2. *Legem æternam defectu promulgationis non potuisse obligare creaturas ab æterno.* Idem scribit *Lorichius Thesaur.* verb. Lex, n. 6. *Hominibus autem (lex æterna) promulgatur, quando eis innotescit.* Idem inquit etiam acer adversarius meus *P. Patuzzius* in sua Theolog. morali de leg. c. 8. n. 7. *Consentiunt quidem omnes, promulgationem esse omninò necessariam, ut lex virtutem obligandi*

oblineat. Mirabitur quis, me studuisse tot auctoritates hic congerere ad hanc doctrinam probandam, quæ à nemine in dubium revocatur; sed me id fecisse sciat, quia ab ea sententiæ meæ firmitas pendet, nempe quod lex dubia non obligat, ut infra videbimus.

62. — Porro S. Thomas id ut certum habens, hanc oppositionem sibi objicit 1. 2. q. 90. ar. 4. ad 1. *Lex naturalis maxime habet rationem legis; sed lex naturalis non indiget promulgatione; ergo non est de ratione legis quod promulgetur.* Et sic respondet: *Dicendum quod promulgatio legis naturæ est ex hoc ipso, quod Deus eam mentibus hominum inseruit naturaliter cognoscendam.* Idque clarius explicando Sylvius ait 1. 2. qu. 90. art. 4. in fine: *Actualiter tunc unicuique (lex) promulgatur, quando cognitionem à Deo accipit dictantem, quid juxta rectam rationem sit amplectendum, quid fugiendum.* Idem docet Joannes Gerson de vita spir. ett. lect. 2. col. 176. *Lex ista est quedam declaratio creaturæ rationali facta, per quam illa cognoscit, quid Deus de certis rebus judicat, ad quas vel præstandas, vel omittendas ipse creaturam obligare vult.* Addit tandem Petrus de Lorca in 1. 2. disp. 6. de leg. *Quemadmodum promulgatio est intrinseca et essentialis humanis legibus, sic rationis judicium, et cognitio intrinseca est legi naturæ.* Quapropter sine rationis judicio, et cognitione nullo modo existit promulgatio legis sufficientis ad obligandum.

63. — Lex verò ut obliget, non tantum promulganda est, sed etiam promulganda ut certa. Et hoc punctum firmiter est hic statuendum, ideoque in eo perpendendo diutius non frustra immorabor, cum plura opus sit hic repetere, quæ jam alibi scripsi; enimverò ex hujuscemodi fundamento firmitatem haurit nostra sententia, nempe non posse legem incertam certam obligationem imponere. Dicimus igitur, neminem ad aliquam legem servandam teneri, nisi illa ut certa alicui manifestetur. Posito enim, ut vidimus, quod lex necessario est promulganda ut obliget, si promulgatur lex dubia, promulgabitur dumtaxat dubium, opinio, sive quæstio, an adsit lex prohibens actionem, sed non promulgabitur lex. Hinc omnes ad asserendum conveniunt, quod lex, ut obliget, debet esse certa ac manifesta, debetque uti certa manifestari sive innotescere homini, cui promulgatur. Audiamus id, quod commu-

niter inquirunt doctores super hanc sententiam, sive super hoc principium, quod inter alios maximè tradit D. Thomas, atque probat. S. Isidorus inter conditiones legis ut obliget, ait legem debere esse manifestam. Ita habetur in can. *Erit autem, dist. 4. Erit autem lex manifesta, etc.* Idque certum est etiam in jure civili, ut patet ex *Authent. Quibus modis nat. ff. §. Natura*, ubi dicitur: *In dubio nullus præsumitur obligatus* (1).

64. D. Thomas loquens de lege æterna et naturali, docet quòd ad hoc ut ipsa possit esse nobis mensura, debet esse certissima, nobisque innotescere. Attendamus verba S. Doctoris. Ipse 1. 2. qu. 19. art. 4. ad 3. sibi objicit: *Mensura debet esse certissima* (nota); sed *lex æterna est nobis ignota; ergo non potest esse nostræ voluntatis mensura, ut ab ea bonitas voluntatis nostræ dependeat.* Et ita respondet: *Licet lex æterna sit nobis ignota secundum quod est in mente divina; innotescit tamen nobis aliququaliter per rationem naturalem, quæ ab ea derivatur ut propria ejus imago, vel per aliqualem revelationem superadditam.* Ratio patet, cur lex debet esse certa, quia cum lex juxta S. Doctorem sit mensura et regula, quâ homo mensurari et regulari debet circa suas actiones, nequaquam ille rectè mensurari et regulari potest, nisi mensura et regula illa sit certa, ut obliget, quin et homini innotescat. *Lex enim, scribit doctissimus Petrus Collet, ut obliget, debet dari ut regula, ac proinde innotescere; atqui lex non innotescit nisi per promulgationem, cum per eam solam eo intimetur modo, qui obediendi necessitatem inducit.* Collet *Theologia moral.* (2) *de leg. cap. 1. art. 2. concl. 2.* Idem tradit Joannes Gerson dicens, quòd lex, ut obliget, necessariò debet homini manifestari, aliàs Deus eum obligare non potest ad illam servandam: *Necesse est* (valdè notabilia sunt Gersonis verba) *dari manifestationem ordinationis, ac voluntatis Dei; nam per solam ordinationem, aut per solam suam voluntatem non potest Deus absolutè creaturæ imponere obligationem; sed ad hoc opus est, ut ei communicet notitium unius æquè, ac alterius.* Gerson *de vita spir., etc. lect. 2.*

(1) Confer notam ad n. 105 positam.

(2) Seu Institutiones theologicæ quæ ad usum seminariorum contraxit.

Idem tradit Gonet dicens : *Homo non tenetur conformari voluntati divinæ... nisi quando voluntas divina nobis præcepto, vel prohibitione manifestatur.* Gonet, *Clyp. t. 3. d. 6. art. 2. n. 37. in fin.* Et ibid. de hoc rationem præbet, scribens, hominis peccatum pendere ab ipsius voluntate transgrediendi legem; si autem peccatum (ait) penderet ab existentia vel non existentia legis, peccatum esset fortunæ, sive casus, non jam voluntatis; quod magnum esset absurdum : *Plerumque (scribit) esset fortunæ, non voluntatis, quod homines peccent, vel non peccent, prout videlicet id, quod agunt, est conforme vel difforme juri naturali ab eis ignorato; quod etiam absurdissimum est, cum vera et sola causa peccati sit voluntas creata, ut operans difformiter ad regulas morum.* Gonet in *Clypeo theol. tom. 3. disp. 1. art. 4. §. 1. n. 48.*

Idem tradit Sylvius dicens : *Actualiter tunc (lex) unicuique promulgatur, quando cognitionem à Deo accipit dicentem, quid juxta rectam rationem sit amplectendum, vel fugiendum.* Sylv. in 1. 2. qu. 90. art. 4. in fin. Non tenetur igitur quis ad legem, nisi eam juxta rectam rationem cognoscant esse necessario amplectendam. Idem tradit Fulgentius Quilicius, hoc absolute proferens : *Legis violatores non sunt illi, quibus nondum lex innotuit.* Tract. 1. de reg. mor. c. 3. §. 1. n. 5. Idem tradit Jodochus Lorichius : *Hominibus autem lex promulgatur, quando eis innotescit.* Thesaur. theol. verb. *Lex. n. 6.*

65. Ex omnibus his præfatis evidenter apparet moralis certitudo sententiæ nostræ, vel potius sententiæ D. Thomæ, qui pluribus in locis eam docet. Signanter in *Opus. doct. qu. 17. art. 3.* hoc morale principium absolute profert : *Nihil ligatur per præceptum aliquod, nisi mediante scientia illius præcepti.* Ab omnibus philosophis cum D. Thomæ docetur distinctio inter opinionem, et scientiam : *Opinio* denotat cognitionem dubiam; aut probabilem alicujus veritatis : *scientia* verò cognitionem certam ac patentem significat. Sed audiamus ipsum S. Doctorem; et quòd S. Thomas nomine scientiæ intelligat præcisè cognitionem certam, patet, quia proponit loco citato hoc quæsitum : *Utrum conscientia liget?* ac deindè ait : *Ita se habet imperium alicujus gubernantis ad ligandum in rebus voluntariis illo modo ligationis, qui voluntati accidere potest, sicut se habet actio cor-*

poralis ad ligandum res corporales. Actio autem corporalis agentis numquam inducit necessitatem in rem aliam, nisi per contactum coactionis ipsius ad rem, in quam agit. Unde nec ex imperio alicujus domini ligatur aliquis, nisi imperium attingat ipsum, cui imperatur. Attingit autem ipsum per scientiam: unde nullus ligatur per præceptum aliquod, nisi mediante scientia illius præcepti..... Sicut autem in corporalibus agens corporale non agit, nisi per contactum; ita in spiritualibus non ligat, nisi per scientiam. Similitudo à D. Thoma hic allata nequit esse magis lucida, et convincens ad probandam nostram sententiam, sive principium, nempe quod lex incerta non potest certam obligationem inducere. Dicit S. Doctor, quod scientia præcepti est instar vinculi quod voluntatem ligat; unde sicut ad rem aliquam ligandam opus est, ut actualiter funis applicetur; ita ad ligandam hominis voluntatem, ut actionem aliquam exerceat vel omittere teneatur, necesse est ut ipse præcepti scientiam habeat, alioquin homo ille in sua libertate remanet. Quamobrem, dum ille in dubio est, an adsit vel non præceptum prohibens, vel præcipiens (sicut accidit, cum duæ opiniones ejusdem ponderis æquè probabiles concurrant), tunc non habet quidem scientiam præcepti, ideoque præceptum servare non tenetur.

Ad hoc magis explicandum Doctor angelicus eodem loco subdit: Ad videndum autem, quando (conscientia) liget, sciendum quod ligatio metaphorice à corporalibus ad spiritualia sumpta necessitatem importat; ille enim qui ligatus est, necessitatem habet consistendi in loco ubi ligatus est, et auferitur ei potestas aliò divertendi. Sicut igitur contrà, qui ab aliquo vinculo actualiter non est ligatus, habet potestatem divertendi quod vult, ita qui non est ligatus per scientiam præcepti, liber est ab obligatione præcepti. Ideo S. Doctor scribit, legem dei à ligando: Dicitur enim lex à ligando, quia obligat ad agendum. 1. 2. q. 90. art. 1.

Hanc suam sententiam D. Th. valde confirmat in alio loco, nempe in 1. 2. q. 19. art. 10. Ibi querit: Utrum necessarium sit voluntatem humanam conformari voluntati divinæ in volito, ad hoc ut sit bona? et affirmat; sed et postmodum eodem art. 10. ad. 1. S. Doctor hoc sibi objicit: Videtur quod voluntas hominis non debeat semper conformari divinæ volun-

tati in voluto; non enim possumus velle, quod ignoramus.... Sed quid Deus velit ignoramus in plurimis; ergo non potest humana voluntas divinæ voluntati conformari in voluto. Et respondet: Ad primum dicendum, quod volitum divinum secundum rationem communem quale sit, scire possumus; scimus enim, quod Deus quidquid vult, vult sub ratione boni. Et ideo quicumque vult aliquid sub quacumque ratione boni, habet voluntatem conformem voluntati divinæ quantum ad rationem voliti. Sed (nota sequentia verba) in particulari nescimus, quid Deus velit; et quantum ad hoc non tenemur conformare voluntatem nostram divinæ voluntati. Itaque docet S. Th. quod homo semper ac rem aliquam vult sub ratione boni, voluntati divinæ jam conformatur: sed minimè tenetur se conformare voluntati divinæ in rebus particularibus ignoratis, et signanter in præceptis, ubi hæc divina voluntas non est ei manifestata. Id autem distinctius declarat P. Gonet, dicens: Homo non tenetur conformari voluntati divinæ in voluto materiali, nisi quando voluntas divina nobis præcepto vel prohibitione manifestatur. *Clyp. tom. 3. d. 6. art. 2. n. 57. in fin.* In dubio igitur, ubi nescimus, an Deus aliquo præcepto nobis aliquid in particulari imponat aut vetet, non tenemur conformari circa tale præceptum voluntati divinæ, nisi præceptum nobis manifestetur; etenim, ut tradit Joannes Gerson, ubi Deus non manifestat nobis suam voluntatem, non potest (ait) nos obligare ad eam sequendam. Repetamus hic ejus verba jam alibi suprâ relata: *Necesse est dari manifestationem ordinationis, ac voluntatis Dei; nam per solam suam voluntatem nondum potest Deus absolute creaturæ imponere obligationem. De vita spirit. etc. lect. 2.*

Eandem sententiam D. Thomas fortiùs confirmat in alio loco, 2. 2. q. 104. art. 4. ubi signanter loquitur de obedientia, quæ præceptis divinis debetur. Ita quærit: *Utrum Deo sit in omnibus obediendum?* S. Doctor affirmat, sed ad 3. sibi objicit: *Quicumque obedit Deo, conformat voluntatem suam voluntati divinæ, etiam in voluto; sed non quantum ad omnia tenemur conformare voluntatem nostram voluntati divinæ, ut suprâ habitum est (1. 2. q. 19. art. 10. ubi habetur textus jam suprâ relatus): ergo non in omnibus tenetur homo Deo obedire.* Et sic respondet (attendamus hic quomodo S. Doctor fuerit semper firmus et uniformis in hac sua

sententia) : *Ad tertium dicendum, quòd etsi non semper teneatur homo velle quòd Deus vult, semper tamen tenetur velle, quòd Deus vult eum velle. Et hoc homini præcipue (nota) innotescit per præceptum divinum.* Homo igitur tenetur Deo obedire, et ipsius voluntati conformari circa præcepta, non jam in omnibus quæ Deus vult, sed tantum in his quæ vult Deus nos velle (*quòd Deus vult nos velle*). At quomodo sciemus id quod Deus non solum ipse vult, sed etiam vult nos velle? sciemus, inquit S. Thomas, cum nobis id manifestatur per sua divina præcepta. *Et hoc homini præcipue innotescit per præceptum divinum.* Ergo non obligat sola dubia notitia præcepti ad illud servandum tamquam voluntatem divinam, sed requiritur certa et manifesta præcepti cognitio, quod quidem significat verbum illud *innotescit*. Itaque, ubi duæ sunt opiniones æqualis ponderis, cum eo casu desit sufficiens promulgatio legis, ipsa non habet virtutem obligandi, ut firmatum est sub initio hujus Moniti. Lex autem, quæ non obligat, non est lex : *Dicitur enim lex à ligando*, ait S. Thomas; lex ergo quæ non ligat, lex dici non potest.

Hanc autem sententiam, quòd, ubi præceptum est verè et strictè dubium, non adest obligatio illud servandi, secuti sunt communiter auctores tam antiqui, quàm recentes. S. Raymundus scripsit (*lib. 5. de pœnit. §. 21.*) : *Non sis pronus judicare mortalia peccata, ubi tibi non constat per certam Scripturam.* Lactantius scripsit (*lib. 5. Instit. c. 21.*) : *Stultissimi hominis est præceptis eorum velle parere, quæ utrum vera, aut falsa sint dubitatur.* Textus habetur in c. 51. *Cum in jure, de offic. et pot. jud. deleg.* ubi dicitur : *Nisi de mandato certus extiteris, exequi non cogeris quod mandatur.* Idem scripsit Joannes Nyder (*in Consol. An. par. 5. c. 20.*) citans Bernardum de Claromonte : *Ex quo enim opiniones sunt inter magnos, et Ecclesia non determinavit alteram partem, teneat quam voluerit.* Idem scripsit S. Antoninus : *Secundum Cancellarium non plus nocet homini errare in articulo fidei, qui non est declaratus adhuc ab Ecclesia, quòd sit articulus de necessitate credendus; quàm nec esse posset actus moralis contra aliquid agibile perpetratus, qui actus non dicitur certus ex Scriptura, aut determinatione Ecclesiæ, quòd sit illicitus.* Sed constat, quòd in materia

fidei licitum est ante determinationem Ecclesiae tenere unam vel alteram partem sine periculo peccati; ergo à simili licet unam opinionem in moralibus tenere juxta limitata superius, ubi saltem magis sapientes non sentiunt contrarium. S. Antonin. part. 1. tit. 3. c. 10. §. 10. verb. Revertendo. Juxta igitur S. Antoninum, et Cancellarium (videl. Gersonem) non tenemur sequi opinionem tutiorem, ubi tutior non apparet probabilior. Gabriel Biel scripsit (in 4. sent. d. 16. qu. 4. concl. 3.): Nihil debet damnari tamquam mortale peccatum, de quo non habetur evidens ratio, vel manifesta auctoritas Scripturæ. Dominicus Soto scribit, quòd lex, cùm ipsa sit regula actionum, opus est ut homo eam intueatur, nempe quòd cognoscat eam ut certam: Qui regulà utitur, eam intueri necesse est. De just. l. 1. q. 1. art. 4. Unde scripsit postea (ibid. l. 6. q. 1. art. 6. circa fin.): Quando sunt opiniones probabiles inter graves doctores, utramque sequaris, in tuto habes conscientiam. Ita etiam Card. Lambertinus (qui postea ad pontificatum evectus est sub nomine Benedicti XIV.) scripsit in suis Notificationibus (notif. 15.): Non debbono imporsi ligami, quando non vi è una manifesta legge che gl' imponga (1).

66. Doctissimus Melchior Canus scribens adversùs Scotum, qui obstringebat peccatores ad eliciendam contritionem in quocumque die festo, dicit: *Jus humanum nullum est, aut evangelicum, quo hoc præceptum asseratur; proferant, et tacebimus.* Canus Prælect. 4. de pæn. p. 4. q. 2. prop. 3. atque ibidem n. 5. sic scribit: *Quoniam ignoro, unde ad hanc opinionem doctores illi venerint, liberè possum, quod non satis exploratè præceptum est, negare.* Joseph Rocafull præpositus Valentiae scripsit: *Casu quo facta diligentia non constat, an lex sit imposita, sed res dubia manet, non obligat, sive sit lex, vel præceptum naturale.* Lib. 1. de leg. in comm. c. 4. num 65. P. Suarez ita scribit: *Quamdiu est judicium probabile, quòd nulla lex sit prohibens actionem, talis lex non est sufficienter proposita homini; undè cùm obligatio legis sit ex se onerosa, non urget, donec certius de illa constet.* De cons. disp. 12. sect. 6. et in 3. par. d. 40. n. 45. Idem

(1) *Id est:* Non debeat imponi vincula quando non adea lex manifesta, quæ ea imponat.

scripsit P. Joannes Ildephonsus Dominicanus : Si dubium est de ipsa existentia legis, an existat talis lex? an sit publicata? an in tali lege comprehendatur iste casus? facta sufficienti diligentia, et durante dubio, non teneris te conformare tali legi, vel obligationi. In 1. 2. disp. 209. n. 1152. Idem tenet auctor recens P. Eusebius Amort, vir Germanus valde eruditus, et undique notus ob suam doctrinam, et plura insignia Opera vulgata. Illic in sua Theologia morali et scholastica, excusa Bononiæ anno 1753. (quæ priusquam ederetur, emendata fuit, aut saltem revisa à Papa Bened. XIV. prout ipse auctor suppliciter ab eo petierat) sic scribit : Quando-cumque existentia legis non redditur credibilior, moraliter certum est non dari legem, quia ex natura providentiæ divinæ Deus tenetur reddere suam legem credibiliorem, etc. Tom. 1. d. 2. §. 4. qu. 20. Et alibi d. 2. §. 4. q. 3. ait, quod cum adsunt duæ opiniones æque probabiles, non datur lex directè prohibens, quia hoc casu non datur sufficiens promulgatio legis, quæ est character essentialis legis. Idem tenent Vasquez 1. 2. disp. 62. c. 9. n. 43. Card. de Lugo de pœnit. disp. 16. sect. 3. Mastrius Theol. mor. disp. 1. q. 2. art. 3. n. 36. Holzman. mor. to. 1. p. 29. ann. 153. Roncaglia Theol. mor. lib. 2. c. 3. Salmant. tract. 6. de pœn. c. 8. punct. 2. n. 23. et tract. 11. de leg. c. 2. punct. 3. n. 100. et alii plures, quos omittimus brevitatis causâ.

67. Posito igitur principio à D. Thoma tradito, ac satis superque probato, nempe, quod Nullus ligatur per præceptum aliquod, nisi mediante scientia illius præcepti, quod idem est ac dicere, non posse legem incertam certam obligationem inducere, necessariò eruitur esse moraliter certum, quod ubi duæ opiniones æqualis ponderis concurrunt, non est obligatio sequendi tutiorem. Si quis autem de hujus sententiæ certitudine rationem exposcat, breviter ei ex omnibus in hoc Monito probatis respondebitur; quia lex dubia non obligat. Et si quærere pergat, cur lex dubia non obliget? respondebimus hoc succincto argumento: Lex non sufficienter promulgata non obligat: lex dubia non est sufficienter promulgata (quia, dum lex est dubia, promulgatur sufficienter dubium, si ve quæstio, sed non promulgatur lex): ergo lex dubia non obligat. Qui argumentum hoc inspicari vellet, probare deberet, vel quod lex etiam non promulgata obligat; vel quod lex dubia est verè

promulgata; contra id quod expressè docet S. Thomas, et alii communiter; ut vidimus; sed nunquam harum propositionum ullam probabit in æternum. Hæc tandem sit conclusio hujus sententiæ: Spectato pondere æquali utriusque opinionis, homo dubius maneret, neque operari posset; spectatâ autem vi legis, cum ipsa eo casu non sit sufficienter promulgata, non obligat, nec ligat. Et ideo homo, utpote ab hujusmodi lege dubia non ligatus, redditur certus de sua libertate, et sic licitè operari potest.

Constat autem ex ipso naturali dictamine, licere nobis agere omne id, quod à lege non prohibetur, sicut scribit Heineccius (*Elementa jur. nat. et gent.*) sic aliens: « Omnia libertati hominis permittit Deus, quæ non præcepit, vel prohibuit. Sic v. gr. cum sold arbore scientiæ boni et mali hominibus interdixisset Deus, rectè omnino inferebant protoplasti, licere sibi fructibus reliquis omnino vesci. Gen. c. 3. v. 2. Cessante enim legis obligatione, viget libertas. Id porro validius confirmatur textibus juris civilis; et canonici, nam *Instit. de jure person.* §. 1. dicitur: *Cuique facere libet, nisi id à jure prohibetur.* Item *cap. 31. Cum in jure, de offic. et potest. judic. deleg.* sic habetur: *Nisi de mandato certus existeris, exequi non cogeris quod mandatur.* Quapropter S. Thomas docet id tenendum tanquam commune et certum axioma in lege naturali, sic scribens: *Illud dicitur licitum, quod nulla lege prohibetur.* In 4. sent. dist. 15. q. 2. art. 4. ad. 2.

Hinc inepitè arguit quidam auctor dicens: *Ubi dubium est, an adsit lex, consequentur dubium etiam est, an adsit libertas.* Male (dico) arguit, nam ubi dubium est, an adsit lex, certum est legem non obligare; docet enim S. Thomas (ut notavimus supra) quod *Nullus ligatur per præceptum aliquod, nisi mediante scientiâ illius præcepti.* Patet autem, scientiam importare cognitionem certam de lege: et hujus ratio etiam patet, quia lex donec est dubia, non est sufficienter promulgata; atqui lex non sufficienter promulgata non habet virtutem obligandi, sive ligandi, ut ait Doctor angelicus, juxta dicta sub initio hujus; ubi autem non existit lex ligans, sive prohibens, homo licitè operatur, ut ait idem S. Thomas loco mox supra citato.

Dixi sub initio, quod ubi opinio pro lege videtur certè probabilior, eam sequi tenemur; secus verò si est ejusdem

ponderis, quod habet opinio pro libertate. Auctor autem Ephemeridum Gallicarum mihi objecit, quod hæc propositio probat nimis; si enim sequi non teneremur opinionem, quæ stat pro lege, cum opinio pro libertate est æqualis momenti, quia tunc lex est dubia, nec etiam teneremur sequi opinionem pro lege, cum opinio pro libertate esset minus probabilis, quoniam etiam opinio minus probabilis efficit, quod lex sit dubia, et non sufficienter promulgata. Sed respondeo, quod cum opinio tutior est certè probabilior, eo casu (ut in principio hujus *Moniti* præmissi) quamvis lex omnino certa non sit, attamen propter illam majorem probabilitatem opinio pro lege videtur moraliter verior, et consequenter apparet moraliter, ac sufficienter promulgata; et ideo nequit dici tunc omnino dubia dubio stricto; remanet tantum eo casu quoddam dubium latum, quod ab opinione tutiore discedere non permittit. Cum autem opinio quæ stat pro libertate, est æqualis momenti, tunc adest dubium strictum de existentia legis; ac propterea, sicut probavimus, non adest tunc obligatio amplectendi opinionem strictiorem, nec servandi legem, de qua omnino dubitatur, an ipsa existat, vel non existat.

68. Sed priusquam finem ponam huic Dissertationi, præteritro nolo duabus oppositionibus respondere, quas invenio obijctas à *P. Flaviano Ricci in Theologia morali P. Anacleti* ab ipso nuperrimè reformatà, ubi sic scribit: Omnes divinæ et humanæ leges sunt certæ, et sufficienter promulgatæ; controversia ergo non cadit super existentiam legis, aut super ejus promulgationem, sed super ejusdem extensionem; ideo in casu particulari debemus legem generalem ad illum applicare, et investigare, an casus ille comprehendatur vel ne à lege. Hinc falsò nobis imponit, quod in concursu duarum opinionum, quæ sunt æqualis ponderis, judicamus legem certè ad eum casum non extendi; ipse verò auctor duo supponit eo casu accidere: *Primum*, quod tunc nostra libertas evenit dubia; *secundum*, tunctribuendum esse locum regulæ canonum quæ dicit: *In dubiis tutior via eligenda est*: juxta, ut addit, Scripturam illam: *Qui amat periculum, in illo peribit. Eccli. c. 3. v. 27.*

Respondeo ad *primum*. Quando dubitatur, an casus comprehendatur à lege vel non, nequaquam dicimus legem tunc certè non extendi, sed dicimus quod in casu duarum opinionum

aequalis ponderis, quamvis lex generalis (v. g. non furandi, non occidendi) sit certa quoad existentiam, et sit sufficienter promulgata; respectu tamen ad illum casum est dubia tam quoad existentiam, quam quoad promulgationem; ac propterea tunc, quia dubitatur, an lex ad casum illum extendatur, certum est non extendi quoad obligationem; nam, ut latè probavimus supra, eo casu cum lex dubia sit, nequit ligare certam hominis libertatem, quæ, donec à lege sit ligata, manet soluta. Id quidem agnovit D. Thomas, cum dixit legem esse instar ligaminis, quod donec per contactum applicatur alicui, hic habet potestatem divertendi quò vult, sunt verba S. Doctoris (de verit. q. 17. art. 3.). Hinc protulit sententiam illam: *Nul- lus ligatur per præceptum aliquod, nisi mediante scientia illius præcepti.* Ibidem.

Hoc autem maximè alibi confirmatur à S. Thoma, ubi sic scripsit: *Lex quædam regula est et mensura actuum, secundum quam inducitur aliquis ad agendum, vel ab agendo refrahitur; dicitur enim lex à ligando, quia obligat ad agendum;* 1. 2. qu. 90. art. 1. Mensura autem, ait Card. Gotti, non mensurat, nisi mensurabili applicetur, et ideo addit: *Requiritur indispensabiliter, ut lex subditis promulgatione proponatur.* Quo- modo autem poterit quis suas actiones rectè mensurare, nisi mensura illa sit certa, et non ambigua? Nec valèt dici, quòd ubi lex est dubia, est etiam dubia libertas hominis; quia libertas manet semper certa, usquedum à lege pariter certa et manifestà non ligatur. Quantumvis igitur lex generalis sit certa, certè existat, et certè sufficienter sit promulgata; donec tamen ipsa non est casui particulari applicata, libertas utpote non adhuc ligata, in sua possessione remanet.

Respondeo ad secundam, nempe ad regulam canonum à P. Flaviano adductam, et quæro ab eo: Certumne est quòd præfata regula comprehendat omnia dubia speculativa, et non tantum practica; aut dubia de facto? Id equidem certum non est, nam communior sententia tradit, regulam illam dumtaxat locum habere in dubiis practicis, et de facto. Ecce quod scribit S. Antoninus: *Quod autem volentes probare contractum esse illicitum, inducunt illud: In dubiis tutior via est eligenda. Respondetur hoc esse verum de honestate, et meriti majoritate, non de salutis necessitate quoad omnia dubia, alioquin oporteret omnes religionem intrare.* Part. 2. tit. 1.

cap. 11. §. 51. Idem scribit *Christianus Lupus, diss. de op. prob.* illud arguens ex doctrina *S. Augustini* : eandem sententiam sequuntur *Navarrus, Dom. Soto, Nyder, Tabiana, Suarez, Angles, S. Bonavent. Gerson. Isambertus, Jo. Aldephonsus, Salas, Cornejus, S. Thoma et alii*, quorum loca observari possunt apud aliam quamdam meam dissertationem, quam olim diffusius de hac materia edidi, ubi evidenter probavi, quòd hujusmodi canonum regula tantum casus practicos, et de facto spectabat (1). Saltem igitur prædicta regula sive lex canonum est verè dubia extra casus practicos, et de facto; ac ideo non sufficienter promulgata, et propterea vim non habet obligandi.

Sed demus gratis hanc legem procedere pro omnibus dubiis; rursùm peto : Quid dicit lex hæc sive regula? *In dubiis tutior via est eligenda*. Ergo cum homo est in dubio, nequit agere. Sed quid si formet sibi dictamen moraliter certum de honestate suæ actionis? tunc non est *in dubio*, sed est extra dubium, et extra casum regulæ, ob principium illud jam plusquam plenè probatum quòd lex dubia non obligat, quia tunc deficit ei promulgatio, quæ est de essentia legis (2).

Textus autem quem addit, *Qui amat periculum, in illo peribit*, nescio quomodo possit suæ opinioni favere. Non ignoro, hujusmodi Scripturam afferri ab omnibus ejusdem rigidæ sententiæ propugnatoribus; sed non valeo intelligere, quidnam ex ea eruere possint isti magistri (ut se jactant) sanæ et purioris doctrinæ. Attendatur Scripturæ contextus; dicitur ibi : *Cor durum habebit malè in novissimo, et qui amat periculum, in illo peribit. Eccli. c. 5. v. 27*. En quòd casus Scripturæ, in quo homo graviter peccat, est, cum ipse in verum se immittit periculum suæ salutis, protrahendo usque ad mortem suam conversionem; sicut pariter verum periculum incurrit, et graviter peccat, qui occasionem proximam peccandi voluntariè renuit remove; omninò differt ergo casus à nostro, in quo, posito quòd lex dubia non obligat,

(1) *S. Alphonsus* præter italicas, quas plures numero conscripsit, quatuor dissertationes latinas de usu moderato probabilismi separatim edidit, quæ sunt annorum 1749, 1755, 1763 et 1773.

(2) Confer infra n. 79. ubi eadem objectio fusiùs confutatur.

nallum est periculum transgrediendi legem : quia , cum eo casu non sit ea sufficienter promulgata , nullam habet virtutem obligandi.

Ex hac autem doctrina *S. Thomas* , nempe quod lex non habet virtutem obligandi , nisi sit promulgata et innotescat , duo corollaria descendunt , quibus præfata nostra dissertatio magis solidatur : primum quod lex dubia non obligat : secundum huic annexum , quod lex incerta nequit certam obligationem inducere (1). Hinc subdimus.

COROLLARIUM PRIMUM.

LEX DUBIA NON OBLIGAT.

69. Ex principio autem tam firmiter et multipliciter à *D. Thoma* probato , nempe quod lex non promulgata non habet virtutem obligandi , certa descendit præfata prima conclusio , quod lex dubia non obligat. Hujusmodi conclusio probatur ex eo , quod certum et exploratum communiter est inter omnes doctores , quod certitudo moralis aliqujus sententiæ , si non probatur ex aliquo certa principio *directo* , probetur tamen ex alio principio *reflexo* pariter certo , ut probatur primo ex *can. 4. Quid culpatur , caus. 23. q. 1.* ubi *S. Augustinus* scribit : *Vir justus , si fortè sub rege homine etiam sacrilego militet , rectè potest illo jubente bellare , si vice (aliàs civicæ) pacis ordinem servans , quod sibi jubetur , vel non esse contra Dei præceptum certum est , vel utrum sit , certum non est ; ita ut fortassè reum faciat regem iniquitatis imperandi , innocentem autem militem ostendat ordo serviendi. Quamvis*

(1) De his duobus corollariis *S. Alphonsus* in hujus operis edit. sexta Romæ an. 1767 ita loquitur : « Duo sunt principia , quibus innixus licitum usum » tueor opinionis probabilis. Primum , quod lex dubia in conflictu duarum » opinionum æquè probabilium non obligat , quia dubia lex non est sufficien- » ter promulgata. Alterum , quod lex incerta nequit certam obligationem in- » ducere , quia legis obligatio posterior est ad libertatem , quæ homo est » donatus à Deo. Et in hoc advertendum , quod ista duo principia non utique » idem sunt sub diverso aspectu exposita , ut *P. Palutius* censet ; utrumque » enim diversum habet fundamentum , cum prius fundetur in motivo , quod » lex non habet virtutem actualiter obligandi , nisi sit certè promulgata. » Posterius fundatur in motivo , quod homo certam suæ libertatis possessio- » nem habens de illa non tenetur se expoliatam reputare propter incertam » legem. »

igitur subditus sit dubius de ~~boni~~ iustitia, potest tamen licet militare ex jasso sui principis, et qua ratione? innixus principio reflexo quod princeps habet jus certum, ut semper ac de injustitia non constat, ei obtemperetur. Probatur pariter ex cap. Dominus, de secund. nupt. ubi dicitur, quod si vir dubitet de morte prioris viri suae uxoris, nequit debitum potest, sed tenetur reddere uxori, quae non dubitans in bona fide petit; et cur? ob certum principium reflexum, quod cum uxor sit in bona fide, ipsa in debio jus habet petendi debitum.

Hanc doctrinam ut certam habet P. Jo. Laurentius Berti in sua Theologia (tom. 2. lib. 21. c. 13. prop. 3. vers. Patroni) qui tenet illicitum esse sequi opinionem minus tutam, licet sit aequè probabilis; sed unde id probat? probat ex falsitate duorum principiorum, quibus probabilistae licitum esse sustinent; primum enim est illud: Qui probabiliter agit, prudenter agit. Merito reverà P. Berti ait, principium hoc non esse sufficiens ad operandum cum opinione tantum probabili; etenim cum opinio adversa pro lege aequè sit probabilis, certitudo de actionis honestate ad rectè operandum necessaria nobis deinde non suppetit. Alterum principium quorundam probabilistarum est hoc, quod, Cum utraque opinio est probabilis, homo circa opinionem tutiorem judicium suspendit, et probabilitati opinionis benignae se innitens, operatur. Sed justè idem P. Berti tale principium etiam reprobatur, illud enim nequaquam de actionis honestate nos certos reddere valet, cum hujusmodi suspensio judicii sit merè voluntaria, unde excusare non potest, quin ignorantia sit verè vincibilis, ideoque eo modo nequit equidem dubium deponi. Quapropter concludit Berti: posito, quod aliud fundamentum non adest deponendi dubium, quàm illa sola opinionis benignae probabilitas, minimè licebit nobis illà opinionem uti. Secus verò est, scribit ipsemet Berti, casu quo praeter illam probabilitatem opinionis, aliunde se offerat alia reflexa ratio, sive principium certum, quod de honestate actionis in praxi moraliter certos nos reddit: siquidem tunc nostri judicii certitudo non jam rationibus illius opinionis probabilis, sed principio reflexo certo supervenienti innititur. Exemplumque affert religiosi, qui dubitans, an possit jejunium solvere, ut studio operam praebet; potest utique sol-

vere, si urgeat superioris præceptum, quò certius fiat posse citra culpam cibum sumere. Aliud offert exemplum de possessore, qui prædium bonâ fide possidens, superveniente dubio, licetè potest possessionem prosequi, si à viro docto tutus reddatur, quòd nemo in dubio re legitime possessa spoliari tenetur. Hinc sic concludit: *Proculdubio potest hoc pacto ex reflexione mentis antea perplexæ fieri judicium practicum moraliter*. Idem scribit P. Wigandt ordinis Prædicatorum, dicens: *Probabilius est non esse peccatum operari cum conscientia speculative dubia, habente annexum judicium practicum de honestate operationis*. Ratio, quia qui sic operatur, prudenter judicat in his circumstantiis se licetè, et honestè operari. *Tract. 2. ex. 1. q. 5. art. 2.*

Consentiunt domini *Ballerini* in suo Opere, cui titulus: *Moralium actionum regula, sive Quæstio de opin. probabili*, qui licet strenuè rigidam sententiam tueantur, huic tamen doctrinæ tamquam certæ libenter subscribunt dicendò: *Quod in praxi ex directis principiis minimè certis incertum est, ex certo reflexo principio fit omninò certum*. Ipsique pariter de hoc plura adducunt exempla, et signanter illud: mox suprâ à nobis relatam de dubio impedimento matrimonii contracti, quo casu ajunt, quòd licet ob principia directâ incertum sit, an conjux dubitans possit debitum reddere, nihilominus ob principium reflexum, quod ex canone et ratione deducitur, securè reddere valet. Undè concludunt: *In his omnibus exemplis observandum est, reflexa principia particularem quæestionem non solvere, sed incertam relinquere; sola praxis certa est, eò quòd principia reflexa praxis in eo dubio dirigendæ certam regulam figant*. Idem scribit P. *Gonet Manual. t. 3. tr. 3. c. 16. circa fin.* Tandem idem P. *Lector Jo. Vincentius Patutius*, qui in hac controversia duplici libello strenuè mihi se opposuit, id pro explorato admittit, nempe quòd cum principium reflexum est certum, jam reddit actionem certè honestam; sic enim ait in suo Libello, *La causa del probabilismo, etc. §. IV. pag. 40. et expressiùs p. 45. ubi scribit: Se fosse vero, che nel caso d'incertezza della legge, la legge non vi fosse, perchè non promulgata abbastanza, oh allora si (come accennai) avreste un principio certo, se non diretto, almeno riflesso, onde formar un dettame prudente certo di poterlo celebrare licitamente* (loqui-

tur de quodam contractu dubiè licito), attesochè non essendora legge che lo proibisca, qual timor saggio potrebbevi essere di trasgredire la legge, che certamente non v'è (1)? Melius dixisset, quæ certè non obligat; quod aliàs ad idem reducitur, quia lex quæ non obligat, est tamquam non esset.

Et sic intelligitur, quomodo iudicium speculative dubium, sive probabile de honestate actionis, potest in praxi fieri moraliter certum. Sed quis objiciet, quomodo rationes speculative tantùm probabiles, possunt in praxi moraliter certæ evadere? Hoc evenit, ut optimè tradunt Episcopus *Abelly*, et *P. Eusebius Amort*, non ex eo quòd ipsæmet rationes speculative probabiles alicujus opinionis fiunt in praxi moraliter certæ: sed quia aliæ sunt rationes ipsius opinionis, quæ tantarum probabiles sunt, aliæ verò sunt rationes principii reflexi, quibus in praxi ultimum formatur iudicium moraliter certum ex illo principio certo; et sic actio quæ speculative est tantùm probabiliter honesta, in praxi certè moraliter honesta evadit.

70. Ut ergo nostram firmemus conclusionem, nimirum quòd lex dubia non obligat, sic certo tramite arguimus: Principium à *D. Thoma* superius jam probatum est, quòd lex non habet virtutem obligandi, nisi sufficienter promulgata sit, et innotescat. Casu autem quo duæ opiniones concurrent æqualis ponderis, tunc quidem lex nequit dici sufficienter promulgata, tumè enim sufficienter promulgatum est dubium, an lex existat, sed non est promulgata lex; ac propterea ipsa non potest obligare (2).

Hanc sententiam novissimè *Eusebius Amort* Germanus, vir doctrinâ undique perspicuus, tanquam certam defendit in sua *moralì et scholastica Theologia*, Bononiæ typis data an.

(1) *Id est*: Si verum foret, quòd in casu incertæ legis, ipsa lex non esset, utpote non sufficienter promulgata, utique (ut dixi) haberes principium certum, non directum quidem, sed reflexum, quo formares dictamen prudentis certum, quòd iniuri possit (Loquitur de contractu quodam dubiè justo). Cùm enim non adest lex prohibens, qua ratione timori prudenti locus esse poterit violandæ legis, quæ certè non existit?

(2) Hoc syllogismo probabilismus *S. Alphonsi de Liguori* non univè sed principaliter continetur et enuntiatur.

1753. postquam Roma emendata fuit iussu Benedicti XIV., cui ipse auctor supplices preces dedit, ut curaret Operante ejus publicationem à cordatis theologis Romæ revideri, et ubi oportere censeret, emendari. Pontifex votis sanxit, et transmisit ei aliqua menda in Opere emendanda, salva tamen questione de opinione æquè probabili, ut videre est in ipsius Opere. Scribit auctor, quòd ubi opinio pro lege evidenter, et notabiliter probabilior non apparet, moraliter certum est, legem obligantem non existere, dicens, quòd Deus juxta spem divinam providentiam, cum ipse vult legem suam obligare, efficere tenetur ut evidenter et notabiliter probabilior appareat: Quandocumque (sic loquitur) existentia legis non redditur credibilior non ipsa, moraliter certum est non dari legem; quia ex natura providentiæ divinæ Deus, sicut tenetur suam religionem reddere evidenter credibiliorem non ipsa; ita etiam tenetur suam legem reddere credibiliorem, seu probabilioram non ipsa. Amos, Theol. tom. 1. disp. 2. §. 4. q. 40. Tò non ipsa, intelligit, non ipsa lege, sed rationibus quæ nobis illam notabiliter probabilioram reddunt. Deinde alio loco rationem adducit, quia lex strictè dubia sufficienter caret promulgatione, sine qua lex non est lex, siue non est lex obligans. In hoc casu (nempe cum utraque opinio est æquè probabilis) non datur lex directa prohibens, quia in hoc casu non datur sufficiens promulgatio legis, quæ est character inseparabilis, et essentialis legis, siquidem illa est sola legis promulgatio, quæ lex sit credibilior. Loc. cit. disp. 2. quest. 5. p. 283. Additque, idem sensisse patres. Patres in dubio strictè tali, ubi in neutram partem inflectitur mentis sententia, relinquunt homini potestatem sequendi benigniora; ergo agnoscunt aliquod generale principium, quo possit formari prudens judicium concomitans de non existentia legis. Et reverà S. Gregorius Nazianzenus (orat. 39.) de quodam Novatiano loquens, ait: An juvenibus viduis propter totalis lubricum ineundi matrimonii potestatem facis? At Paulus hoc facere minime dubitavit, cujus scilicet te magistrum profiteris. At hoc minime post baptismum, inquis. Quo argumento id confirmas? aut rem ita se habere proba, aut si id nequis, ne condemnes. Quòd si res dubia est, vincat humanitas, et facilitas. Item S. Leo (Epist. 90. ad Rustic. Narbonens. in præfat.) ut habetur in can. Sicut quædam, (fin.

dist. 141 : Sicut quidam sunt, quæ nulla possunt ratione convelli (prout sunt debalogi præcepta, et sacramentorum formas; sicut explicat Glossa); ita multa sunt, quæ aut pro necessitate temporum, aut pro consideratione salutis oporteat temperari: illa consideratione semper servata, ut in illis quæ vel dubia fuerint, aut obscura, id noterimus sequendum, quod nec præceptis evangelicis contrariam, nec decretis sanctorum patrum inveniatur adversum. Dicit, sequendum; nam prælati subditis permittere debent, ut possint opinionibus minus rigidis uti, ubi illa nec evangelio, nec patrum doctrinis adversantur; juxta illud Chrysostomi documentum: Circa vitam tuam esto austerus, circa alienam benignus; ita in can. Alligant; caus. 26. qu. 7. Item Eustantius (lib. 5. instit. c. 27) scribit: Stultissimi est hominis præceptis eorum velle parere, quæ utrum vera sint, an falsa, dubitatur.

Item S. Augustinus brevibus totum quod dicimus confirmat: Quod enim contra fidem, neque contra bonos mores esse convincitur (nota convincitur), indifferenter esse habendum. *Serm. 294. c. 11. col. 224. editio Paris.* Quælibet igitur actio nobis permissa est, modo convicietur, aut moraliter certi non sumus, illam contra fidem, aut bonos mores esse. Item S. Ambrosius scribens ad Januarium impræparat animos nimium timidos habere, qui in dubiis nihil rectum existimant, nisi quod Scripturæ auctoritate, aut Ecclesiæ traditione, aut quod pro vitæ corrigendæ utilitate certum esse dignoscitur. En ejus verba: Senti enim sæpe dolens, multas infirmorum perturbationes fieri per quorundam fratrum contentiosam obstinationem, vel superstitiosam timiditatem, qui in rebus hujusmodi, quæ neque Scripturæ sanctæ auctoritate, neque universali Ecclesiæ traditione, neque vitæ corrigendæ utilitate ad certum possunt terminum pervenire... tam litigiosas excitant questiones, ut nisi quod ipsi faciunt, nihil rectum existiment. S. Ambros. *Epist. ad inquis. Januar. cap. 11. n. 3.* His accedit S. Basilius, qui de quibusdam loquens, qui juramentum quoddam à se præstitum invalidum fuisse autumabant, ita scripsit: Consideranda autem sunt, et species jurisjurandi, et verba, et animus, quo juraverunt, et sigillatim quæ verba addita fuerunt; adeo ut si nulla prorsus sit rei leniendæ ratio, tales omnino dimittendi sint. *Epist. 188. can. 1. cap. 10.* Dixit igitur, tum dumtaxat dimittendos (sive

non-audiendas) esse, cum nulla penitus favens benigna ratio cis subesset. Item accedit S. Bernardus, qui, genericè loquendo de rebus in utramque partem disputatis, ad Hugonem sancti Victoris sic scribit : *Sanè ibi unusquisque in suo sensu securus abundat, ubi aut certæ rationi, aut non contemnendæ auctoritati, quod sentitur, non obviat.* 1. Vol. Oper. cap. 5. n. 18. edit. Maur. Paris. col. 634. Ait itaque S. Doctor, quemque tutò procedere, eas opiniones sequendo, quæ certæ rationi, aut auctoritati, quæ sit tanti momenti, ut nemo ab illa desciscere possit, se non opponunt. His addendus S. Bonaventura, qui de votis agens, super quibus Papa dispensare possit, tres in medium adducit opiniones, et deindè concludit : *Quæ istarum trium opinionum sit verior, fateor me nescire, et satis potest quælibet sustineri. Si quis tamen velit hanc ultimam acceptare, non occurrit ei inconveniens manifestum.* In 4. dist. 58. art. 2. quest. 3. non ait præferendam esse tutiorem, sed quamlibet earum sustineri posse, et acceptari.

Audiamus insuper Melchiorem Canum, qui impugnando sententiam Scoti obligantis peccatores omnibus diebus festivis ad contritionis actum producendum, scripsit : *Ius humanum nullum est, aut evangelicum, quo hoc præceptum asseratur; proferant, et tacebimus.* Prælect. 4. de pen. p. 4. quest. 2. prop. 3. et n. 5. subdit : *Quoniam ignoro, unde ad hanc opinionem doctores illi venerint, liberè possum, quod non satis exploratè præceptum est, negare.* Idem sensisse Scotum, certum videtur, ubi de quadam opinione scripsit : *Cum multis sit probabilior pars negativa, non sine peccato aliquis se exponit dubio, sequendo affirmativam minùs probabilem.* In 4. dist. 11. quest. 6. Ergo juxta Scotum, qui sequitur opinionem æquè probabilem, non peccat. Idem pariter scripsit Cardinalis Lambertinus, deinde creatus Pontifex sub nomine Benedicti XIV, dicens : *Non debbono imporsi legami, quando non vi è manifesta legge che l'imponga.* Notif. 15. (1).

Sed deveniamus nunc ad rationes intrinsecas nostræ sententiæ, pro quibus rem ex suis principiis, angelico Doctore semper duce, sumamus. S. Thomas sic legem definit : *Lex quædam regula est, et mensura actuum, secundum quam inducitur aliquis ad agendum, vel ab agendo retrahitur :*

(1) Videl. suprà n. 65.

Edit.

dicatur enim *lex obligans*, quia obligat ad agendum. 1. 2. quæst. 90. art. 1. Deinde idem S. Thomas docet, hanc regulam sive legis mensuram, ad hoc, ut subditæ eam observare adstringantur, debere eis esse per promulgationem manifestatam; quapropter art. 4. quæsitum proponit: *Utrum promulgatio sit de ratione legis?* Et sic respondet: *Lex imponitur aliis per modum regulæ, et mensuræ; regula autem, et mensura imponitur per hoc, quod applicatur his, qui regulantur, et mesurantur.* Unde ad hoc quod *lex* virtutem obligandi obtineat, quod est proprium legis, oportet quod applicetur hominibus, qui secundum eam regulari debent. Talis autem applicatio fit per hoc, quod in notitiam eorum deducitur ex ipsa promulgatione. Unde promulgatio ipsa necessaria est ad hoc, quod *lex* habeat suam virtutem. Lex igitur ante promulgationem vim obligandi non habet: leges enim, ut scribit Gratianus in can. In istis, dist. 4. tunc vim legis acquirant, et leges tunc propriè nuncupantur, et sunt, cum sunt promulgatæ: *Leges tunc instituntur, cum promulgantur.* Hinc à S. Thoma alibi ita *lex* definitur: *Quædam rationis ordinatio ad bonum commune promulgata.* 1. 2. quæst. 90. art. 4. Notentur verba; *ordinatio promulgata.*

Hæc autem promulgatio est necessaria omnino ad obligandum, nedum in humanis legibus, sed etiam in divinis, et naturalibus, prout idem sanctus Doctor tradit: nam in citato art. 4. ad primum hoc sibi objeit: *Lex naturalis maxime habet rationem legis; sed lex naturalis non indiget promulgatione: ergo non est de ratione legis, quod promulgetur.* Et sic respondet: *Dicendum, quod promulgatio legis naturæ est ex hoc ipso, quod Deus eam mentibus hominum inseruit, naturaliter cognoscendam.* Itaque sanctus Thomas non negat, legem naturalem promulgatione indigere, dicit tantum, legis naturalis promulgationem non fieri humano modo, sed naturali lumine, quod Deus in hominum mentes ingerit. Hinc doctissimus Cardinalis Gotti ait: *Ad hoc, ut lex in actu secundo obliget, requiritur quidem indispensabiliter, ut subditis promulgatione proponatur.* Theol. tom. 2. tract. 5. de leg. quæst. 1. dub. 3. §. 3. n. 24. Dicit, in actu secundo, quia *lex* non adhuc promulgata habet in se vim obligandi in actu primo, scilicet, ut ipsa actualiter deinde obliget, cum promulgata fuerit; sed ut in actu secundo, nempe actualiter

obliget, requiritur indispensabiliter ejus promulgatio subditis facta i*Actualiter* (scribit Sylvius) *statim* *lex* ubique promulgatur, quando depositionem (homo) a Deo accipit dictantem, quid juxta rectam rationem sit amplectendum, quid fugiendum. In 1. 2. quæst. 90. art. 4. in fin.

De hac promulgationis necessitate, ut lex obliget, Dominicus Soto rationem assignat, dicens: *Nulla lex habet vigorem legis ante promulgationem. Nullam exceptionem conclusio hæc permittit. Et probatur ex natura ipsius legis: est enim regula nostrarum actionum; regula autem, nisi operantibus applicetur, parva est. Applicari autem nequit, nisi per ejus notitiam; nam qui regula utitur, eam intueri necesse habet (nota intueri). Fit ergo consequens, ut ante promulgationem, quæ subditis innotescit, non eos obligando perstringat, sed tunc percipi, quando promulgatur.* Soto de just. et jure lib. 1. quæst. 4. art. 4. Quapropter ait Joannes Gerson, nec etiam Deus obstringere posse creaturam ad legem observandam, nisi prius præceptum, ac voluntatem suam (Deus creature manifestet). *Necesse est dari manifestationem ordinationis, ac voluntatis Dei; nam per solam ordinationem; aut per solam suam voluntatem non potest Deus absolute creaturæ imponere obligationem, sed ad hoc opus est, ut ei communicet notitiam unius æquæ ac alterius.* De vita spirit. etc. lect. 2. col. 176. Ex hoc P. Gonet argumentum ducit, bene posse dari ignorantiam invincibilem etiam præceptorum naturalium, quæ à primis principiis valde sunt remota, sique arguit: *Lex enim vim obligandi non habet, nisi applicetur hominibus per promulgationem; sed lex naturalis non promulgatur omnibus hominibus quantum ad omnia præcepta, quæ sunt remotissima à primis principiis; ergo non obligat omnes quantum ad illa præcepta. Subindeque potest dari de illis ignorantia invincibilis, et excusans à peccato.* In Glyppo theol. tom. 3. disp. 1. art. 3. n. 47.

Sed nunc accedamus ad objectiones P. Patatii discutendas, quibus hujus nostri principii certitudo clarius innotescet.

71. P. Lector objicit 1. contra hoc principium, ad reddendam legem sat promulgatam satis esse notitiam tantum probabilem, quæ ex opinione probabili stante pro lege, jam habetur. Huic objectioni dico primò, verbum *notitia*, juxta omnia vocabularia, idem esse ac *cognitio*. *Cognitio autem legis,*

et opinio probabilis legis omnino differunt. Præterea respondeo, quod si admitti vellet (sub verbo) notitia intelligi notitiam probabilem, ad summum id eodem modo admitti posset, casu, quo notitia adesset probabilis tantum pro lege, tunc enim legi quedam moralis certitudo assisteret; sed cum adest ex alia parte opinio æquè probabilis pro libertate, tunc ex neutra parte aliqua potest superesse probabilitas, seu probabilis ratio apta ad prudentem hominis assensum sibi trahendum; nam ex his æqualibus probabilitatibus aliud quam merum dubium non resultat, an existat, vel non existat lex. Id clarè docet sanctus Thomas: *Intellectus noster respectu partium contradictionis se habet diversimodè; quandoque enim non inclinatur magis ad unum, quam ad aliud, vel propter defectum moventium, sicut in illis problematibus, de quibus rationes non habentur, vel propter apparentem æqualitatem eorum, quæ movent ad utramque partem, et ita est dubitantis dispositio, qui fluctuat inter duas partes contradictionis. De rerit. quest. 14. art. 1.* Idemque alibi brevius docet: *Inter æqualitatem etiam rationum, et argumentorum soli dubio est locus.*

P. Berti præterea inquit, quod sicut statera tam in æquilibrio est, cum ei nullum pondus imponitur, quam cum æqualia imponuntur opera; eodem modo, cum duæ probabiles opiniones occurrunt, ipsæ adeo iudicium suspendunt, ac si nulla ex utraque parte probabilitas existeret: *In æquilibrio manet lanx, sive nullum neutri parti, sive utraque æquale onus imponatur. Theol. tom. 2. lib. 21. c. 14. prop. 3.* Idem dicunt *P. Gonet, Vasquez, La-Croix*, et communiter omnes probabilistæ, et probabilioristæ, idemque tandem fatetur idem *P. Patutius* his verbis (in *Instruct. de reg. proc.* etc.): *Immota manet libra, in cuius utraque lance æquale pondus collocaetur, nec ad unam inflectitur partem, nec ad aliam.* Et idem confirmat in Libello (*La Causa del probabilismo*, etc. pag. 48.) ubi dicit: *Essendo evidente, che due opinioni contraddittorie egualmente probabili non possono, se non generare il dubbio* (1). Itaque respectu ad nostram controversiam, in qua de duabus opinionibus æquè

(1) *Id est*: Evidens est, quod duæ opiniones æquè probabiles contradictoriæ non possunt non generare dubium.

probabilibus agitur, dici non valet, probabilem legis notitiam sufficere ad eam promulgatam efficiendam; eo enim casu nequiquam notitia sufficiens ad legem promulgandam habetur, sed tantum ad promulgandum dubium, sive meram hesitationem, ea adsit lex, vel non: quandoquidem, cum duæ equalis ponderis opiniones concurrunt, evenit (ut diximus) nullum earum pondus habere.

72. Obicit II. et ait; aliam esse promulgationem legis, aliam legis divulgationem, sive notitiam privatam, quam subditi de lege recipiunt; lex enim, cum jam promulgata fuit, sine hac notitia à subditis accepta, eos obstringendi virtutem habet. Subdit autem, quod omnes leges sive humanæ, sive divinæ, jam satis promulgatæ fuerant. Et primo loco de humanis legibus loquens, dicit, hæc ut obligent, sufficere, quod communitati per banditores, aut per affixionem scripturæ in publicis locis promulgatæ fuerint.

Concedimus, quod, ut lex humana vim habeat obligandi, sat est, ut communitati promulgetur, nec, ut notitia ad quemcumque perveniat subditum, requiritur; sed advertendum, quod id valet tantum quoad materiale legis objectum, quod à lege præceptum, aut vetitum fuerit, non tamen quoad conscientiæ obligationem legem servandi. Ne explicet: si v. gr. quædam fuerit lex promulgata, quæ invalidus contractus aliquis sine aliquibus sollemnitatibus initus declaratur, tunc subditus, licet legem ignoret, tenetur tamen, cum de illa notitiam accipit, stare præscripto legis jubentis contractum habendum esse uti irritum; aut aliquam poenam solvendam fore: nam in foro externo, cum lex jam promulgata fuerit, omnes eam scire præsumuntur. Respectu vero conscientie, profecto minime peccat, qui legem illam sibi ignotam non servat, modo ob suam negligentiam non scivisse acciderit. Sicque intelligitur textus S. Thomæ, à P. Patutio adductus: *Illi; coram quibus lex non promulgatur, obligantur ad legem observandam, in quantum in eorum notitiam devenit per alios, vel devenire potest, promulgatione facta.* S. TH. 1. 2. q. 90. a. 4. ad 2. Tò ubi devenire potest, intelligitur in quantum legis notitia subditis pervenire poterat, et ob eorum negligentiam non pervenerit; nam alioquin, si eorum ignorantia fuerit inculpabilis, legem non servando, minime peccant. Ita relatum textum rectè explicat *Conjetanus* (loc. cit. 8.

Thomæ dicens, eos tantum reos esse legi esse, qui nani nesciunt, vel quia noluerunt, vel quia neglexerunt facere, quod in eis erat ad sciendum. Alioquin absentes nescii promulgatæ legis non ligantur. Propter quod... accusari, nec apud Deum, nec apud homines ignorantie possunt. Idemque scribunt *P. Petrus Collet de legib. tom. 3. c. 1. art. 2. concl...* et *P. Franciscus Suar. in Opere de leg. lib. 3. c. 17. n. 3. et seq.* Adduntque idem *P. Suarez* alibi tom. 3. in 3. p. disp. 40. sect. 3. n. 43. *Aravius* in 1. 2. q. 97. disp. 3. sect. 3. diffi. 3. *Tapia* lib. 4. q. 13. art. 2. *Castr.* tom. 4. tract. 1. disp. 3. punct. 7. num. 1. *Gregorius Martin.* q. 96. art. 4. dub. 3. concl. 3. et 4. *Sanch. dec. lib. 1. cap. 10. num. 32. et 33.* *Villalob.* tom. 1. tract. 1. dias. 24. *Salm. de leg. c. 2. n. 110.* non tantum eos reputandos esse nescios, qui legem omnino ignorant, sed etiam illos, qui post debitam diligentiam de ea dubitant; lex enim (ut diximus) non ligat, nisi subditis applicetur per certam, non autem dubiam notitiam. Idque traditur ab eodem *S. Thomæ*, qui docet: *Nullus ligatur per præceptum, nisi mediante scientia illius præcepti. De verit. q. 17. art. 3.* Sed de hoc textu infra latius disserendum erit.

Sic de humanis legibus; loquens autem *P. Patutius* de legibus divinis, dicit, ipsas jam ab æterno promulgatas fuisse, et usque ab æterno perfectam obligandi habuisse virtutem, priusquam creaturæ legem audirent, ac cognoscerent. Idque procedere ait ex eo, quod lex æterna habet ab æterno promulgationem causalem, virtuales, et eminentem, quæ deinde in tempore formalem etiam promulgationem infert. Hoc deducit ex verbis *S. Thomæ*, qui ait: *Dicendum, quod promulgatio sit et verbo et scripto; et utroque modo lex æterna habet promulgationem ex parte Dei promulgantis, quia et verbum divinum est æternum, et scriptura libri vitæ est æterna; sed ex parte creaturæ audientis et insipientis non potest esse promulgatio æterna. 1. 2. q. 91. a. 1. ad. 2.* Verumtamen ego assero (idque clarò probabo) quod lex æterna respectu hominum non est propria lex; propria enim lex quoad ipsos est lex naturalis, quæ licet sit participatio legis æternæ, ipsa tamen est ea, quæ propriè homines ligat, cum lex naturalis tantum hominibus promulgetur, et rationis lumine applicetur. Saltem dico (prout alii theologi loquuntur) quod lex æterna, quamvis in se vim habuerit obligandi in actu primo,

attamen non fuit lex obligans actualiter, et in actu secundo, donec fuerit proposita, et per ejus cognitionem creaturis applicata: sicque asseveranter ajo à S. Thom., et ab omnibus theologis doceri.

En quomodo loquitur *Duvallius*: Postremò dubitabis, an ipsa lex (æterna) semper habuerit, et habeat veram et propriam rationem legis? Respondeo, in tempore, quando productæ sunt creaturæ, habere de facto rationem legis, siquidem verè et propriè omnibus creaturis tamquam subditis est indita, et imposita; si tamen ab æterno spectetur, dicendum est, eam non esse verè et propriè legem, sed tantum aliquid quod se habeat instar legis. Deindè rationem assignat: Tum, quia de ratione veræ legis est, ut imponatur, et promulgetur subditis; nulli autem fuerunt subditi ab æterno: tum quia lex essentialiter est regula quædam practica, hæc autem regula non potuit imponi Verbo, et Spiritui sancto, quia ipsimet sunt regula et rectitudo ipsa. In 1. 2. S. Thom. de leg. q. 2. Idem scribit *Petrus de Lorca*: Si quo modo autem lex æterna respicit creaturas, remotè respicit, quatenus à Deo moventur, et gubernantur, non verò, quia sit imperium in creaturas latum, aut quia proponatur ipsis ut regula, quæ suas actiones mensurare, et componere possint... Lex æterna non est principium, et ratio agendi alicui, qui legi subditus sit, neque est illi regula proxima suarum actionum, sed est ratio agendi ipsi Deo, et regula divinarum actionum, quæ mundum gubernat; si cui ergo esset lex, esset Deo. In 1. 2. S. Th. disp. 5. membr. 2. Et loquens de verbis illis S. Thomæ, et verbo, et scripto, dicit: Expressio illa in verbo divino æterna fuit in Deo necessitate naturæ facta, et non relata ad aliquas creaturas, quod promulgatio legis requirit, semper enim promulgatio legis ad subditos refertur. Idem scribit *Ludovicus Montesino*: Resp. hujusmodi legem æternam promulgatam esse ab æterno ipsimet Deo... Deus sibi est lex; et sibi est regula, et ita intelligimus Deum sibi promulgare legem. De leg. disp. 20. q. 4. n. 85. Idem scribit *Ludovicus Lorichio* loquens de lege æterna: Hæc lege Deus omnia ordinat ad seipsum, et est promulgata apud ipsum ab æterno; hominibus autem promulgatur, quando eis innotescit. *Thesaur. novus utr. Theol. verb. Lex. n. 6.* Quomodo autem his doctrinis conciliari potest, quod asserit *P. Patutius*, nempe legem æternam ab æterno perfectam obli-

gandi habuisse virtutem , priusquam creaturæ legem audirent, ac cognoscerent?

Præfatis aliorum doctrinis congruit id , quod in alio loco docet ipse S. Thomas , dicens , legem æternam non esse propinquam regulam humanæ voluntatis , sed potius esse rationem Dei ; en ejus verba : *Regulam autem voluntatis humanæ est duplex. Una propinqua , et homogenea , scilicet ipsa humana ratio ; alia verò est prima regula , scilicet lex æterna , quæ est quasi ratio Dei.* 1. 2. q. 71. a. 6. Nec obstant verba ejusdem S. Doctoris suprà relata : *Lex æterna habet promulgationem ex parte Dei promulgantis.* 1. 2. q. 91. a. 1. ad. 2. Nam ibidem jam subdit S. Doctor : *Sed ex parte creaturæ audientis et inspicientis non potest esse promulgatio æterna.* Nunc quæro , quænam divinæ legis promulgatio est illa , quæ homines ligat? Promulgatio ex parte Dei , aut promulgatio ex parte creaturæ? Id declarat idem S. Th. loco ubi dixit , quòd ut lex virtutem obligandi obtineat , oportet quòd applicetur hominibus.... *Talis autem applicatio fit per hoc , quod in notitiam eorum deducitur ex ipsa promulgatione.* 1. 2. q. 90. a. 4. Et deindè objiciens sibi (ad primum) legem naturalem non indigere promulgatione , respondet , quòd *promulgatio legis naturæ est ex hoc ipso , quòd Deus eam mentibus hominum inseruit naturaliter cognoscendam.* Nunc arguo : Si verum esset , quòd S. Th. sensisset legem æternam , eò quòd æternam promulgationem habet , ab æterno homines obligasse , priusquam ipsi legem cognoscerent , utique ob hanc rationem respondisset , legem naturalem , quæ legis æternæ participatio est , promulgatione non indigere : sed ipse respondit promulgationem legis naturæ fieri , cùm ipsa ab hominibus naturali lumine cognoscitur. Nec aliter respondere poterat ; cùm priùs in eodè articulo firmiter statuerit , quæcumque legem vim obligandi non habere , nisi in notitiam hominum ex promulgatione deducatur.

Adde id quod tradit S. Th. alio loco , ubi quærens : *Utrum sit in nobis aliqua lex naturalis?* Sic respondet : *Dicendum , quòd lex , cùm sit regula , et mensura , dupliciter potest esse in aliquo , uno modo sicut in regulante , et mensurante : alio modo sicut in regulato , et mensurato , quia in quantum participat aliquid de regula..... sic regulatur..... et talis partici-*

participatio legis æternæ in rationali creatura lex naturalis dicitur. 1. 2. q. 91. a. 2. Igitur S. Doctor distinguit hic legem æternam à naturali, et docet, quòd lex æterna respicit Deum regulantem, lex autem naturalis respicit hominem regulatum; et quoniam lex naturalis est legis æternæ participatio, ideo in quantum participat aliquid de regula per legem naturalem, sic regulatur. Ideo in tantum lex æterna homines ligat, in quantum ipsa hominibus per legem naturalem participatur, eisque promulgatione innotescit, prout dicit *Duvallius*: *Quæres, quomodo nobis innotescit lex illa æterna, quod idem est, ac si quæretur, quomodo publicetur? Dico eam, ut est in creaturis tamquam subditis, per alias leges nobis innotescere, cum leges illæ sint illius participationes.* In 1. 2. de leg. q. 3. art. 3. Idem scribit *Franciscus de Aravio*: *Cum lex æterna non obliget creaturas rationales, nisi mediante lege naturali, vel positivâ divinâ, vel humanâ, ad istarum promulgationem illa quoque sufficienter promulgatur.* In 1. 2. q. 90. disp. 1. sect. 3. Lex igitur, quæ hominem ligat, est tantum lex naturalis, quia ipsa tantum potest esse homini regula, et mensura, qua reguletur, et mensuretur.

Præterea, quamvis admittamus, legem æternam esse propriam legem respectu etiam hominum, atque habere vim in actu primo eos obligandi, quid inde? Equidem æterna lex non ligat in actu secundo, quousque creaturis non promulgetur, et per ejus cognitionem applicetur. Sapienter id tradit *Cardinalis Gotti*: *Sequitur, quòd lex æterna ab æterno in actu secundo neminem obligaret, non ex defectu virtutis, sed ex parte termini...* Ita ab æterno fuit lex in mente Dei concepta, quamvis pro æterno non promulganda, nec implenda, nec in actu secundo obligans... Fuit tamen ab æterno lex, quia ad rationem legis satis est, ut vim habeat obligandi, quamvis nondum ligat, quia nondum applicata, et promulgata. *Theol. tract. 3. q. 2. dub. 1. n. 13.* Notentur verba, quamvis nondum ligat, quia nondum applicata et promulgata. Idem scripsit *Honorati Tournely Continuator de legib. cap. 2. quær. 3. in fine*: *Quia tamen lex æterna ante creaturarum existentiam verè et strictè obligans non fuit, cum nihil esset ad extra, quod eâ obligaretur, palàm est, rationem plenam et completam legis tunc tantum ei competere potuisse,*

cum extiterunt creaturae, quibus intimata fuit ac promulgata, aut saltem quae impressione ipsius ordinari ac moveri coeperunt. Idem dixit P. Cunicati: *Legis violatores non sunt illi, quibus nondum lex innotuit. Tract. 1. de moral. etc. cap. 2.*

Instat P. Patutius dicens: Sed si lex aeterna fuit vera lex, antequam homines eam cognoscerent, verè, priusquam lex ipsis innotesceret, homines obligavit, cum sit essentialis proprietas cujuscumque legis obligare. Et pro se citat Card. Gotti, qui dicit legem aeternam veram fuisse legem, ac propterea ab aeterno vim habuisse obligandi. Respondeo, et distingo: Alia est proprietas legis promulgatae, alia legis non promulgatae. Proprietas legis promulgatae est perfectè obligandi actualiter, et in actu secundo. Proprietas autem legis non promulgatae est obligandi imperfectè tantum in actu primo; lex enim non promulgata habet siquidem in se vim intrinsecam obligandi, sed dumtaxat in futuro, pro tempore quo ipsa intimata, et per notitiam applicata fuerit; donec verò non fuerit applicata, ipsa non obligat, nec virtutem habet actualiter obligandi: Ad hoc quòd lex (docet angelicus Doctor) virtutem obligandi obtineat, oportet quòd applicetur hominibus, qui secundum eam regulari debent. 4. 2. q. 90. art. 2. Nihil autem obstat quòd scribit Card. Gotti dicens, legem aeternam, etsi homini non adhuc promulgatam, vim obligandi habere; nam S. Thomas loquitur de vi actuali obligandi etiam in actu secundo, Gotti autem loquitur de vi obligandi tantum in actu primo: hoc quidem importat obligare in actu primo, nempe quòd lex apta sit ad actualiter obligandum, cum promulgabitur, sed non ante promulgationem: sicut ignis in se vim habet comburendi, sed non comburit actualiter, nisi postquam rei urendae applicetur: En quomodo nos instruit idem Card. Gotti, de lege aeterna loquens: Ita ab aeterno fuit lex in mente Dei concepta, quamvis pro aeterno non promulganda, nec implenda, nec in actu secundo obligans... Et hoc modo, cum ab aeterno non fuerit creatura, quam obligaret, et cui applicaretur, ab aeterno actu non obligavit; fuit tamen ab aeterno lex, quia ad rationem legis satis est, ut vim habeat obligandi, quamvis nondum liget, quia nondum applicata, et promulgata. Theol. tract. 5. q. 2. dub. 1. n. 13.

Nec potest dici, quòd lex æterna ab æterno non obligavit ex defectu termini, nempe quia creatura ab æterno non aderat; nam non ideo tantum lex æterna creaturam ab æterno non obligavit, quia ipsa ab æterno non existebat, sed etiam quia lex nequibat creaturam actualiter in actu secundo obligare, priusquam illi applicata, et promulgata esset. Dixerat jam alibi *Cardinal. Gotti* quòd *ut lex in actu secundo obliget, requiritur quidem indispensabiliter, ut subditis promulgatione proponatur. Quæst. 1. dub. 3. §. 3. n. 51.* Idcirco postmodum scripsit, ut supra, quòd lex æterna fuit ab æterno lex, *quamvis nondum ligat, quia nondum applicata, et promulgata.* Idemque scripsit, ut vidimus, *Cont. Tourn.*, loquens de lege æterna: *Palàm est rationem completam legis tunc tantum ei competere potuisse, cum extiterunt creaturæ, quibus fuit lex promulgata.* Idem scripsit *Sylvius*: *Actualiter (lex æterna) unicuique promulgatur, quando cognitionem à Deo accipit dictantem, quid juxta rectam rationem sit amplectendum, quid fugiendum. In 1. 2. q. 90. art. 4. in fin.*

73. Objicit III. *Pater Palutius*, et ait: Lex naturalis promulgatur in habitu, cum Deus animam creat, eamque in corpus infundit, quia tunc in ea lumen rationis imprimit. Ex quo infert *Patutius*, hominem ligari à lege usque ab ipsius conceptione; Deus enim cum legem in anima imprimit, tum illam promulgat. Et hic citat pro se textum *S. Thomæ*: *Promulgatio legis naturæ est ex hoc ipso, quòd Deus eam mentibus hominum inseruit naturaliter cognoscendam. 1. 2. q. 90. art. 4. ad 1.* Respondetur: Ad mentem *S. Thomæ* indagandam observare oportet id, quod *S. Doctor* in articuli corpore scribit; ibi docet legem imponi per modum regulæ et mensuræ, unde ait, quòd, ut lex virtutem habeat obligandi, opus est, ut ipsa hominibus applicetur, qui secundum eam regulari debent: talis autem applicatio (subdit) fit per hoc, quòd in notitiam eorum deducitur ex ipsa promulgatione. Lex igitur juxta *S. Thomam* tunc homines ligat, cum eis applicatur per ejus notitiam, sive cognitionem. Cum autem dicit, promulgationem legis esse ex hoc ipso, quòd Deus eam inseruit naturaliter cognoscendam; id sine dubio, ne velimus *S. Doctorem* in eodem articulo se contradixisse, intelligendum, quòd lex tunc reverà promulgatur, et virtutem obtinet obligandi, cum actualiter applicatur, et cognoscitur. Idcirco

idem Angelicus asserit (1. 2. qu. 91. art. 1. ad 2.) dixit: *Sed ex parte creaturæ audientis, et insipientis non potest esse promulgatio æterna.* Tunc igitur lex promulgatur, cum creatura legem audit per vocem Ecclesiæ, aut inspicit per lumen rationis. Hinc art. 2. ait, legem naturæ non aliud esse nisi *lumen* (super nos signatum) *rationis naturalis, quo discernimus quid sit bonum, et quid sit malum.* Hoc autem lumen, quo discernimus bonum et malum, et in quo lex naturalis consistit, inquit S. Antoninus, non prius ostendere homini bona et mala, quam homo usum rationis habet: *Nota diligenter* (verba S. Antonini) *secundum B. Thomam, quod istud lumen legis naturalis non ostendit homini, quæ sint bona, quousque perveniat ad usum rationis. Part. 1. tit. 13. c. 12. §. 3.* Ergo lex naturalis non promulgatur homini, nisi cum ipse ad rationis usum pervenit. Unde concludendum, quod propriè et strictè loquendo, in infusione animæ non jam inseritur lex, sed inseritur lumen, quo lex cognoscenda erit ab homine, cum pervenerit ad usum rationis, sive inseritur potentia, capacitas, sive habilitas ad legem cognoscendam tempore usus rationis. Et tunc, cum homo legem cognosceret, lex ei perfectè et verè promulgabitur eumque ligabit; alioquin, usquedum lex non deducitur in hominis notitiam ex promulgatione, docet S. Thomas, legem virtutem obligandi non obtinere. Accedit id, quod scribit Dominicus Soto, quod lex applicari nequit, nisi per ejus notitiam; nam qui regula utitur, eam intueri necesse habet. *De just. lib. 1. q. 1. art. 4. et q. 3. art. 2.* Et quod dixit Jo. Gerson notabilibus verbis: *Lex ista sit quedam revelatio, ac propriè dicta declaratio creaturæ rationali facta, per quam illa cognoscit, quid Deus de certis rebus judicet, ad quas vel præstandas, vel omittendas ipse creaturam obligare vult, ut ea digna reddatur ad vitam æternam.* Hinc tali definitione divinæ legis positâ, subiungit: *Necesse est dari manifestationem ordinationis, ac voluntatis Dei; nam per solam suam ordinationem, aut per solam suam voluntatem nondum potest Deus absolute creaturæ imponere obligationem: sed ad hoc opus est, ut ei communicet notitiam unius æquè ac alterius.* Ex quo liquet immediatè deducibilis conclusio, creaturam rationalem non posse esse indignam amicitiae Dei, nec propriè peccato obnoxiam, nisi dum sciens, volens, ac liberâ ponit actionem sibi

prohibitam, aut omittit rem præceptam. *Lib. de vit. spir. etc. lect. 2. col. 176. edit. Paris.* Ergo ex Gersono nec etiam potest Deus homini præcipere observantiam legis, quam prius ipsi non manifestavit.

Nec obest, quod dicit S. Thomas, 1. 2. q. 94. art. 1. ad 3., nempe, quod lex naturalis inest homini usque à sua pueritia, nam ipsemet S. Doctor *ibidem* ait, legem esse propriè actum, non habitum. Ratio est, quia lex consistit in actu, quo lex enuntiatur mediante rationis dictamine præscribente, quid agendum, et quid fugiendum; ita appositè scribit Sylvius: *Lex naturalis est actus rationis, actuale scilicet iudicium, et dictamen rationis practicæ. Quia omnis lex habet se per modum enuntiationis: enuntiatio autem est quidam actus. In 1. 2. q. 94. a. 1. concl. 2. et art. 2. prob. 2. ait: Vis obligationis non est simpliciter ex cognitione, quatenus est talis, aut talis..... Sed ex dictamine rationis præscribentis ea, quæ secundum se bona sunt et agenda, aut prohibentis ea, quæ secundum se sunt mala et fugienda.* Id explicat diffusius Card. Gotti, dicens: *Ex his patet, nos loqui de lege naturali; ut in actu secunda denuntiante, in quo essentia legis consistit; quæ habetur per modum denuntiationis. Quod si sumamus legem naturalem in actu primo, sic in virtute, et quodammodo habitu lex naturalis est, etiam dum quis actu principia ejus non considerat, cum semper maneat in intellectu lumen rationis, quod simul cum natura unicuique rationali creaturæ Deus indidit: ex quo, si usu rationis polleat, potest formare iudicium, et dictamen de agendis, vel omittendis. Theol. tr. 5. de lege q. 2. §. 1. n. 9.* Itaque C. Gotti distinguit legem naturalem in actu primo, et in actu secundo: et ait, quod lex naturalis considerata in actu primo, atque in habitu, consistit in illo habituali rationis lumine, quod nobis cum natura inseritur: quo lumine deinde practicum formatur dictamen, tempore quo homo ad usum rationis pervenit. Sed considerata lex naturalis in actu secundo, essentialiter consistit in actuali legis denuntiatione, quæ fit homini per illud practicum dictamen. Nunc quero, ubinam propriè inveniatur legis essentia? Fortasse in habitu legis inserto, cum anima creatur, aut verò in actuali illa denuntiatione legis? Et quidem legem naturalem reddit propriè legem perfectam et obligantem solum lumen illud in creatione insertum, vel actualis denuntiatio, sive

intimatio legis. Dicit Gotti (idemque dicit Sylvius, ut supra vidimus, et dicunt omnes: S. Thomas, Gerson, Soto, Gonet, et alii, ut infra videbimus) quod non quidem in habitu, sed in actuali denuntiatione legis essentia consistit: *Patet nos loqui* (repetamus verba Cardinalis) *de lege naturali, ut in actu secundo denuntiante, in quo essentia legis consistit, quæ habetur per modum denuntiationis.* Et ex denuntiatione, deinde formatur in homine rationis dictamen eum obligans ad legem.

Nec aliter sentit Sylvius, dum ait 1. 2. q. 90. art. 4. juxta verba S. Thomæ legem naturalem inseri in homine, cum anima in eum infunditur; nam ibidem difficultatem agnoscit, quomodo per illam habitualem legis insertionem possit homo ligari, quin prius ei lex manifestata fuerit; et propterea subdit: *Ideo addendum est, legem naturalem quasi promulgari in habitu, ea ipso quod Deus illam mentibus hominum imprimat.... Actualiter autem tunc unicuique promulgatur, quando cognitionem à Deo accipit dictantem, quid juxta rectam rationem naturalem sit amplectendum, quid fugiendum.* Itaque Sylvius hanc primam legis insertionem in homine, dum concipitur, appellat unam quasi promulgationem in habitu, vocat autem absolutè promulgationem illam, quæ actualiter fit, cum homini innotescit lex, quæ regulari debet. Certè igitur id proferens intendit dicere, quod illa impressio in homine facta, antequam homo actualiter legem cognoscat, non est sufficiens ad eum obligandum; quapropter subjungit, *ideo addendum est, etc.* Et postea dicit, actualem promulgationem tum fieri, cum homo legis cognitionem accipit, quoniam hæc est sufficiens, ac necessaria promulgatio, per quam homo ligatur à lege, quæ mensurandus est. Et quod ita sentiat indubitanter Sylvius, constat ex eo, quod alibi scribit: *Lex æterna fuit ab æterno lex materialiter, non fuit tamen ab æterno formaliter, seu sub ratione legis actualiter obligantis; quia tunc non fuit actualis, et perfecta promulgatio.* 1. 2. q. 91. art. 1. ad. 2. Itaque ait Sylvius, legem æternam (idemque procedit de lege naturali, quæ est participatio quædam legis æternæ) non esse legem formaliter, et actualiter obligantem, nisi cum adcrit actualis promulgatio: quæ tunc efficitur, cum homo discernit, quid agere, et quid vitare debet; juxta quod ipse Sylvius antea jam expresserat: *Actualiter tunc unicuique (lex) promulgatur, quando cognitionem à Deo accipit dictan-*

tem, quid juxta rectam rationem sit amplectendum, quid fugiendum. 1. 2. q. 90. art. 4. in fin. *Idem* *ibid.* *ibid.*

Lex igitur naturalis non promulgatur homini, nec ipsum ligat, nisi cum homo pervenit ad usum rationis, quia sibi lex innotescit, et promulgatur. Ita P. Ludovicus Montesib.: Lex naturalis promulgatur in unoquoque, dum primo venit ad usum rationis; et quamvis pro tunc solum promulgatur ista lex quantum ad principia communissima juris naturæ, tamen postea paulatim per discursum promulgatur eadem lex quantum ad alia. De leg. disp. 20. q. 4. n. 88. Idem scribit Duvallius: Quæres, quo tempore lex naturæ uniusquemque obligare incipiat? Resp. incipere, quando promulgatur. Tunc autem sufficienter promulgatur, quando quisque annos discretionis incipit. In 1. 2. de leg. q. 3. art. 3. Idem scribit Petrus de Lorca: Quemadmodum promulgatio est intrinseca, et essentialis humanis legibus, sic rationis judicium, et cognitio intrinseca est legi naturæ. In 1. 2. disp. 6. de leg. p. 386. Nota, judicium, et cognitio intrinseca est legi; ergo sine iudicio, et cognitione legis, lex non ligat. Idem scribit P. Cundliati: Legis violatores non sunt illi, quibus nondum lex innotuit... Actualis legis naturalis promulgatio evenit, quando quis a Deo cognitionem accipit dictantem, quid juxta rationem naturalem sit vel fugiendum, vel amplectendum. Tract. 4. de Morali et cap. 2. Idem scribit P. Gonet: Promulgatio legis naturæ fit per dictamen rationis intimantis homini ea, quæ lege naturæ præscripta, aut prohibita sunt; ergo cum deest tale dictamen, lex naturæ non obligat ad ejus observationem. In Clypeo theol. t. 3. disp. 1. art. 4. §. 1. n. 33. Idem scribit doctus P. Matrius: Hoc autem jus (naturæ) hominibus intimatur, et obligare incipit ab eo tempore, quo rationis usus accipiunt, et per talem legem sibi intimatam inter bonam et malum discernere incipiunt; his enim rationis usus est veluti ipsius legis naturalis notificatio, et manifestatio. Et hoc intendit Paulus ad Rom. c. 7. v. 9. illis verbis: Ego autem vivebam sine lege aliquando; sed cum venisset mandatum, peccatum revixit. Unde Hieronymus (Ep. ad Aglasiæ) sic explicat: Cum mandatum venerit, hoc est tempus intelligentiæ, appetentis bona, et vitantis mala; tunc peccatum rediviscere incipit, et homo reus est peccati. Matrius Th. mor. disp. 2. de leg. q. 2. a. 2. n. 34.

74. *Obiecit IV. P. Patitur*, et sic ait: « Ut aliqua lex sit
 » dubia, dubitari debet, utrum talis lex existat, an non
 » hoc autem esse non potest, cum leges tam divinas, quam
 » humane, quas observare tenemur, omnes sint certæ, et
 » sufficienter promulgatæ. Dubium igitur restat non de legis
 » existentia, sed de casibus particularibus, sintne sub lege
 » universali comprehensi, vel non: quapropter, si principio
 » supposito uti voluerimus, nempe, quod lex dubia non po-
 » test obligare, dicere non possumus, quod lex dubia non
 » sit lex, sed tantum dicere debemus, *Cum ex utraque parte*
 » *probabilis opinio habetur*, quod lex ad eos casus se extendit
 » *vel non*, lex certe non se extendit. At si hoc dicitur, redditur
 » difficultas principii, cum enim debitatur sit vel ne licita
 » talis actio, uti in lege comprehensa, vel non comprehensa,
 » non potest hoc tale principium pro certo statui. » Hoc
 » usque præfatus P. Lector, in hoc inherens illi, quod prius
 » scripserat P. Daniel Concina in sua Theologia.

Sed pro responsione sit idem, quod scripsit ipse P. Con-
 cina in compendio sue Theologiæ (t. 1. de leg. cap. 2. n. 10.)
 ubi dicit, quod licet lex sit certa, nihilominus diversa, quæ
 accidunt circumstantiis, efficiunt, ut lex nunc obliget, et
 nunc non obliget: siquidem præcepta, quamvis sint immu-
 tabilia, tamen aliquando non præcipiunt sub hac, vel illa
 circumstantia. Hinc nos reassumimus, et dicimus: Non valet
 igitur dicere, quod leges sunt certæ: nam mutatis casuum
 circumstantiis, redduntur non obligantes, vel saltem dubiæ,
 et tamquam dubiæ nunc etiam obligant. Ergo (replicat P. Pa-
 titus) juxta vestrum principium, quod lex dubia non obligat,
 concluditis, quod in dubio, utrum lex ad illum casum se
 extendat, an non, certe ipsa non extenditur? Sed responde-
 mus, retorquendo argumentum: Ergo juxta vestram senten-
 tiam, in dubio, an lex ad illum casum se extendat, an non,
 debemus dicere certe se extendere? hoc autem est, quod
 negamus. Nos autem non utique asserimus, quod lex dubia
 certe ad illum casum non extenditur; sed dicimus: Quoties
 ex utraque parte sunt opiniones æquæ probabiles, cum certum
 non sit, legem tunc ad casum illum se extendere, respectu
 illius casus legem reddi dubiam, et uti dubiam; non obligare,
 quia tunc sufficienter promulgata non est. Exemplo res clarior
 fit. Legem universalem habemus, quæ usuram vetat; at cum

ex utraque parte æqualis est probabilitas, quod aliquis contractus sit, et non sit usurarius, tunc nulla lex quæ vetet illum, certa apparet. Idcirco, usquedum prudenter dubitatur, utrum ille contractus sit, an non usurarius, licet adsit opitio, quod ille contractus à lege interdictus sit, attamen nulla assignatur lex certa, quæ ille vetatur. Respectu usura, lex eam prohibens est certa: respectu autem illius contractus lex est incerta. Ad quid igitur objicere (ut opponit adversarius) quod hic non agitur, utrum lex existat, nec ne, dum lex vetans usuram est certa, sed solum inquiritur, an ad casum illum se extendat, aut non? nam patet responsio: Posito, quod verè probabile sit, casum illum à lege non comprehendì, idem est dicere, dubium esse, an ad casum illum lex se extendat, ac dicere, legem respectu illius casus esse dubiam, proindeque respectu illius casus non obligare.

ALTERUM COROLLARIUM.

Lex incerta non potest certam obligationem inducere, quia hominis libertas antè legem ad legis obligationem possidet.

78. *Erit autem lex manifesta, ait S. Isidorus in can. Erit autem, dist. 4. Hinc scripsit Panormitanus (in cap. fin. de Const.): Ubi lex est dubia, excusatur quis à juris ignorantia. Eadem quidem naturalis ratio dictat, neminem ad eorum præceptorum, de quibus dubitatur, utrum existant an non, teneri observantiam, ut habetur in Authentica, Quibus mod. nat. etc. §. Natura, ubi legitur: In dubio nullus præsumitur obligatus. Hoc idem docet D. Thomas, dicens, legem (et loquitur de lege divina, et æterna) ut obliget, debere esse certam. 1. 2. qu. 19. art. 4. ad. 3. Ibi S. Doctor sibi objicit: Mensura debet esse certissima, sed lex æterna est nobis ignota; ergo non potest esse nostræ voluntatis mensura, ut ab ea bonitas voluntatis nostræ dependeat. Et respondet: Licet lex æterna sit nobis ignota secundum quod est in mente divina, innotescit tamen nobis aliquantulum per rationem naturalem, quæ ab ea derivatur, ut propria ejus imago, vel per aliqualem revelationem superadditam. Non negat igitur S. Thomas, legem divinam, prout est nostrarum actionum mensura, debere esse certam; dumtaxat ait, non opus esse, ut illa eodem*

modo à nobis, ac à Deo dignetur, sed sufficere, ut nobis rationis naturalis lumine, aut speciali aliqua revelatione innotescat.

Sed hoc clarius, et firmitus in alio loco statuit Magister angelicus, ubi querit: *Utrum conscientia liget*. Et sic sermone habet: *Ita se habet imperium alicujus gubernantis ad ligandum in rebus voluntariis illo modo ligationis, quia voluntati accidere potest, sicut se habet actio corporalis ad ligandam res corporales necessitate coactionis. Actio autem corporalis agentis numquam inducit necessitatem in rem aliam, nisi per contactum coactionis ipsius ad rem, in qua agit. Unde nec ex imperio alicujus domini ligatur aliquis, nisi imperium attingat ipsum, cui imperatur. Attingit autem ipsum per scientiam. Unde nullus ligatur per præceptum aliquod, nisi mediante scientia illius præcepti. Et ideo ille, qui non est capax notitiæ præcepti, non ligatur; nec aliquis, ignorans præceptum Dei, ligatur ad præceptum faciendum, nisi quatenus tenetur scire præceptum. Si autem non teneatur scire, nec sciât, nullo modo ex præcepto ligatur. Sicut autem in corporalibus agens corporale non agit, nisi per contactum; ita in spiritualibus non ligat, nisi per scientiam. De verit. q. 17. art. 3. Nota illud, Unde nullus ligatur per præceptum aliquod, nisi mediante scientia illius præcepti. Sed nunc audiamus objectiones P. Patutii ad hoc secundum principium, et signanter respectu ad hunc D. Thomæ textum.*

76. Objicit I. sub voce scientiæ non intelligi cognitionem certam, sed tantum simplicem præcepti notitiam, quæ (ut ait) in nostro casu probabiliter jam habetur ob utriusque opinionis probabilitatem. Respondeo, et dico primo: Quod sub nomine scientiæ intelligatur probabilis notitia; hæc est novi vocabularii nova significatio, dum philosophi omnes eum eodem S. Thomas distinguunt opinionem à scientia, quæ accipitur ut cognitio certa alicujus veritatis. Sed instat P. Lector, quod S. Thomas sub voce scientiæ intelligit comprehendere adhuc notitiam probabilem, quæ jam habetur in casu nostro: Angelicus enim (ut ait) ibidem subdit, et ideo ille, qui non est capax notitiæ præcepti, non ligatur. Sed pariter dico, in omnibus vocabulariis notitiam pro eodem significari, ac cognitionem, unde notitia legis idem est, ac cognitio legis. Cæterum, dato etiam, quod nomine notitiæ intelligi posset pro-

probabilitas existentiae legis, ad eumdem admitti poterit probabilitas illa, quae tantum stat pro lege, absque probabilitate in contrarium; alioquin, cum opinio pro libertate aequè est probabilis, tunc certum est (ut diximus) non aliud superesse nisi meram legis hesitationem, quae nec scientia, nec notitia dici potest; tunc enim non legis notitiam habemus, sed tantum notitiam dubii, sive questionis, an lex existat, vel non. Sed quod S. Thomas, dicendo *mediante scientiâ*, intenderit loqui non de dubio, sive de dubiâ opinione, sed de verâ scientiâ, constat à contextu ejusdem articuli, dum ait: *Sicut autem in corporalibus agens corporale non agit, nisi per contactum (coactionis ad rem, ut suprâ dixerat); ita in spiritualibus praeceptum non ligat, nisi per scientiam.* Et postea subdit: *Ad videndum autem, quando (conscientia) ligat, sciendum quod ligatio metaphoricè à corporalibus ad spiritualia sumpta, necessitatis impositionem importat; ille enim, qui ligatus est, necessitatem habet consistendi in loco, ubi ligatus est, et aufertur ei potestas aliò divertendi.* Ergo sicut, qui actualiter non est ligatus, potestatem habet divertendi quò vult; ita, qui non adhuc est ligatus à praecepto, mediante illius praecepti scientiâ, potestatem habet agendi quod voluerit. Quomodo autem dici potest, aliquem scire praeceptum, si ipse sciat praeceptum esse dubium? tunc omninò dicendum quòd ille praeceptum ignorat, cum dubitat, an praeceptum adsit, vel non.

Præterea objicit super eundem textum D. Th. P. Patutius verba illa: *Nec aliquis ignorans praeceptum Dei ligatur ad praeceptum faciendum, nisi quatenus tenetur scire praeceptum.* Ergo (arguit P. Patutius) licet quis notitiâ praecepti careat, si tamen eam habere tenetur, jam ligatur praecepto; nec excusatur, si illud transgreditur. Sed hoc minimè quidem S. Doctor intelligit, tantum ibi docet à peccato non excusari, qui praeceptum scire tenetur, et culpabiliter illud ignorat. Id patet ex eo, quod in eodem articulo (ad 4.) subjungit: *Tunc conscientia erronea non sufficit ad absolvendum, quando in ipso errore peccat.* Quomodo in ipso errore peccatur, nisi cum ipsa error est peccatum ob voluntariam negligentiam? prout idem S. Thomas ex D. Augustino in alio loco apertè declaravit. *Ignorantia, quae est omninò involuntaria, non est peccatum, et hoc est quod Augustinus dicit: Non tibi imputatur*

ad culpam, si invitus ignoras, sed si scire neglexeris (lib. 3. de lib. arbitr. cap. 19.). Per hoc autem quod ait, sed si scire neglexeris, dat intelligere, quod ignorantia habet, quod sit peccatum ex negligentia procedente, quæ nihil est aliud, quam non applicare animum ad sciendum ea, quæ quis scire debet. De verit. q. 3. art. 7. ad. 7. Ergo nequaquam peccat, qui in duarum opinionum æquæ probabilium hesitatione inquiri legem, et debitâ diligentia adhibita, eam omnino dubiam invenit, et ideo non obligantem.

77. — Objicit II. Legis æternæ possessionem, nostræ libertatis possessionem antecedere; ideoque ait, quod in dubiis opinio, quæ stat pro lege, præferri debet. Respondeo. Jam suprâ vidimus, quod Theologi dicant, legem æternam respectu hominum non esse verè, et propriè legem. Sed concesso, quod sit, nequaquam dici potest legis æternæ obligationem possidere antecedenter ad libertatem à Domino homini donatam. Quamvis enim nulla sit in Deo cognitionis, et consilii successio, quia omnia Deo ab æterno præsentia fuerunt, nihilominus prioritatem rationis sive naturæ homo in mente divina ante legem contemplatus est; prius enim à legislatore consideratur subditi juxta propriam naturam, et eorum statum, et postea consideratur lex conveniens eis imponenda. Dico conveniens, siquidem Deus aliam legem statuit pro angelis, aliam pro hominibus: et pro his aliam pro sacerdotibus, aliam pro laicis: aliamque pro conjugatis, aliam pro concubinis. Hæc doctrina utique non est mea, est D. Thomæ, qui (1. 2. q. 91. art. 1.) ponit quæsitum: *Utrum sit aliqua lex æterna?* Et ad primum sic sibi objicit: *Valeret quod non sit aliqua lex æterna, omnis enim lex aliquibus imponitur: sed non fuit ab æterno, cui aliqua lex possit imponi, solum enim Deus fuit ab æterno; ergo nulla lex est æterna.* Et respondet: *Ad primum dicendum, quod ea quæ in seipsis non sunt, apud Deum existunt, in quantum sunt ab ipso cognita, et præordinata, secundum illud ad Rom. c. 4. v. 17: Qui vocat ea, quæ non sunt, tamquam ea, quæ sunt. Sic igitur æternus divinæ legis conceptus habet rationem legis æternæ, secundum quod à Deo ordinatur ad gubernationem rerum ab ipso præcognitarum.* Adverte, rerum ab ipso præcognitarum. Itaque, prioritatem rationis, prius à Deo consideratus fuit homo tamquam liber, et deinde considerata fuit

lex, quâ homo ligandus erat. Exempli gratiâ : Deus ab æterno prohibuit homicidium, ergo *prioritate rationis*, prius consideravit homines, qui interfici possent, et postea præceptum dedit eis, ne alter alterum interficeret.

Ergo, dicit *P. Patutius*, homo nascitur liber, et independens? Neutiquam, nascitur potestati divinæ subjectus, et consequenter obligatus omnibus parendi præceptis, quæ Deus illi imposuerit; sed ut homo huiusmodi præceptis ligetur, requiritur, ut illa ipsi promulgentur, et innotescant per rationis lumen; sed donec præceptum non est homini manifestatum, possidet ipse libertatem illi à Deo donatam, quæ cum sit certa, nonnisi à præcepto certo ligatur; et cum lex sit regula, et mensura, quâ homo suas actiones regulare, et mensurare debet, oportet quidem, ut hæc regula, et mensura incerta non sit. Falsum autem est id, quod adversarii autumant, nempe, quod nihil possit homo agere, nisi certò sciat illud sibi fuisse à Domino permissum. Nam si hoc esset, lex divina non indiguisset promulgatione, sed tantum opus fuisset, ut Deus omnia, quæ nobis permittebat operari, declarasset. Sed Deus non ita fecit: *Deus ab initio constituit hominem, et reliquit illum in manu consilii sui. Adjecit mandata, et præcepta sua: Si volueris mandata servare, conservabunt te, etc. Eccli. c. 13. x. 14.* Prius itaque Dominus hominem liberum creavit, ei donando ex suo beneplacito libertatem, juxta id, quod scribit Apostolus: *Potestatem habens suæ voluntatis. 1. Cor. c. 7. x. 37.* Et postea mandata, quæ tenebatur servare, adjecit, ac imposuit; et ideo hominis libertas, cum certa sit, possideatque ante legis obligationem, ipsa nonnisi à lege certâ ligatur.

Hinc est, quod auctores antiqui communiter docuerunt, ubi lex est obscura, nec pro illa reperitur Scripturæ textus, aut Ecclesiæ determinatio, aut evidens ratio, nihil de gravi peccato damnandum fore; nam pro certo habuerunt, legem dubiam non obligare. En quomodo scripsit *S. Raymundus*: *Non sis pronus judicare mortalia peccata, ubi tibi non constat per certam Scripturam. Lib. 3. de pæn. §. 21.* Idem scribit *S. Antoninus* dicens: *Si verò non potest (confessarius) clarè percipere, utrum sit mortale, non videtur tunc præcipienda sententia, ut dicit Guillelmus, ut deneget propter hoc absolu-*

tionem, vel illi faciat conscientiam de mortali. Et cum promptiora sint jura ad solvendum, quam ligandum (c. Ponderat, dist. 50.) et melius sit Domino reddere rationem de nimia misericordia, quam de nimia severitate, ut dicit Chrysostomus c. Alligant, caus. 26. q. 7. potius videtur absolvendus. S. Anton. part. 2. tit. 4. cap. 5. §. In quantum. Idem scripsit Gabriel Biel, qui vixit an. 1480. dicens: Nihil debet damnari tamquam mortale peccatum, de quo non habetur evidens ratio, vel manifesta auctoritas Scripturæ. In 4. d. 6. qu. 4. concl. 5. Idem docuit S. Thomas, ubi dixit: Qui ergo assentit opinioni alicujus magistri contra id, quod publicè tenetur secundùm Ecclesiæ auctoritatem, non potest ab erroris vitio excusari. Quodlib. 3. a. 10. S. Thomas igitur tantum damnat, qui aliquam sequitur opinionem contra manifestum Scripturæ testimonium, aut contra communem sententiam juxta auctoritatem Ecclesiæ; non autem qui sequitur opinionem, quæ legi certæ non adversatur, ut adnotat Joannes Nyder: Hæc verba S. Thomæ non possunt intelligi, nisi de illis, ubi manifestè patet ex Scriptura, vel Ecclesiæ determinatione, quod sit contra legem Dei; et non de illis ubi illud non apparet, aliàs sibi contradiceret in eodem libro. In Consol. etc. cap. 11. art. 3. Idem tradidit alibi S. Thomas scribens: Omnis quæstio, in qua de mortali peccato quæritur, nisi expressè veritas habeatur, periculosè determinatur; quia error quo non creditur esse peccatum mortale, quod est mortale, conscientiam non excusat à toto, licet fortè à tanto. Error verò, quo creditur esse mortale, quod non est mortale, ex conscientia ligat ad peccatum mortale. Quodlib. 9. art. 15. Adverte verba nisi expressè veritas habeatur, periculosè determinatur. Ergo falsum est principium adversariorum, quod in dubio possidet lex, ac proinde in dubio pars tutior est tenenda. Sed dicet P. Patutius: Si possidet libertas, cur S. Thomas scripsit, quod in dubio partem mitiorem sequens non excusatur à toto? Respondetur, S. Doctorem hic non loqui de ultimo judicio practico, quod certum fieri potest ex aliquo principio certo reflexo, sed loquitur tantum de judicio directo, quod dubium est, cum utraque opinio dubia sit, et ideo ait non excusari, qui tantum ex judicio directo mitiorem partem amplectitur. Secus tamen esset, ait S. Antoninus, si quid amplecteretur ex opinione probabili, intellige, formato ultimo dictamine certo ex certo reflexo

principio. Audiamus S. Archiepiscopum: *Notandum est, quod dicit S. Thomas in quadam questione de Quodlibetis, quod questio, in qua agitur de aliquo actu, utrum sit peccatum mortale, vel non, nisi ad hoc habeatur auctoritas expressa Scripturæ sacræ, aut canonis Ecclesiæ, vel evidens ratio, non nisi periculosissimè determinatur. Nam si determinet, quod sit mortale, et non sit, mortaliter peccavit contrafaciens, quia omne, quod est contra conscientiam, ædificat ad gehennam; si autem determinatur, quod non sit mortale, et est, error suus non excusabit eum a mortali. Sed hoc secundum videtur sanè intelligendum, quando erraret ex crassa ignorantia; secus, si ex probabili; puta, quia consuluit peritos in tali materia, a quibus dicitur illud tale non esse mortale: videtur enim tunc in ea esse ignorantia quasi invincibilis quæ excusat à toto. Et hoc quantum ad ea, quæ non sunt expressè contra jus divinum, vel naturale, vel contra articulos fidei, et decem præcepta, in quibus ignorans ignorabitur... Et si diceretur hic esse usuram, et usura est contra decalogum; respondetur, sed hunc contractum esse usurarium, non est clarum, cum Sapientes contraria sibi invicem sentiant. P. 2. tit. 1. cap. 11. §. 28. Itaque secundum D. Thomam, et D. Antoninum, ubi veritas non est patens, lex tanquam dubia non obligat.*

78. — Objiciunt III. nostri adversarii, nihil fas esse nobis, nisi quod est conforme divinæ voluntati. Gaudeo hanc objectionem mihi fieri, quod enim in hoc puncto S. Thomas docet, id solum sufficit ad nostram sententiam omnino firmandam. Quærit Angelicus (1. 2. q. 19. art. 10.): *Utrum necessarium sit voluntatem humanam conformari voluntati divinæ in volito, ad hoc ut sit bona?* et ait, teneri homines se conformare voluntati Dei in volito formali, scilicet in volito boni communis (quisque enim non potest licitè aliud velle, nisi bonum) sed non in volito materiali. Deinde S. Doctor (ad primum) sic sibi objicit: *Videtur, quod voluntas hominis non debeat semper conformari divinæ voluntati in volito, non enim possumus velle quod ignoramus... Sed quid velit Deus ignoramus in plurimis; ergo non potest humana voluntas divinæ voluntati conformari in volito. Et respondet: Ad primum dicendum, quod volitum divinum secundum rationem communem, quale sit, scire possumus; scimus enim, quod Deus quidquid*

vult, vult sub ratione boni. Et ideo quicumque vult aliquid sub quacumque ratione boni, habet voluntatem conformem voluntati divinæ, quantum ad rationem voliti, quod est volitum formale, sive commune. Subdit deinde: Sed in particulari nescimus, quid Deus velit; et quantum ad hoc non tenemur conformare voluntatem nostram divinæ voluntati. Ergo non tenetur homo se conformare divinæ voluntati in particulari etiam respectu ad divina præcepta, ubi hæc Dei voluntas homini non est adhuc manifestata, prout distinctius declarat P. Conet dicens: Homo non tenetur conformari voluntati divinæ in volito materiali, nisi quando voluntas divina nobis præcepto, vel prohibitione manifestatur. In Clypeo. t. 3. d. 6. art. 2. n. 57. in fin.

Sed instat P. Patutius, et ait: Riguardo al precetto, e proibizione (libet hoc adnotare suis propriis verbis) sempre dobbiamo conformarci alla volontà divina, eziandio quanto al volito materiale, mentre Dio ci ha dati i suoi precetti, affinché gli osserviamo, e questi già sono notificati nelle sue leggi (1). Sed ego peto: Si aliquod præceptum est dubium et obscurum, prout accidit quidem in conflictu duarum opinionum æquæ probabilium, quomodo dici potest præceptum sufficienter notificatum? Tunc non est satis notificatum præceptum, sed tantum dubium præcepti, prout supra ostendimus, quod ubi duæ opiniones concurrunt æquæ probabiles, neutra probabilis, sed tantum dubia remanet. Quapropter eo casu solummodo potest dici, quod præcepti dubium habemus, non autem cognitionem. Et reverà quomodo unquam dici poterit, nos legis cognitionem habere, cum verè nescimus, an lex existat vel non? tunc bene asserere valemus, quod legem nescimus, et ideo non tenemur, juxta S. Thomam, in particulari conformari voluntati divinæ in eo volito materiali, quod nobis ignotum est; Deus enim nobis non præcipit obedire suæ voluntati, quæ non adhuc est nobis patefacta.

Idque confirmat expressius respectu ad nostrum casum D. Thomas in alio loco (2. 2. qu. 104. art. 4. ad. 3.) ubi querens: Utrum in omnibus Deo sit obediendum? Respondet affirmative,

(1) Id est: Ratione præcepti et prohibitionis (libet hoc adnotare propriis verbis) semper voluntati divinæ conformemur oportet, etiam in volito materiali, siquidem Deus præcepta nobis observanda dedit hæcque jam in lege notificata sunt.

sed postmodum sibi objicit ad tertium : *Quicumque obedit Deo, uniformat voluntatem suam voluntati divinæ, etiam in voluto. Sed non quantum ad omnia tenemur conformare voluntatem nostram voluntati divinæ, ut supra habitum est (1. 2. q. 19. art. 10. hic est locus jam supra relatus de voluto materiali). Ergo non in omnibus tenetur homo Deo obedire.* Et ita respondet : *Ad tertium dicendum, quod etsi non semper teneatur homo velle quod Deus vult, semper tamen tenetur velle, quod Deus vult eum velle, et homini præcipue innotescit per præcepta divina.* En igitur S. Doctor benè explicat, nos non teneri sua præcepta servare, nisi postquam illa nobis sunt manifestata. Itaque tenetur homo parere Deo, et conformari ipsius voluntati, non jam in omnibus, *quæ Deus vult*, sed in eo tantum, *quod Deus vult nos velle.* Sed quomodo sciemus id, quod vult Deus nos velle? Sciemus, inquit S. Thomas, *cum præcipue innotescit per præcepta divina.* Non sufficit igitur dubia notitia præcepti, ut teneamur servare præceptum tamquam Dei volitum, sed requiritur insuper notitia præcepti certa, et manifestata : hoc quidem significat verbum illud, *innotescit.*

Quæro nunc, ut hoc punctum concludamus : Casu quo voluntas divina quoad particularium præceptorum observantiam nobis adhuc non innotuerit, tenemur illi conformari? Minimè, ait Angelicus dicens : *Sed in particulari nescimus, quid Deus velit, et quantum ad hoc non tenemur conformare voluntatem nostram divinæ voluntati.* Idque confirmat, ut vidimus, expressè P. Gonet : *Homo non tenetur se conformare voluntati divinæ in voluto materiali, nisi quando voluntas divina nobis præcepto, vel prohibitionem manifestatur.* *Clvp. disp. 6. art. 2. n. 37.* Imò scripsit Joannes Gerson, ut alibi retulimus, quod nec Deus quidem potest creaturam obligare ad suam voluntatem servandam, nisi prius eam ipsi manifestet : *Necesse est dari manifestationem ordinationis, ac voluntatis Dei, nam per solam suam voluntatem nondum potest Deus absolute creaturæ imponere obligationem.* *Lib. de vita spir. lect. 2.*

Hinc patet, quod S. Thomas semper conformis fuit, nos instruens, leges certas esse debere, ut obligent; in cunctis enim locis, ubi de hac materia sermonem habuit, semper usus est verbis expressis, quæ hanc esse mentem suam clarè ostendunt. Dixit ipse, quod lex, ut obliget, oportet ut per ipsius

notitiam applicetur. 1. 2. q. 90. art. 4. Dixit ibidem ad primum, promulgationem legis esse ex hoc ipso, quod Deus eam mentibus hominum inseruit naturaliter cognoscendam. Inquit naturaliter cognoscendam, ergo tunc homo tenetur legem servare, cum legem cognoscit, non verò cum dubitat de lege; dixit legem esse mensuram, quā homo mensurare se debet, ac proinde dixit, quod hæc mensura debet esse certissima. 1. 2. q. 17. a. 4. ad 3. Dixit, quod sicut funis non ligat, nisi applicetur rei ligandæ per contactum, ita præceptum non ligat, nisi per ejusdem scientiam. Et ideo subdit: Unde nullus ligatur per præceptum, nisi mediante scientiā illius præcepti. De verit. q. 17. art. 3. Dixit, hominem tum tantum teneri ad obediendum Deo, cum ejus divina voluntas homini præcipue innotescit per præcepta divina. 1. 2. q. 19. art. 10. Itaque juxta has omnes D. Thomæ doctrinas concludendum, divinam legem non obligare, nisi cum est cognita, nisi cum est certissima, nisi cum de illa habetur scientia, nisi ipsamet innotescit.

Quapropter, his positus, frustrā objicitur à nostris adversariis, quod cum opiniones sunt æquè probabiles, opinio tutior, si non inducit obligationem certam, inducit saltem obligationem probabilem; et ideo deerit dictamen moraliter certum de actionis honestate; sine quo non licet operari. Sed huic pluries suprā data est responsio, nempe, quod cum duplex concurrat opinio æquè probabilis, opinio, quæ stat pro lege, aliam non inducit obligationem nisi deponendi dubium; sed hujusmodi dubia, juxta omnium probabilistarum, et probabilioristarum, ipsiusque P. Patutii sententiam, ut vidimus, bene potest deponi, non tantum ex directo, sed etiam ex reflexo principio certo, quo certitudo de honestate actionis jam habetur.

79. — Obijciunt IV. Regulam sacrorum canonum illam: In dubiis tutior via est eligenda, ut habetur in cap. Illud Dominus, de clerico excomm. deposito, etc. idemque dicitur in cap. Ad audientiam, de homic., et in cap. Petitiō tua, eod. tit., item in Clement. Exivi, (ad verba, Item quia) de verb. signif., et in cap. Juvenis, de sponsal. Dicunt adversarii: Canones hi generaliter loquuntur de omnibus dubiis, generaliter igitur accipiendi sunt. Respondeo, et concedo, quoad generaliter accipiendi sunt quoad omnia dubia practica, et

facti, qualia utique erant illa, quæ occurrerant respectu ad casus prælatorum canonum; sed non quoad omnia dubia speculativa, et juris, ut dicunt *S. Antoninus, Christianus Lupus, Joannes Nyder, Dominicus Soto, Suarez, Tabiena, Silvester, Angelus, Henriquez, Angles, S. Bonaventura, Gerson, Pelbartus*, et alii ferè communiter, ut mox videbimus; ajunt enim, regulam præfatam canonum quoad dubia speculativa esse de consilio, non de præcepto.

En quomodo loquitur *S. Antoninus*: *Inducunt illud*: In dubiis tutior via est eligenda. *Respondetur*, hoc esse verum de honestate, et meriti majoritate, et non de salutis necessitate quoad omnia dubia; alioquin oporteret omnes religionem intrare, *Part. 2. tit. 1. cap. 11. §. 31.* Verba *D. Antonini* sunt nimis clara, sed *P. Patutius* ait, *S. Archiepiscopus* loqui tantum de eo, qui opinionem mitiorem habet pro uno verò, idque infert ex verbis illis, alioquin oporteret omnes religionem intrare; ergo, dicit *P. Patutius*, *S. Antoninus* vult hic loqui de duabus opinionibus æquè tutis, et moraliter certis, et contra prætendit probare, *S. Antoninum* sentire vi præfate regulæ in omnibus opinionibus dubiis tutiorem esse tenendam; sed ut res clarescat, hic præmittendum id, quod præmittit *S. Antoninus* in §. 28. loc. cit. loquens de quodam contractu, circa quem tunc valdè inter sapientes disceptabatur, an esset, vel ne usurarius. Sic scribit Sanctus: *Et si diceretur, hic esse usuram, et usura est contra decalogum. Respondetur, sed hunc contractum esse usurarium, non est clarum, cum sapientes contraria sibi invicem in hujusmodi sentiant. Cum autem dicitur ignorantia juris naturalis non excusare, intelligitur de his, quæ expressè per se, vel reductivè sunt circa jus naturale et divinum, ut contra fidem, vel præcepta per evidentes rationes, vel determinationem Ecclesiæ, vel sententiam communem doctorum: et non de his, quæ per multa media, et non clarè probantur esse contra præcepta et articulos.*

Deinde §. 31. ait: Quod autem volentes probare, contractum esse illicitum, inducunt illud: In dubiis tutior via est eligenda. *Respondetur*, hoc esse verum de honestate, et meriti majoritate, non de salutis necessitate, quoad omnia dubia; alioquin oporteret omnes religionem intrare. *S. Antoninus* igitur neutri-

quam sentiebat universalem adesse legem, quod tutiora sequamur in omnibus dubiis; nam in speculativis, quæ occurrunt, cum duæ probabiles opiniones concurrunt, juxta casum, qui tunc disceptabatur, censebat, præfatam canonum regulam non esse de præcepto. Nihil autem obstat, quod ibi exemplum adduxerit, sive absurdum, quod alioquin oporteret omnes religionem intrare; nam ibi non quidem loquebatur Sanctus adversus eos, qui dicere præsumpserint, omnes de præcepto teneri propter regulam illam religionem ingredi; sed respondet ibi directè eis, qui dicebant, contractum illum vetitum esse vigore prædictæ regulæ obligantis ad tutiorem partem sequendam: *Quodd autem volentes probare (repetamus verba jam supra relata) contractum esse illicitum, inducunt illud: In dubiis tutior via est eligenda.* Hic igitur sermo fit præcisè de contractu illo speculativè dubio, et respondet S. Antoninus, *Hoc esse verum de honestate, et meriti majoritate, non de salutis necessitate quoad omnia dubia.* Unde non valet dici: S. Antoninus intendit loqui de eo, qui volens contractum inire, reputat illum non dubitanter, sed certè licitum; nam S. Archiepiscopus non intendit utique loqui ibi de opinione habita pro unicè vera, sed de opinione omninò dubia; alioquin ad objectionem eorum, qui probare volebant, contractum esse illicitum, quia canones præcipiunt, in dubiis tutiorem viam esse eligendam, ineptè respondisset, regulam illam esse de honestate, et meriti majoritate, non de necessitate quoad omnia dubia; sed debuisset respondere; Regulam procedere tantum in dubiis, non verò, cum operans habet pro vera suam opinionem; Sanctus autem ait, Regulam canonum non esse de præcepto universali quoad omnia dubia: quoad omnia enim dicit esse tantum de honestate, et meriti majoritate.

Sicut scribit S. Antoninus, sic etiam sentit Joannes Nyder, dicens: *Viam tutiorem eligere est consilii, non præcepti. In consolat. part. 3. cap. 10.* Idem sentit Tabiena: *Non valet, quod in dubiis tutior via est eligenda, quia hoc non est præceptum, sed consilium. In summa verb. Scrupulus.* Idem scripserunt Navarrus *Manual. cap. 27. n. 181. Dom. Soto de just. et jure lib. 7. part. 3. art. 2. Abbas in cap. Significasti, Sylvester verb. Jejunium quæst. 10. n. 27. Suarez tent. 3. in 3. p. disp. 40. sect. 6. n. 8. Angles p. 1. de jejun. q. 9. art. 1. dub. 2. concl. 3. Henriquez lib. 14. de irreg. cap. 3. n. 4. in fin. Item*

S. Bonaventura, Gerson, etc. apud Terillum de probat. quest. 26. num 21.

Et reverà juxta casus relatorum canonum omninò servari opus erat regula illa, quia dubia erant practica, et facti; neq. haberi poterat principium aliquod certum, directum, aut reflexum, quo excusanda foret obligatio partem sequendi tutiorem, propter scandala, aliaque mala, quæ in iis casibus vitari debebant. Utque dilucidè hoc dignoscatur, brevibus hic discutere oportet, qui tunc acciderunt casus, et decisiones textuum, qui nobis obijciuntur. Quoad cap. *Illud Dominus, de clerico excomm. deposito, etc.* ibi casus fuit, quòd quidam Episcopus, non obstante famâ publicâ de excommunicatione adversus eum latâ, temerè celebrare maluit, qua de re jure dicimus, eum depositione fuisse ab *Innocentio III.* punitum; nam persistente dubio de excommunicatione, ipse diligentiam adhibere tenebatur, ut de veritate certior fieret, interimque à celebratione desistere debebat. Idcirco meritò dixit Pontifex: *Quia in dubiis via tutior est eligenda, etsi de lata in eum sententia dubitaret, debuerat tamen potius abstinere, quàm sacramenta in Ecclesia celebrare.*

Quoad cap. *Ad audientiam, de homic.*, casus fuit, quòd quidam sacerdos intulit viro cuidam vulnus, ex quo vitâ decessit. Deindè dubitabatur, an ille propter hujusmodi vulnus mortuus fuisset. *Clemens III.* decrevit convenire, ut sacerdos à sacrificando abstineret, et ideo dixit: *Cum in dubiis semitam debeamus eligere tutiorem, te convenit injungere presbytero, ut non ministret.* Hic primò advertendum, quòd non adhuc facti veritas erat tunc explorata, nimirum, an tali ex vulnere mors accidisset, qua de causa subjungit textus: *Si ex alia infirmitate oluerit, poterit divina ministrare.* Ideoque sapienter statuit Pontifex, quòd interim sacerdos non celebraret; dicebat enim in tali dubio viam tutiorem eligendam. Advertendum secundò cum *Navarro*, et *Suarez*, quòd eo casu non agebatur de observando aliquo præcepto, sed tantum de quadam convenientia, ut, si deindè constaret sacerdotem fuisse homicidam, populo non esset scandalum eum celebrantem conspiciere. Idem statutum fuit in simili casu dubii homicidii in cap. *Petitio tua, 24. de homic.* ubi dictum fuit: *Cum sit consultius in hujusmodi dubio abstinere, quàm temerè celebrare.* Quis non videt, in his casibus necessariò ad scandalum effu-

gendum, convenisse, ut via tutior eligeretur, à celebratione abstinendo?

Ad Clementinam *Exivi* respondemus, quòd ibi Fratres Minores Sedem apostolicam efflagitarunt, an sub gravi tenerentur ad illas religionis regulas, quæ verbis præceptivis conceptæ erant? Papa respondit: *In his quæ animæ salutem respiciunt, ad vitandos graves remorsus conscientiæ, pars securior est tenenda.* In primis, ut censet *P. Eusebius Amort*, cum Papa dixerit, *pars securior est tenenda*, non de securitate materiali intendit loqui in amplectendo tutiorem partem, sed de securitate formali conscientiæ in operando cum morali certitudine sine dubio practico; nam si de materiali securitate loqui intendisset, utique declarasset, omnes voces imperativi modi præceptum denotare, quod materialiter tutius procul dubio fuisset; at Pontifex dixit esse intelligenda verba imperativa tantum illa, quæ talia videbantur ex vi verbi, nempe ob verborum expressionem, vel saltem ratione materiæ. Cæterum inquit: *Licet Fratres non ad omnium quæ sub verbis imperativi modi ponuntur in regula sicut ad præceptorum, seu præceptis æquipollentium, observantiam teneantur, expedit tamen ipsis Fratribus ad observandam puritatem regulæ, et rigorem, quòd ad ea sicut ad æquipollentia præceptis se noverint obligatos, quæ hic inferius adnotantur.* Et post hæc Papa, quæ tamquam præceptum habenda essent, adnotavit. Ita respondet ad hanc Clementinam *P. Eusebius Amort*.

Sed ego aliam responsionem addo magis convincentem. Casus erat, ut in eodem textu legitur: Antecedenter à Fratribus fuerat dubitatum, an regula tantum ad vota paupertatis, castitatis, et obedientiæ obligaret; sed *Nicolaus III.* Papa jam declaraverat obligare etiam ad illa consilia evangelica, quæ in regula exprimebantur verbis obligatoriis præcepti, vel præcepto æquipollentibus. Deinde Fratres *Clementem V.* supplicarunt, ut eis declararet, *Quæ censeri debeant præceptis æquipollentia?* Idcirco *Clemens*, priusquam explicasset ea, quæ præceptis æquipollentia videbantur ex vi verborum, et ratione gravis materiæ de qua agebatur, præmisit illa verba, *ad vitandos graves remorsus conscientiæ, pars securior est tenenda.* Itaque eo casu non agebatur de duabus partibus æquè probabilibus, sed tantum, an adesset obligatio illam sequendi partem, quæ juxta regulæ rigorem, et juxta id, quod *Nico-*

Sens. III. Jam declaraverat, non tantum talior, sed erat ~~etiam~~ tota; cum jam constabat, regulam ex vi verborum, et gravitatis materiæ obligare ad observanda tamquam præcepta non solum principalia tria vota religionis, sed etiam consilia evangelica, quæ in regula exponebantur, et ideo ipsa præteriri non poterant sine gravi conscientie remorsu. Hinc dixit *Clemens*, ad vitandos hujusmodi remorsus, tenendam esse securiorem partem, quæ reipsa erat unice vera, et unice secunda; et ex alia parte nullæ rationes suppetebant, quæ transgressionem illorum consiliorum à gravi culpa excusare valebant.

Tandem quoad *cap. Juvenis. 3. de sponsal.*, casus fuit, quòd juvenis quidam septennis puellam quamdam duxit; quâ mortuâ, postea cum consobrina illius alias nuptias contraxit. Hinc, suborto dubio, an primum matrimonium fuisset invalidum ob ætatis septennis impotentiam, *Eugenius III.* præcepit, ut vir à præfata consobrina separaretur, propter honestatem Ecclesiæ, subjungens: *Quia igitur in his, quæ dubia sunt, quod certius existimamus, tenere debemus etc.* His positis, dicimus I., Pontificem jure separationem præcepisse, non, quia putavit in opinionibus dubiis semper tutius tenendum esse, sed quia separatio necessaria erat ad scandala vitanda, adque Ecclesiæ honestatem sartam tectam servandam. Dicimus II. quòd Papa, proferendo verba, *quod certius existimamus, tenere debemus*, minimè id dixit respectu juvenis; qui utique benè conscius erat, si tempore primi conjugii potens vel impotens esset; sed respectu judicum qui in foro, cum partium rationes sunt dubiæ, proculdubio, quod certius est, sequi tenentur; proindeque dixit; *certius*, (non tutius) nempe quod ipse Papa certius judicabat, separationem imponendam esse, quia adhuc persistebat dubietas valoris primi matrimonii, pro quo possessio potiùs stabat. Quid autem inter hoc, et quæstionem nostram, ubi de foro interno agitur, et non de dubio facti, sed de opinione æquè probabili? Hinc patet, quòd omnia dubia ad textum casus pertinentia erant dubia practica, et facti, quæ nullo ex reflexo principio deponi poterant.

Tantò magis, quòd ipsi Pontifices in dubiis speculativis hæc regulâ tenendi partem tutiorem non semper usi fuerunt. *Adrianus VI.*, ut refert *Domina. Soto in 4. dist. 27. quæst. 1.*

At non obstat, quod ipse oppositum sentiat. Significat in quodam matrimonio rato, tantummodo continentia Coepta confusus. Præterea in cap. *Laudabilem*, de *frigid. et mal.* habetur, Pontificem cuidam conjugii, qui dubius erat de potentia ad copulam, concessisse, ut eam per triennium experiretur. Si lex dubia semper est servanda, ut volunt adversarii, et tunc dubium vertebat, an mulier illa esset aliena, quemodo Pontifex viro illi permittere poterat per triennium ad eam accedere, et copulam experiri? Adde, quod si lex ista esset universalis sequendi in eunctis dubiis, etiam speculativis, tutiorem partem, sequeretur, ne probabilissimam quidem teneri posse opinionem, quæ utique non est tutior, sed intra fines probabilitatis manet; sed hoc dici nequit, cum præscripta sit ab *Alexandro VIII.* propositio, quæ dicebat: *Nec licet sequi opinionem vel inter probabiles probabilissimam.* Adde, quod etiamsi esset res dubia, an præfata regula canonum intelligenda sit de omnibus dubiis, et non tantum de dubiis practicis, rationes ipsæ, quibus sat clarè probatum est, legem dubiam, utpote non satis promulgatam, non obligare, eadem probant, hanc canonum regulam non esse legem universalem quoad omnia dubia, sed tantum quoad dubia facti, et practica.

Denique, ut præsentî puncto finem imponamus, quæro (et ad hanc rationem quam proferam, ignoro quid responderi possit): Quid canones præcipiunt? præcipiunt in dubiis tutiorem viam esse eligendam. Dicitur itaque, in dubiis, sed si non sumus in dubiis? Quid obstat regula illa, si homo alicui principio certo innititur? tunc sibi jam format consensientiam moraliter certam de honestate actionis, et à finibus dubietatis egreditur, nec amplius dici potest eum esse in dubiis. Præterea ipsimet adversarii concedunt, præfata regulam sequendi partem tutiorem, locum non habere in materia justitiæ; at si regula canonum sequendi quod est tutius, esset universalis pro omnibus dubiis, etiam qui legitime rem possidet, in dubio, an res sit aliena, de illa exspoliari teneretur; sed *D. Augustinus in can. Si virgo, caus. 34. q. 1.* contrariam docet, inquit: *In jure prædiorum tamdiu quisque bonæ fidei possessor rectissime dicitur, quamdiu se possidere ignorat alienum.*

80. — Obijciunt V. decisionem ejusdem concessi Episcopo.

rum Gallorum, ubi fuit decretum, in opinionibus æquè probabilibus tutiorem partem esse tenendam. Horum tantorum præsulum auctoritatem magnoperè veneror, sed omnes docent, auctoritatem extrinsecam sapientum magni non posse esse ponderis, ubi intrinseca ratio certa videtur, et convincens; tantò magis, cum ipsa sufficienti aliorum auctoritate non destituatur. Ego autem animadverto, quòd pro nostra sententia non minor quàm pro opposita extat auctoritas extrinseca, imò valdè major. Nec negari potest, nostram sententiam saltem per octoginta, aut etiam nonaginta annos circiter communem fuisse apud moralis scientiæ auctores, quos inter plurimi fuerunt Cardinales, Episcopi, universitatum doctores, et signanter plures magistri dominicanæ religionis, in qua semper magna doctrina floruit. Hic brevitatis causâ omitto cunctorum ipsorum nomina, et suarum propositionum citationes adnotare, quas jam attuli in meo Opusculo seorsim edito, cui titulus: *Dell' Uso moderato dell' opinione egualmente probabile* (1).

Nec valet dicere, horum auctoritatem in hac materia parùm æstimandam esse, etiam à me, dum ipsi habentur à me tamquam decepti, cum ad nostram tuendam sententiam innixi sunt principio illi, quod egomet reprobavi: *Qui probabiliter agit, prudenter agit*. Jam dixi sub initio dissertationis hujus, quòd tale principium solum, et per se directè sumptum, non est sufficiens ad cohonestandum usum opinionis æquè probabilis. Attamen adverto, jam plures auctores (ut suprâ vidimus) pro nostra sententia tutanda innixos fuisse eidem nostro principio, nempe quòd lex dubia non potest obligare. Præterea dico, quòd nec etiam illi auctores solo præfato principio illo, *Qui probabiliter agit, etc.* utebantur. Et sic rem conféro: Auctores illi ex una parte jam fatebantur, quòd ad licitè operandum necessaria esset moralis certitudo de honestate actionis. Contrâ verò ipsimet auctores eadem nostra principia in suis Operibus in diversis locis jam statuerunt, nempe, quòd lex non sufficienter promulgata non obligat: et quòd ubi libertas possidet, lex incerta nequit certam inducere obligationem, ex illo principio adeò ab ipsis acclamato, quòd *In dubio melior est conditio possidentis*. Ergo si de hujusmodi principiis, lo-

(1) Confer suprâ notam ad n. 66. positam.

Quando de opinionum probabilium usu, expressam non faciunt mentionem, saltem ea indubitanter supponebant. Quapropter justè censendum, quòd ipsi dicto illo, *Qui probabiliter agit, prudenter agit*, potiùs utebantur tamquam corollario quodam, sive consequentiâ, quæ à principiis reflexis inferebatur. Tantò magis, quòd hæc materia opinionum probabilium tunc erat valdè confusa, unde confusè de ea loquebantur, postquam antiquiores auctores confusiùs de illa locuti fuerant. Cæterùm dictum illud, *Qui probabiliter agit, etc.* dupliciter accipi potest: si accipitur tamquam innixum aliis principiis reflexis, verè prudens, et certum est; si verò accipitur tamquam principium directum, seclusâ judicii reflexione, falsum est. Et sic de effato illo directè sumpto jure merito Gallicani præsules contenti non extiterunt, tuleruntque decretum, quod circumfertur, nempe: *In dubiis de salutis negotio, ubi æqualitè utrimque animo se offerunt rationum momenta, sequamur id quod tutius est, sive quod est in eo casu unicè tutum; nec id consilii, sed præcepti loco habeamus, dicente Scriptura: Qui amat periculum, in illo peribit.* Attentis quibus postremis verbis, apparet pro certo, quòd ipsi præsules locuti sunt de operante cum dubio practico, nullum habente principium, quo dubium deponere posset; si autem loqui maluissent de operante, qui ultimum format judicium, non ex sola probabilitate opinionis, sed ex alio certo principio reflexo, aliter quidem puto quòd præsules illi decrevissent. Quod autem ad plura Episcoporum edicta in Gallia emanata, quæ à *P. Patutio* in suo Opere, *La regola prossima delle umane azioni*, afferuntur et transcribuntur, quibusque ipse ait proscriptum fuisse probabilismum, illa perlegi attentè, et consideravi, quòd omnia ipsa respiciunt præcisè quemdam librum cui titulus: *Apologia casuistarum*, qui meritò damnandus erat, utpote asserens propositiones nimis laxas, nempe teneri posse securè quamcumque opinionem, non tantùm minùs probabilem, sed etiam probabiliter probabilem, secundùm quatuor vel trium, atque etiam unius auctoris auctoritatem. Quamobrem edicta præfata nihil, aut valdè parùm nostram sententiam adversantur. Cæterùm quoad vim rationum intrinsecam (quæ principaliter attendi debet, auctoritas enim extrinseca non aliud operatur, quàm afferre vis intrinsecæ præsumptionem), judico, et plurimi alii judicant mecum, habere jam convin-

centem, et evidentem. Quod autem ad extrinsecam auctoritatem pertinet, censeo, ut supra ostendi, tenere sufficientissimam. Tanto magis, cum animadvertimus, quod nostri adversarii nihil adequatè ad nostras rationes respondent; et ex alia parte, si eorum argumenta valerent, probarent utique tutiorismum damnatum necessariò esse tenendum. Loquendo verò de iis, qui non jam scribunt de proposito pro rigido systemate, sed tantum illud oretenus approbant, omnes ego vénéror, et reputo me sapientiores; sed dico, quòd tunc illi majorem auctoritatem mihi afferrent, si scirem, ipsos maturè utriusque sententiæ momenta ponderasse; sed de hoc valdè dubito, et jure merito, dum video eosdem scriptores rigidæ sententiæ ab eis probatæ, aut parùm nostras rationes animadvertisse, aut respondisse nobis æquivocis et fallacis, quibus unusquisque intelligens facillimè respondere valet. Addo; hujusmodi approbatores ut plurimum (sicut supra dixi) directa respiciunt motiva, sed parùm vel nihil ad reflexa animadvertenda animum intendunt, quæ de cætero multam reflexionem requirunt; sed ego pro certo habeo, quòd hujusmodi reflexio ab iis, qui hodiè antiprobabilistas se produnt, et jactantur, minimè adhibetur. At progrediamur ultra, quia materia est odiosa, et in ea parùm valeo me explicare. In libello autem super hanc controversiam à me nuperrimè edito, plures Episcoporum, Abbatum, et aliarum eruditarum personarum opiniones in ejus calce transcripsi, quæ nostrum systema verum ac certum non dubitant appellare.

81. — Obijciunt VI. textum Ecclesiastici, c. 3. v. 27: *Qui amat periculum, in illo peribit*; ergo ajunt, qui in periculum se immittit transgrediendi legem, jam peccat. Sed hic advertere oportet æquivocum, sive ambiguitatem, quæ intercedit. Qui opinione æquè probabili utitur, principio certo innixus, est quidem in periculo transgrediendi legem, sed non peccandi. Sed cur? replicant adversarii, quomodo non peccat qui transgrediendi legem periculò se exponit? Répeto, non peccat; oportet enim distinguere legem certam ab incerta. Quando lex est certa, profectò non possumus exponi periculò eam transgrediendi, sicut est periculum propriam conversionem procrastinandi usque ad mortem, prout in textu præfato dicitur: *Cor durum malè habebit in novissimo; et qui amat periculum, in illo peribit*. Certa est lex charitatis, quam

quisque erga seipsum habere debet, non manendi diu in peccato ob periculum in suo peccato moriendi; amans autem hoc periculum, in illo peribit. Pariter hic obijciunt doctrinam illam *D. Thomæ*, quæ in idem coincidit: *Quicumque committit se discrimini peccati mortalis, mortaliter peccat. Quodlib. 9. a. 15.* Hæc verba dupliciter explicari possunt, vel de immitteute se in periculum transgrediendi legem certam juxta casum in Scriptura expressum, vel potius de operante cum dubio pratico, juxta alium textum ejusdem S. Doctoris, ubi dixit: *Qui aliquid committit, vel omittit, in quo dubitat esse peccatum mortale, discrimini se committit. S. Th. in 4. dist. 21. quæst. 2. a. 3. ad 3.* Notandum: Non dicit Angelicus, in quo dubitat offendi legem, sed in quo dubitat esse peccatum mortale; alibi enim ipsemet de incerto præcepto loquens dixit, ut supra retulimus: *Nullus ligatur per præceptum, nisi mediante scientiâ illius præcepti. De verit. quæst. 17. a. 3.*

82. — Dicunt igitur adversarii, quod, cum lex est dubia, qui se immittit in periculum eam transgrediendi, certe peccat ex Scriptura allatâ: *Qui amat periculum, in illo peribit.* Ergo resumo, ad hoc periculum vitandum semper opus erit strictum amplecti tutiorismum, non aliter operando, quam cum morali certitudine absoluta, et immuni ab omni formidine, quod opinio illa quam quis sequi vult, sit vera. Minimè, ipsi respondent, satis est, quod illa opinio sit probabilissima, cum proscripta jam fuerit ab *Alexandro VIII.* opposita propositio, quæ dicebat: *Non licet sequi opinionem vel inter probabiles probabilissimam.* Igitur, dico primò, ex hoc deduci, veram non esse sententiam, quod, cum lex est dubia, peccat qui se exponit periculo eam transgrediendi, nam adhuc cum probabilissima opinione operans incurrit periculum (quamvis sit remotius) legem transgrediendi. Sed præterea dico (et hic aliquantulum immoremur) quod is, qui credit numquam esse licitum se exponere periculo lædendi legem, et contrà dicit posse opinionem minus tutam teneri, solummodo quando est probabilissima, difficillimè, et vix umquam induci poterit ad eam sequendam cum securo conscientia, nisi eam invenit strictè certam, et ab omni formidine immunem. Et sic ratio-cinor: Opinio probabilissima est illa, quæ, etsi supremum occupat probabilitatis gradum, tamen fines probabilitatis non excedit, juxta terminos ejusdem propositionis ut supra dam-

netæ, quæ dicebat: *inter probabiles probabilissimam*; et idea, prout communiter doctores ajunt, opinio probabilissima, quæ etiam moraliter certa (largè tamen loquendo) vocatur, omnem prudentem formidinem non excludit, ne sit falsa: ad differentiam opinionis sive sententiæ strictè certæ, quæ omnem prudentem formidinem excludit. Si ergo opinio probabilissima omnem non excludit prudentem formidinem; opinio probabilissimæ opposita non equidem est illa, quæ tenuiter tantum est probabilis; tenuis enim probabilitas non est probabilitas, sed dumtaxat quædam falsa apparentia, seu vana probabilitatis apprehensio, quæ nullum prudentem timorem producere potest, sed tantum aliquam imprudentem formidinem; sed imprudens formido non est formido, quæ valeat ullum peccati periculum secum afferre. Ipsimet rigidi, et stricti tutioristæ communiter ajunt, quod hujusmodi imprudentes formidines contemni debent, nec de eis ulla ratio est habenda. Insipientia reverà esset dicere, quod Deus nobis imposuerit etiam futes et irrationabiles timores vitare. Itaque propriè loquendo opinio probabilissimæ adversa non est ea, quæ tenuiter, sed ea quæ dubitanter probabilis est: et hæc, sicut probabilissima, (ut diximus) non caret omni prudente formidine, quod sit falsa; ita opinio probabilissimæ opposita non caret omni prudenti motivo, quod sit vera. Nunc peto; posito, quod opinio stans pro lege, opposita probabilissimæ stanti pro libertate, est dubiè probabilis, quomodo qui censet illicitum esse immitti in periculum transgrediendi legem, volens probabilissimam sequi, poterit umquam in praxi cum tranquilla conscientia induci ad firmiter credendum, quod opinio stans pro lege non sit verè probabilis, et sic probabilissimam uti, quin periculo transgrediendi legem exponatur? Ubi stateram inveniet tam exactam, quæ ipsum reddat securum, quod opinio stans pro lege carcat quidem tantum probabilitatis pondere, quod illam efficiat probabilem, et sic ipse securè, et à periculo immunis operetur? Idcirco repeto, quod ab initio dixi, quod ille, qui eredit non posse teneri in praxi aliquam opinionem minùs tutam, nisi probabilissima sit, cum magna difficultate poterit sibi formare dictamen certum ad operandum, nisi strictum amplexetur tutiorismum, quod solummodò ab omni periculo legem transgrediendi immune, atque liberum est.

83. — Instant adversarii, et dicunt: Qui tutiores opiniones

implectitur, tutius incedit. Respondeo : Nefas quidem est, divinarum legum observantiam relaxare plus quam licet, sed non minus est malum, divinum jugum plus quam oportet durum aliis reddere; nimia enim severitas (scribit Cabassutius in *Præfat. theor. juris, etc.*) dum homines ad nimis ardua compellit, viam salutis æternæ præcludit; salvandos (ut ait D. Bonaventura) damnat, et conscios propriæ infirmitatis ad desperationem adigit. Accidit enim, ut miseri homines, hæc audita rigidiorē doctrinā, credant, vel dubitent inesse mortalem culpam, ubi nulla est; sed tamen rei difficultate victi ex erronea conscientia mortaliter peccent, et damnentur. Rectè ergo D. Bonaventura (*Comp. theol. verit. l. 2. c. 32. n. 3.*) : Cavenda est conscientia nimis larga, et nimis stricta; nam prima generat præsumptionem, secunda desperationem; item prima sæpè dicit malum bonum, secunda è contrà bonum malum; item prima sæpè salvat damnandum, secunda è contrà damnat salvandum. Hinc sapienter scripsit Jo. Gerson : Doctores theologi non debent esse faciles ad asserendum, aliqua esse peccata mortalia, ubi non sunt certissimi de re; nam per ejusmodi assertiones rigidas, et nimis strictas in rebus universis nequaquam eriguntur homines à luto peccatorum, sed in illud profundius, quia desperatius, demerguntur. Quid prodest, imò quid non obest coarctare plus justo mandatum Dei, quod est latum nimis? De vit. spir. lect. 4. Optimè nos instruit S. Chrysostomus : Circa vitam tuam esto austerus, circa alienam benignus. Ita in can. Alligant, caus. 26. q. 7. Addit P. Suarez et ait : Imò potius periculum animarum incurreretur, si tot vincula in casibus dubiis injicerentur. In 2. 2. qu. 89. a. 7. Idque fusiùs Cardin. Pallavicinus scitè explicat : Per se spectatum effatum illud : In dubio tutior pars est eliganda, verissimum est, si rectè intelligatur : nam vel agitur de electione practica, et hæc semper debet esse tutissima, quia debet esse evidenter licita : vel de electione sententiæ speculativæ; et circa eam quærenda quidem est major securitas sententiæ, non major securitas actionis. Si induceretur opinio, quòd semper teneremur facere actionem, quæ securior est, etiam à transgressione materiali, hæc opinio non esset tutior, sed maxime exposita periculo frequenti transgres-

sionis formalis; quare tutior est opposita. (In 1. 2. disp. 9. c. 4. a. 11. n. 12.). Idem scripsit P. Bañcel Dominicanus: Multa sunt, quæ tutius est facere, sed simul etiam tutius est non se credere obligatum ad ea facienda, nisi moraliter ipsi constet de tali obligatione. Brev. univ. theol. p. 2. tract. 6. q. 5. a. 5. Hinc idem auctor concludit: Cum non debeamus formare conscientiam de obligatione ad aliquid sub pœna, nisi moraliter constet de obligatione, non debemus onus illud imponere, dum moraliter nobis constat superesse nobis libertatem amplectendi quamcumque voluerimus ex hujusmodi opinionibus.

Ego, ut sincerè veritatem fatear, cùm Theologiæ moralis scientiæ vacare cœpi, quia rigidioris sententiæ magistrum mihi audire contigit, pro hac strenuè cum aliis tunc temporis contendebam; sed postea melius rationes hujus controversiæ discutiens, opposita sententia, quæ pro opinione æquè probabili stat, moraliter certa mihi visa fuit: et quidem inductus ab illo pluries hic repetito principio, quod lex dubia non potest obligare. Hinc persuasus remansi, nefas esse conscientias, cùm opiniones sunt æquè probabiles, ad tutiorem sequendam adstringere cum periculo in plurimas formales culpas incurrendi. Præterea tamen, cùm nostrâ hac tempestate viderim ita acriter adversus mitiorem sententiam reclamari, multoties hoc punctum ad trutinam diligenter revocavi, legens, ac relegens auctores omnes quotquot ad manus habere potui modernos, qui pro rigida sententiâ certabant, promptus à mea sententiâ desciscere, statim ac non amplius certa mihi appareret; prout enim plures opiniones, quas aliquando tamquam probabiles habui, postea non erubui reprobare; ita, imò tantò magis non erubuissem hanc sententiam, quæ majoris est momenti, retractare. Sed quò diligentius rationes nostræ sententiæ perpendere satagi, eo magis certæ mihi visæ sunt. Cæterum, si quis adesset, qui me clarioribus momentis illuminare posset falsitatem ostendendo duorum principiorum (1) quæ hic exponere curavi, multas ei gratias haberem, atque statim etiam per publicam scripturam me revocari polliceor. Donec tamen aliter mihi, quàm in præsentiarum sentio, persuasum non erit, dico

(1) Sc. Duorum coroll. suprâ n. 69. et 75.

quòd sine gravi conscientiae remorsu non possem alios adstringere ad sequendam tutiorem, cum opiniones aequè sunt probabiles, nisi oppositum declararet Ecclesia, cui libenter, si declarabit, iudicium meum submitto.

Cæterum protestor, quòd sicut confessarios illos non approbo, qui nimiae austeritati adhaerentes faciliè damnant usum plurium opinionum, quæ gravi fundamento nituntur; ita contra neque approbare possum eos, qui de sacri opiniones sine certo fundamento tamquam probabiles acclamant. Confessarius, antequam aliquam opinionem amplectetur, tenetur utique intrinsecas rationes perpendere, et cum ei occurrit ratio aliqua convincens pro tutiori opinione, cui adæquatam responsionem suppetere non aspicit; tunc oppositam minùs tutam amplecti non potest, quamvis plurimorum doctorum auctoritas ipsi faveat; modò auctoritas non sit tanti ponderis, ut videatur ei magis quam rationi apparenti deferendum, juxta id quod docet *S. Thomas: Aliquis puræ scientiæ magis certificatur de eo, quòd audit ab aliquo scientifico, quàm de eo, quod sibi secundum suam rationem videtur. 2. 2. q. 9. a. 8. ad 2.* Sed iste casus valdè rarus erit.

84. — Hoc pro theoria, sed quantum ad praxim spectat diligendi opiniones, quæri solet, an expediat rigidas, an benignas præferre? Respondeo: Ubi agitur de removendo pœnitente à periculo peccati formalis, confessarius debet generaliter loquendo, et in quantum christiana prudentia suggerit, benignis opinionibus uti; ubi verò opiniones benignæ proximius reddunt periculum formalis peccati, prout sunt nonnullæ auctorum opiniones, v. gr. quoad vitandas occasiones proximas, et aliæ id genus; tunc semper expedit, ut confessarius utatur, imò dico, quòd ipse ut medicus animarum tenetur uti opinionibus tutioribus, quæ pœnitentes ad se servandos in statu gratiæ conducunt.

Nescio autem, quomodo possit cum bona conscientia doceri (genericè loquendo) quòd pœnitenti, qui ob confessionem suarum culparum peractam jus certum ad absolutionem jam fuerit adeptus, possit ipsa ei negari, eò quòd pœnitens inter duas æqualis ponderis opiniones nolit tutiorem sequi. Ille est rigor ille, quem immoderatum et injustum proculdubio reputo, et reprobo, cum austeritas hæc causa esse potest, ut

plures animæ damnentur; dùm aliàs plures auctores dicant etiam probabilioristas, tam modernos, quàm antiquos, re-
 latis quidem ab adversariis uti rigidæ sententiæ fautores,
 qui oppositum docent. En quomodo loquitur probabiliorista
Pontassus: *Fatendum tamen, quòd, si confessarius persua-*
sum foret, opinionem sui pœnitentis esse probabilem (loqui-
 tur jam de opinione, cui tutior opposita etiam est probabilis)
tunc ei absolutionem posset impertiri, quandoquidem tunc
contra conscientiam suam non ageret. Verb. Confessarius,
 cap. 2. Si autem confessarius potest pœnitentem absolvere;
 tenetur, cùm ille jus ad absolutionem habeat. Idem pariter
 scribit probabiliorista *Cabassutius*: *Quivis confessarius*
absolvere debet eum pœnitentem, qui non vult ab opere
abstinere, quòd secundum probabilem piorum, et doctorum
aliquot hominum non reprobata in Ecclesia auctoritatem
est licitum, quamvis juxta probabilem aliorum auctoritatem,
quam ipse sequitur confessarius, habeatur minus probabilis
 (intelligendum, non notabiliter minus) *ut ostendunt Navar-*
rus, Sylvius, etc. Et de hoc rationem dat, *quoniam, esto*
confessarius agat contra propriam opinionem, non tamen
contra propriam conscientiam, cùm teneatur absolvere
dispositum. Theor. jur. l. 3. c. 13. n. 13. Præterea *Victoria*,
 qui scripsit ante annum 1545, sic ait: *Sed quid faciet*
 (confessarius) *quando ambæ opiniones sunt probabiles, et*
habent suos proprios assertores? Respondeo, sive sit ejus
proprius sacerdos, sive non, tenetur eum absolvere in tali
casu; ita Paludanus. Probatur aperte, talis enim est in gra-
tia, et confessor habet probabilitatem, quòd sit in gratia,
quia scit esse probabilem ejus opinionem: ergo non debet ei
negare absolutionem. De confess. n. 109. Item *Adrianus* simi-
 liter scribit: *Si à pluribus doctoribus gravioris, seu etiam*
æqualis auctoritatis contrarium teneatur, non debet adeò de se
præsumere sacerdos, ut totum velit in suam opinionem,
quæ forsitan erronea est, coarctare. De confess. q. 5. dub. 7.
 Idem scripsit *Navarrus*: *Si sint contrariæ doctorum opiniones,*
et confessarius credit evidenti se textu, vel ratione niti, pœ-
nitentem autem dubià, non debet eum absolvere; at si pœni-
tens utitur pari ratione, vel ferè pari, et habet pro se ali-
quem doctorem clarum, poterit eum absolvere. Proindè sub-
 ddit: *Cùm dubitatur, an pœnitens hoc facere, aut dare*

debeat, benigniorem opinionem confessarius eligere debet, et pro hac sententia citat Angelum et Sylvestrum, *Manual.* cap. 26. n. 4. Idem confirmat S. Antoninus pluribus in locis; in uno scribit: *Idem videtur sentire Goffredus de Fontibus, in his scilicet opinionibus contrariis, quæ tolerantur ab Ecclesia, ut dictum est, et quod debet proponere confitenti, quod benè studeat de hoc se ipsum per prudentes informari, eò quod alii tenent contrariam opinionem, maxime si illius contrariæ opinionis confessor sit inordinarius ejus, et sic eum absolvere. Idem sentit Ricardus claro modo, non distinguendo: utrum confessor ejus sit ordinarius, vel non ordinarius. Part. 1. tit. 6. cap. 10. §. 10.* In alio loco idem S. Archiepiscopus, loquens de illo contractu (de quo suprâ sermonem habuimus) Florentiæ disceptato, ait consulendum ei qui inire illum vellet, ut abstinenceatur; at postea subdit: *Quod si tale consilium recipere recusaret quis.... relinquendus videtur judicio suo, nec condemnandus ex hoc, aut deneganda absolutio. Part. 2. tit. 1. cap. 11. §. 29.* Alibi tandem ait: *Si verò non potest (confessarius) clarè percipere, utrum sit mortale, non videtur tum præcipienda sententia, ut dicit Guillelmus, ut denegat propter hoc absolutionem, vel illi faciat conscientiam de mortali; quia faciendo postea contra illam, etiamsi illud non esset mortale, ei erit mortale, quia omne, quod est contra conscientiam, ædificat ad gehennam. Et cum promptiora sint jura ad absolvendum, quàm ligandum..... potius videtur absolvendum et divino examini dimittendum. P. 2. tit. 4. cap. 8. §.* In quantum. Idem, ut suprâ notavimus, ait Jo. Gerson: *Doctores theologi non debent esse faciles ad asserendum aliqua esse peccata mortalia, ubi non sunt certissimi de re. De vit. spir. lect. 4.* Nota, ubi non sunt certissimi. En quomodo hi magni nominis auctores, quos de laxitate nemo audebit culpares, uno ore loquuntur. Idem tandem scribit Domin. Soto: *Postquam opinio pœnitentis est probabilis, excusat eum à culpa, et ideo jus habet absolutionem petendi, quam ideo plebanus tenetur impendere. In 4. d. 18. q. 2. a. 8. ad 8.* Ipsemet autem Soto alibi jam dixit: *Et quando sunt opiniones probabiles inter graves doctores, utramvis sequaris, in tuto habes conscientiam, Lib. 6. de just. et jur. q. 1. a. 6. circa fin.* His perspectis, oportet quod sint animi valde au-

dentis confessarii illi, qui poenitenti opinionem tutiorem, dum opposita minus tuta est æqualis ponderis, amplecti nolenti post suorum reatuum confessionem absolutionem denegare non dubitant. Tandem ab omnibus, quæ hic exposita sunt, firmiter confirmatur principium à S. Th. nobis traditum, quòd lex, nisi sit sufficienter, ac certè promulgata, non obligat. Deindè concluditur, quòd, nisi opinio, quæ stat pro lege, sit aut certa, aut saltem certè probabiliór, prout ab initia diximus, eam sequi non tenemur.

MONITUM

In quo exponitur Decretum S. C. generalis Inquisitionis Romæ conditum an. 1761. circa usum opinionum probabilium.

85. — Quidam parochus Avisii Tridentinæ diocesis an. 1760: folium edidit unà cum undecim thesibus plures continentibus propositiones, quæ deindè ab eodem parcho publicè promulgatæ fuere. Folium erat hoc :

Probabilismus publicæ disputationi ven. clero Avisiensi exercitii gratià expositus contra probabiliorismum strictè talem, utpote *negotium perambulans in tenebris*. Pro die 10. Junii 1760. in ædibus canonicalibus Avisii. *Utinam observaremus mandata Domini certa! Quid nobis tanta sollicitudo de dubiis?* Celeber P. Const. Roncaglia lib. 12. cap. 3.

I. Probabilismus noster versatur circa hæc tria : Licet sequi æquè probabilem pro libertate, relictà æquè probabili pro lege. Licet sequi minùs probabilem pro libertate, relictà probabiliiori pro lege.

II. Usus probabilismi maximè tutus : usus probabiliorismi maximè periculosus.

III. Usus genuini probabilismi minimè in laxitatem degenerare potest : usus probabiliorismi strictè talis in rigorismum excurrere debet.

IV. Probabilioristas, quâ tales, qui ex consilio probabiliora sequuntur, laudabilissimè operari affirmamus.

V. Probabilioristis strictè talibus, qui ex præcepto, quod nunquam clare probant, seipsos, et alios ad probabiliora impellunt, meritò rigoristarum nomen imponimus.

VI. Qui nullatenus ad christianam perfectionem tendere possunt, nisi sequendo probabilissima.

VII. Abusus probabiliorismi strictè talis, non solum licentiæ frenum, sed licentiæ calcar est, quod Gallorum testimonio comprobamus.

VIII. Genuinus itaque noster probabilismus, qui nec morum corruptelam inducit, nec à S. Sede umquam malè fuit notatus, origine suâ Thomisticus, progressu ætatis Jesuiticus: utpote à quo arctatus, emendatus, et à Jesuitis contra Jansenianos furores propugnatus fuit.

IX. Qui ergo habitat in adjutorio fundatissimi probabilismi, sub protectione plurimorum ex omnibus orbis christiani nationibus præstantissimorum theologorum commorabitur securus.

Ex Historia critica. X. Hinc sine ulla laxismi nota benignissimum etiam vocamus, sed legitimum, quem suadent utraque lex cæsarea, et pontificia; sed Dominicanum, quem illustris Dominicanorum ordo jam à primis temporibus est amplexus; sed pium, qui christianam pietatem fovet, sed Thomisticum, quem S. Thomas in amoribus habuit, qui ducentas, et plures opiniones libertati faventes in suis Sententiarum libris docet; sed christianum, qui Christo Domino summè familiaris fuit.

Pro coronide. Probabilismus noster stans pro libertate, est notabiliter probabilior ipso probabiliorismo stante pro lege.

Hoc autem folium anno sequenti proscriptum fuit à Tridenti principe, et Episcopo, et deindè à S. C. Inquisit. Romanæ die 26. Febr. 1761. sic, ut fertur, damnatum fuit: Cum verò theses hujusmodi notæque theologicæ expensæ fuerint in C. gen. coram Ss. D. N. Clemente Papa XIII, Sanctitas sua, auditis, etc. folium prædictum, et theses in illos expositas, damnat, et prohibet, tamquam continentia propositiones, quarum aliquæ sunt respectivè falsæ, temerariæ, et piarum aurium offensivæ; illam verò excerptam à n. X nempe Probabilismum, qui Christo Domino summè familiaris fuit, proscribendam censuit, uti erroneam, et hæresi proximam. Præfatum itaque folium, sive theses, ut

suprà exscriptas, sic damnatas et prohibitas, Ss. D. N. vetat, ne quis cujuscumque status etc. imprimere, ac imprimi facere, vel transcribere, aut jam impressum, sive impressas apud se retinere, et legere, sive privatim, sive publice propugnare audeat, etc.

86. — *Rev. P. Jo. Vincentius Patutius* in suo Opello inscripto, *La Causa del Probabilismo* ec. sub nomine Adelphi Dositei, contendit, hoc decreto in prima thesi integrè probabilissimum vetitum fuisse, ita ut illicitum sit sequi, non tantùm opinionem æquè probabilem, sed neo etiam probabiliorē pro libertate. Sed id injustè contendit; folium enim illud plurā distincta continet: continet diversas theses, continetque etiam diversas propositiones, quæ thesium membra sunt, sive partes. Cùm autem folium prædictum emanavit, duæ factæ fuerunt difficultates à sapientibus super hujusmodi folii proscriptionem. Prior fuit, an singulariter damnatæ fuissent, non solùm omnes folii theses, sed insuper omnes propositiones in thesibus contentæ. At communiter visum fuit, quòd licèt pro vero se haberet, omnes theses proscriptas fuisse, et unamquamque ipsarum, minimè tamen omnes in thesibus contentæ propositiones damnatæ erant, sed tantùm illæ, quæ censuram merebantur; nam in decreto dicebatur: *Sanctitas sua folium prædictum, et theses damnat et prohibet, tamquam continentia propositiones, quarum aliquæ sunt respectivè falsæ, temerariæ, etc.* Itaque non fuit damnatum folium, et theses quoad omnes propositiones in illis contentas, sed tamquam continentia propositiones, quarum aliquæ sunt respectivè falsæ, etc.

Harum autem propositionum proscriptio valdè differt à proscriptione facta ab *Alexandro VII.* propositionum, respectu quarum dictum fuit: *Sanctissimus decrevit, prædictas propositiones, et unamquamque ipsarum damnandas.... ita ut quicumque illas aut conjunctim, aut divisim docuerit, etc. incidit, etc.* Eodemque modo damnatæ fuerunt aliæ propositiones ab *Innocentio XI.* et ab *Alexandro VIII.* Unaquæque igitur propositionum illarum in particulari damnata fuit, atque eas docero, sive conjunctim, sive divisim fuit vetitum. At propositiones prædicti folii damnatæ fuerunt, non singulæ in particulari, sed ut dicitur, in *globo*, et *respectivè*; nempe illæ tantùm, quæ merebantur ut damnarentur: nec prohibi-

tum fuit docere eas conjunctim, aut divisim, sed acervatim sumptas, prout quidem Tridentinus Episcopus in suo decreto expressit: *Prohibentes, ne iidem articuli acervatim sumpti, in disceptationem ususque deducantur.*

Quod ad primam igitur folii thesim pertinet, neutiquam dampnata fuit prima illius propositio, quæ dicebat licere sequi opinionem probabiliorē pro libertate, neque altera de opinione æquē probabili. Difficultas tantum supererat, an tertia propositio de opinione minus probabili dampnata esset; et quoniam propositio generaliter loquebatur, ita ut adhuc opinionem notabiliter minus probabilem amplecteretur, idcirco dubitabatur, an ipsa saltem proscripta esset. Sicque etiam dubitari poterat, an dampnata fuisset ultima thesis, quæ dicebat: *Probabilismus noster stans pro libertate est notabiliter probabilior etc.*; ita ut propositio hæc affirmaret sententiam, quod sequi posset opinio adhuc notabiliter minus probabilis, esse etiam notabiliter probabiliorē sententiam, quæ stat pro lege.

Hoc posito, jam compertum erat, quod, licet omnes theses proscriptæ fuissent, minimè tamen dampnatæ erant omnes harum thesium propositiones. Dubium tantummodo remanebat, an damnatis sic in globo, et in confuso folio ac thesibus, damnatæ essent singulæ theses in particulari, aut dumtaxat aliquæ illarum; etenim cum in decreto non dicebatur, *omnes theses*; verba, *quarum aliquæ, etc.* dubitabatur, an referri deberent ad theses, vel ad propositiones in thesibus contentas. Verumtamen dubium hoc ab eadem S. C. postea declaratum fuit; cum enim proscriptio prædicti folii deinde jussu ejusdem S. C. inserta fuisset in indice librorum prohibitorum, non dictum fuit, *Folium, et theses in illo expositæ*, prout prius dictum fuerat in decreto, sed simpliciter dictum fuit: *Plagula undecim thesium, cui titulus: Probabilismus disputationi, etc.* Quapropter in præsentī declaravit S. C. esse tantum præfatam plagulam proscriptam, id est tantum chartam, sive folium undecim thesium, non autem omnes, et singulas theses. Et reverà, cum de hoc dubio litteras dedissem, ut certior de hoc omnino fierem, ad duos S. Inquisitionis Romanæ consultores, nempe ad reverendiss. P. M. Thomam Augustinum Ricchini Sacri Palatii magistrum, adque reverendiss. P. M. Pium Thomam Schiara S. C. Indicis secretarium; ambo

mihî responderunt, minimè prorsus, in decreto. Si Q. vultum fuisse probabilismum, nec quoad primam, nec secundam, nec tertiam propositionem de opinione minus probabili pro libertate.

Præterea, ut tutius agerem, de hac epistolam misi etiam ad eminentiss. Dom. Cardinalem Galli penitentiarium majorem, cum deprecans de faciendo de re hac verbum cum regnante Pontifice, et ipse Eminentiss. Cardinalis idem mihi respondit, hæc verba signanter scribens: *Posso accertare V. S. Illustriss. che nella condanna dell' accennato foglio, di cui mi scrive, non si è inteso di condannare veruna delle proposizioni, che si controversano nelle Scuole cattoliche, e da molti cattolicamente si difendono, ma si è avuto il motivo di proibirlo, perchè le proposizioni, che ella medesima riconosce meritevoli di censura ec (1), Censeo, quòd hæc sola hujus eminentiss., et sapientissimi Cardinalis responsio ad obstruenda omnium ora sufficiat.*

MONITUM II.

87. — Postquam hæc typis mandassem, valde miratus sum legendo apud novam Theologiam moralem novissimè editam à P. Patutio id, quod ibi P. Sidenius Veronensis ejusdem Patutii vitam describens, præcipuè ubi illius Opera enumerat, confidenter asserit, quòd in controversia inter Patutium et me habita circa usum probabilium opinionum, cum ipse Patutius mihi respondisset secundo Libello, cui titulus: *Osservazioni theologiche sopra l'Apologia dell' Illustriss. e Reverendiss. Mons. D. Alfonso de Liguori ec.*; ego vi argumentorum convictus, nihil jam ultra habens quod adversario meo opponerem, ab iterum respondendo abstinui; ne tamen omnino cederem, ut ipsi, quod scripsit, esset dedecori, omnia ejus adversum me Scripta ad S. C. Indicis, ut damnarentur, detuli.

(1) *Id est*: Certiorem te facere possum, illustrissime Domine, in condemnatione Folii, de quo mihi scribis, nullius earum propositionum, de quibus disceptatur in scholis catholicis quæque à multis catholicè propugnantur, condemnationem intendi, sed Folium istud principaliter inhibendum fuisse ob propositiones quas ipsemet nosti censura dignas.

Papæ hoc probrum mihi deerat, nomen accusatoris. Sed res ita se habet. Brevem quamdam dissertationem ego olim in lucem edidi pro usu moderato opinionis æque probabilis, illo ductus principio, quod lex incerta nequit certam parere obligationem, eo quod lex dubia caret sufficienti promulgatione, quæ essentialiter requiritur ad hoc quod lex virtutem obligandi obtineat, quod est proprium legis, hæc verba sunt *S. Thomæ* 1. 2. q. 9. a. 1. Quapropter idem *S. Doctor* protulit deinde celebrem illam sententiam: *Nullus ligatur per præceptum aliquod, nisi mediante scientia illius præcepti. De verit. q. 17. a. 3.* Hanc meam dissertationunculam *P. Patutius* ann. 1764. suo primo libello, inscripto: *La causa del Probabilismo richiamata all' esame da Mons. D. Alfonso de Liguori ec.*, acri et vehementi stylo oppugnavit, duas has præcipuas objectiones proferens, quarum prima fuit, quod nomine *scientiæ præcepti*, uti scripsit Doctor angelicus, nequaquam intelligitur cognitio certa præcepti, sed tantum probabilis, quamvis dubia, præcepti notitia, quæ (ut agebat) jam habetur, ubi de duabus oppositis opinionibus æque probabilibus agitur. Secunda fuit, quod lex æterna, ex qua omnes aliæ naturales leges emanant, ab æterno jam promulgata fuit, priusquam creatus fuisset homo, promulgatione *casuali*, *virtuali*, aut *eminenti*, et ideo ipsa usque ab æterno vim habuit obligandi.

Huic libello copiose ego respondi in *Apologia* meæ dissertationunculæ, in quâ *Patutii* objectiones omnino mihi et aliis diluisse visum fuit. At deinde adversus hanc meam *Apologiam* secundus *Patutii* libellus prodiit, *Osservazioni teologiche ec.* de quo sub initio *Moniti* mentionem feci, ibique meus adversarius cognoscens primas suas objectiones parum firmas esse, spectatis responsis, quæ illis ipse dedi, duas alias adjecit; unam nimirum, in quâ reapse nihil aliud egit nisi anteactam oppositionem in priori libello scriptam repetere, mutando solummodò epithetum promulgationis; nam ubi hanc *casualem*, seu *virtualem* prius dixerat, in hoc secundo essentialem appellavit: alteram, quod lex naturalis homini promulgatur in ipsâ animæ in corpus infusione, priusquam ipse actualem legis cognitionem acquirat. Hinc coactus fui respondere ampliori libro, cui titulus: *Dell' Uso moderato dell' opinione probabile.* Ibi convincenter omnibus his et aliis *Patutii* objectionibus.

speci satis, et plura alia adjeci, quæ magnoperè meam sententiam confirmarunt.

Ad primam autem objectionem, quòd sufficit probabilis etsi dubia notitia legis ad ejus promulgationem, jam responsum est suprà in allatâ dissertatione, et propriè. Ad secundam verò, et tertiam, nempe quòd lex divina jam ab æterno fuit hominibus promulgata promulgatione *casuali*, aut *essentiali*, respondi, et ostendi ex auctoritate *D. Thomæ*, ac omnium theologorum, quos diligenti studio perquisivi, legem divinam nullo modo homines obstrinxisse, nisi postquam actualiter eis promulgata et manifestata fuit. En verba *S. Thomæ*, quem *Patutius* omninò sequi profitetur (in hac tamen re aut nolle sequi, aut intelligere nolle videtur, dum *S. Doctor* nimis apertè, et pluribus in locis nostram sententiam docet): *Lex æterna habet promulgationem æternam ex parte Dei promulgantis... sed ex parte creaturæ audientis, aut inspicientis non potest esse promulgatio æterna. 1. 2. q. 91. a. 1. ad 2.* Ergo nulla dici potest facta homini divinæ legis promulgatio, donec homo non audit legem, et inspicit, scilicet donec lex ei intimatur, et ipsi innotescit. Omnes autem reliqui theologi *S. Th.* sequentes uno ore docent, quòd licèt lex divina ab æterno habuerit in se virtutem obligandi in actu primo, tamen in actu secundo numquam ipsa actualiter obligavit homines, nisi postquam ipsis applicata fuit per ejus actualem promulgationem. *Sylvius* ita scribit: *Actualiter tunc (lex) unicuique promulgatur, quando cognitionem à Deo accipit dictantem, quid juxta rectam rationem sit amplectendum, quid fugiendum. In 1. 2. q. 90. a. 4. in fin.* Et alibi ait: *Lex æterna fuit ab æterno lex materialiter, non fuit tamen ab æterno formaliter, seu sub ratione legis actualiter obligantis; quia tunc non fuit actualis et perfecta promulgatio. In 1. 2. q. 91. a. 1. ad 2.* *Cardinalis Gotti.* sic loquitur: *Ad hoc, ut lex in actu secundo obliget, requiritur equidem indispensabiliter, ut subditis promulgatione proponatur. Theol. tom. 2. tract. 5. de legib. q. 1. dub. 3. §. 3. n. 34.* Et in alio loco dicit: *Ab æterno (lex æterna) fuit in mente Dei, quamvis pro æterno nondum ligat; quia nondum applicata et promulgata. Tract. 5. q. 2. dub. 1. n. 13.* *P. Gonet* scribit: *Legem æternam defectu promulgationis non potuisse obligare creaturas ab æterno. Vide in Clypeo theol. tom. 3. d. 1. a. 3.* *Joan. Gerson* scribit: *Necesse*

est dari manifestationem voluntatis Dei, nam per solam suam voluntatem nondum potest Deus absolute creaturæ imponere obligationem. P. Gonet in alio loco scribit: *Promulgatio legis naturalis fit per dictamen rationis intimantis homini quæ præscripta, aut prohibita sunt; ergo cum deest tale dictamen, lex non obligat.* Diss. de op. prob. a. 6. §. 1. n. 172. Idem sentiunt plurimi alii, qui observari possunt in citato meo Opere: *Dell' uso ec.* Sed deveniamus ad quartam objectionem *Patutii*, cui respondendo prædicta hæc validiùs confirmantur.

Quarta et ultima ejus præcipua oppositio fuit hæc, quòd lex naturalis homini promulgatur habitualiter, cum Deus animam creat, camque in corpus infundit, quia tunc rationem in homine imprimit. Huic fusè in opere citato à me responsum est: hic satis esse censeo ad *Patutium* confutandum afferre eadem verba S. Thomæ, quibus ipse utitur: *Promulgatio legis naturæ est ex hoc ipso, quòd Deus eam mentibus hominum inseruit naturaliter cognoscendam.* 1. 2. q. 90. a. 4. ad. 1. *Patutius* uti vult pro se verbo tantum inseruit, sed uti debet verbis subsequentiis, *naturaliter cognoscendam*: ergo non, cum anima corpori infunditur, sed cum homo legem cognoscit, lex ei promulgatur. Id S. Doctor alibi confirmat docens: *Etsi non semper teneatur homo velle, quod Deus vult; semper tamen tenetur velle, quod Deus vult eum velle, et homini præcipue innotescit per præcepta divina.* 1. 2. quæst. 19. art. 10. ad tertium. Tunc igitur tantum tenetur homo sequi voluntatem divinam, cum illa ipsi manifestatur, innotescit per præcepta divina. Audiamus, quid dicant in hoc alii auctores. Joannes Gerson explicans quænam sit lex naturalis, dicit: *Lex ista est propriè dicta declaratio creaturæ rationali facta, per quam illa cognoscit, ad quas res Deus creaturam obligare vult.* Vita spir. etc. lect. 2. col. 176, edit. Paris. Duvallius scribit: *Quæres, quo tempore lex naturæ unumquemque obligare incipiat? Resp. incipere, quando promulgatur; tunc autem sufficienter promulgari, quando quisque annos discretionis attingit.* 1. 2. de leg. q. 3. a. 3. Card. Gotti scribit: *Lex naturalis est in anima per modum actus et quidem dum actu consideratur... In amentibus est in habitu, in pueris autem est in potentia, qui nondum possunt sibi divinum præceptum, in quo consistit lex, intimare.* De leg. q. 2. dub. 2. n. 21.

S. Antonin. : *Nota diligenter, quòd istud lumen legis naturalis non ostendit homini, quæ sint bona, quousque perveniat ad usum rationis.* Par. 1. tit. 13. c. 12. vide §. 3. P. Cuniliati scribit : *Actualis legis naturalis promulgatio evenit, quando quis a Deo cognitionem accipit dictantem, quid fugiendum, vel amplectendum.* Tract. 1. de reg. mor. c. 2. §. 1. n. 5. et §. 3. n. 1. P. Ludovicus Montesinus scribit : *Lex naturalis promulgatur in unoquoque, dum primò venit ad usum rationis; et quamvis pro tunc solum promulgatur ista lex quantum ad principia communissima juris naturæ, tamen postea paulatim per discursum promulgatur eadem lex quantum ad alia.* De legib. disp. 20. q. 4. n. 85. Sed omissis aliis auctoribus relatis, audiamus quid dicat S. Hieronymus; ipse (epist. ad Aegasiam.) sic scribit : *Hanc legem (naturalem) nescit pueritia, et peccans absque mandato non tenetur lege peccati. Maledixit patri et matri, parentes verberat, et quia necdum accepit legem sapientiæ, mortuum est in eo peccatum. Cum autem mandatum venerit, hoc est tempus intelligentiæ (quo Dei mandata cognoscimus) appetentis bona, et vitantis mala; tunc peccatum reviviscere incipit, et homo reus est peccati.* Notentur verba illa : *Cum autem mandatum venerit, hoc est tempus intelligentiæ; ita ut tunc lex venit ad hominem, scilicet ei promulgatur, cum homo illam intelligit.* Idem scripsit prius S. Basilius (homil. in psalm. 1. n. 5.) : *Postquam ratio nostra perfecta est, atque cumulata, tunc fit quod scriptum est : Ego autem vivebam sine lege aliquando; sed cum venisset mandatum, peccatum revixit.*

88. — Hæc omnia in relato meo opere, *Dell' Uso moderato* de. reperiuntur; quod omnibus serè Italiæ Episcopis et primariis ordinum prælatis mittere curavi, ac propterea cum accepissem, *Patutium* in lucem edere novam Theologiam moralem, in hæc aliquid his, quæ scripsi, responsurum putabam, sed mea me fecerunt opinio, nam iis quæ majoris ponderis erant, nullum responsum inveni. Quòd autem ipse detulissem ad S. C. Indicis scripta contra me à *Patutio*, hoc minimè verum est, nec umquam in mentem mihi venit; imò quoad convicia à *Patutio* adversum me prolata, potius eum excusavi, dicendo quòd ipse non jam animo me conviciandi talia scripsérat, sed ut hac arte legentium mentes imbueret de præstantia suæ causæ, et sic ipsorum conniventiam sibi conciliaret. Cæterum

pluries ego in meis Operibus eruditos rogavi; ut si quid contra mea scripta haberent, mihi patefacerent, ut, cognito errore, a meâ discederem sententiâ. Nemo tamen usque adhuc fuit, qui id mihi præstiterit, præter Ephemeridum Gallicarum scriptorem, qui mihi tantum objecit, quod ego opinionem æquè probabilem admittendo, eò quod in hujusmodi casu lex est dubia, etiam minus probabilem admittere deberem, quia tunc lex etiam est dubia. Sed huic oppositioni jam in libro meo prævi, (1) statuens, quod ubi adest probabilior opinio pro lege, tunc lex est moraliter promulgata, ideoque obligat, non obstante illo dubio lato pro opinione benigniori, ubi enim veritatem certam non invenimus, illam sequi debemus opinionem, quæ magis veritati appropinquat; contra verò, ubi opiniones sunt æquè probabiles, lex est verè dubia dubio stricto, ita ut nullo modo tunc lex dici potest sufficienter promulgata.

Nolo hic præterire id quod nuper reperi in postremâ editione Theologiæ moralis *P. Fulgentii Cuviliati* (*Tract. de conscientia c. 1. in fin. ad §. 6.*) allatum nempe in medium decretum S. R. Inquisitionis, quo theses quædam à parocha Avisii diœcesis Tridentinæ exaratæ anno 1761. proscriptæ fuerunt, et quo adversarii autumant probabilismum universè damnatum fuisse. Sed ego in pluribus Opellis ostendi, in relato decreto nec probabilismum universum, nec aliquam opinionem, quæ in catholicorum scholis propugnantur, sed aliquas tantum, quæ nimis laxæ erant, fuisse proscriptas, sicut, duo S. Officii consultores, et ipse Cardinalis *Galli* in eo tempore pœnitentiarius major, mihi rescripserunt, ut notavi in dissertatione suprâ, descriptâ.

89. — Præterea res admiratione digna est videre, aliquos nullum reputare tutiorem modum salvæ faciendi animas, quam eas per semitas asperiores ducere, sed non minus isti errant, quam alii qui conscientias per laxiorem perducunt viam. Non solum enim rationem Deo reddere tenemur de nimia indulgentiâ, verum etiam de nimia rigiditate, quâ conscientiæ animarum illaqueantur, quod propriè est (juxta *S. Antoninum*) *ædificare ad gehennam*. Valdè ap-

(1) Auctor ferè in omnibus suis dissertationibus de Probabilismo inter parum probabiliorum et opinionem multo seu certè probabiliorum rectè distinxit, ut etiam in hoc tract. n. 56.

positè id explicat doctus Cabassutius ex doctrinâ sancti Bonaventuræ, postquam enim detestatur immodicam benignitatem, reprobat immoderatum rigorem, qui, ut ait, dum homines ad nimis ardua compellit, viam salutis æternæ præcludit: salvandos (ut ait D. Bonaventura) damnat et conscios propriæ infirmitatis ad desperationem adigit. Accidit enim, ut miseri homines, hæc auditâ rigidiorē doctrinâ, credant vel dubitent inesse mortalem culpam, ubi nulla est: sed tamen rei difficultate victi, ex erroneâ conscientia mortaliter peccant, et damnantur. Theor. jur. in præfat. Deindè subdit ibidem idem auctor verba D. Bonaventuræ, qui docuit: Cavenda est conscientia nimis larga et nimis stricta; nam prima generat præsumptionem, secunda desperationem. Item prima sæpè salvat damnandum, secunda è contrâ damnat salvandum. S. Bonav. Comp. theol. verit. l. 2. c. 32. n. 5. Idem validiùs firmat Joannes Gerson dicens: Doctores theologi non debent esse faciles ad asserendum aliqua esse peccata mortalia, ubi non sunt certissimi de re; nam per hujusmodi assertiones rigidas et nimis strictas nequaquam eriguntur homines à luto peccatorum, sed in illud profundius, quia desperatiùs, demerguntur. Lib. de vita spir. lect. 4. Hinc scripsit S. Raymundus: Non sis pronus judicare mortalia peccata, ubi tibi non constat per certam Scripturam. Lib. 3. de pœnit. §. 21. Idem dixit Gabriel Biel, qui an. 1480 scripsit: Nihil debet damnari tamquam mortale peccatum, de quo non habetur evidens ratio, vel manifesta auctoritas Scripturæ. In 4. dist. 16. q. 4. concl. 5. Idem scripsit S. Antoninus dicens: Quæstio in quâ agitur, utrùm sit peccatum mortale, nisi ad hoc habeatur auctoritas expressa Scripturæ, aut canonis Ecclesiæ, vel evidens ratio, periculosissimè determinatur. Par. 2. tit. 1. c. 11. §. 28. Et alibi scribit loquens de confessario: Si verò non potest clarè percipere, utrùm sit mortale, non videtur tunc præcipienda sententia, ut dicit Guillelmus, ut deneget propter hoc absolutionem, vel illi faciat conscientiam de mortali. Et cùm promptiora sint jura ad solvendum, quàm ligandum..... potius videtur absolvendus. Part. 2. tit. 4. c. 5. §. In quantum.

TRACTATUS II.

DE LEGIBUS.

CAPUT I.

DE NATURA, ET OBLIGATIONE LEGIS IN GENERE.

DUBIUM I.

Quid sit lex, sive præceptum?

- 90 *Quid sit lex?*
- 91 *Quis ad eam teneatur?*
- 92 *An lex iniqua obliget?*
- 93 *An in dubio de justitia teneamur lege? (Vide etiam n. 90.)*
- 94 *An leges latae à tyrannis obligent?*
- 95 *An obliget lex non promulgata?*
- 96 *Quid notandum circa promulgationem legis?*
- 97 *Quid circa legem dubiam? Et in dubio an lex existat? an adsit causa excusans? an lex sit promulgata? an usu recepta?*
- 98 *Quid in dubio, an superior sit legitimus? Et an excedat suam potestatem?*
- 99 *Quid in dubio an lex sit justa? Vel an lex præcipiat? Vel an eam impleveris?*
- 100 *An lex humana possit præcipere actus internos? Et an prohibere externos occultos? Vide ibid. Quær. III. An in dubio, si res sit licita, subditus teneatur obedire?*

90. — **R**ESPONDEO : Lex et præceptum, prout hic indistinctè accipitur, est recta agendorum, aut omittendorum

» ratio. Interim, cum à superiore non communitati, sed alieni
 » tantum, aut aliquibus in particulari, aliquid præcipitur,
 » non appellatur lex, sed præceptum tantum. *Suar. Laym.*
 » *Bonac. d. 1. q. 1. p. 1. Unde resolves.*

91. — » 1. Ad legem, seu præceptum quis tenetur, non ad
 » consilium: cum hoc tantum dirigat, illud verò obliget, *ibid.*

92. — » 2. Cum iniqua lex est, et contra rationem, non
 » obligat: quia deficit à rectitudine, *ibid.*

93. — » 3. Cum dubium est de justitiâ, teneris lege; quia
 » legislator possidet jus præcipiendi: idemque regitur altiore
 » consilio, ac potest habere rationes subditis occultas. Addit
 » *Suarez*, etiam obligare, licet contra justitiam legis sint
 » rationes probabiles, quia aliàs nimia daretur licentia legi-
 » bus non parendi, cum vix possint esse tam justæ, quin
 » aliqua apparens ratio dubitationem movere possit. *Suar. l.*
 » *1. c. 9. Bon. pag. 8. n. 11. (Vide n. 99.)*

94. — » 4. Leges, et sententiæ latæ à tyrannis obligant, si
 » in pacificè regna possideant, et à republicâ tolerantur. Nec
 » obstat, quòd sententia judicis illegitimi dicatur esse nulla,
 » id enim verum est de sententiâ, prout est præcisè à tyranno;
 » non autem prout est à voluntate, saltem interpretativâ, et
 » implicitâ reipublicæ, quæ dum tyrannum, et judices ab
 » eo constitutos repellere nequit, tacitè confert iis potestatem
 » gubernandi, eorumque leges, et acta ratificat. *Less. l. 2.*
 » *c. 29. dub. 9. Salas, disp. 10. sect. 3. n. 14. » (Idem dicunt*
Salm. c. 2. punt. 1. n. 10. cum. Pal. etc.)

95. — » 5. Non tenetur quis ad legem, nisi promulgata sit,
 » sive denunciata. *S. Th. 1. 2. q. 90. Laym. l. 1. t. 4. c. 3.*
 » *Molina, Salas, Suarez, et alii communiter.*»

96. — Circa promulgationem legis, l. notandum est id quod
 docet *S. Thom. 1. 2. q. 90. art. 4. promulgatio necessaria*
est, ut lex habeat suam virtutem. Et in c. In istis, dist. 4.
habetur: Leges tunc constitui, cum promulgantur. Ratio,
 quia lex nequit obligare, nisi perveniat per promulgationem
 ad notitiâ communitatis. Hinc lex non obligat, si denun-
 tietur tantum personis particularibus. Ita *Sotus de just. l. 1.*
q. 1. art. 4. Suar. de leg. l. 3. c. 17. n. 5. Palasus tr. 3.
disp. 1. punct. 11. n. 6. et Salm. c. 1. n. 75. cum Tapia, et
Diana. Hinc inferitur quòd si quis sciret aliquam legem esse
 conditam, non teneretur eam servare, nisi postquam esset

Cap. 1. De natura, et obligatione legis. Dub. 1. 109
promulgata: ut *Palaeus l. c. punct. 10. n. 2. Salm. n. 76. et Less. l. 2. c. 21. dub. 5. n. 45.* Sufficit autem ad obligandum, quòd lex communiter et solemniter publicetur in locis, ita ut possit pervenire ad notitiam majoris partis communitatis, licet à singulis ignoretur. *Vide Salm. ib. n. 77. 78. et 79.*

II. Notandum circa modum promulgationis, quòd leges cæsareæ, sive principum subjectorum imperatori, debent promulgari in singulis provinciis, seu civitatibus metropolitānis; et non obligant, nisi post duos menses à promulgatione. *Auth. Ut factæ novæ, coll. 5. (1).*

Sed quæritur I. An leges pontificiæ (et aliorum principum non subjectorum) ut obligent, promulgari debeant, non solum Romæ (sive in curiā), sed etiam in singulis provinciis?

Prima sententia affirmat, et hanc tenent plures graves auctores, ut *Becanus de leg. q. 5. n. 5. Nat. Alex. Theol. lib. 4. art. 3. reg. 25. Cont. Tourn. de legib. c. 3. sect. 4. Cabanot. Theor. Jur. l. 1. c. 4. n. 4. cum Medina, Angel. etc.*; et probabilem vocant *Sylvius tom. 2. in 1. 2. q. 96. art. 4. concl. 5. Anacletus, Roncaglia, et alii.* Citatur pro hac sententia etiam *Cajetanus*, sed *Cajetanus* aliud non dicit, quàm quòd leges canonicæ non obligant ignorantes. Citatur etiam *Lessius*, sed *Lessius l. 2. c. 22. n. 89.* loquitur tantùm de legibus, quæ contractus irritant. Citatur quoque *Dom. Soto*, sed *Soto de just. l. 1. q. 1. art. 4.* potius loquitur de legibus inhabilitantibus, aut revocatoriis privilegiorum. Fautores autem hujus primæ sententiæ principaliter fundantur in *Authenticâ* mox suprâ relatâ, *Ut factæ novæ*, et ajunt quòd ubi non adest specialis dispositio legis canonicæ, standum civili, prout inferitur ex c. 2. de Nov. Op. nunc. in quo dicitur: *Sacrorum sta-*

(1) Alius promulgationis modus est ex codice civili gallico, in quo hæc statuuntur:

Art. 1. Leges vim obligationis in toto regno gallico habent ex promulgatione facta à rege.

Executioni mandandæ sunt in omni loco imperii, quamprimum ipsarum promulgatio nota esse potuerit. Promulgatio regis in præfectura sedis regię nota esse censebitur uno die à promulgatione elapso; in aliis præfecturis pariter lex promulgata habenda est die uno elapso à promulgatione, additis tot diebus, quot decies myriametra (circiter viginti leucæ antiquæ) inter urbem, in qua primam promulgatio locum habuit, et civitatem primariam cujuslibet præfecturæ, intercesserint. *Confer notam infra ad n. 105 positam.*

tuta canonum principum constitutionibus adjuvantur. Præterea inquiunt, nimis esse durum fideles totius orbis christiani obstringere ad servandas leges tantum Romæ publicatas. Sed adhuc juxta hanc primam sententiam excipi debent bullæ insertæ in Bullario, quoniam hæc sunt jam corpus legum; et in hoc omnes conveniunt; ut testatur *Cardinalis Petra in Præmial. c. 4. n. 30 et 34.*

Secunda verò sententia valdè communis, et probabilior id negat, tenetque leges pontificias obligare fideles solâ promulgatione Romæ peractâ; ita *Suarez de leg. l. 3. c. 16. n. 8. Bon. eod. tit. d. 1. q. 1. p. 4. n. 16. vers. Concedo, Laym. l. 1. tr. 4. c. 3. n. 4. Azor. p. 1. l. 3. c. 3. vers. In hac q. Castrop. de leg. tr. 3. d. 1. p. 11. n. 4. Carden. in 1. Crisi d. 9. c. 20. art. 12. Ferrar. Bibl. tom. 4. verb. Lex. art. 2. n. 3. Salm. tr. 11. de leg. c. 1. punct. 7. §. 1. ex n. 86. cum Valent. Navar. Vasq. Menoch. Pontio, Diana, et Salas.* Ratio hæc est: Nulli dubium quòd lex, ut vim habeat obligandi, debet esse promulgata, aliàs ad notitiam subditorum pervenire non posset; sed quòd ad promulgationis modum pertinet, id ab arbitrio et intentione legislatoris pendet. Hinc observavi (prout etiam *Salmanticenses* pro certo testantur) quòd inter omnes DD. adhuc inter adversarios, non est qui neget, opus non esse de sua natura, ut lex obliget, quòd in qualibet provincia publicetur, sed satis est quòd promulgetur in curia legislatoris, sicut de facto etiam in Hispaniis (scribunt iidem *Salmanticenses*) leges regie, eò quòd rex ibi non tenetur cæsareas servare, tantum *Matriti* promulgantur. Et sic pariter bullæ pontificiæ ut plerimum juxta usum jam receptum, tantum Romæ promulgantur locis ibi ad id destinatis; et vigore hujusmodi constitutionum deinde omnes causæ ecclesiasticæ judicantur. Contra autem Sedes apostolica, cum vult aliquam legem non obligare, nisi post publicationem factam in provinciis, id exprimit, sicut expressit in Interdicto ab Ecclesia, imposito à concilio Lateranensi IV. adversus medicos, qui pergunt ad assistendum infirmis, antequam illi confessionem expleverint, ut præcipitur in cap. *Cum infirmitas de penit. et remiss.* Et sic etiam expressum fuit à concilio Tridentino, sess. 24. c. 1. circa invaliditatem matrimoniorum clandestinorum.

Hoc posito, cum Pontifex statuit, suas bullas tantum

Romæ publicari, minimè verisimile est, quòd ipse non alias provincias, sed solam Romanam obligare intendat. Cùm Papa tantum Romanos obstringere vult, solet peculiaria edicta emanare (et hæc Italico idiomate efformat); sed statuta per totam Ecclesiam condens, eaque solemniter promulgans cum clausulis obligatoriis, procul dubio præsumitur omnes fideles obligare velle, statim ac ipsis notitia pervenerit. Quæ notitia faciliè est, ut è Roma ad provincias perveniat; Romæ enim conveniunt omnes ferè nationes, et omnes prælati habent ibi suos procuratores, qui ordinariè satagunt suos principales de novis bullis, quæ promulgantur, certiores facere. Præterea quòd leges pontificiæ obligent statim ac solemniter promulgantur, id elarè deducitur ex c. 1. *Ad hæc, de postulat. prælat.* ubi dicitur: *Non sit necessarium, cùm constitutio solemniter editur, aut publicè promulgatur, ipsius notitiam singulorum auribus per speciale mandatum vel litteras inculcare; sed solum sufficit ut ad ejus observantiam teneatur, qui noverit eam solemniter editam, aut publicè promulgatam.* Notetur, *solemniter editam, aut publicè promulgatam.* Qui igitur notitiam certam habet de aliquâ bullâ jam solemniter Romæ promulgatâ, benè tenetur ad eam servandam. Idem satis inferitur ex cap. *Quia cunctis* 1. (ad verba, *Nec obstaret*) de concess. præben. in 6. ubi habetur: *Lex, seu constitutio, vel mandatum nullos adstringunt, nisi postquam ad notitiam pervenerint eorundem, aut nisi post tempus, infra quod ignorare minimè debuissent.* Ergo quisque tenetur leges illas observare, quarum notitia jam ipsi pervenit, cùm illæ jam promulgatæ fuerint modo, quo legislator eas promulgare potest. Nec est dubitandum, quin Papa adstringere possit omnes fideles ad observantiam bullarum suarum per solam promulgationem Romæ factam, sicut quilibet princeps (prout omnes auctores admittunt, ut supra vidimus) obligare suis legibus valet cuncta sua regna per solam publicationem in suâ curiâ expletam.

Sed quod magis nostræ sententiæ vim præbet, sunt duæ clausulæ quæ apponi solent in his bullis, quæ Romæ promulgantur, locisque consuetis affiguntur. Altera clausula sic dicit: *Ut autem præsentès litteræ ad omnium notitiam facilius deveniant, et nemo illarum ignorantiam allegare valeat, volumus illas ad valvas etc. affigi, et publicari, sicque publicatas omnes*

et singulos quos illæ concernunt, perindè arctare et efficere, ac si unicuique eorum personaliter intimatæ fuissent. Altera dicit: *Volumus autem, ut præsentium litterarum transumptis, etiam impressis, manu alicujus notarii publici subscriptis, et sigillo personæ in dignitate ecclesiasticâ constitutæ munitis, eadem prorsus tam in judicio, quàm extra illud ubique adhibeatur observantia, ac si unicuique forent exhibitæ, vel ostensæ.* Hæ autem clausulæ nimis disertè ostendunt, mentem Pontificis esse, velle omnes fideles obstringere ad hujusmodi statuta independenter ab eorum publicatione in singulis provinciis. Et *Sylvius*, ac *Roncaglia*, quamvis admittant ut probabilem primam sententiam, habent tamen ut certum, quòd omnes bullæ cum præfatis clausulis Romæ promulgatæ obligent per se absque aliâ promulgatione. Cæterum, rectè ait *Roncaglia*, quòd ex relatis verbis talium clausularum firmum adduci potest argumentum pro primæ sententiæ probabilitate respectu ad eas bullas, ubi prædictæ clausulæ desunt; nihil enim in legibus frustrâ appositum supponendum, et clausulæ illæ omnino essent superflue, si omnes bullæ Romæ publicatæ etiam sine talibus clausulis obligarent ante quamlibet aliam publicationem in provinciis; modò (excipit) in aliquo loco consuetudo non vigeret indifferenter amplectendi bullas Romæ quocumque modo promulgatas.

Quærit autem *Sylvius* loco suprâ citato vers. *Petes*, an Episcopi teneantur promulgare, aut satagere, ut alii observent omnia pontificia statuta jam Romæ promulgata? Et sic respondet: *Teneri curare ut observentur, quando Pontifex significat se velle quòd sua lex ubique obliget, etiam absque aliâ promulgatione alibi factâ. Non tenentur tamen curare, ut promulgentur, nisi vel mandatum pontificium ad eos dirigatur, vel rationabiliter judicent, promulgationem in suis diœcesibus esse necessariam. Nihilominus qui legis notitiam habent, ad eam obligari videntur, nisi illa recepta non fuerit, vel per non usum ejus obligatio desierit.* Cæterum, si Pontifex non significet esse opus aliâ promulgatione, neque mandatum dirigat ad Ordinarios, probabile est, quòd ipsi non tenentur legem promulgare, vel curare ut observetur, nisi fructum notabilem ex talis legis promulgatione in suis diœcesibus expectent. Possunt enim tunc interpretari, mentem Pontificis esse, quòd lex in diversis provinciis tunc observari,

vel promulgari curetur, quando Ordinarii existimaverint ita esse pro suis locis expediens et utile. Idem scribit *Digna in Summā v. Lex n. 18. cum Wiggers, et Maldero*, dicens: Quando Pontifex non significat opus esse aliā publicatione, et non præcipit Ordinariis, ut servari eam (legem) faciant, nec populis ut servant, non tenentur publicare, et observari curare, nisi pro loco sperent fructum, nam mens Pontificis generalem legem præscribentis est, ut ubi cum fructu fieri potest, curetur observari.

Præterea probabiliter ajunt *Suarez de lege l. 5. c. 53. n. 8. et Layman eodem tit. c. 2. n. 7. cum Molina, et Soto*, quod leges pontificiæ, quæ infirmant aliquem contractum suapte naturā validum (prout fecit bulla *S. Pii. V.* quoad contractus censuales) vel quæ jurisdictionem auferunt, v. gr. in sacramento pœnitentiæ, circa has benignè interpretari possumus, mentem esse Pontificis, quod nolit eas effectum habere, nisi postquam fuerint in diœcesibus promulgatæ; alioquin ipsæ redundarent in detrimentum plurimorum, qui illas invincibiliter ignorarent. Secus autem est respectu pœnarum, quæ statuuntur adversus clericos malè ordinatos, et Episcopos malè ordinantes, prout *Sixtus V.* declaravit (præsertim quoad simoniacè promotos, et promoventes, nam quoad alios bulla *Sixti* per aliam bullam *Clementis VIII. Romanum*, fuit reducta ad terminos concilii *Trid.*). Sicut etiam secus procedit in legibus irritantibus actum aliquem ob defectum solemnitatis; quæ leges, postquam obligandi vim habuerunt, etiam respectu ignorantium valent, ut dicunt *Sanchez de matr. l. 3. d. 17. et l. 9. d. 52. n. 2. ac Layman l. c. cum Nav. et aliis.*

Quæritur II. An, ut lex obliget, requiratur spatium duorum mensium à promulgatione? Tres sunt sententiæ.

Prima dicit statim obligare. Ita *Salas, Vasq. Villal. etc. apud Salm. de leg. c. 1. punct. 7. §. 2. n. 89.* Ratio, quia lex, cum promulgatur, jam in suo esse integro constituitur.

Secunda dicit obligare statim, vel quasi, saltem existentes in curiā; alios autem non obligare, nisi post sufficiens tempus, plus minùs juxta distantiam locorum. Ita *Palaus tract. 5. disp. 1. part. 11. n. 3. Suar. l. 5. c. 17. n. 7. item Montes. Gran. etc. ap. Salm. n. 90.*

Tertia sententia probabilior dicit, quando in lege non determinatur tempus ad obligationem, nullos obligare, neque

in curia existentes, nisi post duos menses à promulgatione, sed transactis duobus mensibus, jam arbitrio prudentum taxatis, omnes obligare. Ita Soto de just. lib. 2. q. 1. art. 4. Bonac. t. 5. c. 6. concl. 2. n. 5. Sa v. Lex, n. 8. Sylvest. eod. verb. q. 6. et Salm. n. 91. cum Valent. Reg. Men. Tab. et aliis. Ratio, quia lex non obligat, nisi ejus notitia moraliter ad omnes subditos pervenire possit, ut eruitur ex l. Leges, c. de leg. ubi: *Leges sacratissimæ intelligi ab omnibus debent, ut universi, præscripto earum manifestius intellecto, prohibita declinent.* Et ex cap. De concess. præb. in 6. v. Nec obstat, ibi: *Lex, seu constitutio et mandatum nullos adstringunt, nisi postquam ad notitiam pervenerint eorundem, aut nisi post tempus intra quod ignorari minimè debuissent.* Hoc autem tempus quo lex humano modo pervenire possit ad aures subditorum, taxandum est arbitrio prudentum, hocque arbitrium jam taxatum habemus in Auth. Ut factæ, etc. uti suprâ dictum est: ergo illi standum, ubi tempus non est determinatum.

97. — Adduntur hinc variæ quæstiones circa legem dubiam.

Quæritur, an in dubio, si lex existat, lex obliget: Respondetur, minimè obligare post adhibitam sufficientem diligentiam ad inquirendam veritatem, præciso tamen scandalo, vel alio notabili inconvenienti, quia tunc possidet libertas. Ita communiter Suarez t. 5. in 3. p. d. 40. sect. 5. n. 50. Sanch. Dec. l. 1. c. 10. n. 52 et 53. Pal. tr. 1. disp. 5. p. 7. n. 1. Salm. de leg. c. 2. punct. 6. n. 110. cum Tap. Vill. Arav. etc. Id expressè confirmant D. Th. Quodlib. 14. de verit. a. 3. ubi: *Nullus ligatur per præceptum aliquod, nisi mediante scientiâ illius præcepti.* Scotus in 4. d. 5. q. 4. *Nullus tenetur ad aliquod præceptum divinum, nisi per aliquem idoneum et authenticum sibi promulgetur.* Item Glossa in c. Cum sunt, de reg. jur. in 6. *In dubio nullum præsumi obligatum, ex Authent. Quibus modis.* Item Glossa ex cap. Ex parte de cens. *In dubio liberum est sequi quod magis placuerit.* Item N. SS. Bened. XIV. Notif. 15. ibi: *Non si debbono porre legami, quando non v'è una chiara legge che gl'imponga.* (1) Id clare probatur ex cap. Erit, dist. 4. ubi S. Isidorus sic ait: *Erit autem lex manifesta.* Item ex c. Cum jure 51. de off. et pot. jud. del. ibi: *Nisi de mandato certus exstiteris, exequi non*

(1) Vide suprâ n. 65.

regeris quod mandatur. Item ex cap. Ex parte de transact. In his vero, ubi jus non invenitur expressum, procedas equitate servata, semper in humaniorem partem declinando. Item S. Leo in can. Sicut quedam, dist. 14. sic docuit: In his, quæ vel dubia fuerint, vel obscura, id noverimus sequendum, quod nec præceptis evangelicis contrarium, nec decretis SS. patrum inveniatur adversum. Item Lactantius in lib. 3. Inst. c. 21. dixit: Stultissimi est hominis, præceptis eorum velle parere, quæ utrùm vera aut falsa sint dubitatur. Ratio est, quia Deus sanè donavit homini dominium libertatis ex Apostolo (1. Cor. c. 7. §. 37.): Potestatem autem suæ voluntatis. Et ex Ecclesiastico (c. 15. §. 14.): Deus ab initio constituit hominem, et reliquit illum in manu consilii sui. Adjecit mandata et præcepta sua. Si volueris mandata servare, conservabunt te. Quamobrem possidet homo libertatem ad agendum quicquid vult, quod non constet à lege sibi vetitum, ut ait D. Th. (in 4. d. 15. q. 2. a. 4. ad 2. et 9.): Illud dicitur licitum, quod nullà lege prohibetur, ex l. Necnon, ff. Ex quib. caus. maj. ubi: Omnia sunt permissa per legem, quæ prohibita non inveniuntur. Hinc Melchior Canus (in Prælect. 4. de poenit. part. 4. q. 2. prop. 3. n. 3.) sic impugnat sententiam Scoti et aliorum, qui volunt peccatores teneri ad actum contritionis in quolibet die festivo: Quoniam (ait Canus) ignoro, unde ad hanc opinionem DD. illi venerint, libere possum, quod non satis exploratè præceptum est, negare. Ac propterea D. Th. Quodl. 9. art. 15. dixit: Periculosum est (determinare aliquid esse peccatum mortale) ubi veritas ambigua est, nempe si in jure divino non invenitur determinata expressè. Et D. Antoninus part. 2. lit. 1. c. 11. ait: Benè excusari ignorantiam, utpote invincibilem, quantum ad ea quæ non sunt expressè contra jus divinum, vel naturale.

Et idem dicendum cum Salm. dicto n. 110. et aliis, si dubitetur, an aliquid comprehendatur sub lege: seu an lex extendatur ad aliquid. Idem in dubio, an incœperit legis obligatio; secus autem in dubio, an finierit. Salm. ibid. n. 120. cum Laym. Sanch. Pal.

Quid in dubio, an causa, quam habes, sit sufficiens ad te excusandum à lege? Quidquid dicat Salas, veriùs est te teneri ad legem; quia tunc possidet lex antecederet ad tuam libertatem. Salm. ibid. n. 112. cum Sanchez, Pal. etc.

Quid in dubio, an lex sit promulgata? Legem non obligare tenent *Dicast. apud Croix ib. n. 590. et Salm. dicto cap. 2. n. 110.* Excepit tamen *Croix*, si lex fuerit jam usu recepta.

Quid in dubio, an lex usu recepta sit? Adsunt tres sententiæ.

Prima sententia tenet tunc legem non obligare, saltem si sit pœnalis, ut *Azor. t. 1. lib. 2. c. 19. q. 12. Salas, Dian. Tab. etc. apud Salm. de leg. cap. 2. n. 115.* Et universaliter de omni lege hoc tenent *Nav. Rebell. Felin. Dec. etc. apud Pal. de consc. disp. 3. punct. 7. n. 4.* et probabile putant ipse *Pal. Sporer de consc. c. 1. n. 81. ac Tamb. de consc. c. 3. §. 7. verb. Legis.* Ratio, quia tunc, cùm dubitetur de receptione legis, dubitatur etiam, an lex umquam obligaverit; et ideo possidet libertas. Hanc autem opinionem dicunt esse probabilem, quia probabile putant esse necessariam acceptationem legis ut ipsa obliget, juxta sententiam referendam n. 158.

Secunda sententia, quam tenet *Croix lib. 1. n. 591.* dicit legem obligare, si sit ecclesiastica, secus verò si sit civilis.

Tertia tamen *sententia* sequenda affirmat legem obligare. Et hanc tenent *Pal. loc. cit. n. 3. Sanch. dec. lib. 1. c. 11. et Salm. loc. cit. n. 114.* Ratio 1. quia cùm constet de lege, pro eâ stat possessio, regula enim generalis est, ut factum præsumatur, quod de jure faciendum erat, prout hic præsumitur facta acceptatio. Ratio 2. quia lex, cùm jam lata et promulgata fuerit, non indiget acceptatione, uti præfati AA. censent: saltem, ut rectè dicunt *Croix lib. 1. n. 591. et Maz-zot. c. 6. q. 6.*, lex, modò non sit certè abrogata, ante acceptationem jam habet vim obligandi; unde licet quis non peccet contra legem, quia ipsa nondum est recepta, peccat tamen, quia eam non acceptat, prout dicemus *dict. n. 158.*

98. — Quid in dubio, an legislator sit superior legitimus? Negant *Vasq. Salas, Diana, et Arav. ap. Salm. c. 2. n. 118. in fin.* quia, cùm dubium sit jus præcipiendi, dubia etiam est possessio. Sed affirmandum cum *Sanch. dec. lib. 7. c. 3. n. 29. Croix l. 1. n. 593. cum Oviedo, et Salm. loc. cit. n. 118. cum Tap. et Martin.* semper ac superior est in pacificâ possessione suæ potestatis, tunc enim melior est ejus conditio jam possidentis jus præcipiendi.

Quid in dubio, an superior suam potestatem excedat? Tunc

non teneri subditum obedire censent *Adrian. Rodr. Vasq. Salm. ap. Pal. de consc. d. 3. part. 13. n. 1. et alii ap. Croix lib. 1, n. 394.* Sed rectè contradicunt *Nav. de rest. c. 3. d. 12. n. 252. Palau n. 2. cum Tol. Mol. Az. Sa. etc. communiter, cum Sanch. dec. lib. 6. c. 3. n. 4.* quia possessio stat pro potestate superioris. Limitat tamen *Sanch. ib. et n. 25. et 24. cum Sot. Loth. Lop. Tap. Sal. etc.* si res præcepta sit nocivâ subdito, vel tertio, aut valdè difficilis vel molesta.

99. — An autem subditus teneatur obedire in dubio de justitiâ legis? Negant *Dicast. et alii apud Croix lib. 1. n. 595.* quia tunc non habetur possessio pro jure superioris. Sed omninò affirmandum cum *Bon. de leg. d. 1. q. 1. part. 7. §. 3. n. 11.* qui citat *Vasq. Suar. et Salas; Salm. de leg. c. 1. punct. 6. n. 115. cum aliis communiter.* Ratio quia reverà in dubio superior possidet jus præcipiendi. Excipiunt tamen DD. si lex sit nimis ardua, vel si grave damnum subdito afferat. *Vide dicenda lib. 4. n. 617. Quær. V.*

Quid in dubio, an lex præcipiat, vel suadeat? aut an obliget sub gravi, vel levi? Resp. tunc legem aut non obligare, aut non obligare sub gravi, ex regulâ juris 59. ff. de *Regulis jur. Semper in dubiis benigniora sunt præferenda*: ita *Croix n. 596. cum Nav. Sanch. etc. contra Laym.* Contrà, in dubio, an lex sit abrogata, aut dispensata; vel adsit causa excusans à lege? ad eam tenemur ex communi. *Vide Spar. n. 82, Salm. n. 112. Tamb. n. 2. ll. cç. Croix n. 597. et 598.* Quid in dubio, an advenerit, vel præterierit tempus obligationis legis? Resp. in dubio inceptionis, v. gr. an expleveris annos 21, non teneris ad jejunium, quia tunc possessio est pro libertate. Secus in dubio præteritionis, v. gr. an in sabbato transacta sit hora mediæ noctis, nequis edere carnes, tunc enim possidet lex. Sic etiam si dubitas, an habeas annos 16. ad professionem, vel an. 25. ad sacerdotium, nequis profiteri, aut ordinari. Ita communiter *Laym. lib. 1. tr. 1. cap. 5. §. 4. Sanch. de matr. lib. 2, disp. 41. n. 4. et dec. lib. 1. cap. 10. n. 38. Pal. tract. 1. disp. 3. punt. 8. n. 6. et Salm. c. 2. punct. 6. n. 120. cum Tapia, Diana, et Villalob.*

Quid in dubio, an legem impleveris? In dubio negativo teneris implere; secus, in positivo. *Carden. et Ills. cum Croix lib. 1. n. 600.*

Circa materiam legis humanæ nota sequentes questiones.

100. — Quæritur 1. An lex humana possit directè præcipere actus internos? Probabilius negant *Salm. cap. 1. punct. 5. n. 66. cum S. Thom. Caj. Suar. Bon. etc. contra alios*, quia legislator humanus nequit judicare de internis.

Quæritur 2. An possit lex humana præcipere actus indirectè internos ob connexionem cum actibus externis? Distinguitur: Potest, si actus interior per se cum exteriori conjungitur. Et duplici modo potest conjungi, vel tamquam forma constituens actum externum in esse morali actus virtutis: sic requiritur consensus internus ad matrimonium contrahendum, ad contractum incundum, etc. Vel tamquam causa cum effectu: et sic qui prohibet homicidium, prohibet etiam voluntatem occidendi. Ideo *cap. Commissa. §. Cæterum de electione in 6.* obligatur clericus ad resignationem beneficii, si receperit illud animo non se ordinandi inter annum. Ita *Salm. d. c. n. 69. cum Tapia, Caj. Pal. etc.*

Si verò actus interior per accidens conjungatur cum exteriori, tunc non potest præcipi à lege humana, puta, si præcipiatur dari eleemosynam ex verà devotione, etc. Ita *Salm. ib. n. 70. cum. Suar. Pal. Tapia, etc. contra Caj. et Soto.*

Quæritur 3. An actus exteriores occulti possint à lege humana prohiberi? Affirmat: et sic prohibetur sub excommunicatione hæresis externata, licet occulta; sic sub irregularitate homicidium occultum. Actus enim occulti, licet non cadant sub judicio, cadunt tamen sub lege, ut docet *S. Th. Quolibet. 4. art. 12. Vide etiam Salm. ibid. n. 72. et 73.*

Utrùm autem in dubio, an res sit licita, teneatur subditus obedire? Negant *Sylvest. Ang. Hostiens. etc. apud Sanch. dec. lib. 6. c. 5. n. 19.* qui dicunt, tunc eum nec teneri nec posse obedire, nisi prius inquirat à peritis, quòd res saltem non sit certè illicita. Sed veriùs affirmat *Sanch. loc. cit. cum Nav. Val. etc. ex D. Thom. de verit. q. 17. a. 3. ad 4.* qui docet non pertinere ad subditos sed tantum ad superiores inquirere de honestate rei præceptæ; ideoque benè potest et tenetur subditus obedire, semper ac ei non constet rem esse malam. *Vide Croix lib. 1. n. 459.* Cæterum, præcisa quæstione, an subditus de honestate rei præceptæ teneatur, vel non, prius inquirere ab aliis rei veritatem, communis est sententia omnium theologorum tam recentium, quàm antiquorum, qui docent in obscuris esse obediendum superiori-

bus, ubi non est certum peccatum; ita sanctus Bonaventura in 2. d. 59. art. 1. q. 3. Gerson de poll. nect. conse. 3. Nyder in consol. part. 5. c. 17. ubi citat Rigmund. Hent. Halensem part. 2. q. 121. et sic docuerunt omnes qui de hac re egerunt. Ita etiam omnes mysticæ theologiæ magistri cum S. Ignatio Loyola in Epist. de virt. Obed. tibi: Est igitur hæc ratio subjiciendi proprii iudicii, non solum sanctis viris usitata, sed etiam perfectæ obedientiæ studiosis imitanda, omnibus in rebus, quæ cum peccato manifesto conjunctæ non sunt. Audiatur præcipue D. Bernardus (de præcept. et dispens. c. 12.): Quidquid vice Dei præcipit homo, quod non sit certum displicere Deo, haud secus omnino accipiendum est, quam si præcipiat Deus. Deinde sibi objicit: Sed homines facile falli possunt. Et respondet: Sed enim quid hoc refert tui, qui conscius non es? præsertim cum teneas de Scripturis, quia labia sacerdotis custodiunt scientiam, etc. Ipsum proinde quem pro Deo habemus tamquam Deum in his, quæ non sunt apertè contra Deum, audire debemus. Item Leo X. (ut refert Casarubius v. Declarare n. 4. et 5.) concessit Fratribus Minoribus, ut possint in omnibus dubiis secunda conscientia stare determinationi suorum superiorum. Item S. Bernardinus Senensis in Dialogo de Obed. ait: Ubi subditus rationabiliter dubitat, an quod præcipitur sit peccatum, an non, tunc profectò obedire debet. Item B. Humbertus (in l. de erud. relig. c. 1): Nisi apertè sit malum quod præcipitur, accipiendum est, acsi à Deo præciperetur. Item Dionysius Carthusianus (in 2. d. 59. q. 5.): In dubiis, an sit contra præceptum Dei, standum est præcepto prælati, quia, etsi sit contra Deum, attamen propter obedientiæ bonum non peccat subditus. Item Glossa in c. Ad aures, de temp. Ord. lit. f. in fine: Si verò dubium sit præceptum, propter bonum obedientiæ excusatur à peccato, licet in veritate sit malum. Idem docuit prius D. Augustinus loquens de obedientia debitâ superioribus temporalibus in c. Quid culpatur 4. caus. 23. q. 1. ubi: Ergo vir justus, si fortè sub rege homine etiam sacrilego militet, rectè potest illo jubente bellare, si, quod sibi jubetur, vel non esse contra Dei præceptum, certum est: vel utrum sit, certum non est; ita ut fortasse reum faciat regem iniquitas impetrandi, innocentem autem militem ostendat ordo serviendi.

Quæro etiam hic, an tenearis parere legi fundatæ in falsâ præsumptione? Universè negat *Rebel. ap. Croix de rest. n. 174.* Sed *Mol. et alii ibid. ac Mazzot. de leg. c. 3. q. 7.* melius affirmant teneri ad legem, putâ reficiendi damnum ex tuo animali causatum etiam sine tua culpa: quia finis legis est, non solùm punire culpam, sed etiam reddere homines cautiore. Hoc tamen non ante sententiam judicis. Si verò tuum animal non intulit damnum, sed juridicè probetur intulisse, tunc non teneris solvere etiam post sententiam, præciso scandalo: et poteris compensare, si solvisti; quia tunc lex esset certè injusta, falsum præsumendo, et in foro interno præsumptio debet cedere veritati, ex *c. Veritatem, dist. 8.* Ita communiter *Suar. lib. 3. c. 23. et lib. 5. c. 24. Pal. tr. 3. disp. 1. punct. 4. n. 12. Sotus de just. l. 1. q. 6. art. 4. Pontius de matr. l. 3. c. 3. n. 6. Bon. disp. 2. q. 1. punct. 7. §. 3. n. 2. et 6. Salm. c. 2. punct. 4. n. 78. cum aliis.* Nec obstat dicere, quòd Tridentinum irritans matrimonia clandestina, nititur præsumptione de fraudibus in illis occurrentibus, et tamen nemo dixit valere tale matrimonium, ubi nulla reverà intervenit fraus: Item irritantur testamenta solemnitatibus carentia, ut fraudes vitentur; et nihilominus, licèt fraus aliquando cesset, nec testamentum subsistit: sed in his et similibus casibus distinguenda est præsumptio juris, quâ lex quærit avertere pericula, quæ facile evenire solent, et tunc lex locum habet etiam in casibus qui fraude carent, à præsumptione facti, quod si detest, lex meritò cessat.

DUBIUM II.

Quotuplex est præceptum?

- 101 Præceptum dividitur 1. in affirmativum, et negativum.
- 102 Dividitur 2. in naturale, et positivum.
- 103 Præceptum autem positivum dividitur in præceptum divinum, et humanum.
- 104 Quinam possint ferre leges? An reges, et respubl.? An Papa? An concilia? An episcopi, synodus, et capitula? An abbatis?
- 105 Quid comprehendat lex canonica, et civilis?

- 106 *An declarationes S. Congr. et decreta Rotæ habeant vim legis? An leges civiles obligent in conscientiâ?*
 107 *De consuetudine; et quæ conditiones requirantur ad statuendam consuetudinem?*
 108 *De effectu consuetudinis. Et quid si à lege reprobetur?*
 109 *Quid si consuetudo à lege revocetur?*
 110 *Dissertatio de potestate Pontificis, usque ad n. 133.*

101. — **R**ESPONDEO: Præceptum dividitur 1. universaliter
 » in affirmativum, et negativum. Illud est quod bonum præ-
 » cipit, hoc quod malum prohibet. Differunt inter se, quòd
 » affirmativum obligat quidem semper, sed non ad semper,
 » seu non pro omni tempore; v. gr. honorandi sunt paren-
 » tes, non semper, sed suo tempore. Negativum obligat et
 » semper, et ad semper. *Vide Bec. in 1. 2. t. 3. c. 1. q. 3.*

102. — « 2. In naturale, et positivum. Præceptum naturale,
 » seu juris naturæ, est dictamen, seu iudicium nostræ ra-
 » tionis, quo per lumen nobis ab auctore naturæ impressum
 » statuimus, quid agendum, et quid vitandum sit; quale
 » est illud: Bonum est faciendum, malum fugiendum. Ex
 » quo præcepto generali particularia, v. gr. Deum esse colen-
 » dum, nemini faciendam esse injuriam, imò omnia præ-
 » cepta decalogi (exceptâ circumstantiâ sabbati) multaque aliâ
 » derivantur. Præceptum positivum, seu juris positivi est,
 » quod liberâ Dei, vel hominum voluntate positum est, et ex
 » eadem dependet, v. gr. præceptum de baptismo, jejuni-
 » o quadragesimali, etc.

» Porro, quomodo præcepta positiva mutari, ac variari
 » possint, ac soleant, naturalia verò semper maneant, *vide*
 » *apud Scholasticos, et Less. l. 2. de jure, et just. c. 2. d. 2.*

103. — « Resp. 2. Præceptum positivum dividitur in præ-
 » ceptum juris divini, quod scilicet à Deo traditum est, et
 » in juris humani, quod ab homine. Positivum divinum divi-
 » ditur in præcepta veteris, et novæ legis. Lex vetus conti-
 » nebat præcepta moralia, cæremonialia, et judicialia, *de*
 » *quibus vide S. Thom. 1. 2. q. 103.* Lex nova continet præ-
 » cepta supernaturalia fidei, et sacramentorum. Positivum
 » humanum dividitur in præceptum juris ecclesiastici, sive
 » canonici, quod auctoritate Ecclesiæ, scilicet Summi Ponti-
 » ficis. *Tom. I.*

„ fisis; aut concilii, statutum est; et juris civilis, seu politici, quod fundatur in potestate seculari. »

104. — Certum est dari in hominibus potestatem ferendi leges; sed potestas hæc quoad leges civiles à naturâ nemini competit nisi communitati hominum, et ab hæc transfertur in unum, vel in plures, à quibus communitas regatur. Hinc summus Pontifex nequit leges civiles ferre, nisi in populos, qui ejus temporali ditioni subduntur. Poterit tamen abrogare, vel corrigere leges civiles aliorum principum, si opponantur æquitati. Ideo in *c. Cum haberet, de eo qui duxit in matr.* abrogatur lex prohibens alimenta dari filiis illegitimis.

Reges autem et principes supremi, qui superiorem non agnoscunt, leges civiles ferre possunt in suis ditionibus et ad eas in conscientiâ obligare. *Vide dicenda hoc l. n. 106.* Circa autem reginas regni hæredes, dubitatur inter DD. Nam si conjugatæ non sint, certum est posse ferre leges; si verò sint conjugatæ, etiam, constante matrimonio, ad ipsas pertinere potestatem gubernandi, et inde ferendi leges, probabilius putant *Salm. c. 3. punct. 1. n. 10. cum Suar. Pal. etc. contra aliquos.*

Eandem potestatem habent respUBLICÆ. Aliæ verò civitates non exemptæ nequeunt ferre leges, nisi ex consuetudine, aut concessionem principis. Possunt tamen aliqua statuta condere, quibus vi contractus obligentur cives; vel alia præcepta statuere temporalia (non perpetua); revocabilia tamen à principe, quibus subditi teneantur. *Vide Salm. ibid. n. 12.*

Quoad leges autem ecclesiasticas, certum est adesse in Ecclesiâ potestatem eas ferendi immediatè à Christo Domino Ecclesiæ institutore communicatam. Et hanc potestatem certò tenendum est reperiri apud Summum Pontificem, tamquam caput universale, Christi vicarium, et successorem S. Petri, cui totum Ecclesiæ regimen à Christo fuit commissum independentè à conciliis, ut *Salm. de leg. c. 3. punct. 2. §. 1. n. 14. cum Bellar. Caj. Laym. Pal. etc.*

Concilia generalia, etiam possunt ferre leges pro totâ Ecclesiâ, modò sint congregata de licentiâ Summi Pontificis et pro loco ac tempore ab ipso assignatis. An autem leges, seu definitiones ab œcumenicis conciliis editæ robur habeant arte Pontificis confirmationem? affirmant aliqui, si consensus accesserit pontificiorum legatorum. Sed omninò dicendum, necessariò

requirit expressam Papæ confirmationem; quando ipse non est concilio personaliter præsens; legatis enim nulla tribuitur facultas confirmandi synodorum statuta, quæ cæterum nullam maiorem auctoritatem habent, quam illam, quæ ipsis à Pontifice conceditur, ut ducet *S. Th. de potentia etc. q. 10. art. 4. ad 13.* et cum eo communiter nostri DD. ut *Card. Turrecrém. Suarez, Laym. Pal. Tapia, etc. cum Salm. de leg. c. 5. punct. 2. §. 2. n. 24.* contra recentiores Gallos. Et confirmatur exemplo tot conciliorum generalium, quæ post confectas definitiones necessarium duxerunt confirmationem Pontificis petere et obtinere; ut factum fuit in conc. Nicæno, et ultimò in concilio Tridentino, sicut legitur *sess. 25. in fine.* Hinc meritò ab *Alex. VIII.* proscripta fuit propos. 29. quæ dicebat: *Futilis et toties convulsa est assertio de Pontificis Romani supra concilium œcumenicum auctoritate, atque in fidei quæstionibus decernendis infallibilitate.*

Hanc falsissimam propositionem plenè, et ex principiis confutari valde prodest ad firmanda tam fidei, quam morum dogmata: Omnes enim propositiones à Pontificibus damnatæ, licet non omnes sint hæreticæ, sed aliæ temerariæ, aliæ erroneæ, aliæ scandalosæ, etc. tamen, accedente Pontificis definitione, tenendum est de fide, quòd illæ propositiones verè sint temerariæ, vel alià inficiantur notà, quam ipsas pati Pontifex declaravit; et ideo esset quidem hæreticus, qui easdem tamquam veras et licitas sequeretur, aut propugnaret; ut benè ait *Viva in qu. prod. ad prop. damn. n. 2.* Qua de re operæ pretium censuimus peculiarem super prædictam propositionem dissertationem conficere, quam reperies in fine hujus dubii n. 110.

Verum est, quòd cæteris apostolis etiam fuit collata potestas universalis Ecclesiam gubernandi; diverso tamen modo, ac fuit commissa S. Petro, qui poterat eos obligare, et ipsorum leges abrogare, ut *Salm. d. c. 5. punct. 2. n. 15. et 16. cum Bell. Suar. Caj. Sot. etc.*

Hinc Episcopi, qui successores sunt apostolorum, benè ferre possunt leges pro suis diocesis sine consensu capituli, ex *c. de Majorit. et c. 6. de const. in 6.* Exceptis rebus, quæ cedere possunt in præjudicium capituli, vel cleri, ut in *cap. Quantò, de his quæ sunt à prælato.* A quonam verò hanc potestatem legislativam Episcopi recipiunt? Alii dicunt recipere immediatè à Christo Domino, quia ab ipso est dignitas, et

officium episcopale institutum, ut *Vasq. Victor, etc. apud Salm. d. c. 5. n. 20.* Alii dicunt recipere à Pontifice, ut *S. Thom. S. Antonin. Sot. Pal. etc. apud Salm. ibid. n. 21.* Et sic definitum videtur à Gregorio in *can. Decreto, caus. 2. q. 6.* ubi : *Romana Ecclesia vices suas ita aliis impertivit Ecclesiis, ut in partem sint vocatæ sollicitudinis, non in plenitudinem potestatis.* Cæterum hæc quæstio est tantum de nomine, nam ex unâ parte certum est quod Episcopi, licet immediatè recipiant hanc potestatem à Christo, semper tamen suscipiunt cum subordinatione ad Papam : et ex aliâ, licet Episcopi recipiant à Pontifice, possunt tamen leges ferre absque ejus licentia, modò non opponantur legibus pontificiis, et modò potestas circa aliqua non sit Pontifici reservata. *Vide Salm. d. c. 3. n. 18. et 19.* Archiepiscopi autem non possunt ferre leges in diocesis suffraganeis, nisi ex consuetudine id habeant. *Vide Salm. ib. n. 22.*

Concilia provincialia, sive nationalia alicujus nationis ; sive provincialia alicujus metropolis, nempe Episcoporum cum suo Archiepiscopo, sive synodalia, in quo Episcopus cum suis parochis, etc. conveniunt, ferre etiam possunt leges perpetuas pro suo territorio. *Vide Salm. d. c. 3. §. 2. n. 23.*

Capitula autem nequeunt condere leges sine consensu Episcopi (nisi tantum circa suos capitulares, ut probabile putant *Pal. Suar. etc.*). Ita *Salm. d. c. 3. n. 31. cum Sylvest. Tapia, etc.* An verò, mortuo Episcopo, possit capitulum ferre legem pro totâ diocesi, usquedum revocetur ab Episcopo successore ? Rectè affirmant *Salm. ib. n. 33. cum Laym. Bon. Pal. Suar. etc.* quia sede vacante, capitulum succedit loco Episcopi.

Abbatissæ possunt etiam ferre præcepta pro rectâ gubernatione domûs, et adhuc sub culpa gravi obligare, ut dicunt *Sanch. dec. l. 6. c. 1. n. 17. et Mazzot. tr. 1. d. 1. quæst. 1. c. 2. q. 4. Vide lib. 5. n. 52.*

105, — Communiter autem lex humana dicitur alia *canonica*, sive *ecclesiastica*, alia *civilis*. Lex civilis (1) dividitur in

(1) Quæ hic simpliciter à *S. Alphons* lex civilis dicitur et adhuc ab ipso in hac theologia observatur, *jus romanum* est seu *codex Justiniani*, quatenus olim pro romano imperio ab imperatore *Justiniano* (1) qui anno 527 regnare cepit, adjuvantibus 10 jurisconsultis, confecta fuit. Lex civilis gallica in Gallia, Belgio aliisque vicinis regionibus vigens, cujus præcipua capita hæc

Leges imperiales, quæ dicuntur jus commune, divisum in digesta, codicem, et instituta; et in leges regias particulares regnorum quæ dicuntur jus municipale.

Lex autem canonica comprehenditur in quinque voluminibus, quorum I. est *Decretum* Gratiani (quod veriùs vim legis non habere, præter illam, quam ex se habent decreta in eâ contenta, dicunt *Salm. c. 1. punct. 4. §. 5. n. 43. cum Caj. Sot. Suar. etc. contra aliquos*). II. *Decretales*. (*Decretum* citatur per causas, quæstiones, distinctiones, et canones; *Decretales* per capitula, et titulos). III. *Sextus Decretalium*; qui etiam citatur per capitula, sed addito in *Sexto*. IV. *Clementina*, et *Extravagantes*. V. *Bullarium*. Hi libri constant sanctis Pontificum, et conciliorum statutis, et sine dubio vim legis habent.

106. — Quæritur hic 1. an decretalia, sive epistolæ, responsa, aut declarationes pontificiæ non insertæ in corpore juris vim obligandi habeant? Respondetur affirmativè ex *can. Si Romanorum 1. dist. 19*. Ubi Papa *Nicolaus V.* id expressè declarat. Advertit tamen *P. Suarez* eas non obligare nisi post promulgationem: quamvis enim citatus auctor *l. 4. de legib. cap. 14. n. 3.* dicat: *Ordinariæ epistolæ sive responsa pontificia sunt potiùs non constitutiva, sed declarativa et habent vim legis obligantis ad illam interpretationem tenendam, vel ad servandum antiquum jus secundùm illam interpretationem*: attamen *l. 6. c. 1. n. 3.* hæc addit: *Ut authentica sit interpretatio, oportet, ut habeat legis conditiones, ut sit justa, sufficienter promulgata, etc. Unde consequenter fit, ut hæc lex interpretativa alterius exposita sit dubiis, ita ut aliæ interpretationes necessariæ sint*. Idem docet *Castr. tr. 3. de leg. disp. 5. punct. 3. §. 1. n. 2.* ubi ait: *Debet autem hæc declaratio publicari eâ solemnitate, quâ lex; aliàs non erit authentica, quæ legis obligationem habebit, sed solum erit declaratio doctrinalis*. Idem scribit *Escobar. tom. 1. l. 5. de leg. c. 3. n. 21.* ubi sic ait: *Hinc colligo, Epistolas pontificias non habere vim legis, nisi publicentur eo modo, quo epistolæ assolent publicari*. Idem scribit *Bonac. t. 2. de legib. disp. 1. q. 1. punct. 4. n. 11.* ubi ait: *Interpretationem*

in suo loco notata invenies, percommode laudatur per articulos, quorum numerus non interruptus ad 2281 excurrit.

Ediit:

legis factam authoritative non habere vim legis, nisi promulgetur, quia de ratione legis est promulgatio; ita ut, qui interfuerunt publico legis consilio, non teneantur ad eam, nisi post promulgationem. Et citat pro hac sententiâ Salas, et alios. subditque n. 12. sic inquit: *Ex quo licet inferre, epistolas pontificias non habere vim legis, nisi publicentur eo modo, quo publicari solent leges.* Idque satis etiam confirmatur ex eodem citato can. *Si Romanorum*, ubi refertur et confirmatur decretum S. Leonis Papæ, quo sic ille declaravit et decrevit. *Ne quid verò sit, ut quid à nobis prætermisum fortè credatur, omnia decretalia constituta tam beatæ recollectionis Innocentii, quam omnium decessorum nostrorum, quæ de ecclesiasticis ordinibus, è canonum (nota) promulgatæ sunt disciplinis, ita à vestra dilectione custodiri mandamus.* Sed hic sapienter advertit Ronc. de leg. quæst. 1. c. 2. q. 7. resp. 11. quòd non solum constitutiones pontificiæ, quæ solemniter sunt promulgatæ obligationem legis inducant, sed etiam omnes aliæ, quæ ex usu et consensu Ecclesiæ universalis jam à pluribus seculis habentur pro sufficienter promulgatis et authenticis.

Quæritur 2. an declarationes sacræ Congregationis Cardinalium vim legis habeant? Nulli dubium, quòd pro casibus particularibus, pro quibus fiunt, obligant ut leges, prout est commune apud Salm. de legib. c. 3. punct. 3. §. 2. n. 30. et Croix t. 1. n. 574. Dubium est, an obligent pro casibus similibus? Duplex est sententia, utraque probabilis, ut rectè dicunt Salm. n. 28. in fin.

Prima sententia asserit, quòd tales declarationes, si sint munitæ sigillo, et subscriptione Eminentiss. Cardinalis præfecti, robur habent obligandi omnes, quia talem potestatem declarandi Cardinales habent à Pontifice; ut eruitur ex bulla 74. Sixti V. Nec obstat, non esse promulgatas, quia promulgatione indigent leges novæ, non jam declarationes de legibus jam promulgatis. Ita Garcias, Salas, Rodr. apud Salm. n. 28. Fagnan. Barb. etc. apud Croix n. 574. Sed dicunt esse necessarium, quòd in ipsa declaratione exprimatur, eam fuisse promulgatam, aut saltem latam mandato Summi Pontificis, aut saltem Pontifice consulto, nam in bulla Sixti V. sic dicitur: *Interpretandi facultatem (nobis autem consultis) imperitum.* Cæterum, sicut dictum est cum Ronc. n. 105. vers.

Quærit. hic 1. in fin. de declarationibus pontificiis, sic etiam potest dici de declarationibus sacr. Congr. concilii, quod illæ declarationes, quæ ex usu et consensu Ecclesiæ à pluribus annis sunt sufficienter promulgatæ per orbem christianum, ipsæ satis obligent omnes ad earum observantiam.

Secunda verò sententia dicit, quod, licet tales declarationes magni sint ponderis, non obligent tamen universè, nisi non solùm Papa consulto et mandante editæ, sed etiam ejus mandato speciali solemniter promulgatæ pro tota Ecclesia, ita ut præcipiat Pontifex ab omnibus illas observari. Tunc enim tantùm ipse loquitur ut Ecclesiæ caput, et doctor; alioquin videtur loqui solùm ut præses illius congregationis, cui non videtur tunc communicare totam suam auctoritatem, et infallibilitatem. Ita *Sancti. de matr. l. 8. disp. 2. n. 10. Bonac. de leg. disp. 2. q. 1. p. 8. n. 4. Pont. de matr. l. 5. c. 15. §. 2. n. 7. Suar. de leg. l. 6. c. 1. n. 5. et 6. Maz. tr. 1. d. 2. q. 1. c. 2. q. 5. Croix l. 1. n. 215. 216. et 217. cum Carden. et Terril. ac n. 574. cum Loth. et Delbene, Diana p. 1. tr. 10. r. 29. cum Vêga, Valer. Serar. etc. Salmant. c. 5. n. 50. cum Vasquez, Tapia, Lezana et Villal.* Ratio hujus sententiæ est, quia, ut lex obliget, omninò requiritur sollemnis promulgatio legis, juxta dicta *n. 96.* Hinc hujusmodi declarationes, cùm frequenter non promulgentur solemniter, sunt quidem magni ponderis, sed nequeunt habere vim legis, et tantùm obligant uti sententiæ particulares illorum casuum, pro quorum decisione petuntur, non verò pro similibus. Nec obstat dicere, quod promulgatio requiritur quidem pro legibus, sed non pro declarationibus legum jam promulgatarum. Nam respondent AA. citati, quod tales declarationes, quando fiunt de rebus dubiis, in quibus extare possunt opiniones contrariæ circa intelligentiam legis, tunc se habent ut novæ leges. Saltem in dubio, an ipsæ habeant vel ne vim obligandi ut leges, eas non obligare dicit *Laym. l. 1. tr. 4. c. 7. §. 7. in fin.*, ubi sic ait: *Pendet quæstio hæc ex mente Pontificis potestatem ipsis (Cardinalibus) tribuentis. Iterum præsumendum non est habere vim legis, præsertim cum authenticè non promulgentur.* Citatque pro hoc *Sanchez, et Rodriguez (1).*

(1) Hanc secundam sententiã S. Auctor in suis quæstionibus recentius reformatis quær. II sic restringit: — « Addendum tamen est, quod hujusmodi

Decisiones autem Rotæ minorem utique quam declarationes S. C. auctoritatem habent. *Croix l. 1. n. 576. cum Luca, et Fagundez apud Tamb. Dec. l. 8. Tract. de præsc. §. 2. n. 16.*

An verò regulæ Cancellariæ obligent ubique? Negat *Less. in Auctar. v. Beneficium*, qui ait obligare tantum in curia Romana, et huic adhærent *Diana, et alii*. Sed affirmat *Muzzot. l. c. q. 3. cum Az. Gomez, etc.* Quia sic fert praxis. *Vide Croix. l. 1. n. 575.*

Quæritur 3. an leges civiles obligent in conscientia? De hoc puncto, valdè scitu necessario, oportet aliqua principaliora hic adnotare. Aliæ leges civiles sunt expressè à jure canonico approbatæ, aliæ expressè correctæ, aliæ verò neque approbatæ, neque reprobatae. Hinc dicendum I. Leges approbatæ sine dubio in conscientia obligant; ita est lex *Justiniani in Novel. §. per occasionem*, in qua datur triennium ad experientiam conjugum impotentiam: hæcque approbata fuit à *Cælestino III. in c. Laudabilem, de frig. et mal.* Ita pariter *Nicolaus I. in resp. ad Bulgaros, in c. Ita 30. q. 4.* approbavit leges invalidantes matrimonium inter adoptantem et adoptatum, atque ab hoc descendentes, ut ex *l. Quin etiam 55. ff. de ritu nupt.* item inter adoptatum, et filios adoptantis, ex *l. Per adoptionem 17. ff. eodem tit.* item inter adoptantem, et uxorem adoptati, et contrà, ex *l. Adoptivus. 14. ff. eod. tit.*

Dicendum II. Leges civiles à jure canonico correctæ non obligant quidem in conscientia; talis est lex *in princ. Instit. de nupt. et in lib. Nuptiæ. 2. ff. de rit. nup.* ubi invalidantur matrimonia filiorum fam. inita sine consensu parentum: sed hæ leges correctæ sunt in *c. Cum locum, de sponsal. et c. Matr. et c. Licet ac c. Tua, de spons. duor.* et ultimò in Tridentino sess. 24. c. 1. de Reform. sac. matr. Ita etiam in *c. Cum haberet, de eo qui duxit in matr.* abrogatur lex civilis prohibens alimenta dari filiis spuriiis. Sic pariter in *l. 6. §. 1. ff. de Adulteriis, et l. 2. C. eod. tit.* conjugatus cognoscens solutam non tenetur adulterii judicio, licèt damnetur conjugata solutum admittens: Sed in *c. Nemo. 32, q. 4.* uterque judicio subicitur, quia

- » declarationes, quæ jam in Ecclesia universaliter divulgatæ et factæ sic
- » promulgatæ fuerint, usu plurium annorum vel relatione auctorum com-
- » muniter ipsas referentium. hæ satis omnes fideles obstringunt. »

utrimque fides conjugalis adhibenda est. Item in *l. Liberorum. 81. ff. de his, qui not. infam.* Vidua nubens intra annum luctus multis subicitur pœnis : sed hoc abrogarunt *Urbanus III. in c. 3. et Innoc. III. in c. 3. de secund. nupt.* Item in *l. Marito. ff. ad Legem Jul. de adult. et l. Gracchus. c. eod tit.* datur facultas viro occidendi adulterum turpiter cum uxore agentem, et in *lib. Quod ait. ff. eod tit.* conceditur patri facultas interficiendi filiam in adulterio deprehensam. Sed hæc reprobantur in *c. Inter hæc, caus. 35. q. 2. et ab Alexandro VII. in prop. damn. 19.* Dubitatum autem fuit, an fuerit abrogata *l. Uxorem. de ritu nupt.* quæ invalidabat matrimonium inter vitricum, et uxorem privigni? Sed S. C. concilii die 28. Martii anno 1721. (apud *N. SS. Benedictum XIV. in Opere de Synodo* declaravit validum tale matrimonium.

Dicendum III. Leges civiles non reprobatae videntur tacite approbatae à jure canonico ; nam in *c. 1. de Novi oper. nuntiat.* sic dicitur : *Sicuti leges non dedignantur sacros canones imitari, ita et sacrorum statuta canonum principum constitutionibus adjuvantur.* Item in *c. Super pecula, de privil.* sic habetur : *Sancta Ecclesia legum secularium non respuit famulatum, quæ æquitatis et justitiæ vestigia imitantur.* Hinc *Fagnanus in c. Cum esses, de test. n. 18.* et noster *Papa Benedictus XIV, l. c. p. 420. n. 1. cum Abbate, Menoch. et communi,* dicunt, judicem ecclesiasticum in quæstionibus, in quibus de jure canonico nihil reperitur decisum, debere se conformare juri civili. Et *Gelasius Papa, Ep. 4. ad Anast. Imperat.* scripsit : *Quantum ad ordines pertinet publicæ disciplinæ, legibus tuis ipsi quoque parent religionis Antistites.*

DE CONSUETUDINE.

107. — De consuetudine hic tractandum, de qua nihil habetur apud *Busemb.*

Dictum est de lege scripta, nunc aliqua sunt addenda de consuetudine, quæ dicitur lex non scripta.

Ut consuetudo vim legis habeat, tria requiruntur : I. quod introducatur non à persona particulari, sed à communitate ; saltem à majori parte communitatis, quæ capax sit ferendi leges, licet actu leges ferre nequeat : nam consuetudo tunc

habet vim legis ex tacito principis consensu. *Salm. de leg. c. 6. punct. 2. ex n. 6. cum 8. Th.* Notandum hic, quod mulieres nequeunt introducere consuetudinem contra leges proprias virorum, nec vice versâ; uti neque ecclesiastici contra leges laicorum, vel è contrâ, nisi materia sit communis. *Salm. ib. n. 8. et punct. 4. §. 1. n. 37.* Hinc etiam circa res spirituales clerici non obligantur ad consuetudinem factam à laicis. *Salm. ib. n. 38. cum Sanch. Pal. etc.* Mercatores tamen, quia distinetam faciunt communitatem, possunt introducere consuetudinem obligantem omnes. *Salm. punct. 2. n. 8. cum Pal. Suar. Bon. Tap.*

II. Requiritur, ut consuetudo sit rationabilis: quare nulla valet consuetudo contra legem naturalem, aut divinam sed tantum contra humanam. Addendum tamen, non requiri bonam fidem; nam etiam peccando potest fieri consuetudo. *Salm. c. 6. punct. 3. §. 1. n. 11. cum Suar. Pal. etc.* Consuetudo enim triplicem statum habet. In initio introducetes consuetudinem contra legem omnes peccant. In progressu non peccant illâ jam à majoribus introductâ utentes; sed possunt à principe puniri. In fine autem nec peccant, nec puniri possunt illâ jam præscriptâ utentes. Ita *Salm. ib. n. 13. cum. Pal. Caj. Sot. Laym. etc.*

III. Requiritur tempus diuturnum continuatum cum repetitis actibus. Quodnam autem tempus sufficiet?

Prima sententia dicit relinqui arbitrio prudentum, juxta repetitionem actuum, et negotiorum qualitatem, *Vasq. Tap. Vill. etc. apud Salm. de legibus c. 6. punct. 3. §. 2. n. 15.*

Secunda sententia dicit sufficere, et requiri decennium; hoc enim est longum tempus requisitum à jure ad consuetudinem introducendam; nisi aliud sit alicubi sancitum, ex *L. ult. c. de præscriptione.* Ita *Salm. ibid. n. 15. cum Laym. Suar. Pal. etc.,* licet doceant primam esse valde probabilem.

An verò hoc decennium sufficiat contra leges canonicas, affirmant *Less. Sa, Azor. Pal. Nav. etc.* Negant tamen *Salm. d. cap. 6. n. 17. cum Laym. Bonac. Suarez, Regin. etc. ex c. De quarta, et ex c. Ad aures, de præscript.* Sed vide infra n. 159. Notant autem *Salm. ibid. n. 18. cum Granad. Salas,*

etc. sufficere dictam eximii doctoris, etiam moderni, ostendentis legem abrogatam esse, ut à lege deobligemur.

Dicitur autem requiri *tempus continuatum*, nam si interrumpatur etiam per unicum actum à majori parte communitatis, vel si interim princeps puniat consuetudinem introducentes, consuetudo non præscribitur. Ita *Salm. d. cap. 6. n. 19. cum Laym. Suar. Bon. Pal. etc.*

Dicitur autem *repetitis actibus*; ad consuetudinem enim requiritur: 1. Ut actus sint repetiti per plures vices juxta prudentum arbitrium, ut *Salm. ib. punct. 3. §. 3. n. 21. cum Pal. Bonac. Suar. etc. contra Less. Reg. Sa, Dianam, etc.* qui dicunt duos, vel tres actus sufficere. 2. Ut actus sint liberi, non autem per vim, aut metum, aut ignorantiam positi; puta, si populus censeat existere legem, quæ reverà non est. *Salm. d. c. 6. n. 24. et 25. cum S. Thom. Dian. Tap. etc.* 3. Requiritur, ut actus sint notorii, saltem notorietate facti, ut *Salm. n. 26. et 27. cum Pal. Suarez, Bonac. Dian. Basil. etc. contra aliquos*, qui requirunt notorietatem etiam juris, ut sententia judicis consuetudo probetur.

IV. Requiritur ad consuetudinem perficiendam intentio se obligandi, vel consuetudinem introducendi. Quare nulla fit consuetudo, si populus, aut major ejus pars agit ex devotione, gratitudine, et simili; aut si læserit legem animo tantum non satisfaciendi ex levitate. *Salm. d. c. 6. §. 4. n. 28. cum Pal. Laym. Bonac. etc.* Hic autem animus cognoscitur ex circumstantiis, nempe si consuetudo constanter observetur, et cum non levi incommodo: si transgressores puniuntur: si ita sentiant communiter homines pii. *Croix lib. 1. n. 371. et Salm. ib. n. 30.* In dubio autem, an consuetudo sit ex devotione, vel obligatione? sub gravi, vel levi? an obliget ad culpam, vel poenam tantum? benignior pars tenenda est; nam nulla lex obligat, nisi de eà constet. Ita *Salm. d. n. 50. cum Pal. Suar. Bon. Dian. etc.* Et ita *Croix lib. 1. n. 392.* Qui notat tamen ibi cum *Carden.* quòd universales consuetudines Ecclesiæ de se obligant. Hoc intelligendum verò de consuetudinibus propriè ut talibus obligantibus sumptis, ut de consuetudine jejunandi in vigilia Pentecostes; et de alià aliqua simili, si adest. Nam aliter dicunt plures AA. de consuetudine abstinendi à lacticiniis in vigiliis extra Quadragesimam: de qua vide *lib. 4. n. 988.* Et aliter dicunt aliqui

etiam de consuetudine monialium recitandi officium privatim. Sed de hoc vide lib. 3. n. 122. quid alii communius et probabilius dicant.

V. Requiritur consensus principis ex lib. de quibus, ff. de Leg. Requiritur enim, ut habeatur consensus saltem tacitus generalis principis, scilicet approbandi quamcumque legitimam consuetudinem, quando illam specialem consuetudinem princeps ignorat. Ita Salm. c. 6. punct. 3. §. 3. n. 31. cum S. Thom. Pal. Suar. Sanck. Laym. Bonac. Tapia, etc. Quando verò princeps resistit, tunc nulla fit consuetudo. Salm. ibid. in fine Hinc dicunt iidem Salm. n. 32. cum Laym. Bonac. Suar. Barbos. etc. contra alios, nullam dari consuetudinem contra immunitatem ecclesiasticam.

108. — Quod ad effectus autem consuetudinis pertinet, notandum, quòd consuetudo potest non solum tollere legem, sed etiam poenam illius, remanente culpa vel contrà. Vide Salm. d. c. 6. punct. 4. §. 1. ex n. 35. Potest etiam consuetudo validare contractum irritatum per legem. Salmant. de matrim. cap. 11. punct. 2. n. 30 et seq. Potest etiam introducere nova impedimenta irritantia matrimonium. Salm. ibid. punct. 1. n. 19.

Sed quid si à lege prohibeatur contraria consuetudo? Distingue : si apponatur clausula, non obstante quacumque consuetudine, intelligitur reprobare consuetudo opposita præterita, non verò futura. Salm. de leg. c. 6. punct. 4. §. 2. n. 42. cum Suar. Tapia, Vill. Si autem clausula reprobatur quamcumque consuetudinem futuram, adhuc Salm. ib. n. 43. et de matr. d. c. 11. punct. 2. n. 33. cum Suar. Basil. Bonac. etc. dicunt probabilius esse, posse consuetudinem talem legem abrogare.

Quid si reprobetur omnis consuetudo futura, ut irrationabilis? Respondetur, quòd, si reprobetur tamquam contraria legi naturali, seu divinæ, nulla tunc consuetudo valere potest. Si verò reprobetur ut irrationabilis pro tempore quo fit lex, tunc ex nova causa rationabilis reddi potest, et valere. Salm. de leg. d. c. 6. punct. 4. §. 2. n. 44. cum Suar. Basil. Tap. Dian.

Potest denique consuetudo legem dubiam interpretari; et hæc interpretatio vel potest esse authentica, ita ut illa interpretatio sit nova lex; vel potest esse probabilis, cum con-

suetudo præcedat, vel legem subsequatur; lex enim non intelligitur derogare consuetudini antecedenti, nec consuetudo legi, nisi expressè opponantur. Et ad hanc consuetudinem probabiliter interpretantem minus tempus requiritur, quàm ad consuetudinem legi adversantem præscribendam. Communiter autem asserunt DD. leges interpretandas esse juxta loci consuetudinem, etsi verba legis minùs propriè accipienda sint. *Salm. ibid. §. 3. ex n. 45.*

109. — Potest autem consuetudo per contrariam legem à superiore revocari.

Sed quæritur 1. An per legem generalem derogetur consuetudini speciali alicujus loci? Respondetur negativè nisi in lege mentio fiat illius consuetudinis, vel in ea revocetur quæcumque consuetudo. Et probatur ex c. 1. de Consuetudine in 6. ubi sic habetur: *Non enim censetur abrogata consuetudo speciali lege, quia præsumitur princeps ignarus talis consuetudinis. Vide Salm. d. c. 6. punct. 5. §. 1. n. 52.* Si verò princeps notificatus de consuetudine nolit legem revocare, tunc censetur revocata consuetudo. *Salm. ibid. num. 53. cum Pal. Suar. Bon. etc.* Episcopi tamen per eorum leges abrogant quæcumque consuetudinem particularem, quia præsumuntur ipsi plenam notitiam habere consuetudinum diocesum suarum. *Salm. ibid.* Nota autem, quòd prædicta doctrina procedit de consuetudine jam præscriptâ, non autem de inceptâ. *Salm. ibid. n. 54. cum Mascardo, Gloss. etc. contra Suar.*

Quæritur 2. An positâ clausulâ revocatoria cujusque consuetudinis, intelligatur revocata etiam consuetudo immemorabilis? Nega, nisi exprimatur; quia, quando superior vult etiam illam revocare, id exprimit. *Salm. ibid. n. 55. cum Abb. Suar. Bon. Pal. et Garcia*, qui affert plures declarationes S. C.

Potest autem aliqua consuetudo abrogari per aliam contrariam, quæ repetitis actibus modo, ut supra, præscribatur. *Vide Salm. d. c. 6. punct. 5. §. 2. n. 56. et 57.*

DISSERTATIO

Super proposit. 29. damnatam ab Alexand. VIII. quæ dicebat : *Fallit solus convulsus est assertio de Pontificis Romani supra concilium œcumenicum auctoritate, atque in fidei questionibus decernendis infallibilitate.*

440. — Hæc celeberrima quæstio, et hoc tempore tam fortiter agitata, sicut ad eam pertractandam integro libello (qui tamen lucem non vidit) aliquando me duxit; ita nunc me urget, ut in eâ aliquantulum immorer. Hinc pareat mihi Lector, si à meo instituto nimis recedere videar. Duo hic valde magni ponderis enucleanda occurrunt: Primum, an auctoritas Summi Pontificis extra concilium in rebus fidei et morum decernendis sit infallibilis? Alterum, an auctoritas Papæ sit supra œcumenicum concilium.

§. I. De infallibilitate Papæ.

Circa hanc Pontificis infallibilitatem plures adsunt opinioniones.

Prima est Lutheri et Calvini, qui hæreticè docent, Papam loquentem etiam ut doctorem universalem, etiamquæ unâ cum concilio, esse fallibilem.

Secunda sententia omninò opposita est Alberti Pighii sentientis Papam non posse errare etiam privatè loquendo.

Tertia est nonnullorum dicentium Papam esse fallibilem extra concilium docentem. Circa quod pro rei majori elucidatione præsciendum, hanc sententiam amplexatum fuisse clerum Gallicanum ann. 1682. cum illas quatuor celebres propositiones emanavit; quarum, omissis aliis ad præsentem materiam non pertinentibus, secunda asserit: *Sic inesse apostolicæ Sedi rerum spiritualium potestatem, ut simul valeant Synodi Constantiensis decreta de auctoritate conciliorum: nec probari ab Ecclesia Gallicana, qui eorum decretorum ad solam schismatis tempus conciliarè dicta detorqueant.* Quarta autem: *In fidei quoque quæstionibus præcipuas Summi Pontificis esse partes, ejusque decreta ad omnes Ecclesias pertinere: nec tamen irreformabile esse judicium, nisi Ecclesiæ consensus accesserit.* Et in eodem Gallicanæ facultatis decreto

demandatum fuit, ut nullus lauream doctoratûs reciperet, nisi has propositiones publicè priùs propugnasset, et exindè ad eas sustinendas juramento se adstringeret. Postmodum *Alexander VIII.* per bullam quæ incipit: *Inter multiplices*, anno 1690. præfatum facultatis Parisiensis decretum irritum declaravit, nullamque de eo rationem habendam esse præcepit. Sed *Ludovicus Maimburgus* (cui postea se adjunxit alter, *Ludovicus Dupinus*) dimisso habitu Societatis Jesu, imò ab illa meritò expulsus, ad eas tuendas se obtulit, sicut audacter fecit, donèc inopinatâ morte dignam suæ audaciæ à Deo mercedem recepit. Verumtamen circa annum 1693. iidem Episcopi, qui ad eas quatuor propositiones emanandas conspiravère in consensu habito anno 1682., postea per epistolam ad *Innoc. XII.* missam ab omnibus illis se retractarunt. Idemque christianissimus rex *Ludovic. XIV.* edictum publicè priùs editum pro observatione antecedentis Parisiensis decreti, alio publico edicto revocans, aliam retractationis epistolam ad Pontificem transmisit. Vide de hoc *Graveson. t. 8. p. 1. fol. 191. Roncaglia in animadvers. ad Nat. Alexand. §. xi. sup. Conc. Constant. et Milante loco infra citando*. Hactenùs de tertia sententia.

Quarta verò communis sententia, cui nos subscribimus, est, quòd, licèt Romanus Pontifex quatenus particularis persona, sive privatus doctor possit errare (sicut etiam est fallibilis in quæstionibus meri facti, quæ ex hominum testimoniis præcipuè pendent); cùm tamen Papa loquitur tamquam doctor universalis, definiens ex cathedra, nempe ex potestate supremâ, traditâ Petro docendi Ecclesiam, tunc dicimus, ipsum in controversiis fidei et morum decernendis omninò infallibilem esse. Hanc sententiam tuentur *D. Thom. 2. 2. q. 1. art. 10. Turrecrem. Sotus, Cajet. Alex. de Ales, S. Bonavent. B. August. Triumph. Nic. de Lyra, S. Franc. Sal. Spondan. Thomass. Ludovic. Bail, Dupallius, aliique innumeri citati à Milante Episcopo Stabiensi in suis doctis Exarc. 19. sup. proposit. 29. Alexand. VIII., et communiter reliqui theologi omnes, ut testantur Cardin. Gotti de ver. Eccles. Jesu Christi tom. 1. c. xi. §. 1. Milante l. c. et Troila in sua Theolog. dogm. tr. 6. de Pontif. d. 1. §. 2. n. 14.* Adsunt aliqui inter hos, qui dicunt Papam esse quidem infallibilem, sed tum tantum, cùm in quæstionibus definiendis maturè

procedit, sapientum iudicium audiendo : sed rectius alii dicunt, hanc conditionem solum de congruentia esse, non autem de necessitate : infallibilitatis enim promissionem necesse est, ut omnes, qui pontificiam infallibilitatem tuentur, non consiliariis, nec examini, sed soli Pontifici factam fuisse fateantur : alios hæretici semper objicere possent sufficiens examen non extitisse, sicut de facto sectarii in Tridentinum opposuere. Ad providentiam autem Spiritus sancti pertinebit (ut rectè ait Suar. 5. de fide sect. 8.) quòd Pontifex non temerè, nec imprudenter umquam in tantis rebus agat, et decernat.

111. — Nostra conclusio probatur I. ex Scripturis, et præcipuè ex illa Matth. c. 16. *¶* 18. *Tu es Petrus, et super hanc petram ædificabo Ecclesiam meam, et portæ inferi non prævalebunt adversus eam.* Natalis Alexander pro *petra* explicat Ecclesiam; sed inepta interpretatio, quæ ineptum redderet sensum, nimirum (ut ipse intelligit) *super hanc Ecclesiam ædificabo Ecclesiam meam.* Attamen ex ipso sensu patet, quòd totus sermo dirigitur ad Petrum : communiter SS. Patres, ut *Basilius, Cyprianus, Chrysostomus, Hilarius, Tertullianus, Epiphanius, et Origenes* (apud Jos. Baron. contra Piccinin. diss. 2. cap. 3.) dicunt, nomine *petræ* intelligi Petrum; et signantur *S. Basilus l. 2. contra Eunom.* ait de Petro : *Quoniam fide præstabat, Ecclesiæ ædificationem in seipsum recepit.* Et *S. Leo serm. 94. de Transfig.* Tantum in hac fidei sublimitate complacuit (Christo), ut Beatitudinis felicitate donatus, sacram inviolabilis *petræ* acciperet firmitatem, supra quam fundata Ecclesia portis inferi et mortis legibus prævaleret. Item *S. Cyprianus l. de unit. Eccles.* dicit : *Primatus Petro datur; ut una Christi Ecclesia, et cathedra una monstretur.* Et alibi adversus Novatianos post verba : *Tu es Petrus, et super hac petram, etc.* Et *pascce oves meas;* subdit : *Super illum unum ædificat Ecclesiam; et illi pascendas mandat oves suas.* Item *S. Leo serm. 5. in Annivers. Assumpt.* ita Christum loquentem Petro repræsentat : *Cum ego sim inviolabilis petra... tamen tu quoque petra es, qui mea virtute solidaris, ut quæ mihi potestate sunt propria, sint tibi mecum participatione communia.* Et id magis patet ex concilio Chalcedonensi act. 3. apud Bellarm. *Contr. de Rom. Pont.* ubi dicitur : *Appellat Petram petram Ecclesiæ catholicæ.* Hinc addit Bellarm. *Catholici docent in-*

taphora significari, Petro esse commissum regimen totius Ecclesiae, et praecipue circa fidem; petrae enim fundamentalis hoc est proprium, totum aedificium regere, et sustentare. Accedit S. Cyrillus Alexand. dicens: Secundum hanc promissionem Ecclesia apostolica Petri ab omni seductione manet immaculata. Si itaque huiusmodi aedificium est Ecclesia, adversus quam inferi praevalere non possunt; ut illa non possit ruere, necesse est, basem ejus et fundamentum neque destrui posse, ne, destructo fundamento, tota domus corruat. Ideo Origenes in hoc loco dicit: Si praevalerent inferi adversus Petrum, in quo Ecclesia fundata est, contra Ecclesiam etiam praevalerent. Probatur quoque ex Luca c. 22. §. 32. Ego autem rogavi pro te, ut non deficiat fides tua. Ex quo pariter textu affirmat Maldonatus auctores collegisse Pontifices esse perpetuo infallibiles.

112. — Probatur II. ex conciliis oecumenicis, et I. ex concilio Chalcedonensi, ubi (ut refert *D. Th. in Opusc. contra errores Graec.*) habetur: *Omnia ab eo, scil. Papa, definita teneantur tamquam à Vicario apostolici throni. In ejusdem Synodi act. cum legeretur epistola D. Leonis, dictum fuit anathema iis qui ita non crederent. Deinde ibidem act. 3. Patres concilii Pontificis doctrinam ut beati Petri amplexi sunt, et universa concilii dogmata petierunt Sedis apostolicae auctoritate firmari. II. Ex concilio Lugdunensi oecumenico 2. habetur: Ipsa quoque sancta romana Ecclesia summum principatum super universam Ecclesiam obtinet, quem se ab ipso Domino in B. Petro, cujus romanus Pontifex est successor, cum potestatis plenitudine recepisse recognoscit; sic, si quae de fide subortae fuerint quaestiones, suo debent judicio definiti. III. Ex concilio Florentino, in sess. ult. sic legitur: *Definitum romanum Pontificem in universum orbem habere primatam, et successorem esse Petri, totiusque Ecclesiae caput, et christianorum patrem, ac doctorem existere; et ipsi in B. Petro regendi Ecclesiam à D. N. Jesu Christo plenam potestatem traditam esse, quemadmodum etiam in gestis oecumenicorum conciliorum, et in sacris canonibus continetur. Si ergo certum est, Papam esse totius Ecclesiae doctorem, certum quoque tenendum, ipsam debere esse infallibilem, ne Ecclesia à suo magistro aliquando decipi possit. Accedit concilium Viennense XV. generale sub Clem. V. ubi sic sanctum**

sult : *Dubia fidei declarare, ad Sedem duntaxat apostolicam pertinere.*

113. — Probatur III. ex SS. Patribus : S. Irenaeus l. 3. c. 5. scribit : *Omnes à romana Ecclesia necesse est, ut pendeant tamquam à fonte, et capite.* S. Athanasius in epist. ad Fel. Pap. dicit : *Romanam Ecclesiam semper conservare, veram de Deo sententiam.* Et in eadem epistola, ad Pontificem S. Doctor suum sermonem dirigens, sic eum alloquitur : *Tu profanarum haeresum, atque imperitorum, omniumque instantium depositor, princeps, et doctor caputque omnium orthodoxae doctrinae et immaculae fidei existis.* Theodoretus Episc. Asianus in ep. ad Leonem P. inquit : *Ego apostolicæ vestrae Sedis exspecto sententiam, et supplico et obsecro V. S. ut mihi opem ferat justum vestrum et rectum appellanti iudicium.* S. Cyprianus epist. 8. l. 1. scribit : *Deus unus est, Christus unus est, et una Ecclesia, et cathedra una super Petrum Domini voce fundata. Aliud constitui sacerdotium novum, fieri præter unum sacerdotium non potest. Quisquis alibi collegerit, spargit.* Et idem Cyprian. in lib. de unitate Eccles. *Qui cathedram Petri, super quam fundata est Ecclesia, deserit, in Ecclesia se esse non confidat.* S. Hieron. in ep. ad Damasum Papam scribit : *Cum successoræ Piscatoris loquor.... super illam petram, scilicet cathedram Petri, aedificatam Ecclesiam scio, quicumque extra hanc domum agnum comederit, profanus est. Si quis in arca Noë non fuerit, peribit regnante diluvio.... Quicumque tecum non colligit, spargit, hoc est, qui Christi non est, antichristi est.* S. Basilius ep. 52. ad Athan. scribit : *Romanum Pontificem compellendum esse, ut quid credendum sit, si per concilium definiri non donetur, ipse determinaret.* S. Aug. l. 1. contra Julianum, c. 5. *Per Papæ rescriptum causa Pelagianorum finita est.* S. Thomas Quodlib. 10. art. 6. *Magis standum est, sententiæ Papæ, ad quem pertinet determinare de fide, quam quorumlibet sapientum.* Et 2. 2. q. 11. art. 2. ad 5. : *Postquam essent aliqua Ecclesiæ auctoritate determinata, hæreticus esset, si quis repugnaret; quæ quidem auctoritas principaliter residet in S. Pont. S. Bon. in Summa theol. q. 1. ar. 3. d. 5. Papa non potest errare, suppositis duobus, Primum quod determinet quatenus Papa; alterum, ut intendat facere dogma de fide.*

114. — Probatur IV. ex ipsa Schola gallicana, falso enim nobis objicit *Hottingerus* hæreticus, dicens: Gallia universa à vobis dissentit. Quandoquidem asserit *Milante Exercit.* 19. *dict. prop. 29. Alexand. VIII.* paucos esse Gallos, qui Romani Pontificis infallibilitatem contendunt; respectu ad Gallos nobiliores, qui illam propugnant; præsertim *Petrus Mattei Spondanus* disserens in *Decr. Const. Bosvinus tom. 4. de Concordia*. Idem aliquando docuit *Gerson de pot. Eccl. c. 10.* dicens: Tandem ex his dicere possumus, quòd plenitudo potestatis est à Christo collata Petro, sicut vicario suo, et suis successoribus. Ita scripsit hic doctor in præfato loco. Cæterum nulli dubitandum, quòd *Gerson*, ut ait *P. Victoria in suo Tract. de auctoritate Papæ et concilii tr. 5.* per omnia fuit infestissimus auctoritati Summorum Pontificum, et multos alios infecit suo veneno; parum enim differt à schismate ejus sententia de auctoritate Papæ. Idem statuere conati sunt *Episc. Gallicani antiqui ann. 1626. art. 137.* et in concil. generali *Lugd. 2.* (ubi præ cæteris numerabantur *Episcopi Galli*, qui Græcorum confessionem acceperunt: scilicet, quòd sancta Romana Ecclesia plenum principatum obtineret super universalem Ecclesiam, etc. ut infra referetur). Et quamvis Universitas Sorbonica (ortum agnoscens à *Roberto Sorbon* ex anno 1253. confessario *S. Ludovici*, erectaque à *Carolo rege* ann. 1290. in Universitatem) contrariæ fuerit sententiæ, hoc tamen accidit tantum ex tempore concilii Constantiensis operâ *Gersonis*, et *Almaini*, qui in eadem Universitate adscripti ad comprimendum trium Pontificum schisma, ad concilium, tamquam ad judicem superiorem, et in hujusmodi casu necessarium, causam deferendam existimarunt. Novissimi verò Sorbonici non attendentes, quòd ipsorum majores de Papâ dubio sint locuti, eorum innixi auctoritati, dixerunt judicium Romani Pontificis non esse infallibile, nisi Ecclesiæ, sive generalis concilii consensus accedat. Cæterum ante concilium Constantiense et Basileense advertit *Raynaldus* scriptor Gallus in *Opusc. de Rom. Pont.* omnes theologos anteriores unanimiter docuisse, definitiones pontificias, etiam extra concilia, rem facere de fide. Imò habetur apud *Nauclerum p. 4. lib. 8. c. 6.* quòd Facultas Parisiensis an. 1520. damnavit tamquam hæreticos articulos *Marsilii Paduani* dicentis: Romanum Pontificem esse fallibilem. Et an.

1554. (ut apud eundem *Navelerum*) damnavit eundem errorem contra *Joannem Morandum*. Item *Duvallius* doctor Galus, qui scripsit circa ann. 1712. de *Sup. Pont.* p. 1. q. 7. refert, consuetudinem fuisse Facultatis Parisiensis, ut ab ea laureati protestationem, numquam Ecclesiæ Romanæ contradicendi, præmittissent. Idem author refert, ipsam Facultatem damnassee ut hæreticum *Marcum Antonium de Dominis*, quia docebat Pontificis auctoritatem esse fallibilem. Ideo præfatus *Duvallius*, quamvis ejusdem Sorbonæ doctor, loco citato non dubitavit sic scribere: *Opinio, quæ Romæ tenetur, vacat omni temeritate, cum totus orbis, exceptis pauculis doctoribus, eam amplectatur, et præterea rationibus validissimis tum ex Scriptura, conciliis, et patribus, tum ex principiis theologiæ petitis confirmetur.* Et p. 4. q. 7. subdit: *Nemo nunc est in Ecclesia, qui ita pro certo sentiat præter Vigorium et Richerium, quorum si vera esset sententia, totus ferè orbis christianus, qui contrarium sentit, in fide turpiter erraret.* Propterea addit, quod opinio de prælacione conciliorum auctoritati Romani Pontificis, & temeritate inobedientiæ vis potest excusari; foret enim ut plurimum inobedientiam et dissidia multa; magnosque tumultus semper in Ecclesia excitavit. Hinc videre est apud *Troila tr. 6. de Sum. Pont. ar. 6. ex n. 54.* et ap. *Milante in Exercit. dogm. 19. super prop. 29. Alexand. VIII.* quot concilia provincialia Gallicana plausuerint Pontificis infallibilitati. Synodus ipsa Parisiensis an. 1628. in ar. 137. Tit. Monita cleri Gallicani ad dominos Archiepiscopos regni, ecce quid sensit: *Hortamur igitur Episcopos omnes, ut sanctam apostolicam Romanamque Ecclesiam, utpote ex Dei sponsione infallibili Ecclesiarum matrem...* Et infra loquens de ipso Romano Pontifice: *Is enim successor est Petri, super quem Christus Jesus Ecclesiam fundavit; quando illi claves regni cælorum, et donum infallibilitatis in causis fidei reliquit.....* Valde autem notandum id quod Episcopi Galliarum (ut refert *Milant. l. c.*) in obsequium bullæ, quam *Innoc. X.* emanavit in confixione Jansenianarum thesium, ad ipsum scripserunt: *Beatissimi Pater, optata pervenit ad nos Constitutio illa, qua V. Sanctitatis auctoritate quid sentiendum sit de controversis quinque propositionibus excerptis è Cornelli Jansenii Yprensis Episcopi libris perspicuè decernitur.... Quo in negotio illud observatione dignam accidit, ut quemadmo-*

dum ad Episcoporum Africæ relationem Innoc. I. Pelagianam hæresim damnavit olim; sic ad Gallicanorum Episcoporum consultationem hæresim ex adverso Pelagianæ oppositam Innoc. X. auctoritate sua proscripserit. Enimvero velustæ illius ætatis Ecclesia catholica, solâ cathedræ Petri auctoritate fulta, quæ in decretali Epistola Innocentii ad Africanos data elucebat; quamque dein Zosimi altera ad universos orbis Episcopos epistola subsecuta est, Pelagianæ hæresis damnationi absque cunctatione subscripsit: perspectum enim habebat, non solum ex Christi D. pollicitatione Petro factâ, sed etiam ex actis priorum Pontificum et anathematis adversus Appollinarium et Macedonium, nondum ab ullâ Synodo œcumenicâ damnatos, à Damaso paulò antea jactis, judicia pro sancienda regulâ fidei à summis Pontificibus data, super Episcoporum consultatione (sive suam in actis relationis sententiam ponant, sive omittant, prout illis collibuerit) divinâ æquè, ac summâ per universam Ecclesiam auctoritate niti: cui Christiani omnes ex officio ipsius quoque mentis obsequium præstare teneantur, etc. Deindè præfati Episcopi bullam venerantes eam promulgare promiserunt.

115. — Probatur V. rationibus: Prima ratio est D. Th., qui 3. p. q. 25. art. 1. docet pollicitationem infallibilitatis in rebus fidei tantum successoribus Petri esse factam, et ideò dicit Ecclesiam non posse errare, quia Papa errare nequit: *Ecclesia universalis* (verba D. Th.) non potest errare, quia ille qui in omnibus exauditus est pro sua reverentiâ, dixit Petro: Ego pravi pro te, Petre, ut non deficiat fides tua. Secunda ratio est ejusdem S. Doctoris, qui alibi 2. 2. q. 1. art. 10. ait, quòd in Ecclesiâ non posset una fides servari, nisi per ejus caput Pontificem quæstiones fidei definirentur. Et ratio est, quia una fides debet esse totius Ecclesiæ (secundum illud 1. ad Cor. 1.), quod servari non posset, nisi quæstio fidei determinaretur per eum, qui toti Ecclesiæ præest. Ratio tertia est inveteratâ Ecclesiæ consuetudo. Hâc ratione pro nostrâ sententiâ tuendâ utitur eruditissimus Melchior Canus in suo perdocto Opusculo de locis theologicis l. 6. c. 7. ubi ait: Si nullus itaque (sic author arguit) legum Christi senior est interpres, quàm perpetuus Ecclesiæ usus; Ecclesia verò in fidei rebus, non ad Antiochenum, Alexandrinum, Hierosolymitanum, sed Romanum Pontificem omni tempore recur-

rerit, ejusque iudicia uti irrefragabilia semper tenentur: et dubitabimus illum Petró in hac prerogativa dare successorem? Hoc ipso rerum testimonio roboratur: nam Christo de Petro, et Successoribus ratiocinia in Romana Ecclesia videntur impleri. Cum cæteræ apostolorum Ecclesiæ, vel ab infidelibus occupatæ, vel ab hæreticis affectæ aliquando fuerint: hæc uni tot inter hostes nec infidelibus, nec hæreticis valuit expugnari. Hinc queri solet, an hæreticum sit asserere, posse quandoque Romanam Sedem, quemadmodum et cæteras, à Christi fide deficere? Ei faciant satis Hieronymus perjurum dicens, qui Romanæ Sedis fidem non fuerit secutus; Cyprianus dicens: Qui cathedram Petri, supra quam fundata est Ecclesia, deserit, in Ecclesia esse non confidat; Synodus Constantiensis hæreticum judicans, qui de fidei articulis aliter sentit, quam S. Rom. Ecclesia docet. Illud postremo addam, cum ex traditionibus apostolorum ad evincendam hæresim argumentum certum trahatur; constet autem, Romanos Episcopos Petro in fidei magisterio successisse, ab apostolis esse traditum, cur non audebimus assertionem adversam tanquam hæreticam condemnare? Sed noluit Ecclesiæ iudicium antevertere: illud assero, et fidenter quidem assero, pestem esse Ecclesiæ et perniciem asferre, qui aut negant Romanum Pontificem Petro in fidei doctrinæque auctoritate succedere, aut certe astruunt Summum Ecclesiæ Pastorem, quicumque illa sit, errare in fidei iudicio posse. Utrumque scilicet hæretici faciunt: qui verò illis in utroque repugnant, hi in Ecclesia catholici habentur. Hucusque Canus: cui valde favet id quod D. Cyprianus sedulo advertit in Ep. 3. l. 2. dicens: Neque enim aliunde hæreses abortæ sunt, quam inde, quod Sacerdoti Dei non obtemperatur, nec unus in Ecclesia Sacerdos, et ad tempus iudex vice Christi cogitatur. Et ratio huius gravis sententiæ Cypriani est, quia Romanæ Sedis decretis illi, qui pertinaciter restiterunt, primum (ut bene advertit cit. Episcopus Sabiensis) schismatici facti sunt, deinde hæretici.

Ex his omnibus tandem inferunt DD. prout Suar. l. 3. de Fidei defen. Bannez, et Bellarm. l. 4. de Pont c. 2. nostram sententiam esse saltem fidei proximam; et contraria (dicit Bellarm. l. c.) videtur omnino erronea, et hæresi proxima.

Postquam hæc scripsi, alia mihi occurrerunt multum no-

tatu digna pro Summi Pontificis infallibilitate, quæ præsertim adversus relata Gallicani cleri declarationem urgent. Dicitur in ea: *Nec tamen irreformabile esse judicium* (nempe Pontificis) *nisi Ecclesie consensus accesserit*. Nunc quærimus, quomodo hujusmodi consensus accedere debeat? Alii dicunt, tum pontificias definitiones evadere irreformabiles, cum omnium fidelium consensus accedit. Alii, cum saltem accedit consensus omnium Episcoporum. Alii putant, unius tantum provincie consensum satis esse. Alii demum requirunt consensum majoris partis Episcoporum in orbe christiano degentium; hæc enim opinio conformior est consuetudini, quæ œcumenicæ Synodi usæ sunt in dubiis fidei decernendis. Hoc posito, quæritur, quid dicendum, si pontificio decreto pars æqualis Episcoporum accedat? quid tunc de Pontificis judicio sentiendum? et quid si minor accedat pars, ut seculo IV. accidit, cum sententiæ S. Melchiadis Papæ tantum 18. Episcopi orthodoxi adhæserunt, sed contra alii 400. eam rejecerunt; prout refert *Haunoldus Introd. ad jus. canon. p. 162.* In simili casu quis litem dirimet, si unus supremus judex non agnoscatur, qui fidei causas definiendi infallibilem potestatem habeat? Si autem consensus majoris partis Episcoporum sufficit, utique Papam esse infallibilem credere omnes tenemur, statim ac aliquid circa fidem, aut mores ipse definitivè decernit; non solum etenim major pars, sed tota ferè Ecclesia, excepta Galliâ, id docet, et semper docuit. Aut igitur infallibilitatem Pontificis fateri oportet, aut dicere quòd Ecclesia catholica tantum ad exiguum Gallorum numerum redacta sit.

Præterea certum est, quòd si Gallicani cleri admitteretur sententia, ita ut Pontificis judicium esset fallibile, donec consensus Ecclesiæ accederet, modus hæreticos de suis erroribus convincendi amplius non suppeteret, etiamsi generalia concilia adhiberentur: hæretici enim judicio concilii, in quo ipsi non intersunt, numquam acquiescunt, eò quòd deficiente interventu ipsorum, qui sanio rem Ecclesiæ partem constituere præsumunt, quodcumque concilium irritum esse exclamant. Hinc mos ortum habuit, quòd heterodoxi, cum errores suos ad Romanam Sedem viderint denuntiari, aut ab eâ præscribi, ad damnationem evitandam statim appellare ad œcumenicum concilium consueverunt. Quapropter sapien-

ter scripsit S. Cyprianus, cujus verba hic juvat repetere: *Nōn aliunde hæreses obortæ fuerunt, aut nata schismata, quān inde, quōd Sacerdoti Dei non obtemperatur, nec unus in Ecclesiā ad tempus iudex vice Christi cogitatur; cui si secundum magisteria divina obtemperaret fraternitas universa, nemo Ecclesiam scinderet.* Proinde scribit P. Petitdierus Abbas Senonensis in præfat. ad Tractat. de auctorit. et infallibilit. S. Pontif. quōd si hæc S. Cypriani regula servata fuisset, facile Jansenianorum ora præclusa fuissent in tam longā bullæ *Unigenitus* disceptatione; at quia ipsi relatæ Gallicani cleri declarationi sunt innixi, qua infallibilitas Pontificis, antequam Ecclesiæ accedat consensus, negatur, ideo usque adhuc de acceptatione bullæ certant, et lis in Galliā adhuc vivit, et viget.

Fautores declarationis opponunt, quōd Ecclesia est corpus Christi mysticum, unde dicunt, quōd sicut corpus nequit subsistere sine capite, ita caput nequit subsistere sine corpore. Sed huic facillè respondetur. Nulli dubium est, quōd nec corpus potest esse sine capite, nec caput sine corpore; sed nihil obest hoc in casu nostro, ubi non de corporis constitutione, sive integritate, sed tantum de corporis Ecclesiæ regimine agitur: constitutio quidem corporis importat, ut ipsum non sit sine capite, et caput non sit sine corpore: corporis autem Ecclesiæ regimen importat, ut sicut corpus humanum à mente hominis gubernatur, sic corpus Ecclesiæ gubernetur à Papā tamquam ab ejus capite. Officium igitur capitis, id est Pontificis, est docere et regere Ecclesiam; officium corporis, id est Ecclesiæ, est instrui, et obedire Pontifici.

Id quippe concilium Florentinum disertè nos docuit, appellando Pontificem *caput totius Ecclesiæ, omnium christianorum patrem, et doctorem*, ac proinde subjungens, *Et ipsi regendi Ecclesiam plena potestas tradita est.* Idque sanè eruitur ex verbis Christi Domini, cum dixit Petro: *Tu es Petrus et super hanc petram ædificabo Ecclesiam meam.* Et alias: *Et tu aliquando conversus confirma fratres tuos.* Quod autem Dominus Petro dixit, profectò omnibus etiam ejus successoribus dixit, namque, ut observat S. Augustinus, potestas Pastoris universalis non fuit Petro propter ipsum collata, sed propter Ecclesiam ab ipso regendam; et ideo potestas in Ecclesiam ita Petro conferri debuit, ut ad omnes Pontifices successores

pertransiret, et Ecclesia usque ad consummationem seculi permansura rectè regeretur, unitasque ejus usque ad finem conservaretur. Si decreta Pontificum non essent infallibilia, nisi consensus Ecclesiæ accederet, utique dicendum foret, quòd non Ecclesia fundata sit super Petrum, sed quòd Petrus fundatus sit super Ecclesiam. Et sic pariter dicendum, quòd non fratres confirmandi fuissent à Petro, sed Petrus confirmandus à fratribus.

Cæterùm doctrinam nostram, quòd decreta dogmatica Pontificis sint infallibilia, testatur *Bellarminus* (*Controv. l. 4. de Rom. Pontif.*) fuisse antiquam ferè omnium catholicorum, theologorum, et patrum. *Canus de loc. theol. l. 6. c. 3.* refert pro eâ testimonia *Irenæi, Cypriani, Ambrosii, Cyrilli, Hieronymi, et Bernardi*. Habetur præsertim inter alias auctoritas *S. Th. 2. 2. q. 1. art. 10.* qui ut certam doctrinam hanc tradit, dicens: *Ad illius* (id est Pontificis) *ergò auctoritatem pertinet finaliter determinare ea quæ sunt fidei, ut ab omnibus inconcussa fide teneantur. Et hujus ratio est, quia una fides debet esse totius Ecclesiæ; quod servari non posset, nisi quæstio fidei determinetur per eum, qui toti Ecclesiæ præest.* Eandem rationem olim protulit *Joannes de Parisiis Lib. de potest. regis, et Papæ c. 3.* pro infallibilitate Pontificis, antequam in eam infestus esse inciperet; en ejus verba: *Divideretur Ecclesia, nisi per unius sententiam unitas servaretur: hic autem principatum ejusmodi habens est Petrus, successorque ejus.*

Id etiam plurimi Pontifices expressè declaraverunt. *Anacletus* (*Epist. 1. de oppress. Episc.*) sic scripsit: *Majores causæ ad Sedem apostolicam referantur.... super quam Christus universam construxit Ecclesiam, dicens ad B. Principem Apostolorum: Tu es Petrus, et super hanc petram, etc.* Id confirmat idem Pontifex in *ep. 3. de Patriarch.* (ut habetur in *can. Sacrosanctâ, dist. 22.*) ibique explicat, quid intelligatur nomine *Sedis apostolicæ*, dicens: *Hæc sacrosancta Romana, et apostolica Ecclesia ab ipso Domino obtinuit eminentiam potestatis super universas Ecclesias.* Idem expressius declaravit *Nicolaus I.* ut legitur in *can. Omnes, dist. 22.* ubi habetur: *Fidem quippe violat, qui adversus illam* (scil. Ecclesiam Romanam) *agit, quæ mater est fidei.* Ibique hæreticum dicendum esse præscribit, qui Romanæ Ecclesiæ privi-

legium negaret Petro concessum, nempe ut ei *terreni simul et celestis imperii jura à Christo Domino commissa fuerint*. Hancque Nicolai sententiam confirmavit Synodus VIII. adversus Photium, et Michaellem, qui hujusmodi privilegium Rom. Sedis infirmare conati fuerant.

Idem scripsit Innocentius III. Epist. 209. ad Patriarch. Constantin. apud Balbut. l. 3. ubi loquens de primatu Romanæ Ecclesiæ, et memorans de verbis illis, *Ego rogavi pro te, ut non deficiat fides tua*; sic deinde subdit: *Ex hoc innuens manifestè, quòd Successores ejus à fide catholica nullo unquam tempore deviant, sed revocarent magis alios, per hoc sic ei alios confirmandi potestatem indulgens, ut aliis necessitatem imponeret obsequendi*. Idem scripsit Gregorius VII. inquit: *Ecclesia Romana numquam erravit, nec pro catholico habendus est, qui huic Ecclesiæ non conjungitur*. Idemque senserunt plures alii Pontifices, Evaristus, Alexander I., Sixtus I., Pius I., Victor, Zephyrinus, Marcellus, Eusebius, et alii quos refert Canus lib. 6. cap. 4.

Eandem sententiam de infallibilitate pontificiarum definitionum, præter concilia Chalcedonense; Lugdunense, et Florentinum n. 112. suprâ relata, confirmavit Synodus VIII. ubi loquendo de auctoritate Sedis Romanæ sic patres fassi sunt: *In quâ est vera, et integrâ christianæ religionis soliditas; quare non consentientes Sedi apostolicæ, eorum nomina inter sacra mysteria non sunt recitanda*. Idem habetur in concilio œcumenico Viennensi (ut refertur in Clem. unic. de Summ. Trinit.) ubi dictum fuit: *Dubia fidei declarare ad Sedem apostolicam dumtaxat pertinet*. Alia plura clarissima testimonia referuntur à Cano l. 6. c. 6. quibus R. Ecclesiæ comprobatur auctoritas.

Scribit P. Petitdidierus loco suprâ relato cap. 14. historiam satis compertum haberi, quòd nullus vel fere nullus hæreticus conciliorum judicio unquam acquievit; contra verò plures eorum judicio Pontificis acquieverant, cum ipse illis præsto occurreret. De cætero primis Ecclesiæ sæculis plures errorum contra fidem satores, semper ac à Romanis Pontificibus damnati fuerunt, statim ut hæretici, nullo expectato Ecclesiæ consensu, ab omnibus habiti sunt. Sic accidit anno 150 cum Valentinus damnatus fuit ab Hygino: anno 245 Montanistæ à Zephyrino: anno 300 Jovinianus à Siricio: anno 416 Pelagius ab Innocentio I. Unde ipsimet Gallicæ

Episcopi in litteris ad *Innoc. X.* missis, postquam Pontifex ille Jansenianas propositiones proscripsit, ita scripsere: *Non solum ex Christi pollicitatione Petro facta, sed ex actis priorum Pontificum, judicia pro sancienda regula fidei à Summis Pontificibus lata super Episcoporum consultatione, divina æquè ac summà per universam Ecclesiam auctoritate niti, cui christiani omnes ex officio ipsius quoque mentis obsequium præstare teneantur.* Definitionibus ergò Pontificis, priusquam fidelium accedat consensus, ipsi obsequium ex officio præstare tenentur.

Ita igitur firmè tenuerunt omnes antiqui; sed eadem, scribit *Bellarminus* loco supra cit., est hodie sententia cunctarum nationum, solà Gallià exceptà. Eandemque ubique receptam esse scribit *Benedictus XIV.* in epistola datà ad *Inquisitorem generalem Hispaniarum* die 13. Jul. 1748. ut refert *Billuart* 2. 2. t. 1. diss. 4. a. 3. Quamvis autem (ait *P. Petiti* c. 13. §. 5.) ob caliginem offusam ex dictis à *Gersono*, et Cardinali de *Alliaco* quædam Universitates Germanæ et Poloniæ aliud senserint, postea tamen omnes in infallibilitatem pontificiarum definitionum consenserunt; ita ut hodie nulla Universitas, nullusque theologus extra Galliam reperiatur, qui infallibilitatem Papæ, ejusque supra concilia auctoritatem non tueatur. Imò *Augustinus Triumphus* academici Parisiensis doctor *Lib. de potest. Ecclesiæ* q. 10. a. 3. non obstante *Gersoni* auctoritate, asserere non dubitavit, hæresim esse, Pontifici aliquid de fide decernenti non adhærere.

416. — Objiciunt adversarii, plures Pontifices in fidei judiciis errasse. Sed facili negotio nos ab hac oppositione possemus expediri, generaliter respondendo cum *Cano*, et *Bellarmino*, quòd ii Pontifices, qui errasse adducuntur, non ut universales Ecclesiæ doctores, sed tantum privatè locuti fuerint, ut ex historiis patere demonstrant. Sed ne ex aliquibus gestis, quæ passim, et jactanter, sed nimis discerpta ab adversariis adducuntur, quis fortè decipiatur, nobis ad singula libet respondere.

417. — Objiciunt I. quòd *Liberius* Papa Arianæ hæresi non dubitaverit subscribere. In hoc autem sciendum, quòd eum *Liberius* primum ad *Mediolanensi* conciliabulo subscribendum reluctaret, in exilium à *Constantio* Imperatore fuit expulsus, ac in ejus locum ab Arianis successus fuit *Felix* II.

Indeque Ariani in conventu Firmiensi novam fidei formulam prodiderunt, in quâ dolose dixerunt Filium Patri similem in substantiâ. Huic *Liberius*, tædio exilii victus, imprudenter subscripsit: ob quam rem ab exilio revocatus Romam devenit, sed à Romanis ob hujusmodi flagitium adversis rejectus fuit, et in ejus locum *Felix* advocatus; qui postmodum ob suam constantiam in abjiciendâ Arianorum formulâ damnatus capite plexus est. At *Liberius*, *Felice* defuncto, cum resipisset, eandemque formulam damnasset, denuo Pontifex est acclamatus. *Liberii* itaque privatus lapsus, cum ipse non ex cathedrâ docuerit, nostram non infirmat sententiam.

Objiciunt II. *Vigilius* Papam in Epist. ad Theodoram Imperatricem anathema dixisse iis, qui duas in Christo naturas confiterentur, quo videtur ipse Pontifex hæresi *Eutychetis* adhæsisse. Sed hic notandum, ut refert *Baron.* ann. 547. n. 40. quod hunc errorem *Vigilius* professus sit tempore, quo, expulso Imperatricis ope *Sylverio* legitimo Pontifice, ipse Papa, potius antipapa, fuit creatus. Sed postmodum, cum idem, mortuo *Silverio*, legitimè Sedem pontificiam est adeptus, nullo modò errorem illum protulit umquam, aut simulavit.

118. — Objiciunt III. in eundem *Vigilius*, quod approbasset tria capitula, quæ postea damnavit concilium constantinopolitanum generale, jam ab ipso *Vigilio* inde Confirmatum. Sciendum hic, quod *Justinianus* Imperator, operâ *Theodori Cæsariensis*, edictum prodidit, in quo tria capitula continebantur, scil. damnatio memoriæ et scriptorum *Theodori Mopsuesteni*, *Ibæ* Episcopi Edessæ, et *Theodoreti* Episcopi Cypri, in quibus errores *Nestorii* excusabantur. At quia in conc. Chalcedonensi præfatorum auctorum laudabilis mentio facta fuit, plures Episcopi edictum illum reprobârunt. Deindè Constantinopoli consensu Pontificis concilio convocato, juxta Cæsaris edictum, tria illa capitula fuerunt confirmata; et *Vigilius* ad suasionem Imperatoris edicto clam subscripsit. Sed, ut hoc propalatum fuit, magna in Ecclesia scissio orta est. Quâ de re *Vigilius* decrevit, ut effectus edicti suspenderetur, et res ad generale concilium revocaretur. Deindè idem *Vigilius* in quodam suo rescripto, *Constituto Vigili* vocato, damnavit quidem scripta *Theodoreti* et *Ibæ*, sed personas à censuris immunes reliquit. Verum est, non

negamus, quòd postea anno sequenti Imperator à *Vigilio* revocationem *Constituti*, et concilii Constant. confirmationem obtinuit; sed ex hâc revocatione quid aliud inferre possunt adversarii, nisi ad summum id quod dicit *S. Gregorius lib. 3. epist. 3. Non enim mutatio sententiæ, sed inconstantia sensus in culpa est.* Si quis autem dixerit, quòd *Vigilius* in suo *Constituto* in fide erravit, pariter dicere deberet; quòd erravit et *Synodus Chalcedonensis*, quæ idem declaravit ac *Vigilius* in suo *Constituto*. Cæterum constat rem hanc non ad fidem pertinuisse; quòd enim *Theodoretus* et *Iba* non solum malè, sed etiam malâ fide descripsissent, et ideo non tantum scripta, sed etiam personæ fuissent damnandæ, meri facti res erat. Hinc ne dicantur concilia inter se discrepasse, dicendum quòd in Chalcedonensi fuit pertractatum de personis, in Constantinopolitano autem de scriptis. Hinc *S. Gregorius* monuit: *Scire vos volo, quòd in ea, (scilicet in Synodo Chalcedonensi) de personis tantum, non autem de fide aliquid gestum est.*

419. — Obijciunt IV. *Mainburgus* et *Jueninus*, in VI. et VII. Synodo *Honorium* Papam ob epistolas ad *Sergium* Monothelitarum principem damnatum ut hæreticum fuisse; in actione enim 15. VI Synodi sic legitur: *Simulque anathematizare prævidimus et Honorium, qui fuerat Papa antiquæ Romæ, eò quòd invenimus per scripta, quæ ab eo facta sunt ad Sergium, quòd in omnibus ejus mentem secutus est, et impia dogmata confirmavit.* Ac proindè concilium Romanum II. sic de eo declaravit: *Honorium judicatum fuisse post mortem à VI. Synodo, quia de hæresi fuit accusatus.* Hocque asseritur confirmatum à *S. Leone* Papa in epistolâ ad *Constantinum* Imperatorem, in quâ legitur *Leo* inter hæreticos enumerasse etiam *Honorium*.

Resp. I. Non desunt plures scriptores, qui asserunt epistolas enuntiatas à Græcis fuisse suppositas, et *Roncaglia* in *Animad. in Natalem* dicit peritiores criticos asserere, quòd acta præfatæ Synodi ad nos adulterata pervenerint. Nec adulteratio hæc gratis asseritur, sed eam ut certam testatur *S. Gregor. l. 5. epist. 14.* Et videtur clarè etiam probari ex eadem Synodo, in quâ alibi tantum damnati leguntur ii, qui in epistolâ *Agathonis* Papæ ad Imperatorem nominati fuerunt, et in eâ epistolâ nulla mentio de *Honorio* facta fuit, imò

fuit pronuntiatum, Romanam cathedram numquam defuisse, et numquam deficere posse. Et hoc sæpè creditur *Agatho* pronuntiasse ad omnem evellendam erroris suspicionem adversus *Honorium*, cujus innocentia antea diù discussa, et enixè à *S. Maximo* propugnata fuerat, et patefacta iudicio *Joannis* Papæ antecessoris *Agathonis*. Pariter acta VII. Synodi corrupta fuisse testatur *Anastasius* bibliothecarius in *Præf. hist. ad VI. Synodum*. Ad concilium autem Romanum respondetur, id patres concilii asseruisse ducti ex falsis corruptisque actis prædictæ VI. Synodi, ut suprà ostensum est. Pariter epistolam *S. Leonis* suppositam fuisse à Græcis latè multisque validis argumentis probat *Baronius* ad annum Christi 685. n. 19. et sequenti.

Sed adhuc admissis pro veris tum actis præfatarum Synodorum, tum epistola *Leonis*: Resp. II. quòd epistolæ *Honorii* benè possint explicari in sensu catholico, ut tenent *Frassen* et *Tournely*, *Præl. theol. de Eccles. quæst. 3. art. 4. vers. fin.* ac id affirmant viri dignissimi, ut *S. Maximus*, qui in disputatione contra *Pyrrhum* eodem tempore *Honorii* eum defendit, et de Monothelitarum erroribus indemnem fecit. Idem scripsit *Anastasius Honorii* secretarius. Idem *Joannes IV. in Apologia pro Honorio ad Constantinum* Imperatorem, ubi asseruit, quòd *Pyrrhus* festinabat quidem ad sensum suum *Honorium* attrahere, sed *Honorius* à falso dogmate prorsus fuit alienus. *Honorius* enim duas in Christo voluntates, et operationes fassus est, sed prudenti consilio nomina prohibuit unius vel duarum voluntatum, quæ tunc erant inaudita; tunc enim temporis, cum Monothelitarum error exsurgeret, et *Cyrus Alexandrinus* unam in Christo operationem, *Sophronius* autem Hierosolymitanus duas prædicaret, *Honorius* ad sedandum imminens schisma in suâ primâ epistolâ scripsit, abstinendum tam à voce unius operationis, ne videretur cum Eutychianis unam in Christo naturam agnoscere; quàm à voce duarum operationum, ne cum *Nestorio* duas personas supponi appareret. Et hoc patet ex epistola II. ipsius *Honorii*, ubi sic habetur: *Referentes ergò, sicut diximus, scandalum novellæ adinventionis, nos non oportet unam vel duas operationes prædicare, sed pro una, quam quidam dicunt, operatione; nos autem operatorem Christum Dominum in utriusque naturæ veridicè confiteri.* Ita apud *Frassen* t. 7. tr. 1. diss. 2. a. 1. sect. 2. q. 3.

Nec obstat illud quod *Honorius* etiam scripsit: *Unam tantum voluntatem fatemur Domini nostri Jesu Christi*. Nam ibi tantum de humanâ naturâ Christi locutus est, cum dixerit in homine Christo non adfuisse duas pugnantem voluntates, alteram carnis, alteram spiritûs, sed unam spiritûs tantum; in Christo enim caro non concupiscebat adversus spiritum: *Quia profectò (en ejus verba) à Divinitate assumpta est nostra natura, non culpa.... Nam lex alia in membris, aut voluntas diversa non fuit vel contraria, aut super legem natus est humane conditionis*. Hinc prædictus *Joannes* scripsit: *Secundum hunc igitur modum dictus decessor noster scripsisse dignoscitur, quia in Salvatore nostro duæ voluntates contrariæ in membris ipsius penitus non consistunt, quoniam nihil vitii traxit ex prævaricatione primi hominis*. Ita apud *Nat.* qui non dubitavit id confirmare dicens, quod *Honorius* in suis Epistolis locutus est mente catholica, siquidem absolute duas voluntates Christi non negavit, sed voluntates pugnantem.

Resp. III. Dato etiam, quod *Honorius* verè errasset, ait *Natalis*, dicendum à fidei tramite illum non deviasse, sed non virtute quâ debuit Monothelitis repugnasse. Et quamvis *Natalis* credat, VI. Synodum verè *Honorium* damnassee, dicit tamen non damnassee ut hæreticum sententiâ et pertinaciâ, sed ut fautorem hæreticorum ob patrocinium ipsis impensum; pro cuius probatione affert epistolam *Leonis II. ad Constantinum Pogonatam* pro confirmatione Synodi, ubi *Leo* scripsit: *Anathematizamus Theodorum, Cyrum, Sergium, Pyrrhum, necnon et Honorium, qui profana proditione immaculatam (Ecclesiam) maculari permisit*. Et quamvis in canone VI. Synodi asseratur *Honorius* mentem *Sergii* in omnibus secutus, et impia dogmata confirmasse; hoc intelligendum, ait *Natalis*, non consentiendo, sed connivendo, seu silentiam indicendo: hæreticos enim dicit in eandem impietatem tendisse, sed ipsos pravi dogmatis assertionem, *Honorium* catholici dogmatis dissimulationem. Hinc infert, quod licet *Honorius* hæreticus non fuerit, meritò tamen damnatus fuerit ob negligentiam in damnandâ Monothelitarum hæresi. Sic etiam sentit auctor anonymus in lib. cui titulus: *Gallia vindicata*, diss. 3. §. n. 9. respondens *Ludovico Maimburgo*: *Quis nescit epistolas Honorii privatas fuisse, non dogmaticas,*

in quibus nihil Honorius definivit, sed tantum suam privatam sententiam aperuit? Concedit enim, errare posse Pontifices ut homines, scriptis privatis respondendo, non autem ut magistros Ecclesiæ, fideles docendo: Cum hoc privilegium (addit) infallibilitatis in publicum Ecclesiæ bonum vergat, noluit Deus illud personæ, sed officio annecti: et tunc solum præsto esse cum pontificali officio fungeretur.

120. — Obijciunt V. quòd S. Cypr. fortiter restitit decreto Stephani Papæ, et ad futurum concilium appellavit. Sed respondetur I. quòd S. Martyr numquam hoc dogma putaverit spectare ad fidem, sed tantum ad disciplinam, dum ipsemet scripsit ad *Jubajanum epist.* 73. in hac controversiâ quemlibet Episcopum se gerere posse juxta suum arbitrium. Stephanus enim numquam declaravit hoc esse de fide, sed tantum ad ipsum Cyprianum scripsit: *Si quis à quacumque hæresi venerit ad nos, nihil innovetur, nisi quod traditum est.* Et quia Cyprianus putabat vetustam traditionem esse, ut baptizati ab hæreticis iterum rebaptizarentur: ideò concilium generale expetivit, ut ex testimonio tot Episcoporum praxis Ecclesiarum, hujusque rei veritas innotesceret. Præterea, esto Cyprianus prius restiterit, tandem decreto se subiecit; ut testantur quamplurimi AA. Cabass. Baron. Thomass. Lud. Bail, et alii apud Milante, et hoc absolutè ex majorum testimoniis testatus est S. Hieronymus in Dialogo adversus Lucifer. Sed nolo hic multus esse, cum altius hæc prima conclusio confirmabitur ex dicendis mox in secundâ, ad quam nunc veniamus.

§. II. De auctoritate Pontificis supra concilium.

121. — Prænotandum I. hoc, quòd Papa sit supra concilium, non intelligendum de Papâ dubio tempore schismatis, cum probabiliter dubitetur de legitimâ ejus electione; quia tunc quisque debet concilio subesse, sicut definivit concilium Constantiense in sess. 4. Tunc enim generale concilium supremam potestatem immediatè habet à Christo, sicut tempore Sedis vacantis, ut benè advertit S. Antonin. p. 5. tit. 25. c. 2. §. 26. Prænotandum II. idem valere respectu Pontificis hæretici manifesti et externi, non autem occulti aut mentalis.

Quamvis alii rectius dicant, tunc nequaquam Papam à concilio, tamquam à suo superiore, auctoritate privari posse, sed immediatè expoliari à Christo supposità conditione depositionis, prout ad id requisitā. Prænotandum III. quòd concilium generale respectu Papæ possit multipliciter intelligi: Primò, cùm concilium sine Papa consideratur, et tunc nullam concilium auctoritatem habet, nisi in casibus prædictis schismatis, et hæresis: quia concilium est Episcoporum congregatio sub Papa uti capite constituta. Secundò, quando in concilio præsidet Papa, ut caput à corpore (nempe ab Episcoporum cœtu) non divisum; vel quando concilium confirmatur à Papâ; tunc nequit concilium intelligi esse supra Papam, nam aliàs concilium nullā indigeret Papæ auctoritate, vel aliàs Papa auctorisaret contra seipsum, quod nequit subsistere. Tertiò, cùm concilium est congregatum à Papâ, et Papa consideratur ut caput, et Episcopi ut corpus à capite divisum, in hoc sensu quæritur, an Papa sit supra concilium, vel è converso?

122. — Circa hoc quæsitum *prima hæreticorum sententia* est, quòd conc. sit supra Papam, ut *Calvinus*, et alii. Huic autem sententiæ adhæserunt Episcopi conciliabuli Basileensis cum *Joanne Antiocheno*: et tempore schismatis *Joannes Gerson*, de quo ait *Victoria*: *Ille Doctor per omnia fuit infectus auctoritati Pontificum, et multos infecit suo veneno.* Et sic etiam tenuere *Almainus Aliacensis*, et alii pauci illius temporis, quorum sententiam *Fagnanus* ait pro nihilo esse habendam, eò quòd ex ambitione ortum habuit in concilio Basileensi, dùm de eis fuit benemeritus *Felix V.* antipapa, postquam *Eugenium IV.* deposuerunt. Clerus autem Gallicanus declaravit, ut *suprà relatum est*, decretum concilii Constantiensis de auctoritate Synodi supra Papam etiam extra schismatis tempus extendendum. Differt tamen hæc sententia à sententia hæreticorum, qui dicunt Papam non esse totius Ecclesiæ caput, sed tantum Romanæ; catholici verò dicunt Papam esse caput totius Ecclesiæ, non autem in concilio congregatæ et collectivè, sed divisivè singularum Ecclesiarum, ut se habet Generalis respectu ad monasteria religionis.

Adest *secunda sententia* Glossæ in can. *Nos, si incompetenter, caus. 2. qu. 7.* dicentis, quòd Papa sit supra concilium; tamen, ut ipse sponte se subijciat concilio, concilii

sententiæ teneatur parere. Hoc verò rectè reprobant S. Antonin. Cajet. Bellarm. etc., quia, cum auctoritas pontificia sit de jure divino, non potest Papa ei renuntiare, ut declaravit Bonif. VIII. in Extrav. Unam sanctam, de major. et obed. dicens: *Potestas suprema à Deo solo, non ab homine poterit judicari*. Secus verò esset, si ageretur tantum de judicio discretivo (non autem coactivo), ut aliqui Papæ fecerunt, dum accusati causas suas in concilio discuti voluerunt.

Tertia tamen sententia, cui subscribimus; tenet Papam non dubium semper esse supra concilium generale, sive supra omnes Ecclesias, etiam collectivè sumptas. Et hanc tuentur S. Th. S. Bonac. Alex. de Ales, S. Joan à Capist., S. Bern. Sen. B. August. Triumphus. Baron. Bellarm. Sfondratus, Pallavic. Emman. Schelstrate, Lupus, Cabass. Cajet. Gotti, et alii nostri AA. communiter. Vide apud Milant. loc. cit.

425. — Probatur I. ex Scripturis, et 4 ex Lucâ, c. 22. §. 51: *Simon, Simon; ecce satanas expetivit vos, ut cribraret sicut triticum; ego autem rogavi pro te, ut non deficiat fides tua: et tu aliquando conversus confirma fratres tuos*. Observa, quòd Christus Dom. pro solo Petro rogavit, qui solus fratres confirmare debebat. Ergo, si fides Petri deficere potuisset, fratres non valuissent confirmari à Petro. Falsum est nonnullorum Parisiensium commentum, qui hoc loco putant Christum orasse pro Ecclesia universali, sive pro Petro ut totius Ecclesiæ figuram gerente; Dominus enim designavit unam tantum personam, *Simon, Simon*; et cum cœpisset loqui in plurali: *Satan expetivit vos, ut cribraret*; deindè mutavit loquendi formam: *Ego autem rogavi pro te*. Certè, si de totâ Ecclesiâ locutus fuisset, multò rectius dixisset, *rogavi pro vobis*. Verba porrò illa, *confirma fratres tuos*, manifestè evincunt, Christum non fuisse Ecclesiam allocutum: qui enim fingi possunt Ecclesiæ universalis fratres? nec audiendi sunt qui docent Christum orasse hoc loco pro perseverantiâ Petri, laborant namque ad interpretanda in eo sensu posteriora illa verba, *confirma fratres tuos*. Est itaque habenda textûs expositio, ut privilegium Petro, et successoribus ejus Christus impetraverit, ne aliquid contra fidem possent docere. Ita scripsit Agatho Papa in Epistola ad Constantinum Imperat. quæ lecta est in VI. Synodo, et

ibi ab omnibus probata : *Hæc est vera fidei regula* (verba Epistolæ) *quam tenuit apostolica Christi Ecclesia, quæ per Dei gratiam à tramite apostolicæ traditionis numquam errasse probabitur, quia dictum est Petro : Ego autem rogavi pro te etc. Hinc Dominus fidem Petri non defecturam promisit, et confirmare eum fratres suos admonuit, quod apostolicos Pontifices meæ exiguitatis prædecessores confiderenter fecisse semper cunctis est agnitum. Ita elegantius S. Leo etiam monuit in serm. 3. Assumpt. ad Pontif. In Petro ergo omnium fortitudo minuitur, ut firmitas, quæ Petro tribuitur, per Petrum apostolis conferatur. Probatur 2. ex Act. Apost. c. 15. §. 7. ubi concilio inter apostolos inito, sic Petrus affatus est : Viri fratres, vos scitis quoniam ab antiquis diebus Deus in nobis elegit, per os meum audire Gentes verbum evangelii, et credere. Quibus verbis sat disertè Petrus significavit Deum tantum ipsi, et successoribus suis potestatem docendi Gentes, quid debeant credere, tradidisse. Probatur 3. ex Joann. c. 21. §. 16. et 17 : *Pasce agnos meos.... pasce oves meas.* Hinc D. Cyprianus ep. 9. lib. 3. ait : *Ecclesia est plebs sacerdoti adunata, et grex pastori suo adherens.* Eusebius Emiss. in serm. Nat. S. Jo. dicit : *Prius agnos, deinde oves commisit, quia non solum Pastorem, sed Pastorem pastorum eum constituat.* S. Bern. l. 2. de Consid. ad Eug. III. addit : *Habent illi assignatos greges, Tibi universi crediti : uni unus.* Sic loquuntur patres, probent autem adversarii, ubi in Scripturis habeatur, quod oves in concilio desinant esse oves subiectæ suo pastori, imò quod oves ibi in Pontificis pastorem commutentur. E contrario in Scripturâ legitur, quod Pontifex fuit positus ut pastor, non tantum ovium, sed totius ovilis, quando Christus pronuntiavit Joan. c. 10. §. 16. *Fiet unum ovile, et unus pastor.* Nec obstat dicere, quod Actor. c. 8. §. 14. apostoli miserint Petrum unà eum Joanne in Samariam ; nam non miserunt imperio sed consilio tantum, prout rex à suis ministris dicitur etiam ad bellum missus.*

124. — Probatur II. ex conciliis, et 1. ex concilio Nicæno can. 18. ubi sancitur : *Omnes Episcopi in gravioribus causis liberè apostolicam appellent Sedem, cujus dispositioni omnes majores causas antiqua apostolorum auctoritas reservavit.* De quo canone Julius I. memoratur : et Nicolaus I. dicit, quod

concilium sic non erat locutum, nisi infallibilem in Pontifice agnovisset potestatem. Rursusque habetur in can. 22 ejusdem Nicenae Synodi (ut apud *Fagnan.* cap. *Nullo* de elect., n. 49.) : Ille, qui tenet sedem Romae, caput est omnium patriarcharum, sicut Petrus, ut qui sit vicarius Christi super cunctam Ecclesiam christianam. Si ergo Papa est supra Ecclesiam, necessario supra concilium erit, quod Ecclesiam representat, ut Constantiensis Synodus in relato Decreto quartae sess. expressit. II. Ex concilio Chalcedonensi habetur (ut legitur apud *D. Thom. Opusc. contra Graecos*) : Omnia ab eo (scilicet à Papà) definita teneantur tanquam à Vicario apostolici throni. Refert insuper *Bellarmin.* t. 2. lib. 2. ex Act. 3. ejusdem concilii, ibi damnatum fuisse *Dioscorum*, quia Romanum Pontificem ausit judicare et damnare, etiamsi hoc fecerit suffultus auctoritate Synodi Ephesinae generaliter congregatae. Ergo bene arguit *Bellarmin.* si *Dioscorus* cum generali concilio Papam non valuit judicare, profecto inferitur, concilium non esse supra Papam. III. Ex concilio Constantinopolitano IV. ubi in sess. V. sic habetur : Neque nos hanc novam de illa judicii sententiam ferimus, sed jam olim à SS. Papa Nicolao pronuntiatam, quam nequaquam possumus immutare. Et in can. 2. : Itaque BB. Papam Nicolaum tanquam organum sancti Spiritus habentes, etc. Ergo hoc concilium declaravit sententiam Pontificis esse immutabilem. IV. Ex concilio Constantiensi, ubi, ut refert *Bellarmin.* approbata fuit epistola *Martini V.* in qua de haeresi suspectos sic interrogare praeceperatur : Utrum credant, quod Papa sit successor Petri habens supremam auctoritatem in Ecclesia Dei? At certè potestas suprema illa est (rectè arguit *Bellarmin.*) quæ nulla est major, et cui nulla aequalis. Deinde habetur, quod idem concilium Constantiense damnavit propositionem 37. *Wiclefi*, quæ dicebat : Papa non est immediatus, et proximus vicarius Christi : Si ergo Papa est immediatus Christi vicarius, necessario dicendus etiam superior concilio, alias non immediatus, sed vix mediatum vicarius Christi dici deberet. Valde etiam nostram sententiam confirmat concilium Florentinum, prout relatum est supra in probatione primae conclusionis, ubi Papa appellatur totius Ecclesiae caput, doctor, et pastor : caput enim non pendet à membris, doctor non instruitur à discipulis, pastor non regitur ab ovibus.

Maximè autem urget concilium Lateranense V. sub Leone X. sess. 11. in quo decretum Basileensis conciliabuli fuit reprobatum, et solemniter recepta fuit Constitutio Leonis X. *Pastor æternus*, in quâ perspicuis verbis fuit declaratum: *Solum Romanum Pontificem, tamquam super omnia concilia auctoritatem habentem, conciliorum indicendorum, transferendorum, ac dissolvendorum plenum jus et potestatem habere, nedum ex S. Scripturæ testimonio, dictis SS. PP. ac aliorum Romanorum Pontificum, sed propria eorumden conciliorum confessione manifestâ constat.* Huic autem expressæ definitioni potestatis pontificiæ supra concilia, duo tantum ait Bellarminus objici posse: primum, quòd hoc concilium non fuerit generale, quia Episcopi nec ad numerum centesimum pervenerunt. Sed Bellarm. respondet hoc vix dici posse, dum concilium legitimè convocatum fuit, omnibus patuit, et in eo verus Pontifex præsedit: et ideo hoc concilium ut certè legitimum et œcumenicum communiter habetur, prout videre est apud Cabass. Grav. Baron. Thomassin. etc. Alterum, quòd concilium non fuerit ab omnibus receptum: sed hoc parum refert (addit Bellar.), nam constat conciliorum decreta approbatione populi non indigere, cum non ab eo auctoritatem accipiant. Et si decreta circa mores aliquando per desuetudinem abrogari valent, quia ex temporis diuturnitate præsumitur ipse Pontifex in abrogationem consentire, hoc tamen nequit esse in decretis circa fidem, quæ postquam sunt constituta, necessario immutabilia evadunt: Quod verò (subjungit Bellarm.) concilium hoc rem istam non definivit propriè ut decretum catholicâ fide tenendum, dubium est: et ideo non sunt propriè hæretici, qui contrarium tenent, sed à temeritate magnâ excusari non possunt. Idemque tenent Ludovicus Bail, et alii apud Milant. l. c.

123. — Probatur III. ex definitionibus Pontificum (quos ideo novatores ambitionis, temeritatisque arguunt). Quamvis enim non videtur probare definitio iudicis illius, qui an iudex sit, in dubium revocatur: attamen negari non potest, saltem magnum pondus nostræ sententiæ addere tot definitiones Pontificum, qui justè existimantur, quòd non ita facile has sanctiones emanassent; nisi in Ecclesiâ sat universè hæc sententia esset recepta. Infallibilia autem esse Romani Pontificis decreta definivit Anacletus can. *Sacrosancta*, dist. 22. can.

Facta, caus. 9. q. 3. Gelasius can. Cuncta, caus. 9. qv. 3. et præcipuè Paschalis II. cap. Significasti, de elect. qui ita decrevit: Omnia concilia per Romanæ Ecclesiæ auctoritatē robur acceperunt, et in eorum statutis Rom. Pontificis patenter excipiat auctoritas. Bonifac. VIII. in Extrav. cap. Unam sanct. de major. et obed. dicens: Porro subesse Romano Pontifici omnem humanam creaturam declaramus, definimus et pronuntiamus omnino esse de necessitate salutis. Leo IX, scribens ad Leonem Acridanum. cap. 51. dixit: Petrus et ejus successores liberum de omni Ecclesia habent judicium. Idem declaravit Innoc. I. in Epist. ad Carthaginenses. Idem Dionysius Papa Ep. 2. ad Severum. Idem Greg. Magnus lib. 4. Ep. 52. Has quidem sanctiones, licet in causā propriā, ut vocitant Galli, editas, Gersoni tamen, et quibuscumque aliis auctoribus præferendas esse constat. Et quod potestas Romani Pontificis sit superior omni concilio magis patet ex irritatione canonis 28. concilii Chalcedonensis, quam decrevit S. Leo Papa contra privilegium primi loci post Romanum Pontificem delatum à concilio Aantistiti Constantinopolitano adversus Episcopum Alexandrinum. Sic enim S. Pontifex (Ep. 55.) scripsit ad Pulcheriam Augustam: Consensiones verò Episcoporum, sanctorum canonum apud Nicæam conditorum regulis repugnantes, unita nobiscum vestra fidei pietate, irritum mittimus, et per auctoritatem B. Petri Apostoli generali prorsus definitione cassamus. Si concilia Pontifici superiora essent, quomodo S. Leo hujus Synodi canonem irritare potuisset? Hinc Nicolaus I. (Ep. 8.) ad ostendendum, omnes conciliorum sanctiones nullo robore pollere, nisi à Romano Pontifice firmentur, sic scripsit de S. Leone, qui non solum præfatum canonem Chalcedonensem irritum fecit, sed etiam acta Ephesini concilii rescidit, quamvis unanimi consensu omnes patres illa approbassent: Non ergo dicatis non eguisse vos in causā pietatis Romanæ Ecclesiæ, quæ collecta concilia suā auctoritate firmat. Unde quædam eorum, quia consensum Romani Pontificis non habuerunt, valetudinem perdiderunt. Quomodo non eget quælibet Synodus Romanæ Sedis, quando in Ephesino latrocinio, cunctis Præsulibus probantibus, nisi magnus Leo, divinitus excitatus, totum orbem, et ipsos quoque Augustos concuteret, religio catholica penitus corruisset?

126. — Probatur demum ex ratione: quia regimen monar-

chieum inter alia est optimum, ut docet *D. Thom. in 4. contra Gentes c. 76.* his præstantibus verbis: *Optimum regimen multitudinis est, ut regatur per unum, pax enim, et unitas subditorum finis est regiminis, unitatis autem congruentior causa est unus, quam multi, unde Christus Joan. c. 10. v. 16. dixit: Et fiet unum ovile, et unus pastor.* Calvinus docuit Christum non instituisse gubernium monarchicum in Ecclesiâ; sed communiter oppositum verè docent catholici cum *D. Cypriano*; et idem *Gerson* scripsit: *Hæreticum esse qui contrarium tenet; nullam aliam politicam constituit in Ecclesiâ Christus præter monarchicam.* Adde, si regimen in Ecclesiâ non esset monarchicum, non satis à Deo Ecclesiæ bono provisum esset; nam cum rarò concilia conveniant et rarò convenire possint, ob incommoda, dispendia, bella, rarò etiam hoc regimen existeret. Et ideò *D. Antoninus part. 3. tit. 22. c. 2. §. 3.* dixit Christum Dominum monarchiam in Ecclesiâ instituisse, Pontificem vicarium suum constituendo. Quapropter pluries accidit, ut notat *Bellar. l. 4. de Rom. Pont. c. 5.* Pontifices absolutè hæreses sine concilio damnasce, ut *Pelagii, Priscilliani, Joviniani, Vigilantii*, aliorumque multorum, quæ, eo ipso, quòd à Papâ damnatæ fuerunt, à totâ Christi Ecclesiâ pro veris hæresibus habitæ sunt. Hinc docet *D. Thomas*, quòd auctoritatem, quam concilia præ se ferunt, totam à pontificiâ auctoritate exhauriunt. Et ideò à concilio ad Papam benè appellari potest, sed non à Papâ ad concilium. *S. Th. qu. X. de Potentiâ art. 4. ad 13.* sic loquitur: *Sicut posterior Synodus potestatem habet interpretandi Symbolum à priori Synodo conditum.... ita et jam Rom. Pontifex suâ potest: cujus auctoritate solâ Synodus congregari potest, et à quo sententia Synodi confirmatur, et ad ipsum à Synodo appellatur.* Et in *Opusc. contra impugn. relig. c. 4.* dicit: *SS. Patres in concilio congregati nihil statuere possunt, nisi auctoritate Romani Pontificis interveniente.* Accedit *S. Jo. à Capistrano* de Papâ, et concilio dicens: *Patet igitur expressissimè Papam supra concilium, et non concilium supra Papam jurisdictionem plenariam in omnibus obtinere. Et concilium quantumlibet œcumenicum Papæ subjici, et obedire teneri, à quo salus fidelium post Christum pendet.* *S. autem Antoninus p. 1. tit. 25. de appell. Pap. c. 5. §. 3.* non abstinit à declarando opinionem contrariam esse hæreticam, his

verbis : *Sed nec ad concilium generale à Papâ appellari potest, quia Papa omni concilio superior est; nec robor habet, quidquid agitur, nisi auctoritate Rom. Pontificis roboratur, et confirmetur. Sentire ergo quòd à Papâ ad concilium appellari possit, est hæreticum.*

127. — Objiciunt adversarii I. et dicunt, si ergò Pontifex est supra concilia, hæc inutilia sunt, et frustra ipsi Pontifices toties, ut fidei quæstiones decernerentur, concilia indixerunt. Sed responsio cuique patet; non enim Pontifices concilia dicuntur convocasse, quia de fide controversias definire non valerent, sed hoc fecerunt, ut, rebus magis ad veritatem mandatis, hæretici validius vincerentur, et dogmata fidei, totius Ecclesiæ judicio examinata, statuerentur firmitus, ac facilius à fidelibus reciperentur. Et ideò (ut adversarii opponunt, sed immeritò) plures Pontifices post suas definitiones concilia convocarunt: sed omnia, quæ in conciliis sunt, umquam definita circa res fidei, à pontificiâ approbatione auctoritatem exhausserunt, prout declaravit Lateranense ultimum sess. xi. ubi sic habetur: *Consueverunt antiquorum conciliorum patres pro eorum, quæ in suis conciliis gesta fuerunt, corroboratione à Romanis Pontificibus subscriptionem, approbationemque humiliter petere, et obtinere, prout ex Nicæna, Ephesina, Chalcedonensi, sexta Constantinopolitana, septima Nicæna, Romana sub Symmacho Synodis habitis, eorumque gestis manifestè colligitur. Ita apud Porrect. in D. Th. 2. 2. q. 1. a. 10.*

128. — Objiciunt II. textum *Matth. c. 18. v. 15. Si peccaverit in te frater tuus, vade, et corripe eum.... quòd si te non audierit, dic Ecclesiæ.* Ergò dicunt; si correctio à Petro ad Ecclesiam est deferenda, potestas suprema est in concilio per Ecclesiam designato. Et confirmant ex verbis *Innocentii IV. in cap. Ad apostolicæ, de sent. et re judic. in 6. qui Frederico II. scripsit, se paratum esse de consilio concilii suam revocare sententiam.* Sed respondetur, quòd Christus non direxit Petro verba illa ut suo vicario, sed omnibus discipulis et fidelibus, præceptum correptionis imponendo. Deindè per illa verba, *dic Ecclesiæ*, non fuit designatum concilium (quod rarò habetur), ut possit corrigere delinquentes, sed nomine Ecclesiæ intelliguntur superiores jurisdictionem habentes, ut docet *Chrysostomus Hom. 61. in Matth. Dic Ecclesiæ* (explicat)

presidentibus scilicet ac presidentibus. Ad illud autem Innocentii respondet Bellarm. lib. 2. de Conc. c. 18. posse intelligi de iudicio discretivo, non decisivo. Præterquam quod ibi non agebatur de quæstione fidei decernendâ, sed tantum de sententiâ punitionis moderandâ, si id pro pace cum Imperatore per Pontificem excommunicato conciliandâ conveniens visum fuisset. Hinc S. Frenæus l. 3. adv. hæc. c. 3. loquens de Ecclesiâ Romanâ, ait: *Ad hanc enim Ecclesiam propter principalem necesse est omnem convenire Ecclesiam* (hoc est, eos qui sunt undique fideles), *in quâ semper ab his, qui sunt undique, conservata est ea quæ ab apostolis est traditio.*

Obijciunt III. D. Leonem, Eutychetis hæresi damnatâ, iudicium illud passum esse denuò in Synodo Chalcedonensi discuti: ex quo inferant, ipsum Pontificem sensisse suam definitionem sine consilio fallibilem esse. Sed respondetur, quod S. Pontifex non idcò permisit Synodum, quia suam sanctionem non censuerit irreformabilem, sed ut error pleniori iudicio concilii potuisset aboleri, et omnia exorta dissidia, juxta Imperatoris desiderium, hoc modo sedari. Hoc patet ex ejusdem S. Leonis Epistola 17. patetque ex ejusdem Synodi subsequenti decreto. ubi sanctum fuit: *Definitio omnibus placet: per os Leonis locutus est Petrus: hæc fides patrum: qui aliter sentit anathema est.*

129. — Obijciunt IV. concilia Constantiense, et Basileense. De Constantiensi duo decreta opponunt edita, unum in sess. 4. quo dictum fuit: *Hæc sacrosancta Synodus Ecclesiam representans potestatem à Christo immediatè habet, cui quilibet cujusque dignitatis, etiamsi papalis existat, obedire tenetur in iis, quæ pertinent ad fidem, et extirpationem dicti schismatis, et reformationem generalem Ecclesiæ in capite, et in membris.* Hoc decretum editum in sess. 4. fuit postea confirmatum in sess. 5. Sed antequam ultra procedamus, circa decreta hæc sciendum, ut referunt Milant. l. c. et Troila tract. 7. §. 8. n. 58. ex Emmanuele Schelstrate de sensu decret. concil. Constant., quod sacrum Cardinalium collegium cum tribus nationibus (adversus Germanicam) interfuerunt in sessione, tantum ob timorem Sigismundi Imperatoris, sine animo articulum definendi: atque in scriptis patres sunt protestati de nullitate sessionis hujus. Verba autem protestationis Cardinalium, et trium nationum, factæ die 29. Septemb. anno 1447.

hæc fuerunt : *Clerus et populus nonnullorum regnorum nondum clarè et solidè huic sacro concilio adhæserunt propter rumores discordiarum, quas in eodem concilio fieri audiunt, fides jam de eodem concilio dicitur vacillare etc.* Ita ap. Ronc. in *Animad. in Nat.* tom. 20. Insuper testatur Card. Turrecr. lib. 2. de *Ecclesiâ* c. 99. et 100. quòd, sicut apertissimè patet ex gestis illius congregationis, decreta illa, si ita sunt appellanda; facta sunt solum à patribus aliquibus obedientiæ Joannis XXIII. Qui patres tantum ad tertiam partem pertingebant; qua de re (asserit *Milante l. c.*) concilium definitionem illam emanavit, cum nondum fuerit œcumenicum. Et ideò quisque videt, cujus roboris sit illud decretum tam tumultuariè editum, saltem sine unanimi suffragio patrum : nam, ut scripsit idem Joannes XXIII. duci Bituricæ apud Troila n. 59, non fuerunt data suffragia per singulos, uti oportebat, sed incongruenter statutum fuit, quamlibet nationem unum suffragium habère. Et hoc factum confirmat Cardinalis Alliaccensis in tract. de *Eccl. auth.* p. 1. c. 4. qui in concilio adfuit, hocque dubium in illo proposuit, ne ipsius acta deindè in dubium de nullitate vocarentur. Hinc præfatus Cardinalis Turrecrem. l. c. qui etiam Synodo interfuit, et Cajet. p. 1. de *auth. Papæ* c. 8, absolutè asserunt, decreta illa nullius fuisse momenti, cum non intervenerit Ecclesia : prout etiam affirmavit Eugenius IV. in *Apologiâ contra Basileenses*, affirmans, Quod ibi actum est universæ Ecclesiæ non debet adscribi.

130. — Præterea, adhuc præfatis decretis admissis, respondent Bellarm. Turrecrem. Spondan. et alii, quòd decreta illa fuerunt pro Papâ dubio, et tempore schismatis tunc grassantis, cum inter tres Pontifices tunc constitutos quisque pontificiam dignitatem sibi vindicabat, sed ii omnes à concilio fuerunt depositi, et Martinus V. eodem tempore à Cardinalibus Pontifex legitimè creatus. Et hoc benè constat ex ipsius concilii verbis, ut suprâ relatis : *Cui quilibet... obedire tenetur in iis, quæ pertinent ad fidem, et extirpationem dicti schismatis.* Nec officium verba subsequentiâ, et reformationem generalem Ecclesiæ Dei in capite, et in membris. Nam primò respondet Troila tr. 7. art. 7. §. 8. n. 54. ex doctissimo *Emman. Schelstrate de sensu decr. conc. Constant.*, quòd prædicta ultima verba fuerunt à Basileensibus adulterata in

secundo decreto, ubi eadem verba primi decreti identice leguntur repetita, additis illis, *et reformationem etc.* Deinde respondetur, quòd decreta illa loquebantur in subjecta materia, scilicet in casu Papæ dubii, in quo (ut notatum est in præmissis) suprema potestas est in concilio tam quoad materias fidei, quàm quoad definiendum, quis sit verus Pontifex, tunc enim quisque definitioni concilii subjici debet. Tunc autem temporis in dubium revocabatur, quis esset verus Pontifex: et quamvis legitimus Pontifex esset *Joannes XXIII.* ut aliqui contendunt, attamen hoc ubique non constabat; quapropter, ut habetur ex historiis (*apud Suarez de fid. l. 3. c. 18.*), ipse *Joannes* ad Ecclesiæ pacem firmandam spontè Pontificatum resignavit. Idem confirmatur ex declaratione ejusdem Synodi Const. sess. 5. ubi dictum fuit: *Item declarat quòd quicumque qui mandatis hujus S. Synodi, et cujusque alterius concilii generalis super præmissis seu ad ea spectantibus factis, vel faciendis, obtemperare contempserit, etc.* Ex quibus verbis sat patet, Synodum locutam esse tantum de conciliis, quæ celebranda fuerint *super præmissis etc.* Quæ autem erant illa præmissa, nisi schisma sopiendum, Pontificesque dubii deponendi? Hæc enim fuit vera causa hujus Synodi celebrandæ, nempe eventus Papæ dubii. Cæterùm in congregatione habitâ die 11 Sept. anni 1417. communiter decisum fuit, quòd *Papa ritè et canonice electus à concilio ligari non posset.* Si igitur est certum, Papam non posse ligari legibus concilii, certum est etiam concilium non esse supra Papam, nec à Papa appellari posse ad concilium.

131. — Nec obstat quod objicit *Juenin. Inst. theol. diss. 4. q. 5. ar. 16.* scilicet *Martinum V.* (ut in ult. sessione concilii legitur) per advocatum concilii hæc denuntiari jussisse: *Se omnia, et singula determinata in materiis fidei per concilium Constantiense conciliariter tenere velle, ipsaque sic conciliariter facta approbare, et non aliter, nec alio modo.* Ergò (dicunt) etiam *Martinus* confirmavit decreta quartæ, et quintæ sessionis. Nam respondetur: Per illa verba, *in materiis fidei*, *Martinus* tantum comprehendere voluit decreta adversus *Wiclefum* et alios hæreticos in concilio damnatos, non verò decreta de superioritate concilii: hæc enim decreta non ad fidem, sed ad re-

formationem tantum spectabant; ut ipsi PP. dicebant, ad reformationem generalem Ecclesie Dei in capite et in membris. Ergo decreta illa minime confirmare voluit Martinus. Resp. II. Decreta illa Pontifex non solum non approbavit, sed expressè reprobavit; cum enim à concilio damnatus fuisset ut hæreticus quidam libellus à Joanne Falckenberg editus contra regem et nationem Poloniæ, Martinus obstitit, declaravitque hanc non esse fidei causam. Et ex hoc, cum Poloni ad futurum conciliū à Martino appellassent, Pontifex constitutionem edidit, in quā dixit: *Nulli fas est à supremo Judice, videlicet apostolica Sede, seu Romano Pontifice Jesu Christi Vicario in terris appellare, aut illius judicium in causis fidei (quæ tamquam majores ad ipsum, et Sedem apostolicam deferendæ sunt) declinare.* Hujus constitutionis meminit Joan. Gerson in Dial. apolog. pro conc. Const. et hujus causa edidit Tractatum: *An liceat à Pontifice appellare?*

152. — Accessit inde Synodus Basileensis, quæ non solum decretum Constant. confirmavit, sed etiam conciliū supra Papam indubiam esse definivit; proposuitque tamquam credendas de fide sequentes tres impias propositiones?

I. Veritas de potestate concilii generalis, universalem Ecclesiam representantis, supra Papam, et quemlibet alterum, declarata per Constantiensem, et hoc Basileensem generatio concilia, est veritas fidei catholicæ.

II. Veritas hæc, quod Papa conciliū generale, universalem Ecclesiam representans, acta legitimè congregatum super declaratis in præfata veritate, aut aliquo eorum, sine ejus consensu nullatenus auctoritative potest dissolvere, aut ad aliud tempus prorogare, aut de loco ad locum transferre, est veritas fidei catholicæ.

III. Veritatibus duabus prædictis pertinaciter repugnans, est censendus hæreticus.

Tandem usque adeo Basileensium Antistitum audacia pertransiit, ut postquam Eugenius conciliū Ferrariam transtulit, ausi fuerint ipsum à Sede papali deponere, et hæreticum declarare, ac Amadæum Sabaudie ducem in ejus locum sufficere nomine Felicis; reclamantibus tamen, et à concilio recedentibus ferè eunctis Episcopis ut testantur D. Antoninus Hist. tit. 22. c. 10. §. 4. et Spondanus ad ann. 1431. qui de

hâc iniquâ depositione sic scripsit: *Creante dissensione, adeo diminutus est eorum numerus, ut cum iudicium in Eugenium intenterent, vix triginta adfuerint, et in eius depositione septem tantum Episcopi.* Adeo ut ipse Felix postea suæ electionis nullitatem agnoscens, ab omni iure ad Papatum se abdicaverit, et Nicolao V. Eugenii successori obedientiam humiliter præstiterit.

133. — Ludovicus Dapinus, quem secuti sunt aliqui alii ex Gallis, hoc Basileense conventiculum œcumenicam Synodum non erubuit appellare, dicens ipsam legitimè à Martino V. fuisse indictam, ab Eugenio autem IV. ut legitimam confirmatam, et demùm à Nicolao V. in omnibus approbatam. Ad horum falsissimas suppositiones refellendas longa utique ac integra dissertatio requireretur, sed ne nimis à meo proposito recedam, breviter respondeo, et dico, quòd huiusmodi Basileensis conventus nullo modo generalis concilii nomen meretur; et hoc ex ipsius gestis, de quibus dubitari non potest, apertè constat. Primum, quia numerus Episcoporum fuit in eo tam exiguus, ut nullâ ratione potuerit unquam universalem Ecclesiam representare. In sessione enim II. et III. in quibus præfatæ definitiones editæ fuerunt, septem vel octo tantum Episcopi adfuerunt; idque habetur ex responso ipsius Synodi dato 6. Id. Nov. 1640. ubi legitur: *Cum tempore primæ dissolutionis prætenas pacis Prælati essent in concilio, non numerum quatuordecim excedentes, neque medietas numeri suppositorum in concilio haberetur, quæ præmissis actibus interfuit, etc.* Et licèt, aucto deinde Antistitum numero, in sess. XVIII. fuerint decreta II. sessionis renovata; refert tamen Cardinalis Turrecremata in resp. ad Basileenses habitâ in concilio Florentino, et in Summ. de Eccl. l. 2. c. 100. quòd in illâ sess. XVIII. non omnes consenserunt, sed plures protestati sunt, alii verò consensum præstiterunt; vel ut privatæ personæ vel potius violenter; alii tandem noluerunt intervenire, cum decreta ederentur non per solos Episcopos, ut opus erat; sed *per multitudinem populi parvi pretii, et nullius auctoritatis.* Quod confirmatur ex Oratione Cardinalis Arelatensis (quæ legitur apud Æncam Sylvium in act. Basil.), qui cum esset præcipuus promotor præstantiæ concilii supra Papam, ibi fortiter conquestus fuit de hoc Prælatorum dissensu, et idè præfata decreta inferioris potius cleri suffra-

gils, quem ipsorum, adseripsit, dicens: *Opus Dei hâc vice fuisse autumo, ut inferiores ad dicendum reciperentur.* Et prædictus *Aeneas Sylvius in Oratione habita ann. 1451, adversus Australes (ut refert Ludovicus Muratorius tom. 2, in suis Anecdotis)* de relictis decretis loquens, dixit: *Inter Episcopos vidimus in Basilea coquos, et stabularios orbis negotia judicantes.*

Secundò nequit concilium Basileense nuncupari œcumenicum, quia ibi non adsuerunt Legati pontificii, ut oportebat. Quomodo enim concilium dici potest œcumenicum, ubi caput suum deest, quando existit Papa certus? *S. Th. Opusc. contr. impug. relig. c. 4. docet: Sancti patres in conciliis congregati nihil statuere possunt, nisi auctoritate Romani Pontificis interveniente.* Et Glossa in dist. 17. verb. *Gener. con. ait: Universale (concilium) est quod à Papâ, vel ejus Legato cum omnibus Episcopis statuitur.* Hinc *Nicolaus I. Ep. 7* ita scripsit: *In universalibus Synodis, quid ratum, nisi quod Sedes B. Petri probavit, ut scitis, habetur? Sicut è contrario quod ipsa solu reprobavit, hoc solummodo constat hactenus reprobatum.* Si igitur loquimur de sessione II. ut supra habita 14. Kal. Mart. ann. 1452. habetur ex *Act. miss. l. 2. quod Cardinalis Julianus, tunc temporis S. Sedis Legatus, jam antea die 8. Febr. se præsidentia concilii exoneravit.* Adde quòd *Eugenius* post primam sessionem jam concilium revocaverat, ut refert *Didacus Payva ex Alexandr. q. 5. n. 1.* Ita pariter in sess. XVIII. Legati pontificii defuerunt; nam alii absuerunt, alii autem non ut Legati, sed ut privatae personæ subscripserunt, ut supra diximus, et ostendit *Roncgia in Animadvers. ad Nat. Alex. sup. conc. Bas. §. 1.*

Tertiò præterea scitur, suffragia data in præfatâ Synodo minimè fuisse libera, ut refert Cardinalis Turrecr, et ut asseruit *Eugonius in sua bullâ ad Archiep. Colon. editâ 3. Idus Februar. ann. 1451, dicens: Plerique accedere sunt coacti, in quibus nec vis, nec potestas concilii generalis consistit, quorum deliberationes minimè sunt liberæ, cum ab eorum qui compulerunt, voluntate dependeant.* Quapropter *S. Antoninus p. 3. tit. 22. cap. 10. §. 4. vocavit hanc Basileensem Synodum conciliabulum viribus cassum, et synagogam salæ.* *S. Jo. de Capistrano de Papæ et cenc. aust. c. 5. appellavit illam Synodum profanam, excommunicatam, et basi-*

liscorum spelundam. Episcopus Meldensis Legatus Caroli VII. ad Eugenium (apud Raynald. ad annum 1441. n. 40.) nuncupavit *dæmonum catervam.* Florentinum in sessione habitâ anni 1439. prid. Non. Sept. damnavit declarationes Basileenses tamquàm impias, et scandalosas. Concilium demùm Lateranense V. ut legitur in bullâ Leonis V. editâ, præfate concilio approbante, Synodum Basileensem conciliabulum schismaticum, seditiosum, et nullius auctoritatis agnovit. Quis ergò modò concilium illud legitimum dicet, quod temerarii, pròfani, et diabolici grande nomen promeruit? Postquàm igitur Eugenius Basileensem Synodum revocavit, prorsus quidem illegitima ipsa evasit. Nec obstat, quòd Eugenius deindè dissolutionem illius revocasset, ut adversarii objiciunt; nam refert Card. Turrecrem. dict. l. 2. c. 10. hanc revocationem ab Eugenio metu extortam fuisse, et ipsius Constitutionem revocationis quodammodò ipso nesciente fuisse publicatam. Scripsit enim S. Athanasius (Ep. ad Solitar.): *Non est censenda ejus sententia, quam minæ et terrores extorserunt, sed ea, quam protulit, cum liberos haberet affectus.* At dato, quòd Eugenius liberrimè dissolutionem concilii revocasset, ipse tamen, ut patet ex ejusdem epistolis l. 18. p. 117. et 125. et l. 17. p. 204, expressè declaravit decisiones tantùm ad extirpandam hæresim, et pacem inter principes statuendam editas; non autem adversus pontificiam potestatem pertinentes, confirmasse. Atque in ipsâ Constitutione revocationis Dudum, duas condiciones apposuit; unam ut Legati ab eo deputati, ad concilii præsentiam cum effectu admitterentur. Alteram, ut expressit: *Ut omnia et singula contra auctoritatem nostram facta prius omnino tollantur.* Sed patres Basileenses neutrum implevere: neque enim decreta abstulerunt; neque Legatos in sessione XVIII. admiserunt, nisi exutos omni jurisdictione coactivâ; contra Eugenii intentionem; imò nec etiã Legatorum assensum in sessione XVIII. ubi decretum de præeminentia concilii fuit renovatum; curaverunt obtinere: nam testatur Cardin. Turrecrem. in præfata Respons. ad Basileenses in concilio Florentino, quòd in dictâ sess. XVIII. præsidentes Pontificis non consenserunt, imò contradixerunt, et protestati sunt. Licet aliqui non ut præsidentes, sed ut privatae personæ, et quasi violenter, cum aliter non admitterentur ad præsiden-

tiam, in renovationem illam consentirent. Deinde, cum ipsi Basileenses patres instantiter postmodum ab Eugenio approbationem decretorum suorum petiissent, illam tamquam *Eugenius* concedere voluit, ut ipse *Eugenius* in eodem Florentino declaravit, inquit: *Nos quidem progressum concilii approbavimus, non tamen ejus decreta.* Et cum Rex Romanus de imperii Electores instassent pro decretorum confirmatione, *Eugenius* scribens ad Legatos suos in Germaniam, quamvis concilia tum Constantiense, tum Basileense in sua Epistola fassus sit venerari, verumtamen ibi expresse protestatus est ea suscipere; absque tamen præjudicio juris, dignitatis, et præminentie S. Sedis apostolicæ, ac potestatis sibi et in eadem canonicè sedentibus concessæ. Atque in Synodo Florentina ad proscribendas propositiones concilii Basileensis, concilium Pontifici præferentes, Constitutionem edidit *Moyse* (quæ legitur in novâ Editione Venetâ Conciliorum tr. 18. n. 1202.) in quâ habetur: *Quas propositiones juxta præsumptionem Basileensium intellectam, quem factus demonstrant, contra S. Scripturæ, et SS. Patrum, et ipsius Constantiensis concilii sensum contrarias, tamquam impias, scandalosas, hæc in manifestam Ecclesiæ scissuram... cedentes, ipso autem approbante concilio, damnamus et reprobamus.* Vide hic autem, quàm fatilis sit verborum istorum ingeniosa interpretatio *Natalis Alexandri* dicentis, quod ille *Eugenius* propositiones illas damnavit, quia hæresis nota inurebantur quibus adversus eas sentiebant; nam ad istius commentus insubstantiam probandam sufficit verba relatæ bullæ relegere; quibus clare patet, noluisse quidem Pontificem ab hæresibus tutari solum qui contra concilium sentiebant; sed expresse damnare voluisse et reprobare tamquam impias, scandalosas, necnon in manifestam Ecclesiæ scissuram cedentes propositiones illas, juxta (noti) prævum ipsorum Basileensium intellectum, qui asserbant, concilium præstare Pontifici etiam certo: et hujusmodi intellectum, quem factus demonstrabant (etiam patres Basileenses *Eugenium* monuerint, citarint, etc.) atque Pontifex improbat.

Instant adversarii, et ajunt præfatam Constitutionem *Moyse* postmodum abolitam fuisse à *Nicola* V. Sed reverè in litteris *Nicolai* (ut videre est apud ipsum *Natalis* art. 4. num. 15.) nihil aliud reperitur, quam confirmatio posses-

sionum et collationum beneficiorum, quae forent Basileenses, nullā penitus factā mentione potestatis praetensa concilii supra Papam.

154. Instat ultimo pro superioritate concilii *Ludovicus Mainburgus*, obijciens, eosdem Pontifices aliquando conciliorum superioritatem supra Papam fuisse confesos. Et opponit I. factum *Siricii*, qui ab aliquibus Episcopis requisitus super errore *Bonosi*, nempe, quod B. V. Maria alios post Jesum filios suscepisset; respondit, super hanc controversiam se non posse judicare, cum ejus judicium concilio *Capucensi* commissum fuerit. Sed respondetur 1. quod hoc argumentum probaret nimis, nam hoc modo Papa non solum generali concilio inferior esset, sed etiam provinciali, quale erat *Capuansq*. Resp. 2. quod haec verba falso *Siricio* apponantur; cum tantum in epistola 79. *Ambrosii* reperiantur. Resp. 3. quod, dato etiam quod sint *Siricii*, *Siricius* ibi non declaravit se Synodo inferiorem, sed significavit dedignari suā auctoritate ex declaratione illius concilii causam judicare: et patet ex verbis ibi: *Nos quasi ex Synodae auctoritate judicare non convenit. Vide Troil. loc. cit.* Opponit II. *Mainburgus* testimonium *Sylvestri II.* quod si *Romanus Episcopus Ecclesiam non audierit, ut ethnicus habendus sit*. Respondetur, illud testimonium non fuisse *Sylvestri*, sed *Gerberti Monachi* qui (ut referunt *Baronius* anno 992. et *Spondanus* anno 994. n. 2.) dum fuisset illegitimè assumptus ad *Rhemensem Archiepiscopatum*, *Arnulpho* injustè deposito, et tunc contenderet sui confirmationem, non obstante dissensu Pontificis, *Seguino* Metropolitano verba illa scripsit. Sed postmodum idem *Gerbertus*, cum favore *Otthonis* Imperatoris ad Pontificatum assumptus esset, ipsummet *Arnulphum* in suam *Rhemensem Ecclesiam* restituit. Opponit III. *Mainburgus* confessionem *Pii II.* qui in quā bullā retractationis fassus est, ipsum antea in Synodo *Basileensi* antiquam sententiam de superioritate concilii tutatum fuisse: cryō, arguit *Mainburgus*, haec est antiqua sententia. Sed respondetur, opus esse legere bullam praefatam (apud *Troilum* tract. 7. art. 7. n. 9.) et ibi patenter quique intelliget, quo sensu *Pius* amoverit sententiam illam antiquam, antiquam, quia ipse prius, cum non esset Pontifex (tunc temporis dictus *Aeneas Piccolominus*) pro superioritate concilii

contenderat : sed postea, veritate perspectâ, adhuc ante Pontificatûs adeptionem se retractavit, ut patet ex epistolâ ab ipso ad *Eugenium IV.* missâ. Hinc cernitur, quàm fraudulenter miser *Maimburgus* gestis, verbisque utatur.

135. — Adversarii pro eorum opinione stare dicunt *Cardinales Cusanum et Alliacensem*, item *Gersonem, Almainum, Adrianum VI. Panormitanum, Alphonsum Tostatum, Dionysium Carthusianum, et Driedonem*. Sed operæ pretium est observare cum *Roncaglia in Animadvers. §. xi. in Natalem Alex. de concil. Constant.* quòd exceptiones præfatorum auctoritatibus opponantur. *Cardinalis enim Cusanus*, licet priùs in *libro de Concordia* concilium Papæ prætulisset, tamen postea non obscure oppositum se sensisse ostendit : signanter in *Epist. 2. de Usu Calicis ad Bohem.* docuit Romanam Ecclesiam esse, ac jugiter futuram columnam veritatis, et proindè numquàm à fide defecisse, nec alterius sedis correctione indiguisse; ac veritatem certò apud eos inveniendam, qui à Romano Pontifice non separantur. De *Alphonso Tostato* refert *Spondanus* ad annum 1447. quòd ipse ideò Papæ prærogativis fuit infensus, quia quædam suæ theses *Eugenio IV.* non fuerunt acceptæ, et repulsæ fuerunt à *Cardinali Turrecremata* : proindè scripsit *Spondanus*, quòd ipse in Pontificum auctoritatem invecus præ studio tuendi sua apparuit, sed cum non obtinuit quod petiit, non potuit adeò genio imperare, ut non acerbius rem in contradictores ageret. Verumtamen ipse *Tostatus*, in c. 16. *Matth.* sic scripsit : *Voluit Christus, quòd confessio fidei esset per Petrum solum, ut innuatur quòd talis fides tenenda est, qualem prædicat Romana Sedes, quæ est mater et caput Ecclesiarum, cui Petrus præfuit.* De *Panormitano* (in compendio gestorum ejus inter vitas Pontificum descriptas à *Ciaconio*) legitur, quòd hic doctor fuerit à rege Aragonensi, contra *Eugenium* irritato, ad Synodum Basileensem datâ operâ missus, ut Romani Pontificis auctoritatem impugnaret; prout jam egisse refert *Panzaroli de Leg. Interpret.* subdens, eundem ex pluribus responsis editis magnam pecuniam conflasse, pleraque indigna egisse. Cæterùm legens quæ ipse scripsit in cap. *Significasti, de Elect.* circa potestatem conciliorum, numquàm asserere poterit, ipsum infallibilitatem conciliis tribuisse adversùs Pontificis potestatem.

De auctoritatibus *Alliacensis*, *Gersonii*, et *Almaini* scribit *Andreas Duvallius* eas non multi faciendas, cum præfati auctores tempore schismatis scripserint. Addit *Thomassinus* diss. 15. in Conc. n. 24. *Gersonium* scripsisse exasperatum schismatis pertinacis importunitate; atque ideo plurimum degenerasse à reverentiâ Pontificum Gallicanorum, qui cum Leone adfuere Romanæ Synodo. Antiquitas ergo eorum, et numerus anteponi debet novitati et paucitati per abruptu molienti sese extricare à schismate intricatissimo. Jactant etiam habere *Adrianum VI.* Sed reverà hic Pontifex, dum privatus doctor fuerat in Universitate Lovaniensi, nil aliud scripsit (*Sum Theol. in 4. sent. de sacr. Confirm.*) quàm posse Pontificem in suâ Decretali hæresim docere, scilicet intelligendum, quatenus doceat prout doctor privatus, non verò ut doctor Ecclesiæ. Quis enim negabit, Papam ut hominem erroribus posse esse obnoxium? Jactant etiam *Dionysium Carthusianum* pro ipsis esse, sed qualis fuerit hujus doctoris sententia, valdè dubium est; nam hic expendens in lib. de auctoritate Papæ, et conc. part. 2. a. 48. dicit, Papam intolerabiliter vitiosum subjeci concilio; sed ibidem aliter loquitur dicens: Papam, ut summum Ecclesiæ Pastorem, non posse à generali concilio judicari aut deponi, quia ut talis est superior, et prælatus, et judex Ecclesiæ. De auctoritate *Driedonis* (ut observari potest in l. 4. c. in fin.) ipse nihil aliud sentit, nisi quòd Pontifex concilio subjiciatur, si doctrinam evangelio contrariam pertinaciter defendat, quod nemo negat. En quomodò istæ omnes auctoritates ab adversariis Romanæ Sedis adductæ, aut infirmæ sint, aut dubiæ.

Ex his omnibus denique, in unum colligendo sensum Scripturarum, Pontificum, patrum, ipsorumque conciliorum, quisque animadvertere potest, nostram sententiam non esse tam nostram, quàm totius Ecclesiæ sententiam; regulam, et sensum. Et ideo non ipsam, sed potius oppositam, ut futilem, sæpiusque convulsam, meritò censendam ac rejiciendam.

DUBIUM III

An vis, et substantia legis positivæ dependeat ab
acceptatione communitalis?

136 An obliget lex non acceptata?

137 Quid si lex à majore parte populi non accipiat? Quanto tempore præscribantur leges?

138 An peccent legem non acceptantes? Et an lex pendeat ab acceptatione populi? Quid circa leges pontificias? Quid circa civiles?

139 Quid si lex sit ardua, vel abrogata, vel si major pars eam non receperit?

136. — **R**esp. Etsi ita sentiant canonistæ, item Navar. » Azor. etc. citati à Laym. lib. 1. tr. 4. c. 3., eò quòd ponant » leges hâc tacitâ conditione ferri, si à populo fuerint » acceptatæ, alioquin vim, seu obligationem non habituras. » Verior tamen sententia est Theologorum, leges absoluti » Magistratûs non pendere à populi acceptatione, et consensu, » sed mox ut legitimè promulgatæ sunt, obligare populum » ad recipiendum, præsertim in legibus Pontificis, qui suam » potestatem non accepit à populo, sed à Christo. Vasq. » Suar. Molina, etc. Unde à Laym. loc. cit. resolvuntur hi » casus.

» 1. Episcopis ex officio incumbit novas leges pontificias » (ut principibus imperatorias) promulgare per suas diœceses, » atque in usum deducere.

137. — « 2. Si lex in provinciâ promulgata sit, sed à » majore parte populi non accipiat, nec observetur; tunc, » si legislator id sciat et taceat, consetur hoc ipso legem re- » vocare. Si verò id sciat et urgere observationem, quisque » tenetur eam servare, quia potius caput suum, quàm reli- » qua membra, sequi debet.

» 3. Si princeps nesciat non recipi, nec deduci ad usum, » durat legis obligatio, donec elabatur decennium: quo » clapso, præscriptum est contra eam, sive imperatoria » sit, sive pontificia, et tunc non ampliùs obligat. Ut et » lex Ecclesiæ, etsi semel recepta sit, aboletur per præscri- » ptionem, sed annorum plurium, nempe quadraginta. Na-

» varr. Azor. Suarez. » (*Sed vide dicenda. n. 159. v. Lim. 2.*)

» 4. Si tu legem promulgatam paratus sis suscipere, et
» datâ occasione etiam observes; sed alii plerique à com-
» munitate non recipiant, nec recepturi videantur, tunc sal-
» tem ab eâ excusaberis per discretionem.

» 5. Etsi primi Episcopi fortè peccaverint, non recipiendâ
» legem, nec in usum deducendo, successores tamen eorum,
» si post longum tempus videant non observatam, credere
» possunt esse sublatam per præscriptionem.

» 6. In dubio, num lex recepta sit, necne, præsumendum
» est pro ipsâ: quia factum in dubio præsumitur, si de jure
» faciendum erat. *Vide Azor. l. 3. c. 4. Laym. hic cap. 3.*
» *Salas. de leg. disp. 13. sect. 3.* »

158. — Quæritur, an lex obliget de se independentè ab
acceptatione populi (1)? Certum est peccare legem justam non
acceptantes ex prop. 28. ab Alex. VII. quæ dicebat: *Populus*
non peccat, etiam si absque ullâ causâ non recipiat legem
à principe promulgatam. Ratio, quia, licèt lex de se non
obligaret, nisi populus eam acceptaret, tamen princeps jus
habet, ut subditi justas leges suas recipiant. Dubium fit, an
essentia legis pendeat ab acceptatione populi, ita ut ipsa non
liget, donec populus acceptet? Et hic distinguendum inter
leges ecclesiasticas et civiles. Et quoad leges *ecclesiasticas*,
certum est, quòd Summus Pontifex possit obligare ad leges
populum christianum independentè ab illius acceptatione,
quia certum est, Papam non recipere potestatem legislativam
à populo, sed à Christo Domino, qui dixit: *Pasce oves meas.*
Quodcumque ligaveris super terram, etc. Et idem dicitur de Epi-
scopis, qui vel immediate, vel mediatè (ut suprâ) per Christi vica-
rium ab eodem Domino potestatem habent. *Vide Salm. c. 1. punct.*
7. n. 94. An autem idem sit quoad leges *civiles*? *Vide infra.*

Quæstio igitur est, an lex, ubi non exprimitur, velle prin-
cipem obligare indepenentè ab acceptatione populi, de se obli-
get sine populi consensu?

(1) Ad solvendam hanc quæstionem attendendus est nostra præsertim ætate
modus regiminis. Cùm in regnis sic dictis *constitutionalibus* populus quadam
ratione legislativam potestatem participet ac rex solùm populo quasi consen-
tiente leges ferro solcat, patet, lege semel promulgata non amplius per de-
putatos de acceptatione populi agi.

Circa leges Pontificum, vel aliorum praelatorum, *prima sententia* negat ex c. 3. dist. 4. §. *Legis*; ubi habetur ex S. Aug. *Leges constituuntur, cum promulgantur; confirmantur, cum moribus utentium applicantur.* Ratio, quia hoc spectat ad suave regimen Ecclesiae, ut perturbatio populi evitetur. Ideoque multa decreta pontificia de facto non obligant, quia non sunt acceptata. Ita *Cabass. Theor. Jur.* l. 1. c. 4. n. 5. et *Val. Fill. Reg. Bon. Cov. et alii apud Salm. c. 1. punct. 7. §. 1. n. 98.*

Secunda sententia contraria, cui subscribimus, affirmat, quia praelati ecclesiastici non habent potestatem à populo, uti prænотatum est à principio. Ad textum S. Aug. respondetur, *Leges per acceptionem confirmantur facto, non jure.* Ita *Salm. ib. n. 99. et seq. cum Laym. Suar. Pal. etc.* Notatur autem, quod lex tunc dicitur recepta, cum major pars communis eam recipit in totum, vel in partem. *Salm. ibid. n. 97. cum Bon. et Val.*

Idem, quod dicunt de legibus pontificiis, dicunt etiam de legibus civilibus *Busemb. cum Pal. Suar. Laym. etc. apud Salm. ibid. n. 101.* (Quamvis negent alii *ib. cum Croix l. 1. n. 891.*) Ratio, quia obligatio legis oritur non ex acceptione populi, sed ex ipsa potestate principis, quam habet condendi leges independentem à populo.

139. — Limitant aliqui DD. (sive lex sit civilis, sive ecclesiastica) 1. si lex sit difficilis observantiae, vel contraria consuetudini: quod judicatur ex arbitrio prudentum: vel si plures ab eà appellent. Ita *Pal. Suar. Salas apud Salm. ib. §. 2. n. 104.* Contrarium tamen sentiunt *Tap. et Gordonus. ib. n. 105. Salm.* adherent primae sententiae quando lex est adeo dura, ut per epikejam judicetur, quod si legislator illas circumstantias advertisset, legem minimè emanasset.

Limitant 2. si lex fuerit abrogata per desuetudinem à majori parte populi. Sed dubitatur inter DD. an praescriptio per decennium sufficiat ad abolendas leges Ecclesiae? Negant *cum Busemb. ut supra n. 3. Salm. de leg. c. 6. punct. 5. §. 2. n. 17. cum Bon. Laym. Diana, etc.,* quia ad praescribendum adversus Ecclesiam requiruntur 40. anni, ut habetur ex *cap. De quarta, et cap. Ad aures, de praescript.* Sed *Lessius l. 2. c. 6. dub. 14. n. 47. et Pal. Sa, Gran. Nav. et Azor. apud Salm. loc. cit.* probabiliter dicunt sufficere decem annos, sive leges sint receptae, sive non; quia non major ratio habenda

est de consuetudine contra legem ecclesiasticam, quàm civilem, cùm nullum jus inter has leges distinguat. Respondet autem *Lessius* ad citatos textus, eos non loqui de legibus, sed de juribus, et bonis immobilibus Ecclesiæ præscribendis; nomine autem jurium Ecclesiæ non veniunt quidem Ecclesiæ leges. Quando verò lex numquam fuit recepta, certè sufficit decennium pro utraque lege sive civili, sive ecclesiasticâ, ut dicit *Bus. hic, n. 5.* Et tune, licèt primi non observantes peccarint, præsentés tamen non peccant. *Salm. cap. 1. punct. 7. §. 2. n. 106. cum Suar. Bon. Pal. et comm. cum Busemb. hic n, 5.*

Limitant 3. Si major, et sanior pars populi legem non receperit; quamvis enim primi non acceptantes peccent, si desuetudo nondùm sit præscripta: cæteri tamen non tenentur ad legem; nam præsumitur princeps nolle hoc obligare ad observandum quod non est à majori parte receptum. Ita *Salm. ibid. n. 107. cum Suar. Pal. Tap. etc. cum Busemb. hic. n. 2. et Less. l. 2. c. 22. n. 98.*

Quæritur hic, an si populus supplicet principem, ut revocet legem, teneatur illam observare? Negant *Bon. Villal. Salas, etc. apud Salm. ibid. §. 3. n. 111.* Sed rectè contradicunt *Salm. cum Suar. et Pal.* At si princeps audiat supplicationem populi, et taceat, nec instet pro observantiâ, censetur legem abrogare; nisi aliud conjiciatur ex circumstantiis. *Salm. ibid. n. 112. cum Pal. Bon. Salas, et aliis.*

DUBIUM IV.

An præcepta etiam humana obligent sub peccato,
et quali?

- 140 An legislatores humani possint præcipere? Et quot conditiones requirantur, ut lex obliget?
 141 An superior possit præcipere rem levem sub culpa gravi?
 142 An res levis fiat gravis per circumstantias, præsertim contemptus?
 143 An res gravis possit præcipi sub levi?
 144 Quando præsumatur lex obligare sub gravi?
 145 An lex pœnalis obliget ad culpam?
 146 Quid de lege sub pœnâ suspensionis, etc.
 147 Quid si lex assignet pœnam, et simul præcipiat?
 148 An incurratur pœna ante sententiam?
 149 Quid de pœnis positivis, et inhabilitantibus?
 150 An pœna conventionalis solvi debeat ante sententiam?
 151 An lex irritans actum carentem solemnitatibus obliget in conscientia?
 152 An teneamur tollere impedimentum obstandi impleti legi?
 (Sed vide etiam lib. 4. n. 1045.)

140. — « **R**ESP. Cùm Deus sit Dominus noster, atque
 » etiam superioribus parere nos jusserit, non solùm ipse, sed et
 » illi nobis præcipere possunt, et præcipiunt, tum sub pœnâ,
 » tum etiam sub culpâ, sive peccato; eoque gravi, aut levî,
 » prout et rei præceptæ ad intentum finem necessitas et ma-
 » teriæ quantitas, et eorum voluntas sese habent, quæ ex
 » eorum verbis, circumstantiis, aut prudentum estimatione so-
 » let colligi. Ita theologi communiter, S. Th. Suar. Salas, etc. »

Ut lex obliget, quatuor conditiones requiruntur. I. Ut lex sit pro totâ communitate. II. Ut legislator habeat publicam potestatem. III. Ut lex sit perpetua. IV. Ut sit ad bonum commune: deinde sit honesta, justa et possibilis. Vide Salm. de leg. c. 1. punct. 2. ex n. 7. et seqq. Hinc lex differt à præcepto, seu mandato; nam præceptum fertur pro personâ particulari, et etiam à personâ privata. Deinde præceptum est ad tempus, cùm cesset morte mandantis; nisi res sit amplius

integra, vel nisi præceptum sit ad causas pias vel pariter favorabiles. Vide Croix lib. 1. n. 565. et 566. Salm. ibid. punct. 1. n. 5.

Unde resolvuntur hi casus :

« 1. Graviter peccat, qui deliberatè, et in materiâ magnâ » violat præceptum aliquod Decalogi, vel Ecclesie. 141. — « 2. Cùm res levis est, non peccat mortaliter trans- » grediens, etsi superior sub mortali præceperit: quia id eum » posse negant Suar. Laym. et alii communiter; v. gr. ne » quis frangat silentium, ne edat uvam, ut claudat ostium, » etc. quia est res parva, et incapax tantæ obligationis. Nec » ipse Deus in materiâ parvâ sub mortali obligat. Vide Less. » l. 2. c. 4. de 9. Salas d. 10. s. 7. » (Est communissimum apud Salm. de leg. c. 2. punct. 2. §. 1. n. 18. Tenent tamen iidem Salm. in tract. 15. de statu relig. c. 6. punct. 8. ex n. 85. et seqq. cum S. Th. Valent. etc. contra Sanch. Vusq. etc. posse prælatum regularem præcipere sub gravi, quod à regulâ præceptum est tantum sub levi, si timetur, quòd regula aliter non observetur).

142. — « 3. Aliud esset, si materia aliàs levis, fieret gra- » vis ratione circumstantiarum; ut verb. gr. contemptus, » scandali, magni boni communis, vel finis à legislatore in- » tenti. Sic abstinencia à pomo in paradiso, in se quidem » parva, gravissima tamen erat ex circumstantiâ finis. Suar. » l. 3. c. 25. »

Nota, quòd in quâcumque materiâ contemptus formalis legis, aut legislatoris (quod est contemnere legem, vel legislatorem, seu superiorem quâ superior est) semper est peccatum mortale. Salm. de leg. c. 2. punct. 2. §. 4. n. 38. cum S. Th. Suar. et communi. Secus si contemnatur res præcepta, quia parvi aestimatur, vel ex indignatione particulari contra superiorem. Salm. ibid. §. 3. n. 35. cum Sanch. Cajet., etc. Contemptus enim non quâ superioris, sed quâ singularis personæ, v. gr. quia indocti, imprudentis, etc. de se non est culpa mortalis; nisi forsan iudicium sit graviter temerarium. Ita Salm. ibid. §. 4. n. 40. cum Pal. Sanch. Less. Bon. Hinc dicunt rarò contingere peccatum mortale ratione contemptus.

143. — « 4. Quando materia est gravis, potest superior
» præcipere sub culpâ tantum levi : quia sicut potest nullo
» modo obligare non præcipiendo, ita etiam potest obligare
» sub veniali tantum. Ita *Suar. Less. loc. cit. contra*
» *Vasq.* »

Quæstio est, an legislator in materiâ gravi possit obligare tantum sub levi.

Prima sententia negat, quia gravitas obligationis non dependet ex voluntate superioris sed ex gravitate materiæ. Ita *Bellarmin. Reg. Sot. Vasq. Bec.*

Secunda tamen sententia probabilior affirmat, quia in legibus obligatio taxatur à legislatore juxta finem intentum, ad quem aliquando expedit non imponere obligationem gravem in gravi materiâ. Ita *Lessius l. 2. c. 41. dub. 9. n. 46. Salm. ibid. §. 1. n. 20. cum. Sanch. Pal. Bon. Val. etc.* Sicut bene quis potest vovere in quâcumque materiâ, etiam gravissimâ tantum sub levi ; ut *S. Antonin. Pal. Sanch. etc. apud Salm. ibid. in fin.*

144. — « 5. Potissima signa, ex quibus colligi possit an lex
» obliget sub gravi culpâ, sunt hæc. I. Si materia sit gravis,
» et non constet in contrarium de voluntate præcipientis.
» Unde *Cajet. in summ. verb. Cler.*, docet, Clericos tantum
» peccare venialiter, dum contra præcepta juris positivi aves,
» et canes sequuntur ad venandum. II. Si verba magnam vim
» habent, ut jubemus, interdicimus, in virtute sanctæ obedientiæ ; vel vi voti, aut juramenti, vel graviter mandamus, etc. III. Si poena magna adjiciatur, ut excommunicationis, depositionis, maledictionis æternæ, exilii perpetui, mortis, etc. IV. Si ita fert usus, et consuetudo inter peritos, et timoratos : quia consuetudo est optima legum interpretes, ut patet in lege jejunii ecclesiastici, et abstinentiæ à carnibus ; item communionis annuæ, quas graviter obligare probant hic *Tol. Laym. c. 14. n. 4. Bonac. p. 7. §. 4.* »

145. — — Docet auctor legem obligare sub gravi, si magna poena ei adjiciatur. Hic addendæ sunt plures quæstiones scitu necessariae. Et ante omnia est notandum, quod alia est lex purè poenalis, quæ nullum dat præceptum, v. gr. Qui hoc fecerit, solvat poenam. Et hæc non obligat in conscientia, etiam si poena sit gravissima, ut *Salm. c. 2. punct. 5.*

§. 1. n. 53. cum Nav. Pal. Tap. Regin. etc. Hinc leges oppidorum prohibentes sub pœnâ cæsionem lignorum, sive herbarum, piscationem, venationem, non obligant sub culpâ, sic enim habet consuetudo. Ita Salm. ib. n. 54. cum: Nav. Val. Montes. etc. Alia est lex non purè pœnalis, seu mixta, quæ præcipit, et pœnam imponit, v. gr. Nemo hoc faciat sub pœnâ, etc.

Omnes leges sub pœnâ excommunicationis latæ sententiæ obligant graviter: est commune. Vide Salm. ibid n. 44.

146. — Quæritur 1. An obliget sub gravi lex quæ præcipit sub pœnâ suspensionis, interdicti vel irregular. ? Negant obligare sub gravi, cum ista possint incurri sine peccato gravi, Cajet. Val. Salon. (et Azor. quoad suspensionem) apud Salm. ib. n. 45. Contradicunt tamen Salm. tam quoad irregularitatem, cum. Sanch. Pal. Tap. etc., quàm quoad interdictum, et suspensionem, si sint majores, prout suspensio ab officio, vel beneficio ad longum tempus, et interdictum ad omnem usum, quæ dicunt non posse incurri sine peccato gravi. Ita Salm. de cens. c. 1. punct. 10. n. 126. ex Suar. Bon. Con. Pal. etc. ibid. n. 124. (Vide etiam de hoc. l. 7. de censur. n. 315.) Et idem dicunt de aliis pœnis spiritualibus gravissimis dict. n. 45. de leg. ut sup.

Quid si tales pœnæ sint ferendæ sententiæ, an obligent sub gravi? Alii affirmant: alii probabilius negant, ut Salm. de leg. c. 2. punct. 5. §. 1. n. 46. cum Cajet. Pal. Suar. Sanch. Vasq. etc. Nisi dicatur, quod censura incurratur sine aliâ mentione, vel nisi de se materia sit gravis.

147. — Quæritur 2. An leges assignantes pœnam temporalem et simul præcipientes, obligent ad culpam, an solum ad pœnam?

Prima sententia negat, nisi ipsa lex exprimat velle obligare etiam ad culpam. Ita Nav. Man. c. 23. n. 53. et 60. ubi ait: *Leges humanæ etiam præcipientes, quæ pœnam temporalem constituunt, in dubio ad æternam obligant, quatenus sunt leges ejus qui pœnam statuit.* Ita etiam Cajet. in Summ. v. Clericus. §. Verum. Item Menchata, Gomez, Imola ap. Salm. ibid. n. 47., et probabilem ibid. vocant Val. Bon. Dian. Tad. ac Vill., et loquendo de lege civili probabilem etiam putat Mazzot. de leg. q. 2. c. 1. cum Fill. Ratio, quia, licet principes benè possint obligare tam ad pœnam, quàm ad culpam,

tamen eum non sint imponenda onera sine necessitate, non presumuntur ipsi velle ad culpam obstringere, quando sufficit poena ad eos coercendos: et ita hujusmodi leges dicunt à consuetudine interpretari.

Verius tamen contradicit *secunda sententia* quam absolute tenent *Salm. l. c. n. 49.* et probabiliorē ibi censent *Val. Ben. Dian. Tap. et Vill.* Ratio, quia hæc est differentia inter legem *purè pœnalem*, quæ obligat ad solam pœnam, et hæc est, quando in eâ tantum pœna assignatur, et legem *mixtam*, quæ obligat etiam ad culpam; et hæc est, quando ultra pœnam præceptum adjungitur; ipso enim præcepto tunc creditur superior velle ad culpam obligare, ne frustrâ videatur præcipere. Quid si pœna sit magna? *vide dicenda de rest. l. 4. n. 616.*

448. — Querit. 3. An incurratur pœna ante judicis sententiam? Pœnæ spirituales, ut excommunicatio, irregularitas, etc. quando imponuntur ipso facto, non indigent sententiâ; est certum apud omnes, *vide Salm. de leg. c. 2. punct. 3. §. 2. n. 87.* Et patet *ex o. Non dubium de sent. excom., c. Significasti de homic. et aliis.* Idem dicitur de pœnis privativis, modò reus subire eas possit sine infamiâ, sicut esset privatio vercis activæ, et passivæ, ut *Suar. l. 3. c. 9. n. 5. Ben. disp. 1. q. 1. punct. 7. n. 10. et Salm. ibid. n. 58. cum Tápia, Vazq. Montes., etc.* Et modò alicubi non habeat aliter consuetudo particularis, *Salm. n. 60.* Adde, nisi pœna consistat in privatione alicujus juris acquisiti, putà in beneficio, electione, etc., tunc enim semper requiritur declaratio juridica vel pœnæ, vel saltem criminis, etiamsi pœna imponatur, ipso facto *incurrenda, nullâ expectatâ declaratione*, ut docent *Less. l. 2. c. 29. dub. 8. et c. 34. dub. 34. Mol. de just. t. 2. tr. 2. d. 96. n. 8. Soto l. 1. q. 6. a. 6. et l. 4. qu. 6. a. 6. Sanch. de matr. l. 2. disp. 53. n. 5. et l. 7. disp. 89. n. 11. Pal. tr. 3. d. 2. p. 2. n. 8. et Salm. ibid. n. 59. et 60 cum Led. Coges. et Gron.* Cum enim lex pœnalis accipi debeat in mitiori sensu; verba illa, *nullâ declaratione, etc.* possunt explicari, scil. nullâ expectatâ declaratione pœnæ; sed non excluditur declaratio criminis, ut pœna possit reo applicari. Id confirmatur *ex o. Cum secundum, de hæret. in. 6. ubi hæretici, licet priventur ipso jure bonis suis, tamen non tenentur bona tradere ante sententiam, ut in eodem textu habetur.*

149. — Quod dictum est de pœnis privativis, à fortiori dicendum de positivis, quæ consistunt in actione positiva, v. gr. aliquid restituendi, aut patfendi, ut communiter, cum *D. Th. 2. 2. q. 62. a. 3. Sanch. de matr. l. 6. disp. 55. n. 1. Mol. l. c. Solo l. 1. q. 6. art. 6. ad. 8. et Salm. ibid. n. 61. et 64. cum Tap. Sa, Vasq. etc.* Et sic igitur dicendum de legibus privantibus beneficiis jam obtentis, ratione simoniacæ, vel alienationis bonorum beneficii, etc. ubi semper requiritur declaratio judicis, *Salm. d. n. 64. cum. AA. cit.* Ratio autem omnium horum est, quia nimis ardua, et inobservabilis esset lex illa humana: quod reus ipsemet in seipsum deberet pœnam exequi.

Pœnæ autem inhabilitantes obligant ante judicis sententiam, ut est pœna imposita à Tridentino non residentibus non lucrandi fructus, et similia. *Vide Salm. ibid. n. 62.* Rẽm quando pœnæ sunt conditionales, v. gr. ut habens beneficium curatum, si non ordinetur sacerdos infra annum, sit ipso facto privatus beneficio, ut ex cap. *Licet, de elect. in 6.* Sic etiam clericus beneficiatus non deferens habitum, ipso facto privatur privilegio fori. *Salm. ibid. n. 65. cum. Sanch. Pal. Bon. etc.*

150. — Quæritur 4. An pœna conventionalis in contractibus debeat solvi ante sententiam?

Prima sententia affirmat, quia quisque tenetur ante sententiam pactum observare. Ita *Bonac. Suar. Mol. Sa, apud Salm. ibid. n. 66.*

Secunda sententia, quam æquẽ probabilem vocant *Salm. n. 67. et tenent Nav. Less. Sanch. Vasq. Laym. Pal. etc.* negat, quia sentiendum est, contrahentes non aliter velle sibi imponere pœnam, quàm juxta dispositionem juris circa leges pœnarum, quæ nonnisi post sententiam contrahuntur. Profecto tenetur reus post sententiam ad pœnam: sed notandum est, non teneri eum ad solvendam pecuniam, nisi petatur à parte. Et si pœna sit nimis dura, ultra sententiam requiritur præceptum judicis, et ministrorum executio. *Vide Salm. ibid. §. 3. n. 70.*

Deinde notandum, quod leges, quæ fundantur in falsâ præsumptione, de se non obligant in foro conscientiæ, quando præsumptio certè est falsa. Sic enim hæres non tenetur, omisso inventario, ad omnia debita solvenda, si hereditas revera

non est, solvendo. Vide *Salm, ibid. punct. 4. ex n. 78. et vide dicta n. 100. v. Quæres.*

151. — An, quando lex requirit aliquam conditionem, sine quâ irritet actum, uti lex irritans testamentum sine solemnitatibus, vel lex irritans alienationem bonorum Ecclesiæ sine consensu capituli, obliget in conscientia?

Prima sententia negat, ut *Nav. Covarr. Tap. Sylv. Med. et alii ap. Salm. ibid. punct. 5. §. 2. n. 103.* Ratio, quia tales leges fundantur in præsumptione fraudis, quæ tunc non adest.

Secunda sententia affirmat, quia tales leges non solum fundantur in præsumptione fraudis, sed etiam in periculo illius, quod semper adest. Ita *Salm. ibid. n. 104. cum Sanch. Pal.* Utraque est probabilis, sed secunda probabilior.

152. — Quæritur hic ultimò, quando teneamur tollere impedimenta, vel ea non apponere, quæ obstant impletioni legis? Prænotandum est ad quæstionis solutionem, aliud esse, quòd quis non obligetur à lege, sive ab illius obligatione extrahatur: aliud, quòd excusetur à transgressione legis, manendo tamen sub ejus obligatione. Unde fit, ut dupliciter possis te impedire ab observatione legis; vel apponendo causam, quâ extraharis à legis observatione, scilicet si ab hoc loco, ubi est præceptum audiendi sacrum, discedas ad alium, ubi tale præceptum non viget: vel efficiendo opus, quod licet impediatur te ab observatione legis, non te extrahit tamen à legis obligatione; nempe si die dominico discedas à loco sacri ad silvam, ubi etsi sacrum audire nequeas, ab illius obligatione tamen non extraheris. Deindè notandum est, quòd contra leges naturales numquam licet apponere impedimentum, ut ab illius obligatione extraharis: secus autem dicendum de legibus humanis, quæ non obligant cum tanto rigore. Ita sapienter distinguunt *Salm. c. 2. punct. 10. n. 158. 159. et 160.*

Hinc inferunt, non peccare excommunicatum, si sacrum non audiat, et absolutionem non procuret; nam per impedimentum excommunicationis jam extrahitur ab obligatione audiendi sacrum: sed vide dicenda l. 4. n. 323. v. *Excommunicatus*, et l. 7. n. 161. Inferunt 2. cum non peccare contra præceptum jejunii, recitandi officium, etc. qui suâ culpâ incidit in infirmitatem; etsi præviderit: nec qui die jejunii pedester iter agit, vel multum laborat, ex quo excusetur inde

à jejunio : etiamsi ex pravo fine iter assumat , nempe ad furandum , etc. Ita *Salm. ibid. n. 161. cum Sanch. Medin. Henr. etc.* Sed nos omninò oppositum sentimus cum *S. Thom. Vide dicenda lib. 4. n. 1046.*

An verò peccet contra legem , qui eo animo id impedimentum apponit , ut à legis obligatione extrahatur , scilicet si se fatiget , ut non jejundet ? Affirmant peccare *Pal. Salas, Med. etc. ap. Salm. ibid. n. 163.* quia nemini debet prodesse sua fraus. Negant tamen peccare contra jejunium *Sanch. Fill. Azor. Vill. etc.* quòd satis probabilem sententiam vocant *Salm. ib. n. 164.* , quia tunc ille utitur jure suo , quo potest extrahi ab obligatione legis , in quo nulla est fraus : prout si quis exeat è suà patrià , ubi est obligatio jejunandi , ut eximat se à jejunio. Sed nos tantò potiùs , juxta sententiam quam mox suprà secuti sumus , omninò primam sententiam sequimur ; vide *l. 4. n. 1045.*

Peccat verò contra præcepta naturalia , vel divina , qui prævidens , se hominem occisurum in ebrietate , ab ebrietate non abstinet ; vel qui non procurat absolutionem excommunicationis tempore paschali ; tunc enim urget gravius præceptum radicaliter divinum communionis. Sic etiam peccat , qui se inebriat , vel somno se tradit tempore audiendi sacrum , vel recitandi officium , quia illa præcepta tunc jam eum obligant , neque per eas actiones à præcepto extrahitur. Ita *Salm. ib. n. 162. cum communi.*

CAPUT II.

DE SUBJECTO , CUI DATUR PRÆCEPTUM.

DUBIUM I.

Quæ personæ præceptis obligentur?

153. *An ad leges obligentur ebrii , infideles , ignorantes , etc. ?*

154. *An legislator teneatur ad legem ?*

155. *Quando pueri obligentur ad leges ecclesiasticas*

155. — **R**ESP. Soli subditi ratione utentes obligantur , ita ut eorum transgressione peccent. Quod addo propter ebrios , et ad tempus amentes , qui , etsi verè iis obligentur , eorum

» tamen violatione non peccant, defectu advertentiæ rationis,
 » et consensûs. Pars prior est communis, et certa *Fill. t. 21.*
 » *cap. 11. q. 10. Bon. p. 6. etc. Laym. l. 1. tr. 4. c. 10.* Poste-
 » rior est eorundem. Cujus ratio est, tum quia præceptum,
 » cum sit directivum, supponit usum rationis: tum quia
 » obedientia tantum est eorum, qui ratione, et voluntate
 » utuntur. Neque aliàs transgressio ad culpam imputari posset.»

Pro majori claritate notanda est regula, aliud est ad legem non teneri; sicut non tenentur ad leges ecclesiasticas infideles, pueri, amentes. Aliud à lege excusari, sicut excusantur ebrii, ignorantes, dormientes. Hinc est peccatum præbere carnes in die vetito secundis, non verò primis. Sicut etiam peccatum est incitare omnes istos ad aliquid malum jure naturæ.

Unde resolves hos casus :

154. — « 1. Legislatores non tenentur suis legibus, ut sic,
 » quoad vim coactivam, et poenam, sive directè: indirectè
 » tamen, et quoad vim directivam, et ex æquitate quædam
 » tenentur se, tanquam caput, membris conformare. *Ita S. Th.*
 » *q. 96. a. 5. ad 3. Sylv. Suar. Bon. Laym lib. 1. t. 4. c. 9.*
 » contra Azor. Tenentur etiam in contractibus cum reliquis
 » pari conditione uti. *Vide Fill. t. 21. c. 5.*

Ita ex communi *Salm. de leg. cap. 5. punct. 3. n. 37.* Num autem legislator teneatur ad suam legem sub gravi, vel levi? Alii dicunt sub gravi, sicut lex alios obligat, ut *Sot. Laym. Vasq. etc. ap. Salm. ib. n. 38.* Sed probabile est, præciso scandalo, tantum teneri sub levi: quia tantum ex honestate obligatur ad legem: ita *Salm. ib. n. 42. cum. Less. Azor. Bon. Pal. etc.* Limitatur tamen, si lex lata sit de taxatione pretii, vel de irritatione contractûs; tali legi enim tenetur stare etiam princeps ad servandam æqualitatem. *Vide Salm. ib. n. 43. et 44.*

« 2. Infideles non baptizati, etiam catechumeni, non obligantur præceptis Ecclesiæ, obligantur tamen hæretici, et alii, qui per baptismum Ecclesiæ semel sunt subjecti.

155. — « 3. Etsi pueri ratione utentes legibus iis Ecclesiæ, quarum materia eorum ætati est conveniens, v. gr. confessionis annuæ, secundum *Navar. Henriq. et Azor. item*

Cap. 2. De subjecto cui datur præcept. Dub. 1. 185

» abstinence à carnibus, auditionis sacri, secundum *Sanch.*
 » etc. obligentur quoad culpam; non tamen quoad pœnas
 » ordinarias, nisi sint puberes, quales sunt masculi anno
 » 14. puellæ 12. absoluto. Ita *Sotus*, *Vasq. de pœnit. q. 90.*
 » a. 2. *Sa v. Censura.* »

Quæritur, an pueri statim ac pervenerint ad usum rationis teneantur ad leges ecclesiasticas audiendi sacrum, abstinendi à carnibus, vel lacticiniis, et confitendi? Affirmant *Sanch. Dec. l. 1. c. 12. n. 6. Laym. tr. 4. c. 10. n. 4. et Salm. de leg. c. 3. punct. 4. n. 52. cum Pal. Bon. Salas, etc.* Atque peccare dicunt parentes, qui negligunt impletionem ipsorum. Et regulariter ajunt hunc usum rationis judicandum advenire, expleto septennio. Admittunt tamen, pueros ante pubertatem non obligari ad pœnas, *Salm. ib. n. 50. in fine*; nec ad communionem ante decennium, nisi in articulo mortis, si sit usus rationis; ut *Salm. de Euch. c. 7. punct. 1. n. 15.* Negant verò *S. Anton. Sot. Sa, Henr. March. ap. Salm. de leg. c. 3. punct. 4. n. 51.* dicentes non teneri statim, sed post aliquod tempus. Hoc tempus, *Sa* ait, esse tempus pubertatis: *Sotus* verò et *S. Anton.* dicunt saltem esse decimum annum vel nonum cum dimidio in sœminis. Sed hæc opinio merito rejicitur communiter, ut ait *Croix l. 3. p. 1. n. 675.* An verò obligentur pueri, qui ante septennium pervenerint ad usum rationis? Negant *Diana, Sanch. Burgh. ap. Croix l. 1. n. 676.* qui probabilè putat, quia leges positivæ attendunt tantum ad ea quæ communiter contingunt: Sed probabilius *Bosco ibid.* affirmat teneri. Vide dicenda *lib. 4. n. 270. et 1012.*

« 4. Infantibus non baptizatis, et perpetuò amentibus licitè
 » dantur carnes diebus vetitis, et imponuntur opera servilia
 » festis; non tamen ebriis, cum legi maneant subjecti; uti
 » nec licitè irritantur amentes ad blasphemandum, læden-
 » dum, etc. eò quòd talis actio tribueretur principali agenti,
 » qui alterius operà uteretur, quasi instrumento, ut *Laym.*
 » l. 1. t. 4. c. 10. *Bon. p. 6. et Sanch. l. 1. Moral. c. 12.* »

DUBIUM II.

An peregrini teneantur legibus sui domicilii , dum
ab eo absunt.

136 An peregrinus teneatur ad leges loci ubi est ?

137 An teneatur ad leges patriæ ? Deinde ponuntur resolutiones
plurium casuum.

138 An peregrini possint dispensari ab Episcopo loci in legibus ,
et in votis ?

136. — « SUPPONO I. Præceptum aliud esse locale , quod
» scilicet certo tantum in loco , urbe v. gr. vel parochiâ obli-
» gat ; aliud universale , seu juris communis , quod totam
» ferè Ecclesiam obligat.

» Suppono II. Peregrinos propriè dici eos , qui aliquò
» veniunt animo non manendi , sed tantum subsistendi per
» aliquot dies , vel ad summum per minorem anni partem ,
» ut mercatores , viatores , non autem studiosi , neque an-
» cillæ , quæ veniunt ad serviendum.

» Respondeo non obligari. Ita *Nav. Sanch. Less. l. 4. c. 2.*
» *dub. 8.* Ratio , quia præcepta localia per se et directè re-
» spiciunt territorium , eique sunt affixa ; atque adeò non
» obligant , nisi existentes intra illud. Lex enim ita fertur ;
» v. gr. Festum illud tali loco celebretur : ideòque hic valet
» illud : *Si fueris Romæ , etc.* Addit *Laym. c. 2.* præceptum
» locale exspirare etiam intra proprium territorium in loco
» exempto quòd is æquiparetur loco sito extra territo-
» rium. »

Hic refert ante omnia distinguere domicilium à quasi do-
micilio. Verum domicilium acquirit , qui habitat alicubi ,
animo ibi perpetuò manendi , ut communiter docent *Bonac.*
de leg. d. 1. q. 1. p. 7. n. 59. Roncag. eod. tit. c. 1. p. 3. pag.
44. et Salm. tr. 8. c. 4. punct. 3. n. 48. cum Palao , Trull.
Dicast , et aliis passim , ex l. 2. c. Ubi Senatores , et l. Heres
absens. §. Proinde , ff. de judic. l. 1. Censetur autem hujusmodi
animum habere , qui habitat alicubi per decennium , non
significatâ voluntate recedendi , vel qui majorem partem ho-

norum ibi asportaverit, aut domum emerit, aut ædificaverit, ut habetur in bullâ *Speculatores* relata l. 6. n. 770. ad n. V. vel qui saltem expressis verbis (ut addunt *Salm. ibid. n. 49.*) voluntatem ibi perpetuò manendi expressè significaverit. Ille autem acquirit quasi domicilium qui manet in aliquo loco per majorem anni partem, ut dicunt *Sylvest. v. Domicilium, n. 2. et Sanch. de matr. l. 3. d. 18. n. 9.* vel qui ibi moratur per aliquod notabile tempus cum animo ibi manendi majori parte anni, ut recte ajunt *Roncaglia loc. cit. Laym. l. 1. tr. 4. c. 12. n. 1. v. Quæres, cum Navarro, et N. SS. P. Benedicto XIV. Notif. 33. n. 6.* utque eruitur ex citatâ l. *Heres, etc.* His positis, dubitatur 1. an, ut quis teneatur legibus loci ubi est, requiratur, ut ibi verum domicilium contraxerit. Assirnant Glossa in c. *Quæ contrâ, dist. 8. verb. Aut peregrini, et alii, apud Sanch. loc. cit. n. 8.* Quia advena (ut ajunt) donec non acquirat verum domicilium, saltem per animum ibi perpetuò manendi, non fit subditus illius loci. Sed communis sententia tenenda docet sufficere, quòd is contraxerit ibi quasi domicilium: ita *Suarez tom. 1. de relig. c. 14. n. 3. et l. 3. de leg. c. 33. n. 3.* (qui oppositam putat non esse practicè probabilem) *Sanch. loc. cit. n. 9. Salmant, de legib. c. 3. punct. 3. §. 1. n. 33. et Laym. dicto c. 12. n. 1. cum S. Antonin. Palud. Sylvest. Rosella, etc.* Ratio, quia tales peregrini jam subjiuntur jurisdictioni superiorum illius loci, ergò etiam legibus tenentur; et tenentur à prima die, quâ illic perveniunt animo habitandi per majorem anni partem, ut rectè notat *Sanch. dicto n. 9. cum. Sylvest. Palud. Rosella, etc.*

Dubitatur 2. an si quis in aliquo loco ad breve tempus moretur, teneatur leges illius servare?

Prima sententia affirmat; et hanc tenent *Pontius de matr. l. 3. c. 7. §. 1. n. 6. Suarez de leg. l. 3. c. 33. n. 33. et l. 1. de rel. c. 14. n. 9. Salas de leg. disp. 16. sect. 4. concl. 4. Tapia l. 4. q. 16. art. 3. n. 2. et Covarr. Gordon. Henr. etc. apud Salm. de leg. ibid. n. 36. et alii plures apud Sanch. de matr. l. 3. d. 18. n. 6. et in Dec. l. 1. c. 12. n. 3.* qui vocat valdè probabilem, sicut etiam putant *Salm. loc. cit. n. 38.* Probant 1. ex c. *Illâ, dist. 20.* ubi refertur illud celebre *D. Ambrosii: Cum Romam venio, sabbato jejuno; cum Mediolori sum, non jejuno; sic et tu ad quaecumque Ecce-*

siam veneris, ejus morem serva; si cuiquam non vis esse scandalo, nec quemquam tibi. Probant 2. ratione, tum quia, qui sentit commodum, debet sentire et incommodum, sicut enim talis advena deobligatur legibus patriæ à quâ abest, ita æquum est eum obligari legibus loci ubi moratur, et hoc modo advena verè fit subditus superioris loci, quamvis brevè ibi sit; tum quia expedit ad pacem publicam servandam, et ad scandalum vitandum, ut omnes servant leges loci ubi reperiuntur, ut colligitur ex relatâ doctrinâ *D. Ambrosii*; et saltem ratione dicti scandali vitandi, ut ait *Suarez*, Episcopus loci jurisdictionem habet in peregrinos; eadem enim jurisdictio, quæ ipsi competit super oves suas, ut eas bene regere possit, competit etiam super advenas, ne scandalum ovibus præbeant, leges loci non servando. Plures alias rationes pro hâc sententiâ adducit *Suarez*. Fatentur tamen AA. citati, non satis esse solum transitum ad hanc obligationem contrahendam; etenim (apud *Sanch. Dec. l. 1. c. 12. n. 37.*) *Emmanuel Sa* dicit teneri peregrinum, si maneat illâ die quâ pervenit: *Leonardus*, si integra die: *Sayrus*, si illic accedat multo spatio ante prandium, et totâ die ibi quiescat. Sed melius videtur distinguere *Suarez dicto c. 13. ex n. 8.* dicens, quod, si quis venit ad locum destinatum ut terminum viæ, teneatur ejus legibus, licet parùm ibi adsit; secus si ibi sit in via, sive per transitum ad alium locum; tunc enim, si præceptum sit affirmativum, putâ audiendi sacrum, non tenetur, quia tale præceptum obligat existentes, quales non sunt itinerantes; tenetur verò, si præceptum sit negativum, nempe abstinendî à carnibus, vel ab opere servili, etiamsi ibi moretur ad horam, quia præceptum negativum, cum obliget pro semper, habet tractum successivum per totum diem.

Hæc sententia est satis probabilis, sed probabilior videtur *secunda*, quæ dicit, advenam non teneri legibus loci, ubi non moratur, nec intendit morari per majorem anni partem; hanc tenent *Sanch. locis cit. de matr. n. 6. et in Dec. n. 38. cum pluribus aliis, Bonac. de legib. d. 1. q. 1. p. 6. n. 36. et 43. S. Anton. p. 2. tit. 6. c. 2. §. 2. Azor. tom. 1. dub. 3. c. 11. q. 2. Tolet. l. 6. c. 5. n. ult. Laym. l. 1. tr. 4. c. 12. n. 4. cum Sylvest. Ang. et Medina, item Sayr. Diana, Granado et alii apud Salm. dicto c. 3. punct. 5. §. 1. n. 58.*

qui hanc non minus probabilem vocant. Ratio, tum quia leges non obligant nisi subditos, quales non sunt peregrini, cum ipsi ob brevem illam moram minimè subjiciuntur jurisdictioni superioris loci, ut habetur ex pluribus citata. *L. Heres absens*, tum quia non dicitur moraliter commorari in aliquo loco, qui ibi non manet, nec animum manendi habet per majorem partem anni. Ad textum autem *D. Ambrosii* respondetur 1. illum procedere tantum ubi vitandum est scandalum. Respondetur 2. S. Doctorem loqui ibi de lege communi servandi jejunii, quod Mediolani non servatur in primis quatuor diebus Quadragesimæ; sed lex communis utique servanda est à peregrinis, quando absunt à patriâ, ubi lex illa non servatur, ut ex communi sententiâ docent *Suarez cit. c. 14. n. 27. et Laym. loc. cit. n. 3. cum Medina, et Henriq.* Quamvis tamen *Laym.* non improbet oppositam *Sanchezii*, qui *de matr. loc. cit. n. 7.* ait cives mox in patriam redituros, per fictionem juris pro præsentibus haberi.

Limitatur verò hæc secunda sententiâ 1. in legibus de jure communi, vel circa solemnitates contractuum, aut circa commoda ipsius loci, v. g. de non extrahendo triticum, arma, etc. 2. Limitatur si eadem leges vigeant in patriâ peregrini, licet *Sanchius cum Dian.* huic contradicat. 3. Limitatur, si peregrinus ibi delinquat contra jus commune; tunc enim sit subditus ratione delicti, ex *c. Finali, de foro compet. Vide Salm. n. 59. et 60. et Sanch. in Dec. loc. cit. n. 36.*

157 — Non tenentur autem absentes ad leges patriæ, ut communissimum est ex *c. Ut animarum, de const. in 6.* etiamsi lex sit de jure communi; quando peregrinus est in loco, ubi illa abrogata est. *Salm. c. 3. punct. 5. § 2. n. 62. cum Pal. Less. etc.* Et hoc etiamsi discederet à patriâ ad eximendum se à lege. *Salm. ibid. 63. cum Pal. Bon. Sanch. etc.* (Hinc docet ibi *Palaeus cum Basilio*, posse peregrinum, qui nolit confiteri peccata reservata proprio paroco, aliò discedere, ut ab alio absolvatur; quia tunc utitur jure suo. Sed de hoc vide dicenda *de Pœnit. l. 6. n. 589.*) Et hoc etiam valet, si ille maneat in suâ patriâ, sed in loco exempto, ut tenent *Salm. ibid. n. 64. cum Laym. Bon. Pal. Salas, Diana, Tap.* An verò pro locis exemptis intelligantur etiam conventus regularium? Negant *Suar. Coninch. apud Salm. de cens. c. 1. punct. 9. n. 115.* Sed dicunt intelligi tantum oppida, et ee-

clesias intra diocesim, alienæ tamen jurisdictioni subjectas. Sed affirmant *Salm. ibid. n. 114. cum Avil. Henr. Sayr. Candid. et Dian.* Et id confirmant *de leg. d. c. 3. n. 64 in fine*, quia tam loca, quàm personas Tridentinum exemptas appellat *sess. 14. c. 5. de Ref. in fin.* et valdè probabile est. *Vide etiam l. 7. de censur. n. 24.*

Ex quibus resolves hos casus :

« 1. Si Episcopus sub poenâ excommunicationis vetet lustrum
 » alæe, non obligantur clerici ludentes in loco exempto à
 » jurisdictione Episcopi. *Bon. part. 6. Laym. c. 11 n. 3.*

» 2. Si quis die jejunii, aut festo sit in loco alio, non sui
 » territorii, aut exempto, ubi tunc non est jejunium, aut
 » festum; potest ibi comedere, exercere servilia. *Laym. loc.*
 » cit. c. 11. *Bonac.*

» 3. Id etiam habet locum in præceptis juris communis,
 » si in loco isto sint usu abrogata, vel non recepta, vel ha-
 » beatur privilegium. Quare potes v. gr. Mediolani primis
 » quatuor diebus Quadragesimæ vesci carnibus, cum id ibi
 » liceat. Item in Belgio sabbatis intra Nativitatem, et Puri-
 » ficationem vesci carnibus: item in loco, ubi Tridentinum
 » non est receptum, validè (etsi non licitè) inire matrimo-
 » nium clandestinum. *Suar. Sanch. l. 1. c. 12. Less. etc.*

» 4. Potest quis discedens manè ex oppido, ubi non est
 » jejunium, vesci carnibus, etsi meridie rediturus sit domum,
 » ubi est jejunium; nec tunc, ubi domum venerit, tenebitur
 » ad servandum jejunium istâ die, cum illud jam viola-
 » verit, ideoque servare non possit; tenebitur tamen domi
 » ad abstinentiam à carnibus, cum illa adhuc possit ibi
 » servari, eò quòd sit dividua. *Vide Sanch. l. c. Less.*
 » c. 2. d. 8.

» 5. Si quis abiturus est loco, ubi est jejunium, sciatque
 » certò perventurum vesperi ad locum, ubi non sit jejunium,
 » tunc etsi non possit ibi vesci carnibus, unde abit (cùm
 » ista abstinentia sit dividua); potest tamen ibi manè jentare,
 » et meridie prandere, ut contra quosdam docent *Less. et*
Sanch. supra. » (*Et probabile putant Salm. de leg. c. 3.*
punct. 8. §. 2. n. 70. cum Suar.)

» 6. Probabile etiam est, et in conscientiâ securum, quod
 » docet *Sanch. l. 3. de matrim. disp. 18. n. 21. et l. 1. Mor.*
 » c. 12. contra *Navarrum*, *Suar.* peregrinos, antequam ex-
 » cedant proprio territorio, non teneri implere præcepta,
 » quæ ibi deprehendunt, v. gr. non teneri eum manè audire
 » sacrum die festo, qui ante prandium venturus sit aliò,
 » ubi non sit festum; quia si mansisset in loco, ubi præce-
 » ptum obligabat, poterat differre ad id tempus; quando
 » autem pervenit ad alium locum, desinit obligari. Nec
 » obstat, quòd prævidens impedimentum teneatur præve-
 » nire; quia id tunc tantum verum est, quando, manente
 » vi præcepti, quis est impediendus; hic autem ab obliga-
 » tione præcepti absolvitur. » (*Ita etiam Salm. loc. cit. n.*
67. cum Pal. Tapia, Salas, etc. Secus tamen esset, si ibi
unum illud sacrum diceretur, quia teneretur audire, ante-
quam discederet, non teneretur autem exspectare. Salm. ibid.
n. 66.). Contraria tamen sententia, tamquam magis pia,
 » suaderi potest, nisi quid obstet. *Sanch. l. 1. Moral. c. 12.*
 » *et l. 3. de matrim. dub. 8. n. 21.* »

158 — Hic magna quæstio occurrit disceptanda, an peregrini possint dispensari ab Episcopo loci ubi sunt, tam in legibus communibus (putà jejunii, vel abstinentiæ ab opere servili), quàm in votis, et juramentis? Adsunt quatuor sententiæ.

Prima, quam tenent *Pontius de matr. l. 8. c. 4. n. 7. Joseph. de Januar. in tract. de leg. cui adhæret Tannerus apud Croix l. 6. p. 3. n. 754.* probabilemque meritò putat *Palas de leg. tr. 3. d. 6. §. 2. n. 3.* affirmat universè tam pro legibus, quàm pro votis. Ratio, quia peregrinus per illum accessum, quamvis unius diei, fit verè subditus superioris loci, ubi reperitur, ut dicunt *Suar. Salas, ac Pontius, cum Palao de leg. d. 1. p. 24. §. 3. n. 12. Vide dicta n. 156. et dicenda l. 4. n. 352. in fin. v. An autem.* Quamobrem sicut peregrinus tenetur ad leges loci illius, ita æquum est, ut gaudeat etiam privilegiis.

Secunda sententia prorsus opposita, quam tenent *Sylvest. Abb. Tab. Ang. apud Pal. de leg. d. 6. §. 2. n. 3.* item *Palud. Med. Led. Hostiensis apud Suar. de rel. l. 2. c. 14.* dicit, quòd peregrinus quoad usque acquirat alicubi verum domicilium (id est per animum perpetuò ibi manendi), numquam sub-

ditus est censendus, et ideo nec tenetur ad leges loci, nec potest dispensari in legibus communibus neque in votis aut juramentis ab illius Episcopo. Ad confirmationem hujus sententiæ *Farinacc. et Garz. apud Pal. n. 7.* afferunt quamdam declarationem S. C. Concilii approbatam à *Gregor. XIII.* ubi dictum fuit, posse peregrinum recipere beneficium absolutionis à peccatis in loco ubi est, sed non posse dispensari ab Episcopo illius. Sed *Mazzot. de leg. d. 4. q. 1. c. 5.* dicit, hanc declarationem non constare authenticè; saltem, ut infra videbimus in quartâ sententiâ, communiter illa non fuit recepta. Tantò magis, quia *Henriq. l. 14. de irreg. c. 18. §. 2.* affert aliam diversam declarationem S. Pii V. ubi Pontifex declaravit, Episcopum loci benè posse dispensare in votis Scholasticorum Salmanticæ commorantium. Hanc secundam sententiam etiam putat probabilem *Pal. n. 5. Atamen Suar. loc. cit.* improbabilem eam putat, quoad eximendum peregrinum à servandis legibus loci, si ibi maneat majori parte anni.

Tertia sententia, quam tenent *Pal. dict. d. 6. n. 3. et 6. cum Navar. et Menoch.* qui plures alios refert, censet peregrinum adhuc transeuntem, benè posse dispensari ab Ordinario loci in legibus etiam communibus, quia ipse quoad leges benè subditur jurisdictioni illius superioris; non autem quoad vota et juramenta, quia hæc jurisdictio pendet à consuetudine, et à conniventia Episcoporum, quæ non habentur pro hujusmodi dispensationibus, prout aliàs habentur pro absolutione peccatorum, et censurarum eis annexarum.

Quarta sententia communissima, ut ait *Croix l. 6. p. 5. n. 721.* et communiter recepta, ut asserunt *Salm. de leg. c. 3. punct. 5. §. 1. n. 55.* cui subscribimus, tenet posse peregrinum dispensari ab Episcopo loci, non solum in legibus, sed etiam in votis, et juramentis, modò ibi sit animo permanendi per majorem anni partem. Ratio, quia ex illâ diuturnâ habitatione contrahitur quasi domicilium, ut probant *Abbas, et Innoc.* Quapropter tunc peregrinus dispensatur non jam ratione consuetudinis, et conniventiae sui proprii superioris, sed ex propria auctoritate Ordinarii loci, cui peregrinus per illud quasi domicilium tunc verò subditur. Ita *Sanch. de matr. l. 3. d. 25. n. 12. et 13. cum Henr. Ang. Arag. etc. Less. l. 2. c. 40. n. 122. Croix loc. cit. cum Laym.*

Salm. loc. cit. Sporer de leg. c. 1. n. 264. cum Suar. et Manuel. apud Pal. loc. cit. n. 3: Et idem sentit Sanch. loc. cit. cum Henr. et Man. quoad dispensationem facultatum concessarum Episcopis à Tridentino in cap. Liceat, atque idem quoad conferenda omnia sacramenta; præter Ordinem, ut dicunt etiam Croix cum Laym. et Salm. ll. cc. Circa verò matrimonium, vide l. 6. n. 1085.

DUBIUM III.

An peregrini, et vagi teneantur præceptis locorum,
in quibus morantur.

159. — « **R**ESP. Regulariter non tenentur præceptis specialibus illorum locorum. Ita Laym. Sanch. Azor. Cenitach. Less. Reginald. Pitt. contra Navar. Suar. Sa, etc. et quoad vagos etiam » (ut cum Busemb. tenent Less. Laym. Sayr. etc. apud Salm. qui contradicunt c. 3. punct. 5. §. 2. n. 69. in fine) « contra Bonac. et Sanch. Ratio est; quia non potest dari ulla ratio hujus obligationis; cum illi non sint subditi vel locis; vel superioribus; quorum tales leges fuerunt; idèdque sint extra eorum jurisdictionem. Nec obstat 1. eos nullis partialium locorum statutis, sed solo jure communi teneri; quia id non est absurdum. Nec 2. quòd vagi, ob delicta admissa, puniri possint: hoc enim consuetudo recipit, ne scelera maneant impunita.

160. — « Dixi 1. regulariter, quia tenentur quibusdam legibus, maxime quarum violatio cederet in damnum et injuriam illius loci, in quo morantur; ut etiam iis, quæ sunt de contractibus celebrandis.

Unde resolves hos casus:

« 1. Tales non tenentur audire missam, et possunt opera servilia exercere die istic festo: non tenentur jejunare, nec abstinere à carnibus, quando istic est jejunium, et domi suæ non est. Intellige utrumque, secluso scandalo, propter quòd Episcopus loci punire posset. Laym. loc. cit. t. 4. c. 12. n. 4.

« 2. Peregrinis non licet frumenta evehere vel vendere
 » supra pretium ibi statutum , noctu arma ferre , etc. si talia
 » ibi prohibita sunt. *Panorm. Regin. Sanch. n. 36.*

« Dixi 2. *præceptis specialibus* ; quia si domi tuæ consue-
 » tudine derogatum sit alicui præcepto juris communis , et
 » aliò venias , ubi illud viget , eodem obligaberis. Ratio est ,
 » quia lex juris communis est universalis , et obligat omnes
 » sine ordine ad locum. *Laym. c. 12. n. 3.*

Unde resolvitur hic casus :

« Belga aliquis veniens Coloniam , v. gr. tenetur istic sab-
 » batis inter Nativitatem Christi , et Purificationem abstinere
 » à carnibus , quia privilegium ejus comedendi tunc carnes
 » non est personale , sed locale : ideòque expirat extra locum.
 » *Laym. loc. cit. »*

DUBIUM IV.

An peregrini teneantur præceptis juris communis,
 si non sint in usu in loco, ubi morantur?

161. — « **R**ESP. Non teneri. Ratio est , quia tunc valet
 » privilegium locale , quo frui possunt omnes , qui in loco
 » morantur. Ita *Sanchez l. 2. Mor. c. 12. Suar. Laym. etc.*

Unde resolvuntur sequentes casus :

« 1. Si Germanus per Hispaniam transeat , potest sabbatis
 » vesci intestinis animalium. Idem si per Belgium , aut Me-
 » diolanum iter habeat , potest inter Nativitatem Christi , et
 » Purificationem , in Belgio sabbatis , Mediolani verò quatuor
 » primis diebus Quadragesimæ carnibus vesci. *Sanch. Suar.*
 » *Bon. p. 6. n. 61.*

« 2. Si quis ex diœcesi catholica , v. g. Hildesio , ubi vetus
 » Calendarium adhuc est in usu , veniat in aliam , ubi novum
 » est receptum , v. g. Monasterium , potest , si ibi Quadrage-
 » sima præteriit , carnibus vesci , ut docet *Sanch. loc. cit.*

» Salas n. 69. Bon. n. 49. Less. l. 4. c. 2. d. 8. qui tamen
» contrariam sententiam suadet in praxi, licet hæc tuta sit,
» ut etiam docet Laym.

« Addidi ex diœcesi catholica : quia si catholicus veniat in
» terras hæreticorum, ubi alii catholici non sunt, tenetur
» ibi servare novum Calendarium ad vitandum scandalum,
» et contemptum Ecclesiæ catholicæ. Vide Laym. l. 1. tom. 4.
» c. 11. n. 8. »

CAPUT III.

DE MODO, QUO OBSERVANDA SUNT PRÆCEPTA.

DUBIUM I.

An debeant impleri ex charitate?

162. — » **R**ESP. Possunt impleri sine charitate, nisi hanc
» in substantia includant, v. g. praeceptum dilectionis Dei.
» Ratio est, quia tantum præcipitur substantia actus inclusi
» in præcepto, v. gr. ut honoretur parens; non autem finis,
» aut modus præcepti, ut docet S. Th. 1. 2. q. 100. art. 10.
» Interim certum est, requiri charitatem in operante, ut
» impletio præcepti sit meritoria, juxta illud 1. Cor. c. 13.
» x. 1. Si linguis hominum loquar, etc. S. Th. Suar. Sanch.

Unde resolvuntur sequentes casus :

« 1. Si quis jejunet, vel intersit sacro ob vanam gloriam,
» vel etiam ut furetur, potest nihilominus implere præ-
» ceptum, etiam per actum ex circumstantiis peccaminosum,
» quia implet substantiam illius præcepti, licet peccet con-
» tra aliud, cui finis ille malus opponitur, ut docet Sanch,
» l. 1. Mor. c. 14. Laym. l. 1. t. 4. c. 4. n. 6. Card. de Lugo
» disp. 22. sect. 2. n. 25 » (Cum Salm. de leg. cap. 2. punct.
8. n. 147. et 148.)

« 2. Simili ratione impletur votum, juramentum Deo
» factum, pœnitentia sacramentalis, licet actus ipse sit pec-
» catum, ibid. ll. cc. » (Nota tamen hic prop. damn. ab Alex.
VII. n. 14. : Qui facit confessionem voluntariè nullam,
satisfacit præcepto Ecclesiæ.)

DUBIUM II.

An ad impletionem praeceptorum requiratur intentio iis satisfaciendi?

163. — « **R**ESP. Quod non » (*Requiritur tamen intentio faciendi illud quod est praeceptum, ut Salm. c. 2. punct. 8. n. 139. cum Bus. infrà dub. IV.*) « Ita Sanch. Vasq. 1. 2. q. 100. »
 « art. 9. et alii communiter. Ratio est, quia lex tantum præcipit liberam operis externi executionem, v. g. auditio-
 « nem sacri, non autem, ut alio peculiari actu quis velit,
 « vel intendat præcepto satisfacere, sive, ut alii loquuntur,
 « præcepta non obligant ad obedientiam formalem, hoc est,
 « ut illud fiat, quia præcipitur, sed tantum ad materiale,
 « sive, ut fiat, quod præcipitur. Vide infr. l. 4. tr. 3. c. 1.
 « dub. 3.

Unde resolvuntur sequentes casus :

« 1. Qui alicujus præcepti immemor, illud implevit, v. gr.
 « ignorans esse diem festum, liberè tamen interfuit sacro,
 « is satisfecit. Neque, ut quidam volunt, necesse est, ut
 « postea intelligens diem festum velit tunc satisfacere per
 « missam auditam, quia implevit substantiam actus præcepti.
 « S. Th. Henr. Fill. t. 5. c. 7. q. 7.

« 2. Is votum, juramentum, et poenitentiam sacramenta-
 « lem verè implet, qui opera promissa, vel injuncta exequi-
 « tur, etsi non habeat intentionem implendi : modò tamen
 « non applicet ea pro aliâ re. Ratio est, quia vota, etc. sunt
 « leges quasi particulares, quas homo sibi, vel alteri imponit,
 « unde tantum obligant ad substantiam actus. Suar. Azor.
 « Less. Laym. n. 6.»

DUBIUM III.

An satisfaciat præcepto, qui faciens opus, expressè intendit per illud non satisfacere?

164. — **R**ESP. Satisfacit. Ita *Suar. Val. Vasquez. loc. cit. et Less. l. 2. c. 7. dub. 10. contra Navar. Azor. etc.*
 » Ratio est, quia præcepta tantum obligant ad substantiam
 » operis injuncti : ergò, illà posità, non est in potestate
 » operantis ut non satisfaciat. Nec refert 1. quòd actus non
 » operentur ultra intentionem agentis : quia id intelligitur,
 » quando est in potestate operantis, v. g. satisfacere, vel
 » non. Nec 2. quòd qui debet alteri centum, non satisfaciat
 » obligationi, si liberali donatione det ducentos. Nec 3. quòd
 » voto obligatus ad recitandum Rosarium, si recitet animò
 » non implendi, non satisfaciat. Ratio est, quia hæ, et si-
 » miles obligationes proveniunt ex voluntate promittentis,
 » qui sicut ab initio debitorum se liberè constituit, sic in
 » debito liberè permanere potest : obligatio autem parendi
 » legi provenit ex voluntate legislatoris, ideòque non ex-
 » tenditur ultra ejus intentionem, et voluntatem, nempe
 » ultra substantiam operis præcepti. *Con. n. 309. Lessius*
 » *loc. cit. et Laym. hic. (Et sic tenet sententia communissima*
 » *cum Cont. Tourn. de virt. relig. part. 2. cap. 2. art. 8. sect.*
 » *6. in med. Sed quæres 1. Pontas. Suar. Vasq. Valent.*
 » *Salm. etc.) Vide l. 3. n. 176.* »

Unde resolvuntur sequentes casus :

» 1. Sacerdos, qui legit horas non eà devotione, quã vo-
 » luit, ideòque proposuit ad satisfaciendum præcepto repe-
 » tere : etsi deindè non repetat, satisfecit tamen præcepto.
 » *Suar. Con. Card. de Lugo, etc.*

» 2. Audiens sacrum die festo, quod scit esse ultimum
 » (vel, si non sit ultimum, intendens non audire aliud),
 » licèt intenderit non satisfacere, verè tamen satisfecit præ-
 » cepto de audiendâ missâ ; etsi peccarit contra aliud præcep-
 » tum, quo quis tenetur esse subditus legislatori. *Card. de*
 » *Lugo loc. cit.* »

DUBIUM IV.

An ad impletionem præceptorum requiratur intentio, seu voluntas faciendi id quod præceptum est ?

163. — **R**ESP. Quod sic. Ratio est, quia, cum lex detur hominibus, non brutis, ideòque humano modo sit implenda, hinc impletio omnis præcepti, sive humani, sive divini debet esse actus humanus conjunctus cum libertate, et voluntate operantis, id est, ut velit, sive intendat facere hoc, quod est præceptum; v. gr. audire sacrum, jejunare, etc. Est communiss. Vide Vasq. 1. 2. q. 100. a. 9. Suar, Sanch.

Unde resolvuntur hi casus :

« 1. Qui audivit sacrum die festo ebrius, dormiens, aut impos sui quomodocumque, aut nescius quid aggrediretur, aut vellet facere, tenetur postea compos sui factus audire aliud sacrum. Suarez, Sanch. Salas d. 9. n. 32.

« 2. Is, qui audivit sacrum, jejunavit, etc. prorsus violenter coactus, non satisfecit; non enim fuit actus humanus defectu voluntarii. Vasq. Suar. Azor. Fill. n. 252.

« Dixi prorsus violenter; quia, si famulus, v. gr. metu domini, aut puer metu magistri, sacrum audiat (esto non sit auditurus, si magister abesset) is, etsi perversa voluntate illa peccet, præcepto tamen satisfacit. Ratio est, quia metus non tollit libertatem. Sanch. Salas loc. cit. Laym. l. 2. t. 4. c. 4. n. 12.

« 3. Recitans horas solâ intentione legendi, vel addiscendi non satisfacit; uti nec ille, qui vadit ad sacrum tantum, ut oculos pascat, cum alio colloquatur, vel exspectet amicum. Card. de Lugo loc. cit. n. 23.

« 4. Nec satisfacit is, qui tantum fictè confitetur, v. gr. orat, etc. quia non ejus fictio, sed opus præceptum est.

DUBIUM V.

An duplici praecepto, uno actu, vel diversis actibus eodem tempore possit satisfieri?

166. — « **R**ESP. 1. Uno actu diversa praecepta simul impleri possunt, nisi aliud colligatur ex mente praeipientis.
 » Patet ex praxi quotidianâ : qui enim obligatur ad horas
 » ratione Ordinis, et beneficii, satisfacit unâ recitatione.
 » *Sanch. l. 1. c. 14. Salas. Bonac p. 10.*

Unde resolvuntur hi casus :

» 1. Cùm Dominica, et festum incidunt in eundem diem, non
 » teneris audire duo sacra.

» 2. Votum, et poenitentia in confessione injuncta plerumque
 » non implentur per actum aliàs debitum : quia hæc plerum-
 » que non est mens voventis, et confessoris. *Vide Suarez t.*
 » *4. in 3. p. Sanch. l. 1. Mor. c. 14.*

» Dixi *plerumque* ; quia subinde confessarii injungunt opus
 » aliàs praeceptum.

» 3. Qui alteri ex pluribus obligationibus debet centum,
 » v. gr. non satisfacit, si semel dat centum : quia in debitis
 » justitiæ attenditur æqualitas rei ad rem ; non potest autem
 » unum centum æquale esse debitis plurium centum. Unde
 » in his alia est intentio, et mens se obligantis. *Sanch. Salas*
 » *loc. cit.*

» **R**ESP. 2. Potest quis eodem tempore diversis actibus du-
 » plici praecepto satisfacere, dummodò unum non impediatur
 » alterum. Est communis. Et ratio est, quia plerumque tem-
 » porum diversitas non praecepitur. *Suar. Az. p. 1. l. 7. c. 8.*
 » *Sanch. lib. 1. c. 14.*

Unde resolves :

» 1. Potest quis eodem tempore audire missam in festo
 » praeceptam, et simul legere horas, vel alias orationes voto,
 » aliâve ratione debitas. *Bonac. p. 10. n. 8.*

« 2. Potest item qui tenetur audire duas missas, eas
 » audire simul, imò etiam tres, ut docent aliqui, dum simul
 » in pluribus altaribus celebrantur. *Sanch. 1. mor. c. 14. 12.*
 » *Major. in 4. dist. 18.* »

DUBIUM VI.

An qui uno actu violat plura præcepta, committat
 plura peccata?

167. — « **R**ESP. Si violet præcepta materialiter tantum
 » diversa, ita ut, licèt sint plurium legislatorum, habeant
 » tamen motivum formale idem, et versentur circa materiam
 » eandem numero cum iisdem circumstantiis, unum tan-
 » tum peccatum committit; si verò præcepta sint formaliter
 » diversa, ob motiva proxima specie distincta, vel versentur
 » circa materiam numero diversam, committet plura pec-
 » cata: quia sunt obligationes, et malitiæ diversæ. Ita *San-*
 » *chez lib. 9. de matrim. dist. 15. Vasq. 1. 2. dist. 9. Salas*
 » *C. de Lugo d. 16. n. 245.* » (*Vide dicenda l. 2. n. 53.*)

Unde resolvitur:

« 1. Qui non jejunavit die vigiliæ incidentis in Quadra-
 » gesimam, aut neglexit sacrum festo incidente in Domini-
 » cam, unicum commisit peccatum, satisque est confiteri
 » de jejunio, et sacro uno; quia in his præceptis unica est
 » ratio formalis, et motivum proximum, v. gr. in priore
 » maceratio carnis, in posteriore cultus Dei. *Laym. Sanch.*
 » *Card. de Lugo loc. cit.*

« 2. Qui violat votum, et juramentum, vel votum, et
 » præceptum Ecclesiæ de eadem re, duplicem malitiam com-
 » mittit, ac proinde id in confessione explicandum est: quia
 » voti observatio præcipitur ut fides Deo debita servetur;
 » juramenti autem, ne Deus vocetur in falsum testem: et
 » sic duæ sunt hic rationes formales; uti et sunt in omis-
 » sione missæ, quæ et propter festum, et ex injunctâ pœ-
 » nitentiâ audiri debet. *Card. de Lugo loc. cit.*

« 3. Si ligatus cum ligatâ adulteretur, duplex peccatum

» injustitiæ committit, unum contra propriam uxorem, alterum contra maritum adulteræ: uti etiam si quis uno actu occidat plures, sunt plura homicidia, quia in istis materia est numero diversa. *Laym. l. 1. t. 2. c. 10. n. 3. Sanch. Card. de Lugo loc. cit.* »

CAPUT IV.

QUÆ EXCUSENT A TRANSGRESSIONE PRÆCEPTI.

DUBIUM I.

An ignorantia excuset?

168 *An ignorantia invincibilis excuset?*

169 *An ignorantia excuset à pœnâ annexâ legi?*

170 *An detur ignorantia invincibilis etiam circa præcepta juris naturæ? usque ad 174.*

168. — **R**esp. Si sit invincibilis, excusat; quia nemo peccat, nisi actu voluntario; hic autem cognitionem præsupponit. Si autem sit vincibilis, et culpabilis, non excusat; qualis est, cum poteras, et tenebaris scire, aut discere, et in mentem veniebat dubitare; nec studuisti intelligere. *S. August. S. Th. Sanch. 10. mor. c. 6. et cæteri communiter, contra Palaum.*

Unde resolvitur:

« 1. Si quis die jejunii, nihil cogitans de præcepto, cœnet, aut carnes comedat, non peccat: similiter in aliis, ut si occidas hominem putans esse feram. *Bonac. quæst. 8. p. 3.*

« 2. Si in aliquâ re tantum advertas malitiam unius generis, illam solam contrahis; ut v. gr. si quis cognoscat fornicam, quam scit non esse suam, ignorat autem esse conjugatam, is fornicationem tantum, vel adulterium committit, non incestum. *Laym. l. 1. tr. 4. c. 2. Bonac. loc. cit.*

169. — Quæritur inde, an ignorantia excuset à pœnâ legi annexâ? Respondetur ex *Laym. l. 1. tract. 4. cap. 20.* quod, qui ignorat inculpabiliter legem, excusetur à culpâ, et ab illius pœnâ. E converso qui scit legem, sed ignorat pœnam illi annexam, minimè excusatur à pœnâ. Ita *Laym. cum communi ib. n. 6.* Excipitur 1. Si pœna sit gravissima excedens

meritum criminis. 2. Si sit censura ecclesiastica, quam ignorantes non incurrunt, nisi ignorantia sit crassa, seu culpabilis, ut docet *Laym. cum communi de cens. c. 5. n. 7.* Et constat ex *c. 2. de Const. in 6.* Idem autem efficit ignorantia, quod oblivio legis *Laym. ib.* Ratio est, quia ad incurrendam censuram requiritur contumacia, sive virtualis contemptus legis. *Vide l. 7. n. 47.*

Imò si censura sit indicta præsumentibus, sive temerè, consultò, aut scienter peccantibus; tunc excusat ignorantia etiam crassa, non autem affectata (quæ adest, cum quis studiosè negligit scire legem, ut liberiùs agat); quia hæc scientiæ æquiparatur. Ita *Laym. d. c. 5. et alii*, sed *vide l. 7. n. 48.*

DISSERTATIO

In quod ostenditur, dari ignorantiam invincibilem in nonnullis ad naturalem legem spectantibus.

170. — Exploratæ jam veritatis est, invincibilem ignorantiam dari non posse in rebus iis, quas homo scire potest, et tenetur. Cum itaque quod scire tenetur ignorat, et ignorantiam, versâ vice *studio superare potest*, ut verbis utar divi Thomæ 1. 2. q. 76. a. 2. à culpâ liberari neutiquam potest. Quænam verò nos scire tenemur, tradit Angelicus ibidem; cujus hæc sunt verba: *Omnes tenentur scire communiter, quæ sunt fidei, et universalia juris præcepta; singuli autem quæ ad eorum statum, vel officium spectant.* Eapropter, ubi de naturali jure sermo fit, palàm est, invincibilem ignorantiam in primis ipsius principiis dari non posse, quo pacto sunt: *Deus est colendus: Quod tibi non vis, alteri ne feceris.* Ita etiam dicimus, neque immediatas ab ipsis erutas conclusiones, seu proximè præfatis principiis connexas et còhærentes invincibiliter posse ignorari (1), quemadmodum certè sunt Decalogi præcepta. Porro insuper affirmamus, quòd istiusmodi ignorantia invincibilis ne in obligationibus quidem datur, quæ ad proprium statum, vel officium pertinent;

(1) « In *Hom. Ap. tr. 1. n. 3.* additur: Nisi in rudibus et ad brevè tempus » vel nisi addita aliqua circumstantia apparenter coherente, » *Edm.*

quandoquidem qui cuiquam statui se mancipat, ex gr. ecclesiastico, vel religioso, vel qui aliquod munus suscipit obeundum veluti iudicis, medici, confessarii, aut id genus munus aliud, tenetur illius statûs, aut officii obligationes callere, vel in iis instrui, et qui eas ignorat, negligens instrui, aut ob timorem, ne deinceps teneretur eas observare, aut ob voluntariam negligentiam, ejus ignorantia culpabilis semper erit, atque omnes errores, quos tali negligentia deinde commiserit, omnes culpabiles erunt, etiamsi in iis committendis actualem eorum malitiæ advertentiam non habeat; siquidem ad hoc ut culpabiles sint, virtualis advertentia satis est, seu interpretativa (ut alii loquuntur) quam initio habuit, cum proprias obligationes scire neglexit, ut sapienter, et communiter docent *Habert Theol. dogm. t. 3. de act. hum. cap. 1. §. 3. quæst. 5. Collet. Comp. mor. tr. de peccatis, c. 2. art. 2. sect. 1. concl. 1. Antoine Theol. mor. c. 4. de peccat. q. 7. aliique, divo Thoma duce, juxta quod superius prænotatum est, et pro eo, quod expressius idem S. Doctor Opusc. de consc. q. 17. a. 5. ad. 3. et ad 5. ad hanc rem appositè dicit, ubi docet, excusari non posse judicem illum, qui in sententiâ ferendâ errat, propterea quòd leges ignorat, quas didicisse tenebatur.*

Dixi communiter, quia licet alii multi DD. ut *Sylvius*, *Suárez*, *Gammachæus*, *Isambertus*, videantur pro singulis peccatis actualem advertentiam postulare, saltem quando cujusque peccati causa ponitur, tamen omnes, nemine discrepante, consentiunt, satis esse, ut culpabiles futuri errores fiant, advertentiam illam, quam initio habet homo, cum statum quemplam assumit, aut aliquod munus suscipit, de obligatione sese peritum reddendi, si peritus non sit in iis quæ agere debet, et in quibus necesse est versari ratione muneris, et hoc non obstante negligit; quia tunc in confuso saltem errores prævidet, quos non informatus; et instructus admittere poterit, et cavere non curat. Si verò quis in suo munere sufficienter antea se curavit instrui, et nihilominus in re quapiam erravit quæ munus suum respiciat, aut statum, non ob negligentiam; sed ob invincibilem ignorantiam, vel invincibilem inadvertentiam ab omni prorsus culpâ utique liber esset, ut mox docebimus.

Certum igitur est, quòd in primis juris naturalis princi-

piis, æquæ ac in proximis conclusionibus, et certis obligationibus proprii statûs non datur invincibilis ignorantia, quia lumine ipso nature talia omnibus nota sunt, præterquam illis, qui oculos claudant, ne ea videant. Et de his nimirum loquitur *D. Th. 1. 2. q. 94. a. 6. Ad legem naturalem pertinent primò quidam quædam præcepta communissima, quæ sunt omnibus nota; secundò autem quædam secundaria præcepta, magis propria, quæ sunt quasi conclusiones propinquæ principiis; et affirmat, utraque ignorari non posse nisi ex passione, vel ex ignorantia culpabili; quoniam sicut docet P. Suarez: Natura ipsa, ac conscientia pulsant in oculis eorum, ut non permittat eis inculpabiliter ignorari.*

171. — Contrà verò unanimis theologorum sententia est, tum probabilistarum, tum antiprobabilistarum, in conclusionibus mediatis, et obscuris, seu remotis à principiis, utique dari et admitti debere ignorantiam invincibilem: ita docet idem *S. Thom. 1. 2. quæst. 76. a. 5.* qui statuit, dupliciter ignorantiam esse voluntariam, et culpabilem, vel directè, sicut cum aliquis studiosè vult nescire aliqua, ut liberius peccet; vel indirectè, sicut cum aliquis propter laborem, vel propter alias occupationes negligit addiscere id, per quod à peccato retraheretur. Talis enim negligentia facit ignorantiam ipsam esse voluntariam, et peccatum. Si verò sit talis ignorantia, quæ omninò sit involuntaria, sive quia est invincibilis, sive quia est ejus, quod quis scire non tenetur, talis ignorantia omninò excusat à peccato. Affirmans itaque Angelicus: Si verò ignorantia sit involuntaria, sive quia est invincibilis, sive quia est ejus, quod quis scire non tenetur, talis ignorantia omninò excusat à peccato, sanè ostendit, ignorantiam adhuc eorum, quæ scire tenemur, posito, quod sit invincibilis, à peccato excusare. Idem pariter docet luculentioribus verbis *Quodlib. 8. art. 15.* ubi hæc reperiuntur verba: *Error autem conscientie quandoque habet vim absolventi, sive excusandi, quando scilicet procedit ex ignorantia ejus, quod quis scire non potest, vel scire non tenetur; et in tali casu, quævis factum sit de se mortale, tamen intendens peccare venialiter, peccaret venialiter; et consequenter, si nullum peccatum committere intenderet, nullum quidem committeret. Notetur attentè: Scire non potest, vel scire non tenetur. Igitur etiam in casu, quo quis scire tenetur*

præceptum; si illud scire nequeat, ejus ignorantia est invincibilis, excusatque à culpâ, prout in sua naturâ esset; sapienter advertendo cum Joanne à S. Thom. 1. 2. q. 6. disp. 3. diffc. 1. illa verba scire potest intelligi non remotè, sed proximè, et expeditè, ita ut omissio debitas diligentiae in veritate requirendâ sit propriè volita: *Illud axioma: Qui potest, et tenetur, et non facit, peccat, intelligi de eo qui potest proximè, et expeditè, non remotè tantum, et impeditè, quia (ut suprà diximus) omissio, ut sit voluntaria, debet procedere ab ipsâ voluntate.*

Idem D. Antoninus apertè monet, in conclusionibus remotis quidem dari ignorantiam invincibilem, p. 2. tit. 1. c. 11. §. 28. sic inquit: *Et si diceretur hic esse usuram, et usura est contra Decalogum. Respondetur, sed hunc contractum esse usurarium, non est clarum, cum sapientes contraria sibi invicem in hujusmodi sentiant. Cum autem atcitur ignorantia juris naturalis non excusare, intelligitur de his quæ expressè per se vel reductivè sunt circa jus naturale, et divinum, et contra fulem vel præcepta per evidentes rationes, vel determinationem Ecclesiæ, vel sententiam communem doctorum; et non de his, quæ per multa media, et non clarè probantur esse contra præcepta, et articulos. Idem tuetur Habert, dicens Theol. tom. 3. de act. hum. c. 1. §. 3. circa fin. Circa conclusiones remotiores juris naturalis, quales sunt prohibitio usurar, uxorum pluralitas, matrimonii indissolubilitas, etiam interveniente aliquâ gravi causâ, potest esse ignorantia invincibilis, quia non deducuntur ex primis principiis, nisi longiori discursu. Et Gersonius de vitâ spirit. qui scripsit: *Concors est sententia, nullum in iis quæ legis naturalis sunt cadere ignorantiam invincibilem, respondet id dici, et affirmari quoad prima principia, et primarias conclusiones, seu verò quoad remotiores conclusiones: imò addit quandoque adhuc ipsas primarias conclusiones quibusdam in circumstantiis invincibiliter ignorari posse, ex gr. si quis sibi persuadet errore deceptus, quòd teneatur mentiri, ut proximum à morte vindicet.**

Joannes Baptista Du Hamel non absimiliter nos certiores facit (lib. 2. de act. hum. c. 3. in fin. vers. *Ad legem*) sic scribens: *Quod autem ex eo jure necessario quidem, sed non ita manifestè deducitur, ut fortè polygamia et alia hujus generis, invincibiliter ignorari posse probabile videtur, adeò*

ut nulla vel levi suspitione ea esse prohibita his in mentem venerit; ac licet ea vitia ex peccatis liberè admissis orientur, ac proinde voluntaria videantur, et ea ratione ignorantia sit pœna peccati, hinc tamen non sequitur ea esse voluntaria, cum ex iis peccatis secutura mala prævisa non fuerint.

P. Laurentius Berti de Theolog. discipl. t. 2. lib. 21. c. 10. eandem sententiam sic scribendo defendit: *Verissimam tamen puto sententiam oppositam, et circa consequentias juris naturæ remotissimas censeo ignorantiam invincibilem esse admittendam... Illam tenent omnes ferè Ægidiani, ac Thomistæ, et Sylvius, l'Herminier aliique communiter, cujus assertionis hæc videtur ratio apertissima, quod conclusiones juris naturæ remotiores deducuntur ex principiis longiori, implexoque discursu, quem rudes plurimi efformare nequaquam valent. Idque comprobat cum D. Th. in 1. 2. q. 100. a. 1. ubi dicit: Quædam verò sunt, quæ subtiliori consideratione rationis à sapientibus judicantur esse observanda, et ista sic sunt de lege naturæ ut tamen indigeant disciplinâ, quâ minores à sapientibus instruantur. Quocirca concludit P. Berti, rudem hominem, si in hoc negligens non sit, non esse condemnandum. Et ne peritum quidem esse damnandum, subjungo, si ex ignorantia invincibili opereatur; quoniam nullus reperitur, doctissimus licet sit, qui judicare sciat de cunctis obscuris rebus ad jus naturale pertinentibus juxta inconcussam veritatem; nam eadem veritas, ut ait D. Th. 1. 2. q. 94. a. 4. non est omnibus æquè notæ: Sed quantum ad proprias conclusiones rationis practicæ, nec est eadem veritas, seu rectitudo apud omnes, nec etiam apud quos est eadem, est æqualiter nota. Idem habet P. Gonet, in suo Clypeo theolog. t. 3. disp. 1. art. 4. §. 1. n. 36. ubi loquens de præceptis remotis à primis principiis, dicit: Potest dari de illis ignorantia invincibilis, et excusans à peccato. Et in tract. de probabil. circa finem de eadem sententiâ loquens, ait contrariam esse singularem, paucorum, et improbabilem. Idem habet P. Collet Comp. mor. tr. de actibus hum. c. 1. a. 1. sect. 2. concl. 4. hisce verbis: Non datur ignorantia invincibilis juris naturalis quoad prima principia, et proximas eorum conclusiones, datur verò quoad magis remotas. Idem quoque P. Antoine in Theolog. mor. de peccat. c. 4. q. 6. dicens: Datur in aliquibus ignorantia invincibilis*

circa quædam præcepta juris naturalis valdè abstrusa, et remota à principiis : est communis sententia, quia cum aliqua præcepta sint valdè abstrusa, et remota à primis principiis, à quibus sine longo, et difficili discursu deduci nequeunt, faciliè ignorari possunt invincibiliter. Et insuper refert anno 1685. die 8. Augusti Romæ inter varios articulos tertium sequentem articulum fuisse damnatum : *Nullam admittimus ignorantiam invincibilem juris naturæ in ullo homine, dum hic et nunc contra jus naturæ agit.* Arrisit mihi fusè, et distinctè horum quos retuli auctorum referre verba, quia sunt antiprobabilistæ. Cæterùm innumeri penè sunt alii, qui veluti certam eandem vindicant sententiam, ut *Sylvius, Sotus, Gammachæus, Isambertus, Cardinalis Aguirre, Wigandt, Cuniliati, Saln. scholastici, et morales*, quibus omnibus adhærent *D. Anselmus, Azorius, Suarez, Tapia, Prado, Vasq., la Croix, Duwallius, Medina, Maldonatus, et alii.* Neque in aliam sententiam ivit doctissimus præsul *Julius Torni* in suis notis in *Estium*, ubi scripsit ejusdem fuisse sententiæ *Cajetanum* (quem perperam pro se stare facit *Contensonius*) cum hisce conceptis terminis scripserit *Cajetanus* : *Hominem quantum in se est in opinionum delectu à divinâ bonitate excusari, si veritatem non assequens à rectâ deflectat morum regulâ, non exigit magis Deus ab homine.* Prorsus idem nuperrimè scriptum reliquit Archiepiscopus Parisiensis *Beaumont* in suâ *Pastorali Catechesi*, cujus verba gallico sermone conscripta sic latinè reddita asseruntur : *Licet invincibiliter ignorari non possint juris naturalis principia, eorumque proximæ conclusiones, nihilominus tamen eorum obscuriores, remotioresque consequentiæ possunt esse, et sæpè sunt invincibilis ignorantie materia. Hoc punctum cunctis in verbis simul congregat celebriorum theologorum suffragia.*

172. — Comprobatur autem magisque firmatur nostra sententia à secundâ Bajanâ propositione ab *Alex. VII.* proscripta : *Tametsi detur ignorantia invincibilis juris naturæ, hæc in statu naturæ lapsæ operantem ex ipsâ non excusat à peccato formali.* A cujus propositionis proscriptione luculenter inferitur, quod Pontifex idcirco eam damnaverit, quia pro certo habuit, dari utique posse ignorantiam invincibilem in aliquibus difficilibus, reconditisque rebus, quæ ad legem naturalem spectant. Nec dissimile colligitur ab alterius Bajanæ

næ propositionis damnatione : *Infidelitas negativa in iis, quibus Christus non est prædicatus, peccatum est.* Ulterius apertissime confirmatur è thesi ab eodem Pontifice damnatâ : *Non licet sequi opinionem inter probabiles probabilissimam.* Nisi ignorantia invincibilis daretur circa jus naturale, ut ajunt adversarii, à culpâ neque excusaretur quidem qui sequitur opinionem probabilissimam, quia adhuc probabilissima versatur in discrimine errandi quandoquidem, hæc non extra, sed intra probabilitatis terminos existit : ratio nostræ sententiæ, ut finem tandem aliquando faciam, quam S. Thomas adducit 1. 2. qu. 19. art. 6. ea cum primis evidens est : *Manifestum est, quòd illa ignorantia, quæ causat involuntarium, tollit rationem boni, et mali.*

175. — Sed ad eam dissertationis partem deveniamus, ubi audire vacat, quæ contra nos jacent duo acerrimi contradictores, alter nempe P. Jo. Vincentius Patutius, qui se ficto nomine appellat Adelphum Dositheum, alter anonymus, qui librum suum *Regulam morum* inscribit, qui ambo quæ italico sermone scripserunt, latinè hic redduntur. Absolutè igitur negantes dari ignorantiam invincibilem circa quamlibet rem, audiamus primùm Patutium italicè (ut dixi) scribentem in eâ, quam latinè traducimus, formâ : *Juxta ideam quam habemus à divinis Scripturis, à SS. PP., divo Thoma, et à communi antiquorum sensu, ac etiam à modernis primi subsellii theologis, peccata ignorantiae, quando tenemur scire legem, ea sunt (rigorosè, et propriè loquendo) quæ committuntur, et quorum coram Deo rei sumus, tempore, quo ignoramus ea committere, quia à propria nostrâ culpâ oritur, quòd ignoremus, et hæc de causâ D. Thomas hæc in re in c. 1. Epist. ad Rqm. clarissimum axioma illud, et certum docuit : Ignorantia, quæ causatur ex culpâ, non potest subsequentem culpam excusare; atque hæc ratione peccatur, quamquam non habeatur, nedum scientia à vobis exposulata, cognitio nimirum certa, et evidens (loquitur hic mecum circa licitum usum opinionis æquè probabilis, quem defendo) sed ne incerta quidem, et obscura peccati, quæ haberi poterat, quamque habere tenebamur. Et deinde concludit : Pauca hæc sint satis, ut instruamini in negotio, cujus adæquatam non videmini ideam efformasse. Sed hinc erravit P. Patutius, existimans, me, ut ipse est, penetrantis,*

et acris esse ingenii, sed durâ, obtusâque mente cum ipso
sim, fateor hanc brevem instructionem mihi satis non esse,
quoniam intelligere numquam potui, quomodo homo peccet,
cum invincibili ignorantia de peccato laboret; postquam debi-
tam adhibuerit diligentiam, ut informetur, et ignorantia
carcat.

Auctor verò *Regulæ morum* in universo serè suo libro
probare nititur, nos minimè posse sine formali peccato rem
quampiam ignorare, quæ ad jus naturæ spectet; sed videam-
us, quæso, quomodo id probet, etenim à responsionibus,
quæ suis oppositionibus reddentur, clariùs patebit nostra
sententia: *Non datur* (inquit pag. 345.) *ignorantia invinci-*
bilis juris naturæ, et divini, præterquam in pueris, furiosis,
et amentibus. Deindè pag. 354. sic concludit: *Ignorantia juris*
naturalis numquam illos excusat, qui cognitione, et libero
rationis usu operantur. Quæ sanè conclusio reprobatur, damnat-
que cujuscumque probabilis opinionis usum, etiamsi proba-
bilissima foret; omnesque ad amplectendum tutiorismum
proscriptum adigit.

Probat ipse potissimùm intentum suum, affirmans nos
teneri sequi veritatem; propterea quòd veritas est unica mo-
rum norma, et ideirò in cap. 1. ob eam rem multos consar-
cinat simul Scripturæ textus: *Ego sum via, veritas, et vita.*
Joan. c. 14. §. 6. *Viam Dei in veritate doces.* Matth. c. 22.
§. 16. *Omnes viæ tuæ veritas.* Ps. 118. §. 151. *Si Filii tui....*
ambulaverint coram me in veritate. 3. Reg. c. 2. §. 4. *Ambu-*
lantes in veritate, sicut mandatum accepimus à Patre. 2.
Joan. c. 4. *Gentium custodiam veritatem.* Isaïæ c. 26. §. 2.
Qui fecit veritatem venit ad lucem. Joan. c. 3. §. 21. *In veri-*
tate non stetit. Joan. c. 8. §. 44.

Verùm enimverò tanto poterat auctor labori parcere, nemo
enim inficiatur, in operando teneri nos veritatem quærere,
eamque sequi. At petere fas sit, quoniam alio pacto possimus
nos veritatem noscere, nisi ratione ducti? Dicendum igitur,
illam veritatem nobis esse sequendam, ac amplectendam,
quæ à ratione exhibetur, et præter oculos veluti ponitur.
Hinc *P. Collet tr. de actibus hum. cap. 3. art. 1. sect. 1. concl.*
2. obj. 1. R. rectè distinguit moralitatem objectivam actûs in
se considerati à moralitate formali agentis, docetque, quando
ex invincibili ignorantia quis operatur, contingere posse, ut

non solum non peccet, sed insuper mereatur, operando juxta rationem, quæ recta videtur, licet ipsa reverà supremæ rationi repugnet. *Sed quia* (inquit Collet) *repugnantia hæc aliquando involuntaria est, ut in iis, qui invincibili laborant ignorantia, ideò non semper imputatur ad culpam, sed aliquando ad meritum ob bonam fidem agentis qui rectam rationem sibi sequi videtur, dum etiam ab eâ deficit.* Idque totum confirmat *D. Th. 1. 2. q. 19. a. 1. ad 3.* docens, objectum actûs ratione mediante repræsentari voluntati, atque in quantum cadit sub ordine rationis, objectum illud causat in voluntate bonitatem moralem. En ejus verba: *Ad 3. dicendum, quòd bonum per rationem repræsentatur voluntati ut objectum, et in quantum cadit sub ordine rationis, pertinet ad genus moris, et causat bonitatem moralem in actu voluntatis; ratio enim principium est humanorum, et moralium actuum, ut suprâ dictum est q. 18. a. 5.* Ubi idem S. Doctor docendo notat voluntatis actus bonos, et malos dici, prout à ratione manifestantur: *In actibus autem bonum, et malum dicitur per comparisonem ad rationem: quia ut Dionysius dicit 4 cap. de divinis nominibus: Bonum hominis est secundum rationem esse, malum autem quod est præter rationem.... Dicuntur autem aliqui actus humani, vel morales, secundum quod sunt à ratione.*

Quocirca idem angelicus Doctor *1. 2. q. 71. a. 6.* humanam rationem statuit tamquam proximam voluntatis naturæ regulam, dicens, quòd lex æterna, licet sit prima regula, nihilominus tamen est remota, et potius est ratio Dei, quàm nostra: *Regula autem voluntatis humanæ est duplex, una propinqua et homogœnea, scilicet ipsa humana ratio: alia verò est prima regula, scilicet lex æterna, quæ est quasi ratio Dei.*

Sed nequaquam, inquit præfatus anonymus auctor *Regulæ bonorum morum*, quando contra legem quis operatur, semper peccat, neque ratio sufficit ad excusandum à peccato. Sic ipse c. xi. p. 168. ubi quod italicè scribebat, sic nos fideliter latinè reddimus: *Non negatur quòd ratio debet esse regula proximior nostrarum actionum..... At hoc intelligitur, cum ipsa legi æternæ submittitur, etc. Sed non semper accidit, quòd ratio à lege Dei dirigatur: unde non solum dici non potest, rationem esse regulam nostrorum morum, et in*

errorem habi non posse quemquam ipsam sequentem, sed etiam veritas est universis in scholis receptissima, quod quando ratio fallitur, voluntas peccet si eam sequitur: Ratio humana potest errare, et ideo voluntas concordans rationi humanæ non semper est recta; sed voluntas concordans rationi erranti est mala. Hæc est conclusio S. Thomæ, omniumque theologorum. Sic auctor finem facit.

Sed videmus, quæso, quod tradit S. Thomas in loco, ubi hunc articulum proponit: *Utrum voluntas concordans rationi erranti sit bona?* 1. 2. q. 19. a. 6. Ibi S. Doctor sic ait: *Hæc autem quæstio dependet ab eo, quod supra dictum est (q. 6. a. 8.) quod ignorantia quandoque causat involuntarium, quandoque autem non. Et quia bonum, et malum morale consistit in actu, in quantum est voluntarius, ut ex præmissis patet (art. 2. hujus quæstionis) manifestum est, quod illa ignorantia quæ causat involuntarium tollit rationem boni, et mali moralis, non autem illa, quæ involuntarium non causat. Dictum est etiam supra (q. 6. a. 8.) quod ignorantia, quæ est aliquo modo volita, sive directè sive indirectè non causat involuntarium; et dico ignorantiam directè voluntariam, in quam actus voluntatis fertur: indirectè autem propter negligentiam, ex eo quod aliquis non vult illud scire, quod scire tenetur. Si igitur ratio, vel conscientia errat errore voluntario, vel directè, vel propter negligentiam, quia est error circa id, quod quis scire tenetur, tunc talis error rationis, vel conscientie non excusat, quin voluntas concordans rationi, vel conscientie sic erranti, sit mala. Notentur verba: si igitur ratio, vel conscientia erret errore voluntario, vel directè, vel propter negligentiam, quia est error circa id quod quis scire tenetur, tunc talis error non excusat. Quapropter, quando error non est volitus, neque directè neque indirectè per negligentiam, excusat à peccato.*

Neque obstat dicere, quod cum res aliqua mala sit, etiamsi ratio eam repræsentet ut bonam, semper sit mala, etenim respondet D. Th. in eod. art. ad 1., id esse verum propter illud generale axioma: *Bonum causatur ex integrâ causâ, malum autem ex singularibus defectibus*, et ideo S. Doctor subjungit, ad hoc quod dicatur malum id, in quod fertur voluntas, sufficit sive quod secundum suam naturam sit malum, sive quod apprehendatur ut malum. Hoc verò nequa-

quam efficit actiones, quæ contra legem frunt, esse formalia peccata. Quando peccatur contra legem invincibiliter ignoratam; materialiter tantum, non formaliter peccatur; quia lex non ut in se est, sed prout repræsentatur à ratione, ita fit regula, et mensura nostræ voluntatis, ut sapienter animadvertit, et scribit Joannes à S. Thoma 1. 2. q. 18. disp. 11. art. 2. circa finem dicens: *Et ciam instatur, quòd potest ratio proponere contra legem ex errore invincibili, dicimus, quòd non potest proponere contra legem formaliter, sed materialiter, id est contra legem ut est in se, non contra legem, ut existimatam, sub quâ conditione tantum potest lex mensurare, non secundum se precisè ut in re, et nondum ut manifestatam.* Juxta id, quod idem auctor antea scripserat (cit. quest. 18. disp. 9. art. 1.): *Moralitas in actibus liberis non est aliud, quàm eorum commensuratio, et ordinatio secundum regulas rationis.*

Sed reponit auctor *Regulæ morum*, D. Th. eodem articulo hæc verba subungere: *Si ratio errans dicat, quòd homo teneatur ad uxorem alterius accedere, voluntas concordans huic rationi erranti est mala, eò quòd error iste provenit ex ignorantia legis Dei, quam scire tenetur.* Igitur, infert, quotiescumque quis operetur contra legem Dei, non excusatur à peccato, licet ratio contrarium ei repræsentet. Idque confirmat alio Angelici textu (in *Quodlib.* 5. art. 27. ad 2.): *Si alicui dicat conscientia, ut faciat illud, quod est contra legem Dei, si facit, peccat, quia ignorantia juris non excusat à peccato, nisi fortè sit ignorantia invincibilis, sicut est in furiosis, et amentibus, quæ omnino excusat.* Insuper id confirmat textu Bonifacii VIII. de reg. juris 13. in 6. *Ignorantia facti, non juris, excusat.*

Verùm textibus hisce omnibus claræ sunt responsiones. Cùm S. Thom. ait: *Ignorantia legis Dei, seu ignorantia juris non excusat*, loquitur tantum de ignorantia illorum præceptorum Dei, quæ idem exprimit aliis in locis, prout superius animadvertimus (ex S. Thom. 1. 2. qu. 76. a. 2. et q. 19. a. 6.) quæ ignorari non possunt sine culpa positivæ negligentiae, quemadmodum sunt prima principia legis naturalis, eorumque proximæ conclusiones, id est præcepta Decalogi, ut communiter docent. cum D. Th. alti supra laudati AA. Nec absimiliter intelligi debet auctoritas Gersonis nobis ab adversario objectata, uti explanat.

Hubert. Badem quoque rationes explicandas sunt auctoritates *Alberti Magni*, et *Adriani Papæ*; nam in pastorali epistola Archiepiscopi *Beaumont* pro me hos auctores stantes citatos reperio, nempe *Albertum Magnum* in 2. dist. 22. art. 40. et *Adrianum* in 4. sent. tract. de clav. Eccl. q. 5. Cæterum certum est, *D. Th.* primis principiis exceptis, ac proximis inde conclusionibus in reliquis abstrusis, et obscuris admittere, pluribus in locis, uti monuimus, ignorantiam invincibilem. siquidem 1. 2. q. 76. a. 3. affirmat, quod, cum ignorantia est invincibilis, licet sit de rebus, quas homo scire tenetur, excuset à peccato, illis verbis: *Si verò talis ignorantia, quæ omnino sit involuntaria, sive quia est ejus, quod quis scire non tenetur, omnino excusat à peccato.* Accedit, quod alio superius allato loco 1. 2. q. 19. a. 6. doceat, tunc esse malam voluntatem, quæ sequitur erroneam rationem, quando ratio errat sive directè sive indirectè propter voluntariam negligentiam circa ea, quæ homo scire debet: *Si igitur ratio, vel conscientia erret errore voluntario, vel directè, vel propter negligentiam, quia error est circa id, quod quis scire tenetur, tunc talis error non excusat.* Igitur cum error non sit voluntarius saltem ratione negligentiae, utique excusat à peccato.

Ad textum autem *Bonifacii VIII.* qui contra nos ponitur: *Ignorantia facti, non juris, excusat*, appositè respondent *Sylvius* in 1. 2. q. 76. a. 3. q. 7. concl. 7. et *Antoine de peccat. cap. 4. q. 6.*, id locum habere in statutis forensibus, quorum ignorantia plerumque præsumitur vincibilis post eorum promulgationem in foro factam, dummodò aliqua specialis ratio, quâ contrarium præsumeretur, non adesset, ut habetur ex c. *Cum in tua, tit. qui matr. accus. etc.*

Opponit deindè anonymus varias Scripturæ auctoritates, quibus probare nititur, non dari ignorantiam invincibilem circa jus naturæ: *Qui autem non cognovit, et fecit digna plagis, vapulabit paucis.* Luc. c. 12. *¶* 48. *Delicta juventutis meæ, et ignorantias meas ne memineris.* Psal. 24. *¶* 7. *Misericordiam Dei consecutus sum, quia ignorans feci in incredulitate.* 1. Tim. c. 1. *¶* 13. Verùm textus hi omnes, prout docet *Hubert de act. hum. c. 1. §. 3. circa fin.* et ex concordii suffragio interpretum universorum de ignorantia crassa intelliguntur, quæ ceteroqui peccatum diminuit, sed supplicium

non effugit, quia, ut ait Habert, est voluta saltem indirectè, quatenus qui ad laborat, voluntariè omittit diligentiam, ut addiscat, vel suscipit officium, ad quod præstandum non potest adipisci scientiam requisitam. Et idèò, prosequitur idem auctor, à concilio Diospolitano damnata fuit propositio Pelagii, hæcce terminis concepta: *Ignorantia non subjacet peccato, quoniam non secundum voluntatem evenit, sed secundum necessitatem.* Fuit igitur damnata, quia nempe ignorantia crassa est vincibilis, adèòque culpabilis.

At insurgit anonymus: Christum Judæi cruci affixerunt, ipsum non cognoscentes, prout idem Salvator noster patefecit; cum dixit: *Pater dimitte illis, non enim sciunt, quid faciunt.* Luc. c. 23. v. 34. Infideles credunt, honorem se præstare Deo, apostolos morti tradentes: *Sed venit hora, ut omnis qui interfecit vos, arbitretur se obsequium præstare Deo.* Joan. c. 16. v. 2. Ita pariter hæretici veritatem tueri putant, catholicos persequendo. Verùm quidquid obijcitur, paucis clarè diluit prælaudatus Habert: *Judæi per miracula, et prophetias potuerant cognoscere Christum Dominum, juxta illud: Si enim crederetis Moysi, crederetis forsitan et mihi; de me enim ille scripsit.* Joan. c. 5. v. 46. *Si opera non fecissem in eis.... peccatum non haberent.* Ibid. c. 15. v. 24. *Hæretici, et alii infideles, si velint attendere ad notas veræ religionis, eam in Ecclesiâ Romanâ facili deprehendissent.*

174. — Sed iterùm instat anonymus sic dicens: Ignorantia cognoscendi aliquod naturale præceptum oritur à nobis ipsis, vel quia omnem debitam diligentiam non adhibemus in veritate quærendâ, vel quia à Deo non postulamus, uti par est, gratias, ut divinam legem cognoscamus; quoniam (inquit) quemadmodum fides nostra divino elevari debet lumine ad sancta mysteria credenda, ita nostra ratio ab eodem lumine elevari debet, ad habendas perspectas vias progrediendi ad Deum. Quocirca David propheta orabat: *Domine, ostende mihi legem tuam, et doce me facere voluntatem tuam.* Hinc p. 253. sic denique concludit: *Non potest sine peccato esse, quod hæc ignorantia contra legem Dei efficitur.*

Ergò, respondeo, cum videmus tot viros doctos et pios ac etiam in Sanctorum numerum relatos multis in questionibus invicem adversatos fuisse in pluribus ad legem

naturalem spectantibus, dicere fortè debemus alterutrum eorum peccasse, et damnationem subiisse? Ita loquitur, *P. Antoine in cit. loc. de peccat. c. 4. in hanc rem: Si S. Th. et S. Bonav. de multis ad legem naturalem pertinentibus inter se dissident; alteruter ergò erravit; et tamen neuter opinionem ullam ante obitum retractavit; ergo si non datur ignorantia invincibilis legis naturalis in re quapiam, alteruter in gravi peccato diem clausit extremum, cum ait gravis culpa docere culpabiliter errorem circa præcepta divina, sicque damnatus est. Et reverà, nos non latet, S. Thomam defendere, judicem debere damnare illum, quem in jure constat esse reum, licèt ipse judex sciat illum esse innocentem; sed S. Bonaventura id negat. E converso S. Bonaventura tuetur, peccatorem, nisi statim à commisso peccato confiteatur, novum patrare peccatum, idque negat D. Thomas. Atque id genus exempla eruditorum, sanctorumque virorum, qui de præceptis naturalibus discutientes discordes manserunt, ait S. Antoninus p. 1. tit. 3. c. 10. §. 10. sexcenta propè afferri posse. Idem doctissimus Morinus part. 3. exercit. 5. c. 9. de Sacram. Ord. docet, eum dicere: Quicumque annales Ecclesiæ attenderit, facile animadverteret, auctores ecclesiasticos multà aliquando opinionum varietate discordes fluctuasse. Insuper Natalis Alexand. tom. 5. disp. 16. sect. 2. P. Berti Theol. l. 21. c. 12. n. 5. affirmant, quamplures etiam SS. patrum in nonnullos esse lapsos errores; Fatemur in singulis penè patribus novos reperiri, in plerisque etiam errores. Et quid de S. Joan. Chrysostomo refert Xistus Senensis Bibl. Sacr. adnot. 89.? Restat tertium, quòd in præmissis Chrysostomi verbis continetur assertum, videlicet, Saram in eo potissimum esse laudandam, atque imitandam, quòd servandi mariti causà barbarorum sese adulterio exposuerit, consentiente tamen marito in ejus adulterium, imò etiam suadente. Concludendum proindè ex eo foret, Sanctos hosce, vel alios ecclesiasticos auctores ad tartara esse detrusos, propterea quòd erroneas scripserunt opiniones, earumque postea non curarunt emendationem; vel saltem concludendum, in iis scribendis semper mortaliter peccasse; verùm nescio, an quis reperiendus sit, qui id audebit asserere.*

Quapropter non valet dici, quòd ille qui, ut convenit,

studet, ac orat, cognitionem quidem obtineat veritatis in universis naturæ legis dubiis; siquidem opportunè respondet *P. Collet de act. lum. cap. 1. art. 1. sect. 2. concl. 4.* præstantiora Ecclesiæ lumina minimè neglexisse studium, et orationem, nec propterea ad veritatis notitiam pervenisse; ut eam assequerentur. *Et verò, si quælibet ignorantia juris naturalis vinci possit, maximè per orationem, atquæ falsum consequens, cum majora Ecclesiæ lumina dies, noctesque oranda, et studendo consumpserint, nec tamen eas quas optabant cognitiones obtinuerint.* Quandoquidem, ut optimè idem *P. Collet loc. cit.* animadvertit, multarum legis naturæ conclusionum, sed remotarum à primis principiis, ne patres quidem, et Ecclesiæ doctores cum omnibus præsidiiis à naturâ, et à gratiâ acceptis veritatem in pluribus assequi potuerunt: *Atqui nullæ sunt conclusiones à primis principiis oriundæ, quarum cognitio ne cum magnis quidem naturæ, et gratiæ auxiliis haberi potest, cum circa eas dividantur acutissimi simul, et piissimi patres Ecclesiæ.*

Sed replicatur: Deus est fidelis, promisit exaudire orantem se: *Petite, et accipietis.* Si nos lucem suam à Deo debitis conditionibus postularem, eam ipse non denegaret; quamobrem si non obtinemus, per nos profectò stat, nosque sumus in culpâ. Sed duo sunt distinguenda genera lucis. Altera lux, seu cognitio est naturalis, vel potius naturæ viribus comparata, quâ morales veritates cognoscimus divinæ legis circa imperata, et vetita. Altera est lex supernaturalis gratiæ quâ illustramur, ut cognoscamus divinæ gratiæ valorem, maximum æternæ salutis negotium, media ad eam consequendam, occasiones, quæ ad ejus jacturam præcipites nos agere possunt, et id genus alia. Cum autem contra legem formaliter delinquitur ex hujus lucis gratiæ defectu, quam à Deo poscere minimè curavimus, dubium non est, quin ejusmodi negligentia nobis imputetur ad culpam, quippe tunc nostra oscitantia est voluntaria; nam si lucem hanc postulavisset, non defuisset utique; Deus enim non desinit impertiri gratiam oranti, ut quod bonum esse cognoscit, amplectatur, et quod malum fore noscit, caveat; atque hæc illa lux est, quam petebat David, cum agebat: *Da mihi intellectum, et discam mandata tua: Doce me facere voluntatem tuam.* Contrà verò Deus neque dat, neque se daturum pro-

misit omnibus lucem veritates omnes cognoscendi, quæ naturali lumine cognosci possunt; ideoque cum quis materialiter operatur contra legem, sed invincibiliter, ob hujus naturalis cognitionis defectum, tunc ad formale peccatum non imputatur error, contentus cum sit Deus, ut nosmet nos dirigamus juxta conscientiæ dictamen, quod per rationem nobis exhibetur, et ostenditur tamquam rectum. Apostolus ait: *Omne autem quod non est ex fide* (id est juxta conscientiam, uti communiter explicant Ambrosius, Chrysostomus, Theodoretus, aliique) *peccatum est*. Igitur qui operatur juxta propriæ conscientiæ dictamen, non peccat. S. Joannes quoque tradit: *Si cor nostrum non reprehenderit nos, fiduciam habemus ad Deum*. 1. Joan. c. 3. v. 21. Ut uno verbo dicam, Deus non damnat, nisi illas actiones, in quibus adest malitia voluntaria, vel voluntaria negligentia; unde eum, qui existimat invincibiliter se rectè operari, Deus non solum non punit, sed quandoque rectam ejus intentionem remuneratur, etiamsi opus ejus legi, prout est in se, repugnet, sed quia repugnantia hæc (scribit P. Collet de act. hum. cap. 3. art. 1. sect. 1. concl. 2. obj. 1. ut superius prænotatum est) aliquando involuntaria est, ut in iis, qui invincibili laborant ignorantia, ideò non semper imputatur ad culpam, sed aliquando ad meritum ob bonum finem agentis, qui rectam rationem sibi sequi videtur, dum etiam ab ea deficit.

Id pariter scribit severissimus P. Daniel Concina Theolog. christ. t. 2. l. 2. de conscientia dissert. 1. ubi licet in argumento capitis 5 dicat, opus ex errore conscientiæ patratum adhuc invincibili, neutiquam bonum esse posse, meritoque dignum; nihilominus infra n. 36. expressè sententiæ nostræ adhæret, dicens: *Potest enim quis, dum exercet opus materialiter malum, habere plures actus bonos, intentionem nempe bonam Deo placendi, hos bonos, et meritorios dicimus, quamvis actus, qui per se tunc exercetur, sit materialiter malus..... Hæc bona intentio nullâ prava circumstantiâ inquinatur, quia opus materialiter malum cum non sit voluntarium, refundere in ipsos actus malitiam non valet.*

Verùm anonymus noster contra id quasi tuba exaltat vocem suam et caput integrum in hoc insumit (quod est XIII.) ubi magnâ vi nititur probare, quando actio divinæ legi est con-

traria, semper hominem peccare, licet recta intentione operetur. En quomodo italicè loquitur, quod nos latinè vertimus. Primum, inquit : *Est igitur in Evangelio, et in Patrum doctrinâ constans axioma, intentionem, et finem communicare eorum bonitatem, aut malitiam nostris actionibus easque bonus, aut malas facere.* Sed paulò post sibi met ipsi adversens aliter loquitur, et inquit : *Quamquam recta sit intentio, si quod fit, suapte naturâ pravam est, vel aliqua alia peculiari circumstantiâ, vel si divinâ lege prohibeatur, hoc non obstante, peccatur ab eo qui facit.*

Ita sentit noster adversarius, sed præter P. Concina superius laudatum, et præter sententiam communem aliorum doctorum, D. Th., D. Ambrosius, D. Bernardus, et D. Jo. Chrysostomus contrarium sentiunt, uti ostendemus : Primum itaque D. Th. 1. 2. q. 18. a. 6. proponit quæsitum : *Utrum actus habeat speciem boni, vel mali ex fine?* Et respondet : *Dicendum, quod aliqui actus dicuntur humani in quantum sunt voluntarii ut suprâ dictum est. In actu autem voluntario invenitur duplex actus, scilicet actus interior voluntatis, et actus exterior, et uterque eorum actuum habet suum objectum. Finis autem propriè est objectum interioris actus voluntatis. Actus interior accipit speciem ab objecto, circa quod est; ita actus interior voluntatis accipit speciem à fine, sicut à proprio objecto. Id autem quod est ex parte voluntatis, se habet ut formale ad id quod est ex parte exterioris actus... Neque actus exteriores habent rationem moralitatis, nisi in quantum sunt voluntarii, et ideò actus humani species formaliter consideratur secundum finem, materialiter autem secundum objectum exterioris actus.* Ist hæc sancti Doctoris verba clariora sunt, quàm ut explanatione egeant : nam in his luculentissimè docet, actum humanum, bonum aut malum evadere prout finis est, quo fit : etenim ipse humanus actus in tantum habet rationem moralitatis, id est, ut sit bonus, vel malus, in quantum est voluntarius. Objectum actus externi est res, prout est in se ipsâ : objectum verò actus interni voluntatis est intentio, quâ quis operatur; unde licet materialiter actus sit in se ipso malus, tamen formaliter bonus est, quando bonus est finis; hoc tamen semper intelligendum, cum nempe malitia actus materialis invincibiliter ab operante ignoretur.

Adversarius verò pro se assert longam admodum *D. Bernardi* periodum de præcept. et disp. cap. 47. et deinde dicit: *Ejusmodi divi Bernardi responsio clare ostendit, quod ut oculus simplex faciat corpus luminosum, duo continere debet, bonam nempe intentionem, et veritatis cognitionem.* Hoc ipse italicè, nos latinè dicebamus. Ego autem lego, *D. Bernardum* duas doctrinas dare iis oppositas, quæ adversarius affirmat: in eodem tract. *Bernardus* ait, quod ille qui obedit prælato ex rectâ intentione, meritorie agit, quamvis materialiter errat contra legem, et c. 48. hæc verba habet: *Et Laude quidem dignam dixerim vel solam intentionempiam, nec planè condignâ remuneratione fraudabitur in opere quoque non bono ipsa bona voluntas.* *D. Ambrosius* l. 1. Offic. c. 50. scribit: *Affectus tuus nomen imponit operi tuo.* *Jo Chrysostom.* Hom. 19. in op. imperf. similiter scribit: *Ex proposito bono etiam quod videtur malum bonum est, quia propositum bonum excusat malum opus.*

Sed qui contra legem operatur, instat auctor, semper peccat ignorantia vincibili, quia non orat; nam si oraret, sibi non deesset gratia ad cognoscendam legem. Ad quod sic respondeo: Deus oranti, ut formale peccatum caveat, non denegat sufficientem gratiam, sed non semper gratiam impertit, ut materiale peccatum vitetur. *Non deest gratia* (scribit *P. Collet* de act. hum. cap. 1. art. 1. sect. 2. concl. 4. in fin.) quâ peccatum formaliter devitet, concedo: peccatum etiam materialiter, nego. Porro peccatum, quod ex ignorantia invincibili committitur, non est peccatum, nisi materialiter; nec impedit, quominus æterna salus obtineri possit. Imò sunt qui credunt, quarundam rerum cognitionem homini subtrahere, quia mavult ut propter cognitionis defectum non peccet nisi materialiter, quàm ut occasione cognitionis suæ formaliter delinquat.

Vix tamen, imò ne vix quidem intelligo, quid ad rem nostram pertineat propositio, quam opponunt, ab *Alexandro VII.* damnata circa peccatum philosophicum, quæ habebat: *Peccatum philosophicum, seu morale, quantumvis grave in eo qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æternâ pœnâ dignum.* Quid ad rem nostram, inquam, pertinet propositio isthæc? Qui cognoscit offendere naturam, necessario offendit

etiam naturæ auctorem, qui est Deus, etiamsi de Deo non cogitet; sed qui operatur ex ignorantia invincibili legis naturalis, neque Deum offendit, nisi tantum materialiter, vel (ut melius dicam) in nihilo offendit; etenim materialis offensio non habet rationem offensæ, sed ad summum esset materia offensæ, si homo tamquam offensam Dei, aut naturæ eam apprehenderet.

Nec quidquam suffragatur dicere in sensu adversarii, quod quemadmodum fides nostra elevari debet lumine supernaturali, ut revelata mysteria credamus, ita etiam nostra ratio eodem debeat elevari lumine, ut juris naturæ negotia cognoscamus: quia quantum attinet ad mysteria, ultrò concedimus; sed ad benè operandum, licet homini in tenebris veluti constituto in penam primigeniæ labis non sufficiat sola, nudaque ratio naturalis, sed requiritur insuper divina præceptorum revelatio, ut ea intelligat quæ facienda sint, quæque cavenda; postquam verò homo hoc divinæ revelationis lumen acceperit ad benè vivendum, et ad omnes morales veritates cognoscendas, prout in se sunt, aliud non opus est supernaturale lumen; etenim Deus gratias supernaturales minimè pollicitus est ad hunc finem, sed vult, ut homo naturali ratione utatur directâ jam à revelatione præceptorum factâ; tantummodò, ut jam suprâ dictum est, eâ eget gratiâ, quâ ipse illuminetur, et confortetur ad id amplectendum, quod cognoscit bonum, idque fugiendum malum quod cognoscit esse vitandum. Optimè admonet *D. Th. 1. 2. q. 76. art. 2. ad 2.* non posse hominem propriis actibus gratiam acquirere, sed utique propria diligentia rerum scientiam comparare posse. *Homo potest aliquam scientiam acquirere per suos actus, gratia verò non acquiritur ex nostris actibus.* Si igitur ita se res habet, non debet homo necessario expectare gratiam, ut naturalium præceptorum ignorantiam superet; quia ejusmodi ignorantia propriâ diligentia superanda est, et quotiescumque hæc diligentia tanti non esset roboris, ut ad cognitionem perduceret remporum, obscuriorumque præceptorum, invincibilis cum sit ignorantia, à Deo non imputatur ad culpam.

Atqui anonymus aliam insistit viam, culpabilem ut reddat ignorantiam invincibilem cujuscumque rei ad jus naturæ spectantis; ait enim: Duo nobis inflicta vulnera esse, et adhuc

residentia ab originali peccato, concupiscentiam nimirum, ob quam voluntas ad malum proclivis remansit, et ignorantiam, ex qua obnubilata remansit ratio; profindeque sic argumentatur italicè loquendo, quod nos latine: *Si concupiscentia non excusat eum, qui sequitur concupiscentiæ deordinationes, quare ignorantia excusare debet illum, qui sequitur deordinationes ignorantiae?* Ex quo deinde concludit, quod sicuti peccat operans propter concupiscentiam, ita peccet operans propter ignorantiam.

Sed responsio est aperta. Idcirco peccat concupiscentiæ deordinationes sequens, quia tunc voluntate sponte illius malitiæ adhæret, tunc etiam concupiscentia ipsa est voluntaria. Aliter verò accidit in ignorantia invincibili, quæ non est volita, neque placet. Manifestum est, nullam esse peccatum, nisi voluntarium; eo fit, ut quemadmodum sequentes nos voluntarias concupiscentiæ deordinationes peccamus, ita pariter peccamus ignorantiae vincibilis, et volitiæ sequentes deordinationes; è contrario tamen, sicuti operari juxta concupiscentiam, sed contra voluntatem nostram, peccatum nullum est, juxta quod agebat Apostolus (*Rom. c. 7. v. 19.*): *Quod nolo malum hoc ago*: ita quoque peccatum nullum est operari ob ignorantiam invincibilem, cum non sit volita.

Uterius verò progreditur auctor et culpabilem putat ignorantiam nostram, saltem propter propria peccata à nobis prius commissa, affirmatque, quod quemadmodum nos propter peccata nostra in morali constituimur impotentia operandi bonum, ita in morali etiam impotentia constituimur cognoscendi bonum, quod faciendum sit, et malum quod sit fugiendum. Quapropter, sicuti non excusat impotentia, quando malum operamur, quod cognoscimus esse malum, ita non excusat impotentia, cum ignoramus malum quod facimus.

At cum *Duhamel. l. 2. de act. hum. c. 8. in fin.* respondemus primum, pœnam peccati non esse malum, quod imputatur ad culpam ejus, qui talem patitur pœnam, quare licet talis ignorantia esset pœna aliorum peccatorum quæ antea admisimus, attamen hæc peccata non faciunt culpabiles errores, quos deinde committimus ex invincibili ignorantia; quoniam tales errores non sunt à nobis voliti, neque prævisi. *Ac licet ea (scribit Duhamel) vitia ex peccatis libere admissis oriantur, ac proinde voluntaria videantur, et ea*

ratione ignorantia sit pœna peccati; hinc tamen non sequitur ea esse voluntaria, cum ex iis peccatis secutura mala prœvisa non fuerunt. Insuper respondetur, à veritate prorsus alienum esse, quòd sicuti nostra peccata nos constituunt in morali impotentiâ operandi bonum, ita pariter constituent in morali impotentiâ præcepta naturalia cognoscendi; quia, juxta quod superius prænotavimus, ut bonum operemur, requiritur gratia, ad quam sanè obicem ponit qui peccat; ut verò simpliciter præcepta cognoscantur, necesse non est gratia, sed satis est naturale lumen; unde neutiquam dici potest, peccatum locare hominem in morali impotentiâ cognoscendi præcepta.

At fortassè dicet: Peccata peccantes excœcant, et cognitionem abripiunt. Libenter annuo peccata à peccatoribus auferre cognitionem illam, quæ ad bonum agendum allicit, removelque à malo patrando; et ut cognitio ista habeatur, requiritur gratia, et ad eam obtinendam orare oportet. De hac nimirum cognitione loquebatur Augustinus contra Pelagium: *Dum tamen potius disputet, quàm ut oret, et dicat: da mihi intellectum, et discam mandata tua.* Bellarminus hanc Davidis explicans textum inquit: *Da mihi intellectum, non significat da mihi vim intelligendi, sed, da mihi lumen divinum, quo mens mea discat mandata tua* (scilicet) *ut sibi persuadeat, optimum esse illa complere.* Postulabat igitur Propheta gratiam, ut illuminaretur, et sibi persuaderet, quantum illud foret bonum, quod in exequendis divinis præceptis requiritur. Id quoque exposulabat, quando orabat: *Viam justificationum tuarum instrue me: id est* (idem Bellarminus explicat) *doce me quæ sit via præceptorum tuorum, quomodò videlicet debeam in lege tua ambulare; nempe quomodò ambulare debeam juxta tua præcepta.* Id insuper, quando orabat: *Da mihi intellectum, et scrutabor legem tuam.* Petit (Bellarminus) *ut scrutari possit ejus utilitates.* Id pariter, cum agebat: *Doce me facere voluntatem tuam;* id est, doce me, Domine, ut secundum voluntatem tuam operer; sed, ut suprâ dictum est, voluntas Dei est, ut nos operemur juxta nostræ conscientiæ dictamen. Peccatum igitur peccantem privat hæc cognitione gratiæ; sed non cognitione naturali præceptorum, quæ nobis se præstant cognoscenda ratione dumtaxat naturali, ut rectè scribit Hobert de act.

hum. c. 1. §. 3. p. 17. ex *D. Thoma* : Peccatum naturam humanam prorsus non corrumpit, alioquin per peccatum destineret esse homo.

Multas autem auctor divi *Augustini* opponit auctoritates, et præsertim illam de gratia, et lib. arb. c. 3. Ignorantia quæ non est eorum, qui scire nolunt, sed qui tamquam simpliciter nesciunt, neminem sic excusat, ut sempiterno igne non ardeat. Super hanc auctoritatem auctor sic italicè scribit quod nos latine : Minimè contendit *S. Augustinus*, semper esse reum, qui ignorantia deliquit, quemadmodum qui peccat cum cognitione suæ culpæ.... addit tamen quod hoc non debet aperire asylum ad tenebras ignorantie, ut in ea suam inveniat excusationem, quia eadem non sic excusat, ut quis minimè damnetur ad ignem æternum. Verum ego non intelligo, quid auctor velit pro rei summâ inferre ab hac *Augustini* auctoritate. Si ab illis verbis, qui tamquam simpliciter nesciunt, inferre vellet, ignorantiam non excusare ab æternâ damnatione, quamvis invincibilis sit, contra ipsum obstaret propositio secunda ab *Alexand. VIII.* proscripta, et superius jam allata, quæ habebat, ignorantiam invincibilem juris naturæ non excusare à peccato formali. Cæterum *Duhamel*, et *P. Berti* rectè huic *Augustini* textui respondent; et sic *Duhamel* (de act. hum. l. 2. disp. 3. c. 6. n. 6.) : Hæc intelligenda, ut nescientia simplex non excuset à peccato, cujus non est causa, sed eximit ab eo cujus est causa. Unde qui legem Dei nesciunt, nec scire potuerunt, non peribunt, quod legem ignotam violaverint, sed propter peccata, quæ in lege naturæ admiserunt. Eademque ratione relato *Augustini* textui respondet *P. Berti* l. 21. c. 10 dicens, *Augustinum* scripsisse, quod infideles, qui non crediderunt *Jesu Christo*, mereantur ignem æternum, non quia non crediderunt, id enim non imputatur ad culpam, dummodò nescire noluerunt; sed quia legem naturæ inscriptam cordibus suis liberè transgressi sunt. Itaque mens *Augustini* ea profectò est, quod ignorantia nempe illorum, qui penitus ignorarant veram religionem, licèt eos ab incredulitatis peccato excuset, non tamen ab iis peccatis excusat, quæ ipsi talia esse cognoscunt juxta naturæ lumen. Quod verò *S. Doctor* de ignorantia culpabili loqueretur, ex verbis jam constat quæ immediate citato textui subjungit, dicens : Non enim sine causâ dictum est : Effunde

iram tuam in Gentes, quæ te non noverunt. Deum non cognoscere, non potest, nisi malitiâ, aut voluntariâ obcæcatione contingere. Idem scribit S. Joannes Chrysostomus Hom. 27. in ep. ad Rom. n. 3. Judæi ignorarunt, sed hæc ignorantia non erat digna veniâ. Græci quoque ignorarunt, sed defensionem non habent. Sed postea immediatè subjungit: Quando enim ea quæ sciri nequeunt, ignoraveris, culpæ obnoxius non eris. Cui conformatur celebris illa S. Augustini doctrina (l. 5. de lib. arb. c. 19. n. 53.): Non tibi deputatur ad culpam quod invitus ignoras, sed quod negligis quærere quod ignoras.

Cæterum ne longum faciam, et ne ulterius tædio lectorem afficiam, omnibus aliis Augustini textibus, quos anonymus objicit, unâ tantummodo ejusdem Sancti auctoritate respondeamus. Is in primo lib. *Retractionum* videtur primâ facie sentire, nescientem se peccare, adhuc peccare, quando voluntariè id agit, quod in se peccatum est: *Qui nesciens peccavit, non incongruenter nolens peccasse dici potest, quamvis et ipse, quod nesciens facit, volens tamen fecit, ita nec ipsius esse potuit sine voluntate peccatum.* Sed ut egregiè animadvertit Duhamel l. c. n. 5. in fin. idem S. Doctor aperit mentem suam, explanatque quod dicere intelligebat: *Quia voluit, ergo fecit; etsi non quia voluit, peccavit nesciens peccatum esse quod fecit. Ita nec tale peccatum sine voluntate esse potuit, sed voluntate facti, et non voluntate peccati.* Id denotat, quòd licèt factum sit materia peccati, cum tamen voluntas deest peccandi, peccatum est tantum materiale, sed non formale, seu voluntarium, ut optimè Duhamel, quod nimirum factum ipsum est materia peccati, non formaliter, et reipsâ peccatum est.

Id pariter est quod scripsit D. Thomas Opusc. de malo q. 5. art. 8. *Si ignoretur deformitas, puta cum aliquis nescit, fornicationem esse peccatum, voluntariè quidem facit fornicationem, sed non voluntariè facit peccatum.* Non negatur verò, ut sincerè loquamur, Angelicum alibi negare fornicationem invincibiliter ignorari posse; et meritò id negat, quia fornicatio prohibetur præcepto proximo, et immediato primis principiis; attamen S. Doctor loco nuperrimè adducto, ut certam, exploratamque rem statuit, quòd quando quis invincibiliter ignorans operatur etiam contra aliquid spectans ad jus naturæ, is materialiter tantum erret, sed nequaquam peccet.

Eadem responsio datur cum *Duhamel* textui *divi Hieronymi contra Pelag.* c. 10. 11. 12. nobis ab anonymo objectato, ubi S. Doctor ait adversus Pelagianos, ignorantiam non excusare à peccato, quod intelligitur de peccato facti materialiter, secus verò de peccato formaliter accepto. Et quidem Sanctus loquitur de homicidio casu patrato, pro quo in veteri lege etiam victimæ erant offerendæ, non obstante, quòd sine culpa voluntatis contingeret.

Item opponit auctor quamdam *divi Bernardi* auctoritatem tract. ad *Hugon.* de quæst. c. 1. et 4. ubi ignorantiam esse ait unam ex causis peccatorum, quæ nos committimus, sed quæ Deus non excusat. Attamen advertendum est, de quâ ibi ignorantia *S. Bernardus* sermonem fecerit; en de quâ ignorantia loquitur: *Multa nesciuntur, aut sciendi incuria, aut discendi desidia, aut verecundia inquirendi.* Sed hanc ignorantiam ortam à negligentia se instruendi de propriis obligationibus, aut inquirendi veritatem quis umquam à peccato excusare poterit? Neque obstat, quod ait S. Doctor de præcept. et dispens. c. 14. n. 40.: *Sive itaque malum putes bonum quod fortè agis, sive bonum malum, quod operaris, utrumque peccatum est.* Quoniam scribit *P. Berti* (l. 21. c. 14. prop. 2. vers. Præterea) perperam *Vendrochium* ab hac auctoritate colligere, divum *Bernardum* negare ignorantiam invincibilem excusare à peccato, nam S. Doctor n. 57. jam scripserat: *Et qui bonum diligit, et malum nescius agit, hujus quidem bonus est oculus, quia pius, non tamen simplex, quia cæcus.* Et *Berti* addit: *Igitur est oculus, qui non est simplex, et tamen non est nequam, scilicet nescientis ignorance excusabili.*

En igitur demùm, quomodo nostri contradictores ad negandam ignorantiam invincibilem omnium conclusionum etiam remotarum, obscurarumque de rebus ad legem naturæ spectantibus, nedùm adversati sint communi sensui sanctorum *Thomæ, Bonaventuræ, Antonini, Anselmi*; aliorumque theologorum tam benignioris, quàm severioris sententiæ, verùm etiam funditus everterint firmissimæ, receptissimæque theologiæ axiomata; idque sanè non ad alium finem, quàm ut illicitum facerent usum quarumcumque probabilium opinionum.

DUBIUM II.

An metus excuset?

173. — « **R**ESP. Si ex metu facis, quod simpliciter malum est, peccas quidem; minuitur tamen per metum malitia, quia minuitur libertas. Interim sæpè fit, ut præcepta quædam non obligent, cum eorum observatio cederet in grave alicujus incommodum: et tunc, si ex metu talis incommodi quis tale præceptum omittat, non peccat, cum præceptum non liget. Est communis. »

Unde resolvuntur hi casus:

« 1. Præceptum naturale negativum, prohibens rem intrinsicè malam, non licet violare, ne ob metum quidem mortis. » (*Et si aliquando videatur licere violari præceptum negativum, v. gr. non furandi, non occidendi, puta ad defensionem vitæ propriæ etc., tunc dicitur præceptum non existere. Vide l. 3. n. 51.*)

« 2. Metus gravis, v. gr. mortis, etc. sæpè non tantum excusat à præcepto positivo, tam divino, quam humano; sed quandoque etiam ab affirmativo naturali, et sic (ut Sanchez 1. Mor. c. 18.) non tenetur quis cum periculo vitæ integrè confiteri, servare depositum, implere votum, succurrere proximo extremè indigenti. *Bec. t. 2. l. 3. c. 6. Azor. 1. p. l. 2. t. 3. c. 2. d. 1. Laym. l. 1. t. 4. c. 14.* Excipe tamen casum de quo infra, l. 3. ad. n. 26.

« 3. Si observatio legis humanæ necessaria sit ad conservandum bonum, aut avertendum malum commune, quod pluris sit, quam vita propria, tunc lex illa obligat cum periculo vitæ, ut v. gr. si dux mandat militi non discedere ex statione; item, si perituræ sint animæ, nisi pastor adeat ægros tempore pestis. *Laym.* » (*Cum Salmant. de leg. c. 2. punct. 7. n. 127.*)

« 4. Alioqui nulla præcepta humana, etiam ecclesiastica, per se obligant cum periculo vitæ; aut similis incommodi, *Sanch. 1. mor. c. 18.* ut si v. gr. cogaris metu mor-

» tis contrahere cum consanguineâ in gradu prohibito lege
 » ecclesiasticâ, posses contrahere (in speciem), non tamen
 » posses consummare; quia, cùm matrimonium esset irri-
 » tum, fornicareris, quod intrinsecè malum est. *Sanchez de*
 » *matr. l. 7. d. 3. n. 4.*

» 3. Per accidens interim accidere potest, ut lex humana
 » obliget cum periculo vitæ, ratione alterius præcepti juris
 » naturalis, aut divini concurrentis, ut v. gr. si quis cogere
 » vellet transgredi præceptum Ecclesiæ in odium fidei,
 » vel contemptum religionis. *Sanchez loc. cit. Con. p. 3.*
 » *t. 2. d. 13. dub. 12.* » (*Ita etiam Salm. ibid. n. 130.*)

DUBIUM III.

An excuset impotentia totius vel partis?

176. — « **R**ESP. 1. Cùm ad impossibile nemo teneatur,
 » certum est quòd impotentia excuset, etiam illa, cui antè
 » causam cum peccato dedisti, dummodò de hoc doleas;
 » quare id præcipuè hic dubitatur, an qui non potest im-
 » plere totum, teneatur ad partem.

» Resp. 2. Si præceptum tale sit, ut commodè possit, aut
 » soleat dividi, atque in ejus parte salvetur ratio, seu finis
 » præcepti, tunc qui non potest servare totum, debet ser-
 » vare partem, quam potest. Quòd si verò non salvetur
 » ratio præcepti in parte, neque id commodè possit, aut
 » soleat fieri, tunc qui non potest totum, hoc est tantum,
 » quo moraliter impleri censeatur integrum præceptum, is
 » non tenetur ad partem. Quæ omnia æstimanda sunt, 1.
 » Ex intentione legislatoris. 2. Ex ratione, fine, et materiâ
 » legis. 3. Ex judicio prudentum. 4. Ex communi usu. Ita
 » *Sanch. 1. mor. c. 9. Laym. l. 1. t. 4. c. 19.* »

Unde resolvuntur hi casus :

177. — « 1. Qui non potest legere omnes horas, debet
 » dicere eas, quas potest; quia dividuæ sunt. *Laym. loc. cit.*
 » et *Bonac.*

« 2. Qui in Quadragesima non potest jejunare, debet
 » abstinere à carnibus, si potest: aut qui non potest, om-
 » nibus diebus, tenetur ibi, quibus potest. Ita Laym. l. c.
 » et Bonac.

« 3. Qui potest notabilem partem sacri (v. gr. usque post
 » consecrationem) audire, aut horarum dicere, aut commodè
 » potest cum alio, et solet, tenetur, alioquin non. *Ibid.* v.
 » *Infra de horis.*

« 4. Si quis carens Breviario pauca ex horis sciat memo-
 » riter, non tenetur ea dicere. *Ibid.*

« 5. Qui obligatur visitare limina apostolorum Romæ, et
 » scit se eo pervenire non posse, non tenetur ingredi iter;
 » quia nec finis, nec ratio præcepti salvatur. *Ibid.* et Suarez,
 » Azor. Bonac. d. 1. q. 8. p. 1.

DUBIUM IV.

An excuset dispensatio?

178 An excuset dispensatio facta ex iustâ causâ? Quid sine
 iustâ causâ?

179 An existente causâ teneatur superior dispensare?

180 An valeat dispensatio inferioris?

181 An existente iustâ causâ valeat dispensatio facta a maiore
 superioris?

182 An in dubio dispensatio censeatur valida?

183 An quis possit dispensare cum seipso?

184 An valeat dispensatio extorta per vim, aut metum?

185 Quid si causa exposita fuerit falsa?

186 Vide alios casus.

187 An dispensatio strictè accipienda? Et an detur dispensatio
 tacita?

188 De iis qui possunt dispensare de potestate ordinariâ?

189 Num Papa in præceptis divinis?

190 Num Episcopi? et in quibus?

191 An inferior dispense in legibus superioris, ubi dispensatio
 non est reservata?

192 Quid in dubio, an casus egeat dispensatione?

193 Quid de potestate delegata? Et an hæc spiret morte conce-
 dentis?

194 Quando prælati regulares possint dispensare?

195 Quot modis cesset dispensatio?

- 196 Quomodo cesset I. per revocationem dispensantis?
 197 Quomodo II. per revocationem dispensantis?
 198 Quomodo III. per renuntiationem dispensati?
 199 An cesset lex cessante fine legis?
 200. II. De interpretatione legis. An lex extendi debeat de rursu ad casum?
 201 III. de epikêd legis.
 202 Appendix Busemb. De dispensationibus S. Penitentialium, usque ad n. 208.

178. — **R**ESP. In jure humano dispensatio legislatoris, vel parem potestalem habentis, facta ex justâ causâ excusat à transgressionem præcepti. Est communis. *Sanch. Azor. 1. p. l. 5. c. 15. Salas. d. 20.*

« Ratio est, quia, cum sit auctor suæ legis, potest quem vis excipere. Dixi 1. *Ex justâ causâ*, quia, si temerè, et sine causâ dispenset, tenet quidem dispensatio, peccat tamen tam dans, quàm petens dispensationem, contra jus naturale, dictans partem debere conformari suo toti, nisi justa causa excuset, *Sanch. l. 8. d. 18. Suar. Fill. n. 438.* et quidem (ut vult *Suar.*) mortaliter; venialiter (1) ut Pontius apud *Dian. p. 8. t. 3. r. 8. 9. et 10.* (Idem tenent *Salm. de leg. c. 5. punct. 6. §. 1. n. 66. cum Sanch. Laym. Pal. etc. præciso tamen scandalo, etc. Utentem autem tali dispensatione commune est non peccare graviter, et probabile nec etiam leviter, ut *Salm. ibid. §. 5. n. 76. cum Suar. Pal. Pon. etc.*), « quem; si dubitet an causa sit justa, » posse dispensare, vult *Sanch.* » (Cum *Salm. n. 75. Tapia, Gran. Dian. quia possidet potestas dispensativa. Secus esset, si dubitaret an adsit causa.*) « contra *Bon.* qui dicit peccare.*

« Etsi autem causa sit justa, non tamen tenetur dispensare, » nisi eam vel jus præcipit ex eâ causâ dispensari, vel necessarium est ad commune bonum, vel spirituale penitentis: vel ad avertendum grave damnum aut publicum scandalum, et sine dispendio fieri potest. *Dian. p. 8. t. 3. r. 27. et 28. contra Suar. Sanch. etc.*

(1) Quod est probabile, si ipse est primarius superior. *Ex Hom. Ap. tr. 2. n. 46.*

179. — Queritur, an existente causâ, teneatur superior dispensare? Distingue: si causâ sit tantum sufficiens, ut dispensatio sit permissa, non autem debita, potest licitè superior eam concedere, et negare: vel uni concedere, et alteri negare; quia licet expediat bono subditi dispensatio, expedit verò bono communi legis observantia. Ita *Salm. ibid. n. 80. cum Conin. Pal. Bonae. Sanch. Suar. etc.* Si verò causâ sit talis, quæ efficiat dispensationem esse debitam, nempe ad evitandum damnum commune, vel privatum magni momenti, vel ad utile commune, vel magnum particulare (expedit enim aliquando dispensare, etiam pro bono particulari, quod indirectè redundat ad bonum commune. Et ideo docet *S. Th. 1. 2. qu. 97. art. 4.* quòd convenit dispensare, quando aliàs majus bonum privati impediretur. Ita. *Salm. de matr. c. 14. punct. 2. n. 20. cum Con. Sanch. et Aversa*) tunc tenetur superior dispensare, alioquin peccaret graviter, vel leviter juxta materiam. Denegatâ tamen (etiam injustè) dispensatione, nequit subditus agere contra legem; nisi talis causâ urgeat, ut eum extrahat à lege: quare, si Episcopus injustè neget dispensationem publicationum ante matrimonium, potest, urgente gravi causâ, illud contrahi sine eis. Ita. *Salm. de matrim. cap. 8. punct. 7. n. 92. cum. Con. Sanch. Pal. Sot. et aliis.*

180. — « Dixi 2. *Legislatoris*: quia dispensatio inferioris in » lege superioris sine justâ causâ invalida est, ac proinde » non excusat à transgressionem præcepti. Ratio est, quia qui » nomine alterius sine causâ dispensat, dissipat. *Suar. l. 6. » c. 19. Sanch. l. 8. de matr. d. 17.* Validè autem, et licitè » inferior potestate ordinariâ dispensat ex justâ causâ in lege » superioris. 1. Circa levia, hoc est, quæ sub mortali non » obligant, etsi facilis sit ad superiorem recursus. 2. Circa » ea, quæ frequenter occurrunt, v. gr. in jejuniis, celebran- » dis festis, etc.» (*Vide n. 190. circa fin.*) « 3. Circa ea, quæ ita » sunt propria uni communitati, ut non convenient alii. 4. » Quando recursus ad superiorem difficilis est, sive quando » est necessitas, et periculum in morâ. *Dian. p. 8. tr. 3. r. » 12. ex Gran. Sal. Gord. et Pal.* qui addit 5. Si consuetudo » præscripserit, ut inferior dispenset, ut *Dian. l. c. r. 95. 6.* » Quando est dubium negativum, an casus egeat dispensa- » tione. Quo casu, secundum *Palaum*, non opus est dispensa- » tione, cum præsumptio sit pro libertate, *Barb. Dian. p.*

» 3. t. 6. r. 28. p. 4. t. 3. r. 46. p. 8. t. 3. r. 72. et 93. Unde
» resolvitur. » (Vide n. 492.)

» 1. Pontifex sine justâ causâ non potest dispensare in
» lege Dei, nec Episcopus in lege Ecclesiæ. *Sanch. d. 17. n.*
» 3. *Suar. Vasq.*

» 2. Dispensatio in voto, vel juramento, sine justâ causâ,
» etiam à Papâ facta, est invalida, ut *Sanch. Suar. ll. cc.*

» 3. Valida est, si superior per errorem justam causam
» arbitretur » (*In bonâ fide, ut Sotus, Laym. Sanch. Azor.*
cum Salm. de leg. c. 3. punct. 6. §. 2. n. 71. Sed oppositum
est tenendum. Vid. de voto l. 4. n. 251.) : « aut (etsi non
» arbitretur, et temerè dispenset) reipsâ tamen sit. *Sanch. l.*
» *c. Azor. Sa, Salas, n. 81.* »

181. — Quæstio est, si superior malâ fide dispenset, judi-
cans non subesse causam, et causa reverâ existat, an valeat
dispensatio, et dispensatus illâ uti possit?

Prima sententiâ dicit valere, si fiat à legislatore, non autem
si ab inferiore; quia isti data est facultas dispensandi tantùm
cum causâ. Ita *Pal. Azor. Covar. apud Salm. ibid. §. 3. n. 78.*

Secunda sententiâ probabilior, et communior dicit, quòd,
existente causâ, valeat dispensatio, et licetè dispensatus utitur
illâ, à quocumque superiore illa sit impensa. Ratio, quia
valor dispensationis non pendet à cognitione causæ, sed ab
existentiâ illius, sicut valet electio capacis ad beneficium,
licetè capacitas ignoretur ab electore, ex c. *Nihil, de electione.*
Ita *Salm. ibid. n. 79. cum Sanch. Suar. Tapia, Basil. Diana,*
Vill. Secus tamen dicendum, si inferior dispenset bonâ fide,
sed sine causa, contra *Busemb. et alios ut suprâ; vide lib. 4.*
num. 251.

182. — « 4. In dubio de valore dispensationis, validam
» censeri, eò quòd præsumatur in favorem actûs, ne pereat,
» probabile putat *Sanch. etc. cum Dian. p. 3. t. 6. r. 9. p. 4.*
» *t. 3. r. 45. 64. p. 8. t. 3. r. 62.* » (*Cum Salm. ibid. punct. 8.*
§. 5. n. 88. Vide l. 4. n. 251.)

183. — « 5. Habens potestatem generalem dispensandi,
» potest etiam secum dispensare directè, et immediatè. *Sanch.*
» *Dian. p. 8. t. 3. r. 16. contra Suarez.* » (*Ita Salm. c. 3.*
punct. 5. n. 60. et 61. cum S. Thom. Cajet. Laym. Pal. Bonac.
etc. Quia est jurisdictio purè voluntaria, quæ etiam erga

seipsum exerceri potest. Hinc benè sibi dispensare potest in votis, juramentis, jejuniis etc.)

184. — « 6. Valet dispensatio obtentâ per vim, aut metum » (modò causa sit justa). Item data sine ullis verbis, solâ » mente. *Turrian. Dian. p. 8. tr. 3. r. 17. 76. p. 4. t. 4. » r. 118. »*

Quæritur, an valeat dispensatio extorta per metum? Resp. quòd, quando causa dispensationis existit, dispensatio semper sit valida: dummodò non constet superiorem dispensasse sine animo dispensandi: metus enim voluntarium non tollit, sicut tollit vis. Obtentio autem talis dispensationis est etiam licita, si justè prælato metus incutitur; nempe si subditus minatur se conquesturum apud supremum superiorem, vel justam accusationem laturum de aliquo suo crimine. Illicita autem esset, si metus sit injustus; ideòque dispensatio tunc prohibito à superiore posset postea revocari. Ita *Salm. d. c. 5. punct. 7. n. 82. 83. et 84. cum Sanch. Pal. Suar. Bonac.* Quando verò superior metu coactus verbis tantum contedit dispensationem, non autem animo, tunc certè ipsa est nulla. Cæterum, nisi constet defuisse animum, hoc non est præsumendum. *Salm. d. n. 82. ex c. Humanæ aures 22. quæst. 5.*

185. — « 7. Qui impetravit dispensationem, v. gr. in impedimento dirimente matrimonium, et per ignorantiam, vel » simplicitatem expressit causam falsam, eum validè contra- » here matrimonium dicit *Pon. de matrim. lib. 8. c. 16. ex c. » Cum inter.* Sed contrarium tenet *Pal. t. 1. t. 3. d. 6. p. 16. » §. 8. ex cap. Sup. litteris, vide Dian. p. 8. t. 3. r. 69. » (Vide de matr. l. 6. n. 1131, Notandum. 2.)*

Quæritur, an petitio subreptitia, vel obreptitia vitiet dispensationem? Subreptitia dicitur, quando veritas reticetur: obreptitia, quando mendacium apponitur. Resp. regula sit, quòd tunc dispensatio erit nulla, quando tacetur veritas, quæ de stylo Curiae debeat necessariò exprimi: vel allegatur falsum, quod de jure tacèri debebat. Ita *Salm. de matr. c. 14. punct. 5. n. 33. cum Sanch. Pal. Con. Suar. etc.* Alia regula est, si tacetur, vel exponitur falsò causa tantum impulsiva, valet dispensatio: secus verò, si causa esset motiva, ita ut sine ipsâ superior minimè dispensasset. *Salm. ibid. n. 35.*

Quid si plures causæ allegentur, quarum aliæ sint falsæ, aliæ veræ? Resp. quòd semper ac vera sit una ex illis, quæ

sufficiens sit ad dispensandum, valida sit dispensatio. *Salm. de matr. ibid. num. 56. cum Basil. Sanch. Pal. Suar.* Quid autem in dubio, an causa falso allegata fuerit motiva, an impulsiva? Tunc valida censenda est dispensatio facta, cum in dubio jura faveant valori actûs ex l. Quoties. ff. de rebus dubiis. Ita *Salm. ibid. n. 57. cum Dicast. Basil. Sanch. Pal. etc.*

186. — « 8. Subditus bonâ fide dispensationem petens, » rationibus superiori allatis, potest, dispensatione impe- » tratâ, esse securus. *Vide Laym. l. 1. t. 4. c. 22.* » (Idem dicunt *Salm. de leg. punct. 6. §. 2. n. 71. et 76. cum S. Th., Sanch., et Bou.*)

« 9. Peccat, qui aliquem inducit ad dispensandum sine » causâ, vol allegatâ falsâ causâ. *Nav. Sanch. l. 8. de matr. » d. 18. n. 8. Fill. t. 10. n. 314. Salas disp. 20. s. 6. n. 58.* » qui addit, id verum esse, etsi dispensans excusetur ob » bonam fidem.

« 10. Dispensatio potest impetrari non tantum pro igno- » rante, sed etiam invito, quando necessitas exigit. *Sanch.* » *Beja contra Sudr. Vide Dian. p. 8. t. 5. r. 86. 87.* Id tamen » locum non habet in ea, quæ impetratur ex Pœnitentiaria » Romana; nisi impetretur à personis conjunctis, vel con- » sanguineis intra quartum gradum, vel saltem à confessario. » *Marcus Leon in praxi p. 1. s. 14.* » (Ita *Salm. de matr. c. 14. punct. 3. n. 58. ex t. Si motu proprio, de præben. in 6. A principali tamen, opus est ut dispensatio acceptetur, ut Sanchez, etc.*)

« Quæres, An, cessante causâ dispensationis, cesset ipsa?

« Resp. pro hoc servient sequentes regulæ.

« 1. Si tantum impulsiva, seu minus principalis causa ces- » set, manet dispensatio.

« 2. Etsi cesset pars causæ motivæ, seu principalis, manet » dispensatio. *Vide Dian. pag. 8. tom. 3. r. 62.*

« 3. Si commissâ facultate dispensandi, priusquàm dispen- » setur, cesset omnino causa principalis, nulla est dispen- » satio.

« 4. Si dispensatione redactâ ad actum irrevocabilem, » cesset tota causa, non ideo cessat, vel vim amittit; v. » gr. dispensatum fuit in impedimento consanguinitatis, » propter paupertatem fœminæ, licet, contracto matrimo- » nio, divitias obtineat, non est irritum. Idem est, si bene-

» factum per dispensationem obtinueris, et postea cesset causa,
» ob quam dispensatum fuit.

« 3. Si, facta dispensatione, cesset omnino causa finalis,
» et actus possit facile revocari, v. gr. dispensatum est in
» voto castitatis propter vehementes tentationes, quæ postea
» cessant, an reviviscat votum? Vel in præcepto recitandi
» horas, jejunandi, etc. propter infirmitatem, et postea con-
» valescit, an teneatur recitare, jejunare etc.? Affirmant *Sanch.*
» *Amicus*, *Portel. Bonac. etc.*, quia aliàs non esset justa. Ne-
» gativam tamen sententiam probabilem, et in praxi tutam
» esse censet *Dian. p. 8. t. 3. r. 24. ex Salas. Gran. etc.* si
» quidem dispensatio fuerit absoluta: quia obligatio legis
» semel extincta non reviviscit: et quod destructum est,
» non reproducit, nisi ab eo, qui producere potest. Vide
» *Suar. de leg. c. 22. Laym. Præpos. etc.* qui rectè id con-
» cedunt, quando non est de re dividuâ, et successivâ; aliàs
» negant. Unde, suppositâ probabilitate sententiæ negativæ
» *Gran. Dian. etc.* sequentes casus (in quibus tamen alii
» meliùs contrarium sentiunt) resolvunt. » (*Vide n. 196.*)

« 1. Cum quo dispensatum est propter morbum in esu
» carnium, potest vesci, licet omnino convalescat.

« 2. Cum quo propter infirmitatem dispensatum est in
» voto religionis, postquam convaluit, non tenetur. *Dian.*
» *p. 6. t. 7. r. 45.*

« 3. Cum quo propter oculorum infirmitatem dispensatum
» fuit in onere recitandi horas, etsi convaluerit, non tenetur
» legere.

187. — Deindè notandum, quòd dispensatio, cùm sit odiosa,
strictè sit accipienda, c. 1. §. 1. *De filiis presb. in 6.* Potestas
contrà dispensandi, cùm favorabilis sit, latè accipitur, ut *Sanch.*
Gran. Martin. apud. Salm. de leg. c. 3. punct. 4. §. 3. n. 10.

Benè autem dari potest dispensatio tacita quæ colligatur
ex conjecturis, ut si sciens praelatus, te esse excommunica-
tum, conferat tibi beneficium, tunc tacitè dispensat. Requi-
ritur ad hoc præsumptio voluntatis præsentis superioris, vel
antecedentis ad actum. Non enim sufficit præsumptio de
futuro, v. gr. si sciret, dispensaret. Tantùm licentia præ-
sumpta de futuro admittitur, non verò dispensatio, quæ est
vulneratio legis. *Vide Salm. de leg. ibid. ex n. 11. cum. Suar.*
Laym. Pal. Sanch.

Quæritur, an superior videns subditum agere contra legem, et tacens, cum facile posset corrigere, censeatur dispensare? Affirmant *Salm. de leg. ibid. n. 18. cum Tap. Sanch. Pal. Suar.* Quia non est tunc præsumendum delictum superioris, qui aliter ex officio, et ad evitandum damnum, teneretur loqui. Secus tamen dicendum, si superior non posset corrigere sine incommodo. *Salm. ibid. n. 17*

De iis, qui possunt dispensare.

188. — Potestas dispensandi alia est ordinaria, alia est delegata. Summus Pontifex potestate ordinariâ potest dispensare in quibuscumque legibus canonicis, etiam sancitis ab apostolis, tamquam particularibus prælatis Ecclesiarum, ut sunt jejunium quadragesimale, observatio festorum in Dominicis, etc. Ita *Salm. ibid. punct. 4. §. 1. n. 30. cum S. Th. et communi.* Non verò in legibus traditis ab apostolis, quas ipsi acceperunt à Christo Domino, tamquam auctore principali, ut sunt leges circa formas, et materias sacramentorum, circa oblationem Sacrificii, etc.

189. — Num autem Papa possit dispensare in aliquibus præceptis divinis?

Prima sententia affirmat ex potestate delegatâ à Deo, quando expedit dispensatio. Ita *Sanch. Canis, et Bonac. apud Salm. de leg. ibid. punct. 3. n. 25.* qui vocant hanc satis probabilem.

Secunda, quam probabiliorem meritò putant *Salm. ibid. n. 26. cum S. Th. Pal. Suar. etc.* negat, quia nullibi hæc concessio reperitur Papæ facta à Deo. Objiciunt, cur dispensare potest, ut minister ordinis, et confirmationis sit simplex sacerdos? Resp. quòd ex jure divino Episcopus in his est minister ordinarius, non autem necessarius. Ita *Salm. ib. n. 27. Vide dicenda de matr. l. 6. n. 1119. infrâ.*

Certum autem est, posse Pontificem, et prælatos dispensare in votis, cum in his gerant vicem Dei. Ita *S. Th. 2. 2. q. 88. art. 12. Vide Salm. de voto, tract. 17. c. 3. punct. 10. n. 84.*

190. — Episcopus potestate ordinariâ potest dispensare in omnibus statutis sive episcopalibus, sive latis à Synodo diocesanâ, independentè à capitulo, et clero, ut suprâ diximus.

Et idem potest capitulum, Sede vacante. Hoc tamen non potest Vicarius Generalis (1) nisi expressè ab Episcopo ei concedatur. *Vide Salm. de leg. c. 5. punct. 4. §. 1. n. 51. et 52.* Episcopi possunt etiam dispensare in legibus concilii provincialis in suis diœcesibus; modò non sint concilio specialiter reservatæ. Hoc enim expedit ad bonum regimen. *Salm. ibid. n. 33. cum Sanch. Suar. Bonac. Palaus, etc.*

Notandum, quòd legislator non possit dispensare in suâ lege, si lex transeat in contractum, ut si dicat: *Gaudeant immunitate habitantes in tali loco etc.* *Vide Salm. ib. n. 55.* Potest autem inferior dispensare in lege superioris, si in lege generatèr permittatur dispensatio, v. gr. si dicatur: *Donec dispensetur.* *Salm. ibid. §. 2. n. 57. cum Cajet. Bon. Suar. Pal. etc.*

Possunt etiam Episcopi dispensare in rebus quæ communiter eveniunt in jejuniis, esu ciborum, observatione festorum, recitatione officii, votis non reservatis. *Salm. ibid. n. 58. cum Pal. Basil. Bon. Sot. Suar. etc. cum Bus. hic.*

Item in legibus latis à Papâ pro illâ particulari diœcesi, in quibus videtur relicta facultas dispensandi illius prælato. *Salm. ibid. n. 59. cum Sot. Valent. Cajet. Azor. etc. cum Bus.*

Item potest Episcopus dispensare in legibus communibus pontificiis, v. gr. in impedimentis matrimonii, in irregularitatibus, in votis reservatis, et similibus, quando non est facilis aditus ad Papam, et periculum est in morâ, quia hoc expedit ad commune bonum. *Salm. loc. cit. cum Sanch. Bus. Pal. Tap. Gran. Salas, etc.* Et hoc etiamsi sit facilis recursus ad habentem facultatem dispensandi ex privilegio Pontificis. *Salm. ib. in fin. cum Tap. et Martìn. de cens. c. 2. punct. 5. n. 63.* Parochi possunt etiam dispensare cum suis ovis in jejuniis, et observatione festorum, ubi non est facilis recursus ad Episcopum, *Suar. et Tap.* Imò ex consuetudine, etiamsi sit facilis recursus ad Episcopum, posse semper parochos dispensare in his duobus præceptis testantur *Sanch. Gran. Sylv. apud Salm. de leg. c. 5. punct. 4. §. 2. n. 40. Vide lib. 4. n. 288.*

(1) « Quia in generali commissione non includitur facultas dispensandi, nisi specialiter committatur. » *Ex Hom. Ap. tr. 2. c. 6. n. 57.*

Et in his omnibus dicuntur Episcopi dispensare jure ordinario, cum talis facultas eis competat vi proprii officii, cui est perpetuū annexa, *Salm. loc. cit. cum Suar. Pal. Basil. etc.* Et ideo bene possunt eam alicui delegare, ut certum est. *Vide n. 193. cum Salm. de voto c. 3. punct. 10. n. 85.*

191. — Quæritur 1. An præter dictos casus possit Episcopus dispensare in legibus superioris, in quibus non sit reservata dispensatio?

Prima sententia affirmat; quia hoc ipso, quod superior eam non reservat, videtur eam concedere: aliter ad quid deserviret reservatio? Ita *Sotus in 4. d. 27. q. 1. art. 4. §. At quo*, *Covarr. in c. Alma mater 1. §. 7. n. 8.* Et probabiliter dicunt *Pal. de leg. tr. 3. d. 6. p. 4. n. 7. ac. Bonac. eod. tit. d. 1. q. 2. p. 1. n. 27.* dum oppositam tantum probabiliorē vocant; sed expressè docet, vocatque communem *D. Antonin. p. 1. tit. 17. c. und. §. 20.* dicens: *Episcopi autem dispensare possunt, secundum communem opinionem doctorum, in iis quæ non sunt eis à jure prohibita.* Eandemque tenet etiam *Glossa in c. Nuper, de sent. excomm.* ex quo canone præfati AA. hanc sententiam probant; cum enim ibi quæsitum fuerit à quodam Episcopo, an ipse potuisset absolvere ab excommunicatione latà à jure? affirmative respondit Pontifex, sic inquires: *Quia tamen conditor canonis ejus absolutionem sibi specialiter non retinuit, eo ipso concessisse videtur facultatem aliis relaxandi.* Et ibi *Glossa verb. Retinuit*, sic addit: *Et est hic argumentum, Episcopos posse dispensare, ubi specialiter dispensatio non est inhibita, et concessum videtur, quod non est prohibitum ex l. Necnon, ff. Ex quib. caus. maj. etc.*

Hanc primam sententiam olim probabilem censui; sed remelius perpensà omnino tenendam puto secundam oppositam, quam tenent *Suar. t. 5. in 3. p. d. 7. sect. 4. Bonac. de leg. d. 1. q. 1. p. 1. n. 17. Castrop. l. c. n. 8. Salm de leg. c. 5. punct. 3. §. 2. n. 43. cum Pontio, et Salas; item Bened. XIV. de Synod. l. 7. c. 50. Favetque S. Th. 1. 2. q. 97. art. 4. ad 3. ubi ait: In lege humanà publicā non potest dispensare, nisi ille à quo lex auctoritatem habet, vel is cui ipse commiserit. Ratio est, quia inferior nihil potest in lege superioris, ut expressum est in *Clem. 2. de elect.* ubi dicitur: *Lex superioris per inferiorem tolli non potest.* Nec prorsus con-*

cludit textus citatus in *cap. Nuper* pro primâ sententiâ ; valdè enim differt facultas absolvendi à censuris à facultate dispensandi in legibus canonicis , prout sapienter scribit *P. Suárez*. Verum est , leges , in quibus imponuntur censuræ , etiam leges esse , sed commune est apud omnes , et constat ex consuetudine receptâ , quòd censuræ non reservatæ , præsertim excommunicationes , benè possint absolvi ab Episcopis , et à parochis , et adhuc ab approbatis confessariis ; ut probat *Suar. l. c. n. 9. cum Soto, Navarro, et aliis*. Undè in hoc benè urget ratio apud textum allata , nempe quòd , cùm legislator non sibi reservaverit absolutionem à censurâ , videtur præbuisse facultatem aliis eam absolvendi. Sed quoad dispensationes in legibus pontificiis nequaquam adest hæc communiter recepta consuetudo , ut ipsæ concedantur ab Episcopis , semper ac non sint expressè Pontifici reservatæ ; sed circa ipsas procedit generale et certum axioma , quod ex ipsâ naturâ rei oritur , quòd inferior nequeat dispensare in legibus superioris , prout habetur exemplo expressum in alio canone , nempe in *cap. Dilectus, de temp. ord.* ubi dicitur , quòd circa leges ordinationum Episcopus dispensare non possit , idèò nimirum , quia id Episcopis minimè est concessum : *Cum illi hujusmodi dispensatio à canone minimè sit permissa*, sunt verba textûs. Et nota , quòd ibi non dicatur , *cum non sit prohibita* , sed *cum minimè sit permissa*. Nec jam antèriùs aderat aliqua prohibitio Episcopis dispensandi in tali materiâ , sed tantum id aderat , quòd talis dispensatio ipsis nunquam permissa fuerat ; ex quo Glossa rectè infert argumentum : *Quòd Episcopus dispensare non potest, nisi in casibus sibi concessis à jure*. Nec valet dicere , quòd Episcopi immèdiatè à Deo jurisdictionem habent , juxta sententiam *Natal. Alex. Cont. Tournely, Soto, Vasq. Victoræ, et aliorum* ; et idèò possunt dispensationem impertiri , ubi illa non est eis specialiter vetita. Nam respondetur , quòd licèt præfata sententia sit satis probabilis , attamen nemo negat talem jurisdictionem semper esse Pontifici subordinatam. Præterea arguimus adversus primam opinionem , quòd si ratio illius fautorum valeret , non solum Episcopi , sed etiam parochi dispensare possent eodem modo in legibus Pontificiis ; dum etiam parochis permissum est absolvere à censuris non reservatis , ut loquitur textus in *cap. Nuper* allatus , dicens : *A suo Epi-*

scopo, vel à proprio sacerdote poterit absolutionis beneficium obtinere. Sed hoc quis audebit dicere? Quoad autem axioma à pluribus, DD. admissum, ut referetur *l. 6. n. 980. vers. Sed dubitatur*, nempe quòd, quidquid potest Papa in totà Ecclesià, possit Episcopus in suà diocesi, nisi specialiter id ei prohibeatur, ait *P. Suarez l. c. n. 3.* aut non admittendum, aut admittendum dumtaxat in iis rebus, quæ spectat ad communem directionem animarum, et quæ sunt moraliter necessariae; sed ad hunc ordinem nequaquam pertinere dispensationes legum canonicarum. Hoc tamen non excludit, ut scribit *Bonacina loco supra citato*, quòd Episcopi dispensare possint in iis casibus, qui frequenter occurrunt, et sæpè dispensatione egent; aut verò (inquit) cùm aliqua gravis urget necessitas, aut gravis utilitas, et tunc non possit commodè apostolica Sedes adiri, juxta quæ dicentur in *Append. de Privil. num. 40.*

192. — Quæritur 2. quid in dubio, an casus indigeat dispensatione? Resp. quòd sive dubium sit positivum, sive negativum, potest subditus uti suà libertate (1). Consultius tamen est tunc adire prælatus, qui declaret, vel dispenset; cùm in tali dubio benè possit etiam prælatus inferior dispensare sine concessione legislatoris. Ita *Pal n. 3. d. 6. p. 3. n. 10. Laym. c. 2. n. 4. et Salm. de leg. c. 3. punct. 3. §. 2. n. 43. cum Sa, et Diana.* Idem dicunt *ib. Suar. et Sanch.* de dubio circa vota reservata. Idem in dubio, an adsit causa sufficiens ad dispensandum, *Salm. ib. n. 46. cum Cajet. Gran. et Sylv.* Idque asserit *Croix l. 1. n. 804. tenere Sanch. Gob. et Tap.*, quia potestas dispensandi latè interpretanda est, intellige, si data sit, non per modum commissionis, sed gratiæ (ut infra dicitur *n. 194.*); et tunc dispensans non obligatur ad examen super plenà sufficientià causæ. Notat autem *Pal. tr. 3. d. 6. p. 7. nu. 12. cum Cov. Sanch. Suar. Bas. etc.* quòd potestas, quam habent prælati inferiores dispensandi ratione officii in legibus superioris, utpote in casibus qui frequenter occurrunt, debet dici potius ordinaria, quàm delegata.

(1) Excipiuntur dispensationes matrimoniales in dubio facti, nempe cùm ex utraque parte adest facti probabilitas pro existentia et carentia impedimenti. Confer *l. 6. n. 992.*

193. — Circa potestatem autem delegatam dispensandi, notandum, quod quisque habens potestatem exilivariam possit eam delegare: et tunc si delegatio est per modum commissionis pro certo casu, expirat morte concedentis, ut res sit adhuc integra; si vero per modum gratiæ, tunc non expirat, ex *regul. 16. juris in 6.* Pariter quisque inferior, qui jure ordinario potest dispensare in legibus superioris (ut possunt Episcopi in jehumis, votis, etc. uti supra diximus n. 190.) potest etiam delegare potestatem dispensandi; modo hoc ei non sit limitatum. Vide *Salm. ibid. §. 5. n. 84.* Delegatus autem nequit subdelegare, nisi sit delegatus à principe; sive à Papâ, ut ex *cap. fin. §. 1. de offic. et pot. deleg.* Vel nisi sit ab inferiore ordinario delegatus ad universitatem causarum, ex *Leg. 1. §. An ab eo ff. quis., et à quo.* Aut nisi sit concessa sit facultas subdelegandi. Sed de his sedulo observa, quæ dicuntur de *sacram. poenit. Lib. 6. n. 566. vers. Generaliter.*

194. — Nota, quod prælati regulares non possunt dispensare in regulâ; nisi his concedatur à privilegio, vel à jure. Ratione privilegii, quod ex se muneri prælati adnectitur; possunt prælati etiam inferiores dispensare: 1. In rebus levibus, quæ scilicet sub levi præcipiuntur. 2. In rebus frequentibus. 3. In statutis propriis, scilicet quæ sunt propria illius conventus. *Peyrin. tom. 2. q. 1. p. 5. et Pal. d. p. 7. cum aliis.*

Ratione autem facultatis his concessæ à jure, prælati dispensare nequit in votis essentialibus ex c. *Cum ad monast. de stat. monach.* In aliis vero regulis bene potest in casu particulari, nisi expressè sit ei interdicta dispensatio. Ita *Peyrin. cum Rod. Angel. Sylv. Turroer. Miranda.* Talem enim facultatem prælati habent à jure, ut *Glos. c. Monachum, caus. 20. q. 4.* Et ratio est, quia cum lex humana non possit providere omnibus casibus, expedit ut in particularibus rectores provideant; alioquin non sufficienter provideretur bono communi. Et idè ex *S. Thom. 1. 2. q. 97. art. 4. in corp.* quisque rector habet potestatem dispensandi in lege humana ex justâ causâ. Sed adverte dicta n. 191. An autem subditus tenentur obedire prælato præcipienti aliquid contra regulam? Resp. negativè, si certum sit rem præceptam esse contra regulam, atque constet prælatum in illâ non posse dispensare, vel non duci ex causâ justâ, ut *Peyrin. d. l. Sanch. in Dec. l. 6. c. 3. n. 8. Salm. de stat. rel. c. 6. punct. 7. n. 72. At ib. punct. 6.*

n. 66. et 67. dicunt prælatum jubentem aliquid probabiliter licitum, vel quod non sit certè injustum, justè jubere; alijs magna confusio adesset, si jubere nequirent prælati, nisi evidenter jasta. *Vide dicta n. 31.*

An autem facultas delegata dispensandi sit latè, vel strictè interpretanda? Resp. latè, si concessa sit per modum gratiæ, ut suprà; strictè, si per modum commissionis pro certo casu. *Laym. tr. 4. c. 22. n. 6. Zanch. de natr. lib. 8. disp. 2. n. 4. et 6. ac Salm. de leg. cap. 5. punct. 4. §. 3. n. 33. cum Tapia, Basil. etc.* Ipsa verò dispensatio, cum sit odiosa, semper strictè sumenda est; nisi dispensatio sit debita; vel sit ex motu proprio principis: vel sit inserta in corpore juris vel tandem nisi concedatur communitati, vel ad bonum commune. In his enim casibus latè accipienda est. Ita *Salm. ibid. n. 34. cum Tapia.*

195. — Queritur autem, quotupliciter dispensatio cessare possit? Ad hoc prænotandum est, quòd, si dispensatio jam sortita sit suum effectum, vel si dispensationi fuerit adjuncta aliqua commutatio operis; tunc etiam, cessante causà, dispensatio non cessat. *Vide Salm. de leg. c. 5. punct. 8. n. 86. et 87.*

Notandum etiam est circa causas dispensationum, quòd aliæ causæ per se exbuent à præcepto, puta jejunii, officii divini, etc. Et istæ non egent dispensatione, si sint certæ, vel saltem probabiliter justæ. Aliæ verò sufficiunt ad dispensationem, sed cā indigent: sufficiens nempe causa est dignitas petentis, aut superioris; ut benignum se ostendat: necnon utilitas communis vel privata, et similes. *Vide Salm. ibid. punct. 6. §. 3. n. 73. et 74.* In dispensationibus autem impedimentorum in matrimoniis sufficit pro causà solutio pecuniæ in subsidium Ecclesiæ, ut est praxis. *Salm. ibid. §. 2. n. 72. in fin. cum communi.*

196. — Tribus autem modis dispensatio cessare potest. I. per cessationem causæ; II. per revocationem dispensantis; III. per renuntiationem dispensati.

Et I. per cessationem causæ, si cesset causa motiva, et totalis. Secus autem? si cessat causa impulsiva; aut cessat motiva, sed non totaliter; nam si aliquid istius perduret, adhuc perdurat dispensatio, ut *Bus. cum Salm.* At si dubium sit, an totaliter cessaverit? Standum est pro dispen-

satione, quæ possidet. *Salm. ibid. punct. 8. §. 1. n. 88. Vide lib. 6. n. 1133.*

Quæstio verò est, an, certò cessante totaliter causâ, percat dispensatio?

Prima sententia affirmat, quia valor dispensationis pendet à voluntate superioris, qui præsumitur nolle dispensare, nisi pro tempore, quo causa duret. Ita *Sanch. de matr. l. 8. d. 30. n. 15. Bon. de leg. d. 1. q. 2. p. 10. §. 1. n. 5. et Dicast. Con. Hurt. et Trull. apud Salm. ibid. n. 89.*

Secunda sententia negat. Ratio, quia obligatio legis jam ablata per dispensationem, non redit, nisi rursus imponatur à legislatore. Ita *Pal. de matr. l. 8. c. 20. n. 5. Suar. de leg. l. 6. c. 20. n. 15. et lib. 8. c. 30. Pal. de priv. d. 4. p. 15. n. 7. Laym. tr. 4. c. 22. n. 15. et Salm. ibid. n. 90. cum Perez, Salas, Sa, Ang. Sylv. Tapia, etc.* Et probabilius vocant *Sanch. Dicast. et Trull.* Et probatur ex *reg. 73. de Reg. jur. in 6. Factum legitime retractari non debet, licet casus postea eveniat, à quo non potuit inchoari.* Secus verò dicendum, si dispensatio non fuerit concessa absolutè, sed sub conditione expressâ, vel tacitâ, si causa perduret, Utraque sententia satis probabilis videtur.

Sed difficultas magis urget, quandonam dispensatio censenda sit concessa absolutè, et quando sub tacitâ illâ conditione, si causa duret? Resp. quòd, si causa judicatur perpetua, tunc dispensatio censeatur data absoluta, etsi postea per accidens causa cesset. Hinc dicunt *Salm. ibid. n. 91.* quòd si quis obtineat dispensationem ab officio, vel abstinentiâ à carnibus pro infirmitate, quæ existimatur perpetua, tunc, etiamsi valetudo superveniat, potest uti dispensatione. Sed huic minimè acquiesco, quia in iis casibus, puto dispensationem omninò censendam esse factam sub conditione. Consentio autem cum *Salm. ibid. n. 92.* quòd irregularis, qui obtinuit dispensationem ob paupertatem parentum, ob inopiam ministrorum, vel ob honestatem morum, benè possit illâ uti, etsi casu postea cessent illæ causæ. Secus autem, si causa judicatur tantùm pro tempore duratura: hinc si quis obtinet dispensationem à jejunio ob infirmitatem, quæ non judicatur perpetuò duratura, cessante causâ, cesset dispensatio.

Quando verò dispensatio est absolutè concessa, non ets-

sat per unum actum; v. gr. obtinuisti dispensationem in voto castitatis ad contrahendum matrimonium, mortuâ conjuge, perdurat dispensatio; nisi fuerit concessa pro speciali casu, scilicet ad ducendum virginem à te defloratam; et sic de similibus, Ita *Salm. ibid. ex n. 91. usque 94. cum Bon. Laym. Sanch. Basil. et aliis supra citatis.*

197. — II. Cessare potest dispensatio per revocationem dispensantis. Et quidem, cessante causâ, vel aliâ novâ contrariâ superveniente, superior dispensationem revocare potest, imò tenetur, cessante totaliter causâ motivâ. Peccabit tamen (sed tantum leviter) revocans sine causâ, licet revocatio valeat. *Bon. d. 1. q. 2. p. 7. §. 2. n. 2. et Salm. c. 5. punc. 8. §. 2. n. 97. cum Tapia.*

Etiâ prælatus inferior, qui potest concedere dispensationem sive jure ordinario, sive ex commissione legislatoris, potest ex justâ causâ dispensationem revocare; sine tamen causâ, nulla erit revocatio: *Bon. loc. cit. Sanch. lib. 8. de matrim. d. 53. n. 14. et Salm. ibid. n. 99. cum Salas, Tapia, etc.*

Notandum hic, quod dispensatio, quæ absolutè sit concessa, non cesset morte dispensantis, quicumque ille sit, sive superior, sive inferior; cum dispensatio sit gratia, et gratia non expiret morte concedentis. Excipe, si superior dispensaverit, donec ei placuerit, vel ad suum arbitrium; tunc enim morte ejus cessat, si res adhuc sit integra: puta si confessarius nondum incepit audire confessionem. Si verò dispensatio concessa sit, donec revocetur, tunc non expirat morte concedentis: idem si concessa sit, ad arbitrium Sedis apostolicæ, vel Episcopi; tunc neque expirat morte Pontificis, aut Episcopi. Vide *Salm. ibid. n. 96.*

198. — III. Cessat dispensatio per renuntiationem dispensati; quod ipse benè facere potest, quando effectus dispensationis nondum sit secutus, nisi renuntiatio redundet in damnum alterius, vel communitalis, in cujus favorem sit impensa dispensatio; vel nisi prælatus præcipiat subdito uti dispensatione concessâ, ex justâ causâ. *Salm. ibid. §. 3. n. 100. cum Cajet. et Tapia.*

Potest igitur dispensatus renuntiare dispensationi expressè, et etiam tacitè; et consummatâ renuntiatione, nequit illâ amplius uti. Consummata autem intelligitur renuntiatio, quando à su-

periore repunctatio acceptatur, aliàs dispensatio durat. *Salm. ibid. n. 101. cum Suar. Tap. Bonac. etc.*

Quando autem intelligatur facta tacita renuntiatio dispensationis? Alii dicunt, quando dispensatus per decennium illà non utitur, cum uti possit, ut ait *Martin*, Alii (ut *Sanch. et Borlan.*) quando dispensatus actum contrarium ponit, putà, si obtentà dispensatione ad contrahendum cum una, quærat inde contrahere cum alià; sed per ista signa nullo modo cesserit factam renuntiationem, tenendum esse dicunt *Salm. d. c. 5. n. 102. cum Suar. et Tap.* Hinc inquirunt, quòd dispensatus ad contrahendum cum una, bene possit illa dispensatione uti etiam postquam cum alià contraxerit, quæ mortua sit; vel postquam emisit votum castitatis, voti dispensatione postea tantum obtentà. Denique, qui habuit dispensationem jejunii, officii divini, potest illà uti, etsi officium, et jejunium postea servaverit. Ita *Salm. ibid. n. 103.* Hic libet addere aliqua I. de cessatione legis; II. de interpretatione; III. de epikeia.

4. De cessatione legis.

199. — Nota, quòd per legem generalem numquam abrogatur lex particularis alicujus loci nisi expressè dicatur: *Non obstante quodcumque lege particulari. Salm. c. 4. punct. 2. §. 1. n. 14. cum Sanch. Pal. Suar. Bonac. etc.*

Sed hic notanda est quæstio illa, magna inter DD. an cesset lex, cessante fine adæquato legis? Finis adæquatus est ille, qui est totalis finis legis: nam si lex plures fines habeat, finis adæquatus ex omnibus illis constituitur. Hoc posito, certum est, quòd cessante fine adæquato, seu totali legis in communi, cesset lex; ut si novisti non ingredi talem domum ob periculum fornicationis, cessante periculo, cessat votum. Ratio, quia lex cum sit inutilis, vim amittit obligandi. Ita *D. Thom. 1. 2. qu. 103. a. 4. ad. 3. in fine, et Salm. de leg. c. 4. n. 3. cum communi.* An verò tunc sit expectanda declaratio legislatoris, vel contraria consuetudo? Affirmant aliqui; sed alii omnes negant cum *Salm. ibid. n. 4.* Sufficit enim, ut mihi in particulari constet, vel saltem probabile sit (ut *Salm. ibid. cum Palao, et Gran.*) cessasse in communi finem legis adæquatum.

Quæstio urget, an cesset lex, cessante fine adæquato in casu particulari?

Prima probabilior sententia negat, si tantum cesset privativè; scil. si lex tunc redderetur inutilis: nam si cessat contrariè, quando scilicet materia legis redderetur in illo casu nociva, vel valdè difficilis; tunc omnes asserunt legem non obligare. Ratio dictæ primæ sententiæ est, quia, licet cesset finis damni in casu particulari, non tamen cessat finis periculi in communi; ideò tunc non cessat finis adæquatus. Ita *Salm. de leg. d. c. 4. n. 6. et 7. cum D. Th. 2. 2. quæst. 134. art. 2: ac Sot. Suar. Pal. et communiori.*

Altera verò sententia (quam tenent *Cajet. Sot. opusc. t. 1. tr. 12. q. 2. Silv. verb. Lex, q. 8. et 9. Angel. ib. n. 4. cas. 7. item Valent. Tirag. Hurt. et Card. apud Croix lib. 1. n. 867. Gran. Henr. Castr. ac. Dian. apud Salm. qui l. c. n. 5.* dicunt hanc sententiam non posse negari esse satis probabilem, sicut probabilem etiam vocat *Viva de leg. q. 6. art. 5. n. 5. cum Panorm. Led. Sa*) tenet, quòd cessante fine adæquato, etiam privativè in casu particulari, cesset obligatio legis. Quia, ut dicunt, in quocumque casu cessante fine legis, lex etiam cessat; et sicut cessante fine legis in communi pro uno tempore cessat lex, licet non cesset pro alio; sic cessante pro uno casu particulari, cessat lex pro illo, licet non cesset in communi. Sic ajunt evenire etiam in legibus naturalibus, correctio enim fraterna non obligat, ubi non speratur fructus. Idem etiam tenet *Tamb. in d. lib. 2. c. 1. §. 7. n. 38. cum Abbat. Nav. Com. etc.* Quia (ait *Tamb.*) sicut cessante fine in universo, cessat lex universaliter, sic cessante fine in particulari, cessat lex in particulari, cum in utroque casu æquè lex reddatur inutilis, cessante fine legis. Fornicatio semper est mala jure naturæ, licet in aliquo casu cessaret periculum malæ educationis prolis. Ratio, quia in fornicatione semper adest periculum magnæ hallucinationis, imò in illà, ultra periculum malæ educationis, sunt alia damna; scilicet hebetatio mentis, subjectio rationis sensui, etc. ideòque ibi numquam cessare potest, nec in particulari quidem, finis adæquatus. Vide *Viva super prop. 48. Innoc. XI.* Ac ideò non obstat auctoritas *D. Th.* in contrarium adducta à *Salm.*; nam S. Doctor tantum loquitur ibi de fornicatione, quod certum est apud

omnes. His tamen non obstantibus, magis mihi arridet prior sententia, eo quod communiter loquendo fere nunquam in particulari cesset omnino periculum hallucinationis. Si vero aliquando casus accideret, quod aliquis omnino certus et securus esset abesse omne hallucinationis periculum, tunc non auderem secundam sententiam improbare; sed huiusmodi casus rarissime poterit evenire.

Utrum autem probabile sit legi posse libros prohibitos, cessante periculo, et scandalo? Affirmant ob eandem rationem *Felin. Abb. Masc. Decian.* et inclinat *Laym. l. 2. cap. 14. n. 5.* Sed negandum cum *Pal. de fide d. 2.* qui citat. *Tol. Suar. Sanch. etc. ac Tamb.* qui dicit, quod in hoc non cesset omnino periculum, vel non cesset omnino finis prohibitionis, nec etiam in particulari, cum finis prohibitionis sit, non solum ut vitetur damnum conscientiarum ex lectione pravorum librorum, sed etiam, ut servetur obedientia Ecclesiae in materia tam periculosa; et ne detur ansa haereticis, vel malis scriptoribus perniciose typis demandandi; ideo bene inquit *Tamb.* nullo modo aperiendam esse januam impune legendi huiusmodi libros, etiamsi quis putet pro se abesse periculum.

II. De interpretatione legis.

200. — Interpretatio alia est authentica, alia usualis, alia doctrinalis. *Authentica* fieri potest vel ab ipso legislatore, vel ab ejus successore, aut a superiore. *Usualis* est illa, quae ita ab usu est recepta. *Doctrinalis* autem est declaratio quaedam mentis legislatoris, quae a quocumque doctore fieri potest.

Hic dubitatur an declarationes, quae fiunt a Pontifice, vel a principe alicujus legis, indigeant promulgatione, ut obligent? In hoc distinguere oportet declarationes *pure tales* ab aliis, quae sunt *non pure tales*, sed potius sunt mere interpretationes. Declarationes *pure tales* sunt, cum ab illis explicatur aliquis sensus, qui usque ab initio jam erat clare imbibitus in lege: ex. gr. si dubium sit, an sub verbo *fili* intelligatur solus legitimus aut etiam spurius, et legislator declarat intelligi etiam spurium, tunc verum fit quod sensus in lege erat clare imbibitus. Interpretatio autem, sive decla-

ratio non purè talis est illa, ejus sensus non est clarè imbibitus in lege, sed circa ipsum variæ sunt opiniones, et tantùm deducitur ex argumentis; v. gr. quòd sub nomine *patris* intelligatur etiam avus, aut quòd sub nomine *mortis* intelligatur etiam mors civilis, prout est career perpetuus, aut simile, recurrendo ad quamdam impropriam significationem.

His positis, dicimus cum *Suarez, Castropal. Vasquez, Salas, Salm. Holzman, La Croix, Sporer, etc.* quòd declaratio sensûs clarè imbibiti in lege non requirat promulgationem, sed statim obliget eos omnes qui illum noverint, cùm talis declaratio non sit nova lex. Interpretatio verò alicujus sensûs non clarè, sed tantùm obscurè, sive improprie imbibiti in lege, quæ est declaratio non purè talis (ut diximus) hæc, quia habetur tamquam nova lex, ut obliget, necessariò promulgationem requirit, sicut omnes aliæ leges juxta dicta *n. 95. et 96.* Hinc infertur cum *Suar. de leg. l. 6. c. 1. n. 3. et Castrop. tr. 3. eod. tit. d. 5. p. 3. §. 1. n. 5.* (qui citat pro se *Bon. Salas, et Lorea*) quòd declaratio, quæ fit à legislatore alicujus sensûs clarè in lege imbibiti (juxta exemplum adductum filii legitimi, et spurii) non requirat promulgationem, ut obliget. Contrà verò declaratio sensûs obscurè imbibiti (juxta exemplum avi sub nomine *patris*, vel *mortis civilis* sub nomine *mortis*) indiget quidem promulgatione; tunc enim ipsa novam constituit obligationem, quæ per se non erat priùs clarè in lege imbibita. Et idem dicunt *Suar. loc. cit. et Castrop. n. 2.* de illis declarationibus, quæ fiunt non ab eodem legislatore, sed ab ejus successore, aut superiore; quia legislatoris mens nequit his esse ita cognita, ut erat ipsi legislatori; unde tunc, ut declaratur sensus (quamvis imbibitus in lege) alicujus obligationis, semper opus est recurrere ad argumenta, et interpretationes, quæ novam legem constituunt, reddendo certum quod erat dubium; et ideò promulgatio requiritur, aliàs declaratio numquam authentica, sed tantùm doctrinalis reputabitur.

Interpretatio autem doctrinalis, quæ est declaratio simplex mentis legislatoris, à quocumque doctore fieri potest, modò fiat juxta regulas, et sensum à sapientibus magis receptum; cùm enim sæpè dubia occurrant, nec de facili semper obtineri possint resolutiones à legislatore, necesse fuit, ut

viris peritis hæc facultas interpretandi præberetur, ut cuiusque ex o. 2. de privil. in 6. An verò possit fieri interpretatio legis, si in eâ omnis interpretatio prohibetur? Negant Salm. de leg. cap. 4. punct. 3. §. 1. n. 23. cum Regio. Henriquez, etc. Sed affirmant Pal. tr. 5. disp. 5. §. 2. n. 6. Salas, disp. 21. sect. 2. in fin. Sa verb. Interpretatio n. 5. Tunc enim dicunt excludi tantum interpretationes frivolas, non autem prudentes. Idque colligunt ex Trident. Sess. 4. Decret. de usu sacr. libror. ubi prohibetur fieri interpretatio S. Scripturæ contra sensum quem tenet Ecclesia: quare ajunt, quod si quis præter consensum patrum, non tamen illi contrarium, Scripturam interpretetur, huic tali prohibitioni non advertatur, ut dicunt Azor. p. 1. l. 8. c. 2. q. 3. Bannez p. 1. q. 11. Barbosa in Rem. concil. l. c. Trid. et Pal. dicto n. 6. Qui tamen advertit n. 7. aliquando prohiberi etiam interpretationem doctrinalem, non verò quamcunque, sed quæ typis mandatur, et ex professo fit; nam hæc tantum videtur vetita à Pio IV. in bulla confirmatoria Tridentini, ubi prohibetur, ne quis commentarios in præfatum concilium edere audeat: quod verbum edere ex consuetudine sumitur pro interpretatione typis mandata, ut dicunt Barb. in Remiss. concil. sess. 23. c. 2. et idem Pal. cum Sa, Rodrig. Salas, Regio... Imò ajunt Bonac. de leg. d. 1. p. 7. n. 5. in fin. et Pal. eod. n. 7. cum Suar. et Salas, nec prohiberi quamlibet interpretationem typis exousam, sed eam tantum quæ ex professo desumitur, non verò si unum vel alterum Tridentini decretum incidenter interpreteris.

Regulæ in interpretandis legibus, sunt videl. 1. Ut attendatur mens sive finis intrinsecus legislatoris: hinc, si constat de mente legislatoris, huic magis standum est, quam verbis legis. 2. Attendenda est ratio legis. 3. In dubio mentis legislatoris verba legis accipienda sunt secundum proprium sensum, semper ac non sequatur aliquod absurdum. Sensus autem propius potest esse naturalis, et hic accipiendus est in pœnalibus; potest esse etiam civilis, et hic etiam accipi potest in favorabilibus. 4. Ut in dubio fiat interpretatio pro valore actus. 5. Quod lex in favorabilibus ampliatur, restringatur in odiosis. Quando verò leges sint favorabiles, quando odiosæ, primum motivum legis attendendum est. Vide Salm. c. 4. §. 2.

Queritur hic, an lex extendi debeat de casu ad casum ob identitatem rationis? Si non currit eadem, sed tantum similis ratio, communiter docent doctores, non esse faciendam extensionem, nisi casus exprimatur in lege tantum causâ exempli, puta si lex imponat poenam contra furantes centum aureos, certe comprehendit etiam furantes rem ejusdem valoris. Dubium fit, an fieri debeat extensio quando occurrat pro alio casu non tantum similis, sed eadem adæquata ratio?

Prima sententia affirmat ex illo trito dicto: *Ubi eadem est ratio, ibi eadem currit legis dispositio*, ut habet summarium in *l. Illud ff. Ad L. Aquil. et c. Inter de translat. Episcop.* Et hanc tenent *Laym. l. 1. tract. 4. c. 18. n. 9. Roncag. de legib. c. 2. q. 4. r. 2. p. 50. et Salm. eod. tit. tract. 11. c. 4. punct. 3. §. 3. n. 34. et seqq. cum Suar. Gran. Tupia, et communi* ut asserunt. Ratio, quia mens legislatoris colligitur ex legis ratione, quæ ideo dicitur anima legis; unde censetur legislator bene comprehendere voluisse omnes casus, ubi eadem adæquata ratio legis reperitur.

Secunda verò sententia, quam tenent *Palaeus de legib. l. 1. tract. 5. d. 5. p. 3. §. 4. n. 2. Bonac. eod. tit. d. 1. q. 1. p. 8. n. 28. et Mazzotta tract. 1. d. 2. q. 1. c. 3. q. 5.* negat fieri extensionem de casu ad casum ob eandem rationem etiam in casibus favorabilibus, et tanto minus in odiosis, et correctoriis: ratio, quia ratio legis non est lex, et ideo quumvis militet pro alio casu, illum non comprehendit: potuit enim legislator unum casum velle comprehendere, et non alium, vel quia non expedit omnia præcipere aut vetare, vel quia potest adesse aliqua superior ratio nobis ignota movens principem, ut in uno casu, non in alio disponat.

Hæ tamen sententiæ facillè conciliantur: nam licet fautores primæ sententiæ (à quâ non recedendum cum sit communis, ut idem *Palaeus* fatetur) doceant extendi legem de casu ad casum, quando eadem currit adæquata ratio: tamen addunt, tunc currere eandem adæquatam rationem, quando, nisi lex extenderetur, legislator argui posset de injustitiâ vel imprudentiâ; tunc enim casus non expressus potius dici debet comprehensus in lege, quàm lex extendi ad illum: ita *Suar. de leg. l. 6. c. 3. ex n. 4. Rone. d. r. 2. et Laym. d. n. 9. v. Cæterum.* Et in hoc conveniunt etiam auctores secundæ

sententiæ, ut *Bonac. dict. n. 25. v. Ad secundum, Palanus loc. cit. n. 8. et Mazzotta, v. Excepe.*

Id autem evenire dicunt I. in correlativis, prout in viro et uxore; tunc enim quod est sancitum de uno, censetur etiam de alio, si pro utroque eadem ratio procedat. Sicut enim sponsa potest resilire à sponsalibus, si sponsus sine ejus licentiâ absit, ex c. *De illis, de Sponsal.* sic etiam sponsus. Item si uxor potest communicare cum viro excommunicato, ex c. *Quoniam, caus. XI. qu. 3.* ita etiam vir. II. In æquiparatis, ut sunt electio, præsentatio, provisio ad beneficium. III. In connexis, ut sunt diaconus, et subdiaconus. IV. In contentis, ut sunt Vicarius Episcopi, et Vicarius Capitularis Sede vacante, filia et neptis. In his conveniunt omnes etiam si lex sit pœnalis, aut correctoria.

Regulam autem juris 49. in 6. *Odia restringi, favores convenit ampliari*, rectè dicunt *Suar. l. 6. c. 4. et Bon. loc. cit. n. 27. cum Menoch.* procedere, quando dispositio legis extenditur ex interpretatione congruitatis, ut ajunt, non autem quando extendi debet ex interpretatione necessitatis, quæ dicitur potius adæquata interpretatio legis, quàm extensio.

Advertunt tamen 1. *Sanch. l. 3. de matrim. d. 20. n. 3. et Mazzotta loc. cit. p. 98.* quòd si lex decernat aliquid causâ frequentioris usûs, ipsa etiam comprehendit casum minùs frequentem. Et idèd lex S. Pii V. permittens monialibus egressum propter incendium, et lepram, aut epidemiam, extenditur etiam ad ruinam domûs, inundationem, et invasionem hostium, ut communiter DD. docere ait *Mazzotta loc. cit.* Advertunt 2. *Laym. n. 11. Pal. n. 14.* quòd judices ex similitudine rationis tenentur legem ad alios casus extendere, quia ipsi quantum fieri potest legibus debent conformari, juxta l. 12. ff. *de leg.* Cùm in aliquâ causâ sententia earum (nempe legum ut suprâ exprimitur) manifesta est, is qui jurisdictioni præest ad similia procedere debet.

III. De epikejâ legis.

201. — Epikeja, seu epikia est exceptio casûs ob circumstantias, ex quibus certò, vel saltem probabiliter judicatur

legislatorem notuisse illum casum sub lege comprehendi.
Salm. c. 4. punct. 5. §. 4. n. 41. cum Pal. et Martin.

Hæc epikeja non solum locum habet in legibus humanis, sed etiam in naturalibus, ubi actio possit ex circumstantiis à malitiâ denudari. *Salm. ib. n. 42. et 43.*

Ut tamen detur locus epikejæ, non solum debet lex cessare in casu particulari negativè, quia nimirum deficiet tunc finis legis; sed debet cessare contrariè, nempe quod lex reddatur damnosa, vel nimis onerosa: quare potest negari cens depositus domino, si ille eo sit abusus. Ita *Salm. ibid. n. 44. cum S. Thom.* Sufficit autem, si aliter lex redderetur nimis dura. *Salm. ib. n. 45. cum Arav. Cord. etc.* Hinc excusatur ab auditione sacri, qui timet notabilem jacturam honorum. Et etiam excusatur ab observatione festi, qui aliter amittere cogitur magnum lucrum, ut *Suar. et Pal. apud Salm. ibid. in fin. Et super hoc vide dicenda l. 4. n. 501.*

APPENDIX Busembai.

DE DISPENSATIONIBUS S. PŒNITENTIARIÆ.

202. — « Quia ex officio S. Pœnitentiariæ multæ dispensationes (et gratis quidem) impetrari possunt, saltem pro foro conscientie, operæ pretium censui quædam circa hujus rei praxim pœnitentibus, et confessariis utilia hic subnectere.

« Et quidem tria potissimum circa hanc rem requiri possunt. 1. Circa materiam, et causas, in quibus nimirum casibus dispensationes istæ concedi soleant. 2. Circa formam litterarum Pœnitentiariæ, quibus dispensatio confessario committitur, quarum verba nonnulla, quæ difficultatem pariunt, explicanda sunt. 3. Circa ipsam executionem dispensationis, quæ nimirum in ea observanda sint. De quibus ex *Bonac. Dian. p. 4. t. 4. r. 71. et p. 8. t. 1. r. 103, etc. usque ad r. 111, et Marci Pauli Leonis volumine integro ea de re edito.*

203. — « Resp. 1. In tripliçi materia (pro cujus diversitate diversa quoque est forma) dispensationes, sive gratiæ istæ concedi solent.

« *Prima est in votis*, v. gr. ut votum religionis, ob inopiam parentum, vel fratrum, similive ex causa liceat differre: ut quis à voto simplici castitatis, vel etiam religionis, postquam matrimonium contraxit, absolvatur ad manendum in matrimonio, debitumque licitè petendum: ut à voto religionis (ob debilitatem virium, per quas ejus onera ferre non possit, aut ob metum incontinentiæ, aut dotis defectum) absolvatur in ordine ad contrahendum matrimonium.

« *Secunda in impedimentis occultis matrimonii*, sive ea sint impediencia tantum, sive etiam dirimentia, sive matrimonium cum iis publicè contractum sit, sive contrahendum, dummodò de eo privatim fuerit actum, et conclusum, præsertim bona fide, sive etiam quando contracto superveniunt. Circa quæ *notandum* 1. Impedimenta occulta dici, quæ vel nulli nota sunt, vel licèt uni, alterive innotuerint, ad forum tamen contentiosum non sunt deducta. » (Vide l. 6. n. 1115.) « 2. Etsi aliqua impedimenta, v. gr. cognationis spiritualis, naturâ suâ sint publica, cum contrahantur in facie Ecclesiæ; fieri tamen potest per accidens, ut sint occulta, v. gr. 1. Ob diuturnitatem temporis, ex quo sunt contracta. 2. Ob distantiam loci à loco contractæ cognationis. 3. Per mortem eorum, qui fuerunt conscii. 4. Per ignorantiam hujus contractionis.

« *Tertia in variis censuris*, ut excommunicationibus, suspensionibus (item irregularitatibus), præsertim occultis, ad absolvendum ab iis, dispensandum, rehabilitandum, etc. Item ad condonandam obligationem restitutionis ob horas neglectas, ad commutandum onus recitationis horarum, eligendum confessarium, etiam pro reservatis; transeundum ad aliam religionem, sive ordinem (pro utroque foro) etiam post apostasiam à suo.

204. — « *Resp. 2. In formulis frequentioribus ipsius Brevis apostolici verba*, quæ substantialia continent, et difficultatem habent, sunt hæc:

« *Si est ita: vel quatenus si ita est: Quorum sensus est*, si preces veritate nitantur, præsertim tempore datarum litterarum apostolicarum. Requiritur autem veritas rerum narratarum, principaliter quoad essentialia facti, v. gr. affinitatem esse contractam, incestum commissum, et actum,

« sive tractatum esse de matrimonio: (intellige perfecte; ita
 « ut in id utrinque consentiant), et periculum revelationis,
 « ac scandalum imminere. Secundario autem requiritur, quoad
 « accidentalia, v. gr. bona fide actum esse, et similia, quae
 « tantum sunt implenda, et sine quibus nihilominus con-
 « ceduntur tales dispensationes: unde, et si in his, vel in
 « aliis parvi momenti sit erratum in petitione, gratia nihil-
 « omius est valide. Vide *M. Leon.* p. 2. f. 226 et p. 3. f.
 « 391. » (Vide hic *Bullam Bened. XIV.* l. 6. n. 1131.).

« 2. Si periculum imminet revelationis. Ad hoc enim, ut
 « subsistat dispensatio, requiritur ut sit periculum, ne reve-
 « letur impedimentum (intellige, quando id in formula expri-
 « mitur): si non subsequatur matrimonium, docet *Mars. Leo*
 « p. 2. f. 250. Periculum autem hoc non impartire neces-
 « sariam detectionem, sed tantum probabilem, et moralem
 « credulitatem, futurum, ut si resiliatur à matrimonio con-
 « trahendo, et hujus causae assignari non possint, ex velle-
 « menti suspitione, et curiosa inquisitione detegatur. (Vide l.
 « c. f. 235.)

« 3. Et scandalum. Quo nomine intelligitur gravis infam-
 « ia, ex qua deinde sequantur contentiones, minae, pugnae,
 « etc. *Leo* f. 230 et 317.

« 4. Ut dicta muliere de nullitate prioris consensus cer-
 « tiorata, etc. Clausula haec est substantialis, ut nimirum,
 « si dispensandum sit in impedimento dirimente, cum quo
 « matrimonium contractum fuit in facie Ecclesiae, conjux igno-
 «rans illud impedimentum fiat certa de nullitate prioris sui
 « consensus, et novum, validumque liberè praestet (ita tamen
 « ut in cognitionem occulti impedimenti non veniat.) *Leo* p.
 « 251. *Diana* p. 8. t. 3. r. 110. Sufficit autem, ut istum con-
 « sensum praestent inter se secretò, nemine praesente, per
 « verba vel signa sufficientia, v. gr. copulam maritali affectu.
 « Neque debet executor dispensationis eos coram se, et tes-
 « tibus iterum copulare. *Leo* p. 332. » (Vide dicenda l. 6.
 « de matrim. n. 1115.)

« 5. Postquam dicto sacerdoti, si nondum satisfecerit. Verba
 « haec solent esse in facultate absolvendi ab excommunicatione,
 « v. gr. ob percussione[m] clerici: et important condi-
 « tionem prius satisfaciendi parti laesae, quam possit absolvere,
 « hoc est, compensandi injuriam, expensas et omnia damna,
 Tom. I.

» quæ ob percussionem illam incurrit, quorum æstimatio
 » committitur executori dispensationis : neque ab ejus obli-
 » gatione liberatur percussor per hoc, quòd percussus inju-
 » riam remiserit. *Vide Leon. p. 382, 384.* Si autem non possit
 » in præsentì satisfacere, sufficit, si juratus promittat, se
 » facturum, cùm primùm poterit.

205. — « Resp. 3. Circa praxim, sive executionem hujus
 » dispensationis, hæc facienda :

» 1. Litteræ sacræ Pœnitentiariæ diriguntur ad oratorem,
 » hoc est ad ipsum, qui dispensationem per se, vel alium
 » petiit, qui non debet eas resignare, sed eligere confessa-
 » rium talem, quali inscribuntur, qui eas sibi ab oratore
 » tradita resignet, legat, et deinde cum eo secundum com-
 » missionem dispenset. Licet verò quocumque casu ab alio
 » aperiantur, non idèò carent effectu. *Salas, Dian. p. 8.*
 » t. 3. r. 103.

» 2. In confessario hoc requiritur : 1. Ut sit approbatus ab
 » Ordinario territorii, in quo dispensaturus est. 2. Ut sit
 » magister, sive doctor in theologia, vel jure canonico ;
 » promotus in academia, vel religiosus habens privilegium,
 » quale concessit *Gregorius XIII.* anno 1582. confessariis
 » Societ. Jesu, quos Generalis, vel alius superior de ejus
 » licentia ad id designarit. 3. Ut specialiter ad hoc sit electus
 » ab oratore, hoc est, ab eo, cum quo dispensandum est :
 » qui tamen semel electum, nisi deprehendat ignorantem,
 » mutare non potest. *Leo f. 22. Dian. p. 8. t. 3. r. 104.*
 » Contrarium tamen docent *Sanch. et Perez de matr. d. 48.*
 » sect. 5. n. 7.

206. — « 3. Confessarius ad id electus 1. debet dispensare
 » in ipsa confessione, vel saltem immediatè post. *Dian. p.*
 » 4. t. 4. r. 7. *Leo p. 1. f. 54 et 28.* 2. Debet causæ cognitio-
 » nem, quando ea in Brevi exigitur, essentialiter præmit-
 » tere per diligens examen pœnitentis, nisi habeat antè per-
 » spectam : quia non est merus executor, sed judex, cui
 » delegatur potestas dispensandi. 3. In ea debet credere illi,
 » etiam sine testibus, et juramento, nisi aliunde sciat esse
 » falsam ; tunc enim dispensare non debet. *Leo, Diana p. 8.*
 » t. 3. r. 108. 4. Opera in ipso Brevi præscripta, etsi possit mode-
 » rari, non tamen condonare potest. 5. Etsi non præscriban-
 » tur certa verba ad dispensandum, debet tamen servare

» formam à Rituali Romano probatam, et post verba ista,
 » *Absolve te à peccatis tuis*, addere: et eadem auctoritate
 » *declaro te in dicto matrimonio manere, et debitum conjugale reddere posse, et debere: necnon dispenseo tecum, ut idem debitum etiam exigere licitè valeas. In nomine Patris, etc.* Si verò sit absolvendus ab excommunicatione,
 » *vide formulam l. 7. n. 116. 6.* Absolutà dispensatione, debet
 » lacerare litteras, præcipuè sigillum, ita ut ad probandum
 » servire non possint, aliàs incurrit excommunicationem majorem, *Leo f. 239.* Laceratio tamen ista non est de substantia: quia tantum intenditur, ut non suffragentur in foro externo. 7. Nullo modo debet attestationem dispensationis factæ, neque ipsum Breve, seu diploma reddere, cum pro solo foro conscientie debeat servire. 8. Nihil debet accipere, ne viâ quidem compensationis pro dispensatione etiam pro foro externo facta: ideò enim inscribitur, *gratis ubique*. Aliàs incurrit ipso facto excommunicationem majorem. *Gavant. Dian. l. c. ex declarat. Cardin.*

Ex dictis resolvuntur sequentes casus:

207. — « 1. Confessarius pro hac dispensatione eligi non potest qui tantum est doctor ordinis, vel professor, vel licentiatus theologiæ; quod enim hic in favorabilibus veniat nomine doctoris, tantum intelligitur de iis, quæ ratione exercitii, non quæ ratione dignitatis committuntur. *Leo p. 1. f. 21. Dian. p. 4. t. 4. r. 41.*

« 2. Ex privilegio Soc. Jesu concesso, alii etiam mendicantes eligi possunt, ob communicationem. Debent tamen tam hi, quam isti specialem ad hoc habere facultatem à suis superioribus: aliàs dispensatio erit nulla; ita *Auct. cit.*
 » Et patet ex dictis.

« 3. Confessor debet ita examinare poenitentem, ut cognoscat, et quidem distinctè, merita causæ, possitque inter ea discernere: ideò enim inscribitur *viro discreto*. Præcipuè autem debet inquirere, an preces nitantur veritate, quia gratia non conceditur simpliciter, sed sub conditione, ideoque solet addi clausula: *Quatenus si ita est: vel, si ita esse repereris. Vide Auct. cit.*» (*Vide de matrim. l. 6. n. 1151.*)

« 4. Is, qui dispensationem petit, debet executori ad id

- » electo confiteri : nec sufficit antè ei confessum fuisse. Patet
- » ex dictis. *Leo f. 28. Dian. p. 4. t. 4. r. 71. Reg. Pont.*
- » contra *Sanch. Salm. Perez, Palaum*, quorum sententiam
- » non ampliùs esse probabilem docent *Fill. Escob. Lezan.*
- » *Dian. l. c. et p. 8. t. 3. r. 103.*

208. — « 5. Commissio hujus dispensationis non expirat
 » morte Pœnitentiarîi concedentis, re integrâ : quia est gratia
 » non facienda, sed facta in favorem oratoris, cui jus quæsitum
 » est; et executor est dispensator necessarius, si quidem
 » preces nitantur veritate. Neque etiam morte Pontificis, tum
 » ob rationem allatam, tum quia officium majoris Pœniten-
 » tiarîi non expirat morte Pontificis. *Dian. p. 8. t. 3. r. 89.*
 » *ex Suar. Sanch. Garc. etc. contra Navar. Bon. etc.* »

INDEX

CAPITUM ET DUBIORUM,

CUI ANNECTUNTUR OMNIA SUMMARIA,

Quæ singulis capitibus et dubiis apponuntur, ut simul hæc præ oculis habeantur cunctæ res et quæstiones, quæ in primo volumine continentur.

Littera A denotat librum, n numerum marginalem, v versiculum.

<i>Monitum Editoris ad Lectorem.</i>	<i>pag. 1</i>
<i>Monitum Auctoris ad Lectorem.</i>	<i>XIIJ</i>
<i>Dedicatio Operis S. Alphonsi de Ligorio, Benedicto XIV Pont. maximo.</i>	<i>XVIJ</i>
<i>Decretum S. C. R. super revisione et approbatione operum moral., ascet. et dogmat. S. Alphonsi.</i>	<i>XXIJ</i>
<i>Consultatio Emin. ac Rever. DD. Cardin. Pœnitentiario majori.</i>	<i>XXIV</i>
<i>Dissertatio prolegomena F.A. Zachariæ ad Alphonsi de Ligorio theologiam mor.</i>	<i>XXVIJ</i>

LIBER PRIMUS.

TRACTATUS I.

DE CONSCIENTIA.

CAPUT I.

Quid conscientia, et quotuplex, et quænam sequenda. *pag. 1.*

1 De regula remota, et proxima actuum humanorum.

2 De conscientia et synderesi.

5 De conscientia recta et erronea.

Tom. I.

- 4 *De eo qui sequitur conscientiam vincibiliter erroneam.*
- 5 *De eo qui sequitur conscientiam invincibiliter erroneam.*
- 6 *An sic operans meritum acquirat in operando.*
- 7 *Respondetur objectioni adversariorum.*
- 8 *An detur conscientia invincibiliter erronea circa præcepta naturalia, remissivè ad n. 169.*
- 9 *De eo qui putat erroneè desiderium malum non esse peccatum.*
- 10 *De conscientia perplexa.*
- 11 *De conscientia scrupulosa. Signa scrupulosorum.*
- 12 *Remedia, et præsertim obedientiæ.*
- 13 *De periculo scrupulosi qui non obedit.*
- 14 *De regulis generalibus assignandis.*
- 15 *Quomodo confessarius gerere se debet cum scrupulosis, qui timent assentiri cuilibet pravæ cogitationi.*
- 16 *Quomodo cum iis, qui semper dubitant de confessionibus præteritis.*
- 17 *Quomodo cum iis, qui in omni actione peccare formidant.*
- 18 *Quid de iis qui operantur cum actuali timore.*
- 19 *Scrupulosi non peccant scrupulos vincendo, quin illos priùs deponant.*

CAPUT II.

De conscientia dubia.

pag. 12

- 20 *Quænam sit conscientia dubia: quodnam sit dubium positivum, et negativum.*
- 21 *Quodnam dubium speculativum, et practicum.*
- 22 *Numquam licet operari cum conscientia practicè dubia.*
- 23 *De eo qui scit aliquid esse malum, sed dubitat, an sit grave, aut leve.*
- 24 *Quid debeat agere, qui est practicè dubius.*
- 25 *An liceat operari cum conscientia speculativè dubia.*
- 26 *De pluribus principiis reflexis ex quibus formari potest conscientia practicè certa.*
- 27 *De lege dubia, vel dubiè promulgata; et de lege certa dubiè abrogata.*
- 28 *De voto dubiè emisso, et de voto certè emisso, et dubiè impleto.*

- 29 *Quid de eo, qui judicat, probabiliter implēsse votum.*
30 *Quid, si quis opus voti jam præstitit, sed voti immemor.*
31 *An subditus teneatur obedire superiori in re, quæ est dubiè mala. Vide n. 100 et l. 5. n. 47.*
32 *Dubia de diversis rebus.*
33 *Quid in dubio de valore matrimonii, remissivè ad l. 6. n. 903. et 904.*
34 *Quid in dubio de solutione, si debitum est certum.*
35 *Quid in dubio de debito, si quis rem possidet bona fide.*
36 *Quid, si contra possessorem urgeat ratio probabilis, et nulla pro ipso.*
37 *Quid, si possessor, superveniente dubio, neglexerit inquirere veritatem.*
38 *An possit Eucharistiam accipere, qui dubitat, an aliquid cibi vel potus deglutiverit.*
39 *Quid, si dubitat, an deglutiverit ante vel post mediam noctem.*

CAPUT III.

De conscientia probabili.

pag. 24

- 40 *Quæ sit conscientia probabilis, quotque enumerentur diversæ probabilitatum species.*
41 *Quænam sit probabilitas facti, et quænam juris.*
42 *Numquam licet uti probabilitate facti cum periculo damni alterius.*
43 *Quamnam opinionem sequi teneamur in materia fidei.*
44 *Quamnam opinionem sequi debeat medicus.*
45 *An possit uti remedio minus tuto.*
46 *Quid, si desperatur de salute infirmi.*
47 *Quamnam opinionem debeat sequi iudex.*
48 *Quamnam minister in collatione sacramentorum.*
49 *Quid si adsit necessitas.*
50 *An liceat uti opinione probabili quoad contrahendum matrimonium, et quoad jurisdictionem confessarii, casu quo præsumitur suppleri ab Ecclesia.*
51 *An quod dicitur de administratione sacramentorum circa usum sententiæ tutæ, idem dicendum sit de susceptione sacramentorum.*

- 52 *Quid si venator dubitat, an animal ferendum sit fera, vel homo.*
- 53 *An liceat uti opinione probabili probabilitate juris. De opinione tenuiter probabili.*
- 54 *De opinione probabilissima.*
- 55 *Usque ad n. 90: DISSERTATIO de usu moderato opinionis probabilis seu*

MORALE SYSTEMA

- pro delectu opinionum, quas licitè sectari possumus. pag. 32
- COROLLARIUM PRIMUM. Lex dubia non obligat. pag. 48
- COROLLARIUM ALTERUM. Lex incerta nequit certam inducere obligationem. pag. 70
- MONITUM. In quo exponitur Decretum S. C. Generalis Inquisitionis Romæ conditum an. 1761, circa usum opinionum probabilium. pag. 96

TRACTATUS II.

DE REGULA EXTERNA ACTUUM HUMANORUM, SCILICET LEGE.

CAPUT I.

DE NATURA, ET OBLIGATIONE LEGIS IN GENERE.

- DUB. I. Quid sit lex, sive præceptum. 107
- 90 *Quid sit lex.*
- 91 *Quis ad eam teneatur.*
- 92 *An lex iniqua obliget.*
- 93 *An in dubio de justitia, teneamur lege. (Vide etiam n. 99. et fusiùs l. 4. n. 617.).*
- 94 *An leges latæ à tyrannis obligent.*
- 95 *An obliget lex non promulgata.*
- 96 *Quid notandum circa promulgationem legis.*
- 97 *Quid circa legem dubiam. Et in dubio an lex existat. An adsit causa excusans. An lex sit promulgata. An usu recepta.*
- 98 *Quid in dubio, an superior sit legitimus. Et an excedat suam potestatem.*
- 99 *Quid in dubio an lex sit justa. Vel an lex præcipiat. Vel an eam impleveris.*

100 *An lex humana possit præcipere actus internos. Et an prohibere externos occultos.*

DUB. II. Quotuplex est præceptum. pag. 120

101 *Præceptum dividitur 1. in affirmativum, et negativum.*

102 *Dividitur 2. in naturale, et positivum.*

103 *Præceptum autem positivum dividitur in præceptum divinum et humanum.*

104 *Quinam possint ferre leges. An reges, et respub., An Papa. An concilia. An Episcopi, synodus, et capitula. An abbatissæ.*

105 *Quid comprehendat lex canonica, et civilis. Decretalia, sive declarationes pontificiæ, an indigeant promulgatione, num. seq. (Vide etiam l. 4. n. 1027. v. Hinc dicimus.)*

106 *An declarationes S. Cong. et decreta Rotæ habeant vim legis. An leges civiles obligent in conscientia.*

107 *DE CONSUETUDINE. Et quæ conditiones requirantur ad statuendam consuetudinem.*

108 *De effectu consuetudinis. Et quid si à lege reprobetur.*

109 *Quid, si consuetudo à lege revocetur.*

110 *DISSERTATIO de potestate Pontificis; usque ad n. 135.*

DUB. III. *An vis, et substantia legis positivæ dependeat ab acceptance communitatis.* pag. 172

136 *An obliget lex non acceptata.*

137 *Quid, si lex à majore parte populi non accipiat. Quanto tempore præscribantur leges.*

138 *An peccent legem non acceptantes. Et an lex pendeat ab acceptance populi. Quid circa leges pontificias. Quid circa civiles.*

139 *Quid, si lex sit ardua, vel abrogata, vel si major pars eam non receperit.*

DUB. IV. *An præcepta etiam humana obligent sub peccato, et quali.* pag. 176

140 *An legislatores humani possint præcipere, et quot conditiones requirantur, ut lex obliget.*

141 *An superior possit præcipere rem levem sub culpa gravi.*

- 142 *An res levis fiat gravis per circumstantias, præsertim contemptus.* (Vide etiam l. 2. n. 61. et l. 5. n. 161. v. *Quarta.*)
- 143 *An res gravis possit præcipi sub levi.*
- 144 *Quando præsumatur lex obligare sub gravi.*
- 145 *An lex pœnalis obliget ad culpam.*
- 146 *Quid de lege sub pœna suspensionis, etc.*
- 147 *Quid, si lex assignet pœnam, et simul præcipiat.*
- 148 *An incurratur pœna ante sententiam.*
- 149 *Quid de pœnis positivis, et inhabilitantibus.*
- 150 *An pœna conventionalis solvi debeat ante sententiam.*
- 151 *An lex irritans actum carentem solemnitatibus obliget in conscientia.* (Vide etiam l. 4. n. 711. et 927.)
- 152 *An teneamur tollere impedimentum obstands implectioni legis.* (Vide etiam l. 4. n. 1045 et 1046).

CAPUT II.

DE SUBJECTO CUI DATUR PRÆCEPTUM.

DUB. I. Quæ personæ præceptis obligentur. pag. 183

153 *An ad leges obligentur ebrii, infideles, ignorantes, etc.*

154 *An legislator teneatur ad legem.*

155 *Quando pueri obligentur ad leges ecclesiasticas.*

DUB. II. An peregrini teneantur legibus sui domicilii, dum ab eo absunt? pag. 186

156 *An peregrinus teneatur ad leges loci ubi est.*

157 *An teneatur, ad leges patriæ. Deinde ponuntur resolutiones plurium casuum.*

158 *An cum peregrinis possit dispensari ab Episcopo loci in legibus, et in votis.*

DUB. III. An peregrini, et vagi teneantur præceptis locorum, in quibus morantur? pag. 193

DUB. IV. An peregrini teneantur præceptis juris communis, si non sint in usu in loco, ubi morantur? pag. 194

CAPUT III.

DE MODO QUO OBSERVANDA SUNT PRÆCEPTA.

- DUB. I. An debeant impleri ex charitate. *pag. 193*
 DUB. II. An ad impletionem præceptorum requiratur intentio iis satisfaciendi. *pag. 196*
 DUB. III. An satisfaciat præcepto, qui faciens opus, expressè intendit per illud non satisfacere. *pag. 197*
 DUB. IV. An ad impletionem præceptorum requiratur intentio, seu voluntas faciendi id quod præceptum est. *p. 198.*
 DUB. V. An duplici præcepto, uno actu, vel diversis actibus eodem tempore possit satisfieri. *pag. 199*
 DUB. VI. An qui uno actu violat plura præcepta, committat plura peccata. *pag. 200*

CAPUT IV.

QUÆ EXCUSENT A TRANSGRESSIONE PRÆCEPTI.

- DUB. I. An ignorantia excuset. *pag. 201*
 168 *An ignorantia invincibilis excuset.*
 169 *An detur ignorantia invincibilis etiam circa præcepta juris naturæ. (Usque ad n. 173.)*
 174 *An ignorantia excuset à pœna annexa legi.*
 DUB. II. An metus excuset. *pag. 226*
 DUB. III. An excuset impotentia totius, vel partis. *pag. 227*
 DUB. IV. An excuset dispensatio. *pag. 228*
 178 *An excuset dispensatio facta ex justa causa. Quid si sine causa.*
 179 *An existente causa, teneatur Superior dispensare.*
 180 *An valeat dispensatio inferioris. (Quid si dispensatio ab inferiore facta sit bona fide, sed sine causa. Vide lib. 4. num. 251.)*
 181 *An existente justâ causâ valeat dispensatio facta malâ fide Superioris.*
 182 *An in dubio dispensatio censeatur valida.*

- 183 *An quis possit dispensare cum seipso. (Vide l. 4. n. 256. v. Quæritur.)*
- 184 *An valeat dispensatio extorta per vim, aut metum.*
- 185 *Quid si causa exposita fuerit falsa.*
- 186 *Vide alios casus.*
- 187 *An dispensatio strictè accipienda. Et an detur dispensatio tacita.*
- 188 *De iis qui possunt dispensare de potestate ordinaria.*
- 189 *Num Papa in præceptis divinis.*
- 190 *Num Episcopi, et in quibus.*
- 191 *An inferior dispense in legibus superioris, ubi dispensatio non est reservata. (Vide etiam l. 4. n. 397. v. Quod ad.)*
- 192 *Quid in dubio, an casus egeat dispensatione.*
- 193 *Quid de potestate delegata. Et an hæc expiret morte concedentis.*
- 194 *Quando prælati regulares possint dispensare. (An abbatissæ possint dispensare. Vide l. 5. n. 53.)*
- 195 *Quot modis cesset dispensatio.*
- 196 *Quomodo cesset I. per cessationem causæ.*
- 197 *Quomodo II. per revocationem dispensantis.*
- 198 *Quomodo III. per renuntiationem dispensati.*
- 199 *I. An cesset lex cessante fine legis. Quid circa libros prohibitos.*
- 200 *II. De interpretatione legis. (Interpretationes authenticæ an indigeant promulgatione. Vide n. 106. et l. 4. n. 1027. vers. Hinc dicimus. An lex extendi debeat de casu ad casum.)*
- 201 *III. De epikeja legis.*
- 202 *Appendix Busembai de dispensationibus S. Pœnitentiariæ, usque ad n. 208. pag. 251*

